

The image features a vibrant green fern frond, likely a fiddlehead, positioned in the upper half. The frond's intricate, feathery structure is rendered with fine lines and shading, giving it a three-dimensional appearance. The background is a dense, stippled green texture that complements the fern. A dark green horizontal band spans the width of the image, containing the text 'ΠΑΡΜΑ ΤΟΡ' in a white, serif font.

ΠΑΡΜΑ ΤΟΡ

ПАРМА ГОР

Литературно-
художественной
гижӧд чукӧр

Висьтъяс
Повесть
Кывбуръяс
Ӧти важ висьт-поэма
Ӧти акта пьеса

Сыктывкар
Коми книжной издательство
1984

84.3КО.
П.18.

Художник Е. С. Холопова.

- П.18. **Парма гор:** Литературно-художественной гижод чукор. Висьтьяс, повесть, кывбурьяс, оти важ висът-поэма, оти акта пьеса.— Сыктывкар: Коми книжной издательство. 1984. 256 л. б.

Уна гижысьлби тайб отувья книгаб пырисны висьтьяс, повесть, кывбурьяс, оти акта пьеса. Книгасб артмодисны гижодтьяс медвойдөр налби, кодъяс эз на вевъявны вождчыны торъя ашөр книгабдз, но кодлөн творчествоыс ёнакодъ нин тыдалана, сбвмб-быдмб. Издательство лыддис коланабн сюйны книгаб гижбдьясб и налысь, кодъяс томби-бурби кувсисны, эз удитны лбсьбдны ассыныс медводдза книга (А. Тимушев, В. Шевелев, А. Изъюров, А. Пальшин).

Издательство и водзб вылб кутас лэдзавны котыра гижбдьяслысь отувья книгаяс.

84.3КО

К $\frac{0743 - 066}{M 128(03) - 84} 30 - 84$ м

АЛЕКСАНДР ЛУЖИКОВ

СЁ СИН

Сё син... И ставыс меным воча,
Сё син... Мен висьталёны мый?
Ёд гөгөрвоан найёс шоча,
Он быдёнлысь тэ мөвпсё кый.

А сьёлём пессьё. Ассьыс ин
Оз, оз тай морёс кудйын аддзы.
И мелань дзоргёны сё син —
Сё пёлёс ног: и сідз, и тадзи.

* * *

Берба-балялён еджыд гён
Водё ньёжйёник чужём вьлё.
Войтва тёпкё, и мыла звён
Ловзьём сынёдас юракылё.

Берба паськөдө воча сыв.
Сылы, доналы, сэтшөм лёсьыд,
Бытьё сералысь авъя ныв,
Сийё окалё менё пёся.

ГУДӨКАСЬЫСЬ

Кодкё гудёкөн ворсё,
Ворсё лайкйөдлігмоз.
Мыла гудёклысь горсё
Кывзё мөдлапөв коз.
Кодкё гудёкөн ворсё.
Кьдзлён гоньласьё йыв,

Лэптё едждөдөм сорсё
Небыд юрсиа ныв.
Кодкё гудёкөн ворсё...
Кутшөм ворсысь нё сэн
Ассьыс ливкйөдланторсё
Сийё тэныд и мен?

ГОРТӨ

Туйыс багыль да-й чукльөдө ёна.
Ме кё верми, дерт, бергөдчи эськё,
Чужан сиктысь кё сьёлём эз тэськав,
Кытчө вола ме өтиысь вонас.

Менам местаын кодёскё, гашкё,
Муөдз нюкыльтас выныштчөм тёлыс.
Ме жё ньёжйёник потшөсьяс пёлён
Шоныд бияса гортланьё кашка.

ДОНАЛЫ

Кисьтö югöрсö тöлысь, кисьтö,
Лöня югзьöдö кок ув юж.
Тэ вай, кызд пуй, меным висътав,
Мыйла мичмöдö тэнö пуж.

Тэ вай шоныдöс мыйöнкö вöзйы,
Йöктышт, донай, мекöд тан,

Зарни киньясөн медым öзъяс
Еджыд бöж дора сарапан.

И ме тэ динö бара вола,
Сöмын югöртö лöня кисьт.
Менам сьöлөмлы ёна колö
Тэнад шöпкөмысь сöдзöм висът.

* * *

Кор рытив вылын алöй вöнь,
Сидз пöртмасигтыр, ньöжйö кусö,

Да лысва кötöдыштö мусö,
Сэк сьöлөм вылын менам лöнь.

КОЗ

Пөрöма туй бокö коз.
Чегöма, буракö, тöлыс.
Сэтöни уръяслөн поз
Кольöм во гожöмнас вöли.

Отчыдысь син улын дыр
Зэрысь ме дзебсяси-олі.
Мед эськö тэ эн на быр,
Коз пуй, миян на колін.

МЫЙЛА ВИДЗ ВЫЛАС КЕЛІ

Мыйла бара татчö келі-а?
Сьöлөмöй мед лөнö?
Гашкö, сы вöсна, мый меліа
Тöлыс гартчö вөнён.

Гашкö, сы вöсна, мый видз вылыс
Сэтшöм небыд шыа.

Гашкö, сы вöсна, мый тöланыс
Кызлы кöса кыö.

Гашкö, сы вöсна, мый збой чиркыс
Дзоридз пиын йöктö.

Гашкö, сы вöсна, мый сьöлөмöй
Тадз нин меным тшöктö.

* * *

Арся пуяс вылын — тувсов
бериньяс
Мичмөдоны вөрлысь чужөмбансö.
Öзим муяс вылын йирсысь
мериньяс,
Чаньяс сэни вильшöдлöны мамсö.

Кутшöм ыбъяс вылын помтöм
зорöдъяс
Вошöмаöсь гартчысь лөз ру пиö.
Котöрта төв паныд... Сэсся
горöда...
Гожөм помлы öвтча зарни киөн.

ГОЖСЯ РЫТО

Чужомбанос шонді оз нин сот.
Эжва дорса дзоридзьяс лайков,
Унмовсигмоз, руалыштö тайкö.
Дозмör серөн мичмö енеж от.

Мамыс бокын йирсысь еджыд
чань.
Гоньйöдлыштö юрнас, бöжнас
öвтö.
Копрасигтыр лысва войтъяс көвтö
Еджыд юра унзиль бобöнянь.

КОРÖСЬ ВУНДÖМ

Вундам воккöд ыбьяс дорысь
Небыд корöсь.
Сэсса гортлань ыджыд нöбийөн
Көркö, мöдам.
Тэчысь кайöс — öшлам сёрйö.
Косьмас корйыс.

Кöдзыд төвнас пывсян ломтам —
Лы-сьöм шонтам.
Апалыштам корöсь дуксö
Сийö здукас.
Казьтыштам тшöтш сэки вöрсö,
Гожём шöрсö.

АРСЯ ЗВÖН

Арся звөн.. Став пипу раскыс зельгö.
Мыла звөн... Куш кылö тили-толь.
Кыз быттьö лывкйöдлiгмоз дзольгö
Нач пуяс йывсянь лэччысь зарни ёль.

Мед тельгас пипу раскыс лöня,
Мед личкас вöрсö төвся ун.
А тайö, некор оръявлытöм звöныс
Дзик праздник кодьөн вöчö арся лун.

* * *

Кор ми мөдöдчам чой-вок чукöр
Корсьны ассыным шуда мег,
Мам-бать чужомö содтöд чукур
Көть ог көсий, а содтам век.

МӨДӨДЧАН КӨ...

Мөдөдчан кө Эжава сайө,
Быдсөн бытгыө небзыштан.
Видзөдан, кыз шондї кайө,
Тувсов вөрнас любуйтчан.

Матыстчан кө кыз пу дорө,
Чөскыд көрыс кольмөдас.
Тулыс йылысь лөсьыд горөн
Колип гортад колльөдас.

* * *

Довга-лэчча Эжава дорө.
Лысва мыськө көмтөм кок.
Мелі шондї синмөс ёрө.
Дзими-дзуки гөгөрбок.

Мойдын мозын кодкө керис
Эжава вомөн мегыр — пос,
Көть и таодз сувтсөн зэрис,
Рытнас гөгөр лоё кос.

ЫЛІ ВӨЛӨКӨ

Менө ылөдіс... Коді, коді?
Ачым ылалі? Верми, верми...
Көть и шондїа вөлі — зэрмис,
А ме вөлөкө петі подөн.

Вөлөк лэбулыс вывті ылын...
Юр весьт кымөрыс зэрө-й, зэрө...
Менам пөсялөм чужөм вылын
Курыд зэр войт нин мыйкөкерө...

КОПЫР

Копрасьёны меным
Еджыд катшасинъяс.
Видзөдөны мелань
Вильшасяна синмөн.
Копрасьёны меным...
Вөсньыдик кыз пуяс,

Индөны мен бытгыө
Водзө мунап туйөс.
Копрасьёны меным...
Көсий сөмын шуны...
Сөмын кор нө водзөс
Ассым копыр нуны?

ПИНЯЛІСНЫ ЙӨЗЫС

Пинялісны йөзыс помасьлытөг менө.
Дөжналө тшөтш помтөг весиг мам.
Пырөдчан пө отырышья венө,
Овнытө пө абу тэнад сям.

Абу тэнад олөмлөн пө сюрөс,
Кок улад пө тэнад зыбуч нюр.

Тайб здукб лэдзла лөня юрбс,
Вочавидзны өти кыв оз сюр.

Сайкала кор, мыжбс ассым кыла,
Мыйла эськб овнысб ог куж?
Но бд сбмын лбня олбм вылб
Дзоридзалысь свет вылас эг чуж...

* * *

Нбль во сайын сиктысь муні.
Вблб сэки сентябрь лун.
Муні, муні... Сиктбй вуні,
Му пырыс кбть мун!

Олбм шбрас воши бытбтьб.
Воши, сиктса морт...

Мамб, гашкб, весиг лыддбь
вунбдб ме горт.

Висьтасьны вот эськб колб,
мый ме век на ас.
Да вот сбмын ачым пола,
код нб веритас?

* * *

Қадыс сотчб. Мамбн сетбм сьблбм биным
нбжбйбникбн кусб, воштб вынсб.
Мед жб эськб судзис мяян киным
кбсьбмторлысь вбчны кбть нин джынсб!

ЁРТЛЫ

Кутшбм стрбг тэ лоин,
Кызь кыкб кор воин.
Видзбдласыд чорыд,
Зэвтбма вом дорыд.

Аддза кор ме тэнб,
Жарб койб менб...
Стрбглунсб тэд тайбс
Олбмыс кысь вайис?

СТРАДНА

Батбь ытшкб со, ытшкб.
Ме нин жуялб дзикбдз.
Морбс пань улын бытшкб,
дзикбдз вои ме пикб.

Мыйта вынбйбр да эббс
колб мускульяс пытшкад,
медым туруныс лэбис,
гбрбуш косабн ытшкиг!

ЕДЖЫД ЮСЬ

Мичаён да нерён юсьлы
колё лоны нэмыс.
Вуджөр моза сылы усьлё
абуыс и эмыс.

Нэмыс сылы няйткөд, сьөдкөд
венласьны пыр лоё.

Муөдз копыртана сьөкта
бордьяс вылас воё.

Та вёсна и колё лоны
вынаён да ёнён.
Еджыд юсьён медым воны
олёмыслён помё.

АВГУСТ

Зэрё, зэрё.
Көдзыдён көть өвтё,
Сектса йёзыд сёрөдз на оз вод.
Сырса вылё турун лоё чөвтны.
Он кө мырсыы —
Гажлуныд оз сод.

Август воис.
Ывла вылын руа.
Асья сиктлөн палялёма ун.
Водзлань, водзлань
Арся нырён нуё
Тёрытьяысь дженьыдджык нин
лун.



Александр Михайлович ЛУЖИКОВ чужис 1963 воын Пожег сикт-ын (Кулөмдін район). Школа помалём бёрас велөдчис Сыктивкарса педучилищеын. Сэсся помаліс Литературной институтлысь первой курс. Служитё Советской Армияын, Гижны да печатайтчыны заводитіс школаас велөдчигөн на.

КЫВБУРӨН ДА ПРОЗАӨН ВИСЬТАСЬӨМ

МЫЙЛА ТОМЛУНӨЙ МЕНАМ ОЗ ВУН?

Рытъясын век водз ме гортö пыра,
Весиг шондi пуксьöмсö ог тöд.
Мыйла талун пукала сы дыра?
Мыйла талун лои эськö мөд?

Гашкö, уси дум вылам том кадöй,
Кодыр вöли сюсьлун, стать и мич,
Кор ми ветлим нывкөд льöм пу садйö,
Кор ме нывсö вошти, эг тай видз?

Гашкö, менсьым тувсов небыд тöлыс
Шонтис морöс, окалис, кыз ныв.
Гашкö, талун нывлысь кылi гөлöс,
Кодöс таөдз мыйлакö эг кыв?

Асьявылыс сöмын пыра гортö,
Кодыр йöзлөн палялö нин ун.
Мыйла эськö лои дзик мөд мортөн?
Мыйла эськö томлунöй оз вун?

КОМИ ВÖРАЛЫСЬ

Тöда, тэ водзвыв он ошйысь,
Лёксö тэ нинöм он шу.
Дась вылö некор он вошйысь,
Кыйтöг он йöзыслысь гу.

Мурталан пармалысь отсö,
Танi тэ быдлаын ас.
Тэныд и дозмöрыс котсö,
Тэныд и нюмдöма рас.

Овлö и, пармаын войман,
Овлö, и нинöм оз шед.
Овлö и, тöдлытöг дойман,
Понйыд тэд отсалас сэк.

Сьөлöмад ставыс тэн инмö,
Ёрт вöсна сетан кöть лов.
Бур вöчан — некор он нимъясь,
Дон вöзъя — шуан: «Оз ков».

ВӐРАЛЫСЬЛӐН СЫЛАНКЫВ

ВӐрсянь гортӧ
Кыссиян нортӧн.
Сьӧлӧм вылын долыд мем.
Мый кӧть тошка,
Гӧтыр ошкас —
Вая кыйдӧс, ноп тыр эм.
Шуас сэки:
Дыр жӧ ветлін,
ВӐрса олысь, дона морт.

Тэнад вӧрыс —
Сьӧлӧмшӧрыд,
Вунӧдін дзик ассыд горт.
Пывсян ломтас,
Бура шонтас
Менам кисьмӧм, мича оз.
Сылӧн сывйысь,
Мелі кывйысь
Ланьта узысь парма моз.

ГАЖА НӐРЫСЫН

Татчӧ ме водзті эг волевлы: томджык, тыдалӧ, вӧлі, а, гашкӧ, и зверь-пӧткаыс матігӧгӧрыс унджык вӧлі.

Ачым ме — вӧралысь, Эжва йывтӧ, а торйӧн нин Вӧль пӧлӧнса парма-ягъястӧ вит чуньӧс моз тӧда. Бӧръя кадӧ чӧс туйясӧн сетчи Одыюлань. А Одыюыд — сійӧ абу нин Эжва йыв, визувтӧ Висерлань.

Сідзкӧ, водзӧ висьтала.

Тайӧ местаас ме первой веськалі во кум сайын. Вӧлі ар. Войвывсянь швичкисны чизыр тӧвъяс, быд асыв пужьявліс, посни юяс весьтын ӧшаліс ру... И воӧдчи ме тайӧ нӧрысӧдзыс да став мудзӧй вуні. Пукси колода вылӧ, мекӧд орччӧн понйӧй вӧлі. И кыкнанным ми чуймим: овлӧ жӧ вӧр-ваас татшӧм мичыс! Ог тӧд, тырмас-ӧ менам кывъясӧй, тырмас-ӧ сямӧй петкӧдлыны сійӧс тайӧ пасйӧдъясас. Но век жӧ босьтчыла.

...Вӧр-ваыс тані абу нин мян районлӧн — Нившерскӧй лесничестволӧн. Бадьӧльсксянь Одыбӧдз мунны кӧ веськыда, лоас верст сизимдас гӧгӧр. Буретш джын туяс кымын рытивыввлань, а сӧсса рытив-луныввлань зіля визувтӧ Одыю, а ськӧд орччӧн (косталӧ 7—9 километрӧн) тюрӧмунӧ сюсь да сӧстӧм Лымва — ичӧтик ю. Лымва да Одыю ӧтлаасьӧны Одыбсянь (Нившера сиктсянь) кывтчӧс, верст кум сайын.

Одыюлӧн эм неыджыд вож — Рытив-вож юӧн шусьӧ. Рытив-вож вомсяныс, Одыюлӧн шуйга берег пӧлӧныс мунӧмӧн, верст кум сайын Одыюлы ассыс васӧ сетӧ Кӧч ёль. Тайӧ Кӧч ёлыс верст нель визувтӧ Одыюкӧд орччӧн да кык ёль костас и лоӧ гажа нӧрысыс, мый йылысь ме талун пані тайӧ сӧрнисӧ.

Ме вуджи небыд нитшка егыр вомён, сэсса кайи дзик тёдтём яг вылө. И чуйми: мем кажитчис, волёмаось быттьокө татчө зиль козяйкаяс да гөгөр пелькөдөмаось-чышкөмаось сійөс. Видзөдлан яг пөлөныс — ылөдз-ылөдз тыдалө. Кок улад еджыд яла, оз тыдавыны пөрласьём, рудөдөм пуяс, оз быдмы посни вөр. Шыльыд, көнсюрө казялан ляпкыдик веж сёнъяс, быттьокө гажа нөрыссө юклөма мекаясөн.

И пожөмъяс, джуджыд пожөмъяс, пашкыр туганъяснас пыкөны енэжсө, парсалөны рудов кымөр пластъяссө. Эмось пө ылі лунвылын пальмаяс, увъясыс пө налөн сөмын туган йывъясас. Тайө пальмаяссө ме татысь аддзи — гажа нөрысысь. Найө вөліны мем матысаось — асланым зарни рөма пожөмъяс.

И кытшалісны тайө нөрыссө Одьюлөн да Көч ёльлөн эзысь ваясыс. (Арнад найө мичаджыкөсь, юяс рөмпөштанөн дзирдалө, синмасьө сөстөм ывлаыскөд).

Ме көсийи водзө мунны да жаль вөлі аслам паськыд кок туйясөн дзугны ялаыслысь еджыд ковёрсө. Шойччышті да век жө чеччи. Кыдзкө видзчысьөмөнджык восьлалі өти пожөмсянь мөдө. Воськавлісны мем неыджыд кушинъяс, и ас көсийөм серти син водзө сувтөдлі мичаысь-мича дворецъяс, кодъясөс коркө, уна вояс бөрын, стрөитасны татчө йөз, восьтасны уджалысь мортлы шойччанін, санаторий, өнія ногөн кө.

Пуяс костөдыс тыдалө Одьюлөн веськыд берегыс: сөмын вудж сэтчө, писькөдчы еджыд сарапана ичмонькыдзяс костөд ылі ягъясө, и козьналасны найө тэнө пувйөн-тшакөн, зверь-пөткаөн.

И гажа нөрыссянь ме лэччи Одью дорө. Важысянь нин төдса ськөд, и некор шензьөмөй оз бырлы сьлөн озырлунъяс вылө: чериыд тайө юас — пом ни дор, эзысь комъяс, аръявылыс татчө кайө чими...

Кольөм ар татчө бара на волі, эг өтнам — пикөд, петкөдлі сылы тайө Гажа нөрыссө.

— Вөр керка эськө татчө вөчны, — шуис пиёй, — мед туй йөз мудзсө веськөдасны.

Ошки ме сылысь мөвпъяссө, а морөсын гудрасис. Ме со висьталі Гажа нөрыс йылысь, а кымын татшөм нөрысыс вөвлі мян муын? Öні мунан сэті да сьөлөмыд доймөмөн-доймө: татшөм жө гажа ягъяссө пежалөмаось, жуглөмаось, парсалөмаось-гөрөмаось вөр лэдзысыяс. Мян эм ставыс, медым паныдавыны найөс парма-ягъяссө тшыкөдлөмысь: народнөй контроль, райфинотдел, лесничествояс, но мыйла найө миритчөны вөр-ва рөзөбитысьяскөд, мем ньөти

абу гөгөрвоана? Ме ог паныд сувт вөр лэдзёмлы, но ме косья адззыны, медым лесникьяс примитисны быд деянка, быд квартал, медым вөр лэдзысьяс деянка вывсьяс мунтөдз сотисны став увьяссө, петкөдисны став вөрсө, быд пу, эз видзөдны дженьыд али кузь сийө. Сэки тайө месаас вөрыс быдмас ещө мичаджык.

...Гажа нөрыс, тэ мем мусмин век кежлө. Неөтчыдысь на ме тэ ордө гөстьон вола, Гажа нөрыс!

КУЗЬМА ОРДЫН

Ранитчөм ош мунис пыр водзө. А сы бөрся вөтчыны аяпиалы отсалис арся небыд лымйис. Дерт, вөралысьяслы сюрис жө мудзыс: Öньө кольны мөдис басьсьяс да мөвпнас дась нин вөли пуксьыны лапья коз улө. Но бательон чукөстөмыс янөдыштис Öньөөс да сийө, медбөрья выньяссө зэвтөмөн, век жө суөдис басьсө.

— Мый лои, Öньө? Мудзин?— юалис бать пиыслысь.

Көсйис на шуны, эг пө ёна, но көкьясыс эз кывзысьны да ас төдлытөгыс пуксис лым вылө.

— Чеччы, пөсаявлөм бөрад кынман! Пырам ёль сьортасас да сэни мудзтө веськөдан.

Арся вөрлысь чөв-лөньсө шызыөдис черөн камгөм. Со и бипур öзийс. Öльөш дядь разис нопсө. А Öньө сэк кості узис.

Нем виччысьтөг ёль сайын кылис камгөм шы. Недыр мысти выльысь вөрыс сыркмунли. Öльөш босьтис черсө, петис ёль сьортысь да чер тышнас вартис кондаө. Кывзысьыштис: мөдар ёль боксянныс воча шы кылис. Душ-мөдысь тадзи клөнөдчисны. Медбөрын кылис гөлөс:

— О-о-о-о-о!

Öльөш воча жө горөдис. Неылын шпоркнитис вой улө узьмөдчысь сьөла да бытьө нерис: быть-быть-быть... Öльөш весиг скөрмис: сюран пө коркө да, ме тэно асьтө нера.

— Морт тай кылө көнкө. Бур морт кө, вудж ёльсө!— бара горөдис төдтөм гөлөс.

Öльөш чуксалис Öньөөс да найө вуджисны ёль сайө. Вөлөмкө, вөралысь, Джиянса Кузьма, неуна төдса на водзын вөвли. Сийө корис ая-пиаөс вөр керкаө шойччыны. Найө эз өткажитчыны: рөмдө нин ывлаис, а асланыс вөр керкаөдз 40 верст на колө мунны.

Шоныд керкаын Өнөө пыр жө и вугыртис. А олома вөралысьяс пукисны варовитны: өтиыс ас йывсьяс, модыс сідз жө ас вөралөмсө висьталө.

— А кызди ти татчө веськалинныд?— друг юалис Кузьма.

Өльөш виччысис тайө юалөмсө: вөралысьяс оз радейтны мод чөс туйөд ветлысьтө.

— Ошкөс ранитлим, а сийө пышйис. Со өни, сы бөрся вөтчигөн, тэнад чөс туйөдз воим,— эскөдөмөн вочавидзис модыс.

— Ош бөрся, шуан, вөтчан? А он пов: ошкыд өд водзөс вермө босьтны.

Өльөш дядь шайпаймуні: көсйис юавны, кызди, но вөралысь сийөс панйис.

— Дзик збыль, аскөд татшөм дивөыс лои. Во-мөд сыйын пикөд сідз жө ош бөрся вөтлысим. Первой өти бөрся: велалис чөс лэчьясысь гусясьны да. Сийөс кыйим. Сэсся мод кутис воыны. Со и пукталі ме ас вөчөм капкан. Митрей пиөс гортө шойччыны мөдөді. Сылы сөмын на 12 арөс вөлі.

Витөд суткинас, сөр рытын нин кыліс пищальөн дзенгөмыс. Ачым мөвпышти, мися, ошкыд шедіс. Мөд луннас муні да... Митрей куйлө.

Кузьма бара сос помнас чышкыштіс ас төдлытөг петысь синвасө да дугдіс висьтавны. Тыдалө, пиыс син водзас воис, горшыс гөрдзасис. Пестіс чигарка, өлөдыштіс асьсө да водзө висьтавліс:

— Видзөда: Митюкөс капканыд ош пыдди кыйөма, ко-саыд пельпомсяныыс пакөдзыс керыштөма. Та вөсна, со и шуа, мый ошкыд менсьым водзөс босьтіс.

Асывнас Өльөш ая-пиа прөщайтчисны Кузьмакөд да өттшөтш и ошкөд. Та бөрын сийө некор нин оштө эз котрөдлы, төд вылас кутис Кузьмалысь висьтсө.

ПИЯНА ОШ

Вөлі июль пом. Вөль ю катчөсын сулалісны нин зорөдыяс. Отавытштісны нин видзьяс. Небыд турунсө йирисны вөвьяс. Пөтөм бөраныс бузгысисны юө да вуджисны мөд-лапөвса лыа көса вылө, заводитісны туплясьны. Ичөт чаньяс чужйыштчылісны кокьяснаныс да быдсөн өшйылісны сынөдас.

Гажөдчөмсө заводитіс караулитны чалөй уж. Сувтіс бокөджык, медым быдтор кывны, лоны дасьөн, Сылысь

быттьо быд юкөн бура төчитома-шыльөдома. Мойдвывса Сивко-Бурко кодь.

Лья кōсасянь берегыс другөн крутаммис да заводитчис яг. Крут кыр йылас петисны ошпийн. Налы вōвъясыд кажитчисны дивō кодьон. Окота лэччыны вōвъяс дорō, но полōны, берегыс вывтī крут да. Исалисны-исалисны ошпийн сынōдсō да кōсийсны бōр, буракō, пырны ягас, но ōтиыс друг вольснитіс кыр йылас да турбыльтчис горув. Усиг-мозыс лēкгоршōн горōдіс.

Чалōй уж дрōгнитіс да гораа гōрōктіс. Ōти здукōн вōвъяс звиркнитісны-чеччисны. Эз тай налы ков плеть. Уськōдчисны юō, зіля уйисны гортлапōлō. Сōмын уж ньōв моз уськōдчис сьōд ēкмыльлань, быдсōн пельяссō ляскис бурьсь бердас. Ошпи дінын сійō шарк бергōдчис, чужийис бōр кокъяснас, но эз веськав. Сэсся, буракō, дзикōдз скōрмис, кватитіс ошпиōс шошаōдыс пиньяснас, лэптіс вылінікō да шыбитіс бужōдлань.

Тайō здукō кыр йылō петіс ош мам да лēкысь равōстіс. Уж шыбитчис юō. Сійō варччис ōдйō, весиг мышкыс эз саявлы ва улас.

Ош мам пиыс моз жō полис лэччыны джуджыд кырйōд. Ōтарō-мōдарō котралис да лēкысь равзис. Медбōрын аддзис жō ньывкōсін да лэччис.

Шудаōн на вōлōма ош мам. Пиыс вōлі ловъя. Сōмын няргис мамыслы. Уж пиньясыд мōрччōмаōсь, буракō. Мамыс нюліс пиыслысь дойяссō, сэсся вачкыштіс пиыслы лапанас: со пō тэныд кывзысьтōмсьыд. Та бōрын купайтис дона писō юас. Бōрынджык нуōдіс быдтассō бужōдлань. Мырдōн катōдіс писō крут кырйōдыс.

Кыр йылын ош вель дыр мōвпалис. Сэсся ветліс яг пытшкō да вайис вужлянас и сорōн мыр. Сувтис кыккок-йыв да шыбитіс вужлясō лья кōса вылō. Мырйис эз во лыа кōса вылōдз, сувтис сійō местаас, кōні вōлі караулитчō уж. Ош видзōдіс вужля вылō да ōтарō-мōдарō довкйōдліс юрсō. Сэсся видзōдліс мōдар берегса вōвъяс вылō да равōстіс мый вынсьыс, буракō, висьталіс: ме пō тані медся ыджыдыс.

Ме тайōс ставсō видзōді зорōд дорсянь. Буретш вōлі корся вōвъяссō,— помалис висьтсō конюк Игнат да сьōлōм-сяньныс содтис:

— Рам зверь, тыдалō, вōлōма. Вōвъяс та бōрын частō на волісны ягбокса видз вылас, Ошкыс эз полошитчы.

Карысь машинаясон колонна петіс Помөсдинлань вель во сувтан рытө. Шоферьяс тэрмасисны праздничной пызаньяс динө. Тэрмасис и Миш да думайтис, мый тайө рейсас ниңом оз ло важиник машинаыскөд, коді гөнитіс лёкиник туйяс вывті вель нин уна тысяча километр.

Миш муніс медбөрьяөн, көть эськө шөракостас коліс пырны, медым дзикөдз не кольны, мыйкө кө лоас. Ёртьясыс эськө век нин отсалісны. Со и кольны кутіс. «Паныдьяссө кайигөн суөда»,— эскөдіс асьсө, надейтчис двигательыслөн вын вёлө.

Со и Аныб — ас районлөн медводдза сикт. «Пыравласны, дерт, татчөс магазинө,— думайтис Миш.— Сэки көть суа». Вель крут кыр кайигөн двигательыс муртса эз кус, тшөкъявны нин заводитліс. Кызкө кайис жө. Машинаяс збыльысь сулалісны магазин дорын. Миш сувтис жө, петіс. лэптис капотсө да заводитис лукйысьны.

— Отсөг колө оз?— юаліс өти шофёр.

— Оз. Свечаяссө видзөдла сөмын. Магазинсыс мыйкө ньөбинныд?— юаліс воча.

— Выльыс нинөм абу.

— Сідзкө, гортын нин вель восө пасьям,— эскөдіс Миш.

Машинаяс вөрзисны. Вөрзөдчис и Миш, но двигательыс бара кутіс несъявны. Ковмис чиститны прерывательлысь контактьяссө. Магазин дорө сувтисны ещө некымын машина — вель локтысьяс, төдтөм йөз, пырисны магазинас. Миш пырис жө куритчанла. Сійө чургөдіс вужасьысьлы сьөмсө, стөча лөсьөдөмөн.

— Кор тшөтш өти доз мен вёлө,— мыччыны кутіс Мишлы денъга өти шофёр, код дінысь зэв ёна паркйис вина дук.

— Ачюд кызкө нин,— мустөм лои тайө мортыс Мишлы.

Петіс ортсө. Сулалісны сөмын кык машина: сьлөн да тайө вина ньөбысьыслөн, тыдалө. Мукөдыс шутөвтөмаөсь нин.

Вөрзөдчис и Миш. Дум вылас пыр и вөлі вина ньөбысь шофёр: юас кө ещө, то вермас пөрны ли сибдыны.

Прөйдитис Дереванной. Думайтис машина йывсьыс. Важ нин, а көть несъялөмөн, но кыскө на, регыд, көнкө, спишитасны. Мед Вель во паныдас сөмын оз дуд туй вылас. Кулөмдинөдз воас, а сәні көсьысьлісны виччысьны ёртьясыс.

Өти чой кайигөн двигательыс бара кутіс несъявны.

«Дерт, конденсаторыс пробитöма. Аныбас эг гөгөрво вежны»,— көритіс асьсө Миш. Петіс кабинасьыс да босьтчис уджө. Эз и төдлы ноксигад, кызди уси капотыс да швачкөбтіс мышкас. Пока мездысис, гөрд биясыс зургысь машиналөн вель ылын нин тыдалісны. Скөрмис Миш, мый кутшөмкө шофёр морттуйтөгыс руль сайö пуксьöма, зургис сылысь машинасö. Вель ёна зургöма, лоис грузсö вылысь тэчны да топöдны.

Вөлі көкъямыс час рыт, гортөдз сё кызь кымын километр. «Нелямын километрөн кө часнас муна и тө праздник кежлө воа»,— радліс Миш, мый зургысь машинаыс дзикөдз эз пазөд сылысь важиник машинасö, «старушкасö», кыз шуліс ачыс.

Носимö воигөн, Миш аддзис машина, коді пырöма туй бокö, сибдöма. Сувтіс. Вөлөмкө, тайö вина ньöбысьыд.

— Машинаыд жаль да кыска, а тэ, другö,— веськодь,— скөраліс шофёр вылө Миш. Сійö öні стöча төдіс, мый тайö шофёрыс и таяліс сылысь машинасö, кузовсьыс веськыдладор рейкаясыс вөлі чирсьöмаöсь. Веськыда та йылысь и шуис шофёрлы.

— Извинит, старина. Эг öд наросьнö. Мынта ремонт донсö,— корис прөститны Мишöс. Мөдыс эз кывзы сылысь больгөмсö. Крукаліс тросөн пикö воём шофёрлысь машинасö да кыскис.

— Аттьö, старина, мездөмсьыд. На, шонтысьышт,— кыськө вайис шофёрыд вина коляс. Миш гольснитіс бутылкасö буферас да шуис:

— Сет кыв, мый некор тадзсö он вöч.

— А кутшөм лөк ме вöчи?

— Юин, менсьым и асьыд машинатö чирсін,— скөрмис дзикөдз Миш.

— Сета көть, но öд он эскы, старина.

— Ог и эм. Но да öд аддзысьлам на.

— Аддзысьлам, старина. Ещö ötчыд пасибö. Мөдыс тадзи оз ло.

— Гашкө, и оз,— руль сайын мөвпаліс Миш.

АРСЯ

Гөжөмыс тай арлань кежис,
Парма рөмсö асьыс вежис.
Коръя вöрыс быттьö сотчö,
Сэні зіля быдөн вотчö.

Арыс кӧть и зумыш петіс,
Вотӧсьястӧ уна сетіс.
Ошлӧн сідз жӧ уджыс пуӧ —
Регыд ковмас водны гуӧ.

Сьӧлапи нин чипсӧ-сьылӧ,
Дозмӧр мамлӧн коткӧм кылӧ,
Кыпыд жӧ нин мича арнас
Миян паськыд коми парма.

ПАРМАӦ ПЫРА

Лым вывтӧ пармаӧ пыра кыз йӧра,
Ас бӧрся вольсала орчӧн кык дӧра.
Кыпыда восьлала, сьӧлӧмӧй радлӧ,
Пармаса мортыдлӧн меддона кадлы.
Шурга ме водзӧ пыр, бӧрӧ ог кос,
Бытьӧкӧ борлъяси лӧбачпи моз.
Чой паныд кайнысӧ ышмӧ пыр лов.
Лым вывтӧ пармаӧ пыра кыз йӧра,
Шудыс и радлуныс аскӧдым сьӧрам.

САВА ДЯДЬ

Менӧ корис суседӧй — Сава дядь:

— Отсышт пывсян вевттьыны, мыйкӧ виявны кутіс.—
Ме кӧсйыси и ӧти шойччан лунӧ босьтчим уджӧ. Вӧлі август тӧлысь шӧр. Гожся моз на пӧжис шонді. Ми уджалім ӧдйӧ да эштӧдам нин вӧлі пывсян вевттьӧмсӧ, кор казялім туй вывтӧ збодера мунысь ар дас кунма зонкаясӧс. Ӑтиыс вӧлі Сава дядьӧс пӧльӧн шуысьӧн.

— Кытчӧ нӧ, Петьӧ, ружьенас мунан?— юаліс Сава дядь.

— Сьӧлаясӧс кыйны,— вочавидзис внуыкыс.

— Энлы, энлы,— зіля кутіс лӧччыны пывсян вевт вылысь Сава дядь.— Ме инда тӧянлы, кӧні сьӧлаясыс унджыкӧсь.

Лӧччис да матыстчис зонкаяс дінӧ.

— Ноко, кутшӧм нӧ ружьеыд?— нюжӧдіс кисӧ Петьӧлань. Мӧдыс сетіс ружьесӧ. Сава дядь босьтіс сійӧс да стрӧга шуис:

— Нолтö, котöрт гортад, пока бöрладорад эг сяркнит. Сьöла сылы ковмöма.

Шöйöвошöм Петьö эз и тöд, мый вöчны. А пöльыс скöрыськодь шуаліс:

— Нярöсь на сьöлаясыс, тэ кодьöсь жö... Небось, юасьтöг ни висьтасьтöг босьтін батыдлысь ружьетö?

Петьö нинöм эз вочавидз, а орччөн сулалысь Гриша важөн нин вöлі кын мыр кодь.

— Öні жö мунöй гортаныд, а ружьетö ме батыдлы сета.

Зонкаяс дышпырысь руныгисны гортаныс.

— Ме на арлыда жö вöлі, кор вöчи ружьенад ыджыд пакöсьт,— висьтасьны кутіс челядълөн мунöм бöрын Сава дядь.— Сэк ме лыйи пасö, а инми вöвлы. Сійö куліс да асланым мöскөн лои вештысьны.

Сава дядь вöйтчыліс думъяснас да висьталіс водзö:

— Тайö вöлі войнаöдз на. Муртса на котыртчисны колхозъяс. Йöз жальпырысь сетісны öтувъя овмöсö вöвъяснысö да сійöс-кöлуй, öд сы бердö нэмсö кутчысьöмөн олісны. Бур, мый мöсьястö колісны. Сэк найö вöлі сиктгöгöрса расъясын да кук йөръясын и олоны. Асывнас вöлі лэдзасны, а рытланьыс корсьны мунöны. Ме öтчюд и муні мöстö корсьны. Ружье тшöтш босьті. Сэки частöкодь вöлі мöсьястö ошъяс чашйöлоны да, аслам полöм вöсна и босьті ружьесö. Водзвыв пуляөн зарадиті. Вель дыр шöйті, а мöстö сідзи эг и аддзы. Бöрсö локтігөн, кор матыстчи сиктдорса муяслань, веськалі пес керасö, кöні сулалісны чипасъяс. Сувтовкери, медым ружьеöс зарадсьыс прöстмöдны. Метитчи чипасас да гымöбті-луйи. Сійö жö здукас чипас сайсьыс кыліс тільгун шы. Ме кынми места вылам. Сэсся коркö сайкалышті жö да видзöдлі чипас саяс. Бара йирмөг менö босьтіс. Синъяс водзын куйліс бок вылас да ружтіс вöv. Ёна и повзи да ырзöмөн бöрді. Гортö вон дзик пемыднас. Бать-мам казялісны менсьым бöрдöм чужöмöс да заводітисны юасьны. Лои висьтасьны. Батьöй дыр чöv оліс да шыасис:

— Мый лоöма — лоöма. Аслам унджык мыжыс ружьесö сетöмысь.

— Со и лоис вештысьны мöскөн,— шогпырысь помаліс висьтсö Сава дядь.

ПАШКЫР ПОЖӨМ ДА ЧУКЧИ

Долыдпырысь плавгысис-пуксис аслас радейтана местао пöрысь чукчи.

— Чок, чок, чок,— чолөмасис ас кыв вылас пашкыр пöрысь пожөмкөд. Мыйкө дыра юрсө öтарө-мөдарө гоньйөд-лиг чукчи нимкодясис аслас важ төдсаөн. Сэсса нюжөдіс голясө да азыма тшапкис лыссө. «Мый нө тайö?»— чуймис чукчи.— «Көр ни гос оз кыв!»— эз эскыссы чукчилы. Сійö мөдысь нетшыштис пожөм лыссө. И бара эз кажитчы. Сэсса бура дыр на някляліс. Төкөтйө эз виньды чорзйөм пожөм лыснас, но сідз эз и кыв важся чөскыд көрсө. Сэсса тшапа педзыштис ув вылын да увйысь увйö чеччалөмөн каийис пожөм йылөдз.

Öні сійö казяліс местаыслысь вежсьөмсө, том пожөм яг пыдди шыльквидзис урсалөм эрд, чукчи эз төд кызди шензынысө.

Öд колян вонас тайö пöрысь пожөм вывсыныс сійö видзис яг керөс вылын койтысьяслысь гажсө. Оз позь ставлы öттшөтш гажөдчыны, колө кодлыкө и видзны сійөс. Чукчи бура төдіс, локтас и таво сылөн пөдругаыс, кодкөд сійö сылас тулыснас. Буракө, төд вылас уси аслас параыс, чукчи чукөстчис ас кыв вылас.

— К-р-р-речик, к-р-р-речик, к-р-р-речик, чок, чок, чок.

Кывзысьыштис да мөдысь на горалжыка чукөстчис. Но некод эз шыась воча.

* * *

Чукчи лөсьөдчис тувсов шондйислы паныдөн. Шондйис көть пөжис, а пөткалөн сьөлөм вылас вөлі көдзыд шог. Усйысьны эськөн кытчөкө да важ пöрысь пожөмыс жаль. Сійö чеччыштис пожөм вож костө, куткыртчис, дзебис голясө, көсийис шойчыштны. Кымынысь нин сійö ойбыртліс тани, потан кодь чаль вылас. Аръясын пожөм дзебліс сійөс зэр-слөтысь, вердліс чөскыд лыскөн. Водз тулысьясын, пожөм улысь, чукчилы вичмывлісны колян арся юмов пувлөн розъясыс. Пожөмыс вөлі зэв пашкыр да кузь увьяса. Сёр арөдз эз сибөд ас улас лымсө. Тулыснас медся водз прөст-мөдчыліс сыысь.

Во сёысь на унджык сайын тайö пожөмыс вөлі томөн. Öти арся слөт дырйи сылы вичмис медводдза дой. Слөт бöрын ульөса лымъяліс. Йизьөм лыскас да увьяс öшйис тукта. Мөд асылас сэзьдіс, төвру катлөдліс йизьөм туктасө, и пожөмлөн йылыс чегис.

Том вир-яйыд тай өдйө бурдө. Сідз и пожөмкөд артмис. Эз сетчы сійө дойлы. Во дас мысти пожөмлөн тювгысис вевдорлань өти йыв пыдди куим. Та вөсна и сэтшөм пашкыр, сылөн статьялуныс өні на кыскис ас дінас вөрса олысьясөс. Гожөм пуксигөн волісны йөраяс. Найө кыз кырсяс ниртісны сюрнысө, весалісны вель сюрсыныс ковтөм гөна кышөдсө. Ачыс на вөрса «көзяин», ош, ниртчывліс «пывсьөм» могысь кыз кырсяс.

А урыд лыдтөм чөсмасис кольяснас.

* * *

Верстьө кадас нин пожөмлы бара на вичмыліс. Вөлі жар гожөм. Став вөрса олысьясыс мырсисны кос поводдяысь. А тайө яг керөсылөн му эжыс, аслас лым кодь еджыд яланас, эз сибөд ас дінас некодөс. Кодкө кө тувччас, нюзаныза бөрддзас, эн пө өні дойдалөй менө.

Вөлі лун шөр бөр нин. Шондіыс пөжөмөн пөжис, яг керөссянь өвтис сир дукөн. Со сотысь шондіыс мөдіс сайласьны съод кымөр костө. Пөльтыштавліс рытив-лун төв. Көнкө кымөръяс мышкын мурөстлывліс гым. Сійө өдйө воөдчис яг керөс весьтөдз, быттьө төдіс нин — сійөс виччысьөны тайө косьыс на кос местаас. Мөдіс чардавны. Друг сярнитіс-гымыштіс сэтшөма, быттьө весиг лажыньтчыліс гажа керөсыс. Чардыс кучкис нөрыс вылын сулалысь өтка пожөмө, коді здукөн ыпнитіс, сэсся биыс котөртіс водзө, заводитіс трачкөдчыны өзйөм пожөмъяслөн сирзьөм веж лыскас. Биыс мөдіс тювгысьны-нюжөдчыны куим вожа пожөмланьө. Сэки биа-пожөма костө ратшкысис кыз конда, коді, тыдалө, му бердтіыс вөлі сісь. Тайө кондаыс и падмөдіс милөстьтөм бисө. А регыд сэсся заводитіс кисьтны йи сора зэр. Яг керөсыс мөдіс руавны, быттьө пөсь гор вылө коялісны ва. Шемөсөн видзөдіс ловйөн кольөм верстьө пожөм шомө пөрөм керөс вылө.

Колины вояс, сотчывлөм керөсыслы пожөм сетіс вель олөм. Куим вожа пожөм өдйө рөдмөдіс вына му вылө пиянсө. Өні сійө ошйысис нин сөвмөм быдтасьяснас. Мусмис тайө местаыс вөрса олысьяслы. Дозмөръяслы торъя нин вөлі долыд татөн төвнас. Найө чөсмасисны том пожөм лысөн, а тулыснас мөдісны койтны тайө гажа яг керөсас.

* * *

Дыр на эськө олісны тыр гажөн мича керөсын, эз кө суйсьы сэтчө морт. Өти тулысө керөслысь лунө бана боксө

потшисны понольясөн. Сөмын на заводитчис тувсов гажыс чукчи-дозмөръяслөн, кызд мөдiс гымакывны пищальөн лыйсьөмыс. Пөрысь чукчилөн эныс усис жө сэни. Сөмын чукчиөс бара на дорйисны пожөмлөн пашкыр увьясыс да вожьясыс, кытчө сийө дзесъывліс.

Уналы эз сюр гажөдчыны тайө тулысын: өтияс шедісны октөм лэчьясө, мөдъяслы вичмисны брөд тусьяс.

Сэсся йөз вувзысисны пожөмъяс вылө. Первой кыр-сисны сись кодъ веськыд пуяссө, а та бөрын серлөдлісны став верстьө пусө.

Пөрысь пожөм улын зэвтисны воньяс, сэни узылісны-олісны йөз. Найө дасьтисны паста, медым пычыктыны пожөмъясыс сирсө. Лэчюд пуртъяснысө видлөм могысь пөрысь пожөмөс серлөдлісны-вундалісны жө, кислотаыс унджык на вичмывліс вөрса великанлы.

Мөд воын нин кушөдз рекмис пожөма керөсыс, вөрсө пөрөдісны. Пөрысь пожөмөс дорйис йөгыс, кодөс чайтисны, буракө, тшакөн.

* * *

Со бара пуксис тулыс, бара вонс пөрысь чукчи, медым адзывны на пөтка гаж да, гашкө, весиг ассьыс энь пөвсө. Да, адзывсьөма, буракө. Көсйис чөсмасьны көть пожөм лыснас, а сөмын дойдіс горшсө пожөмлөн косьмыны нин заводитөм лыснас. Пөрысь чукчи лэччис муө, пув розьяс дорө,—сэни ставнас жө вөлі урсалөма, сөмын син улас веськалісны посни из чирьяс. «Көть изнас заптысьышта,—чайтис чукчи. Гоз-мөд чир кокыштөм бөрын сылысь мөдiс сотны гырк пытшкөссө.

Эз гөгөрво, мый ськөд лоис. А сийөс сотісны и сотісны кислөтаөсь сир молясыс, кодъясөс сийө кокаліс из чирьяс пыдди. Пөрысь чукчи мөдiс шпорөдчыны вына бордьяснас, көсйис на кыпөдчыны, мед сетны юөр мукөдъяслы, мед эз локны тайө пез местаас, сөмын эз нин вөв выныс мусьыс лыбөдчынысө. Сийө юрсө дзесис пожөм вуж улө да дзикөдз унмовсис.

Шувгис вына тувсов лун төв. Сийө вайис тулыслысь юөрсө. Сөмын пөрысь пожөмлы таысь долыдыс эз вичмы. Сылөн орьясьны мөдiсны нэмөвөйся вужьясыс аслас чужан му бердсьыс. Ыджыд төв ныр пөлыштөмысь сийө дзобгысис-пөри, аслас паськыд вужьяснас кыпөдіс ыджыд пласт му, посни вужьяснас сывйыштис ас бердас кулөм пөткаөс да гуаліс сийөс. Öні тайө яг керөсас оз нин пируйт зверь-пөткаыс.

— Во дас сайын тайё вёлі,— заводитіс ассьыс висьтсё Кондрат.— Баба гожом буретш вёлі. Шонді шонтіс на. Курччасисны сёр кадся номъяс. Чутйёдліс яйтё геб. Но вёралысь мортыдлы ставыс тайё веськодь. Мед сёмын овны да шойтны вёралан трёпаяс вывті. Дум вылё усьлө тайё кадыс ёнджыкасё сы вёсна, мый сійё воас ош ме вылын смекайтчыны заводитіс. Велаліс менам лэч туйёд ветлыны да дасьсё кыйны. Шедом кыйдөсыслысь сёмын гөнсё вёлі коляс. Быттьё, сётанаыд, ачыс мырсис-вөчис. Пикё вои. А понйой ошкыдкөд быттьё важ төдсяяс.

Некымынысь сулі оштө гусясигас. Рутш-ратшён вёлі котөртас. Усьнита эськө Серкоёс, но сійё исыштас ошлысь свежой кок туйсё да ме вылё видзөдлас, быттьё менё бөлбанён лыддяс. Ачыс мунас да меным гөрд урөс камгасувтас.

Дзикөдз скөрми ош вылад да окті сылы петля: со, мися, тэныд сийёсыс. Лун вит-кежлө лэччылі гортө. Пиёс армияё колльөді. Гөстьясөс яйён верді. Дерт, гидысь межөс тотшкыны лоис. Бөр воом мысти медводз ош петлятө муні видлыны.

Эг на во ош петля дінөдз сажень, сё гөгөр, а ружье вылам видзөдлі нин, мед, мися, пуляа жө вёлі. Эг на удит матыстчыны чукльөмланы, көні вёлі петляыс, кызд тай «о-о-о-о» керис. Ме пуксён шматкыси нитш вылё, а октөм курокой пезьдіс. Грымнитіс пищальёй. Воис көнкө бокын шойтысь Серкоёй. Видзөдліс ме вылё, быттьё юалис: эн пө доймы? Дөзми пон вылё да ысті, ог төд весиг кытчө.

Суйи мөд пуля да матыстчи петля дінө. Серко сэн нин вёлі. Сійё мыйкө зіля нетшкис пиньнас. «Гашкө, мөд ош менө повзьөдіс, а горшасьысьыс шедөма?»— думайта ачым. Но, вөлөмкө, петляяс шедөма пелькиник йөра. Ошкыд прамөя нин гөститөма. Шедом бөр коксө кольөма петляяс, а тушасө вештөма трөпасьыс, бокө, коляссө тыртөма нитшкөн.

Тайё местаас ваялі содтөд петляяс. Мыльёс гөгөрыс окталі сизим кымын петля. Задсө йөралысь содтөд пункті. Ёні, мися, шедас нин. Кык лун мысти кайлі да, мыльёсыд ни задйыд эз вөв. Ошлөн дукуыс, дерт, весиг эз жө вөв.

Сёмын лым вылас нин ми адззысим ськөд. Абу, буракө, пырөма гуас. Тулан бөрся вөтчигөн сійёс казялі. Видзөда: кодкө сьөд муткырасьё. «Ош!»— югнитіс юрын. Одий босьті киө пищальёс. Казяліс сійё и менө. Эз көйы пышйыны. Сувтіс бөр кокъяс вылас, амөстіс. Лыины понтөг өпаснө.

Городи: «Серко, лок!» Сэсса и пезьдоди куроко. Эг удит стволё сюны виль патрон, кыдзи зверьд лои ме вылын. Ме уси вутш костё да зили дзевны юрос. Ош менё заводиті шамравны. Бур, мый понийой регьд воис. Сийё кватлаліс ошлысь бёрладорсё, а ошкыд зилис ёсь гыжъяснас крукыштны ас улас понийос. Буракё, пуляой ассыс уджсё вочёма: лым вылё сөдзтысис ошлөн вирыс.

Коркё слойми жё мездысьны. Сюи ружьё виль патрон. Ош воштёма нин вынсё. Эз нин пышый пелька, но тэрмасис жё. Лыйёмой сунгис сийос лым пытшкё нэм кежлас. А менё сэки вель ёна парсалёма. Мышкын тырыс пас,— помаліс висьтё Кондрат.

Ми пукалім ськод вөр керкаын важонкод нин. Виччысим лэччыны машина, коді новлөдлө вөр лэдзысьясос. А машинаыс эз вөв. Со и коллялім кадсё, óta-мөдлысь висьтъяс кывзім. Дөзмим сэсса виччысьомысь да петім подөн. Муныштім мыйтакё и пуксим шойччыны, куритчим. Менам водзджык эштис да папирос гильзасё ошөді резь увйё. Бөрынтьчи воськов кызь да лыйи. Кондрат эз чуймы, кор папирос гильзаыс летитіс резь увйысь.

— Ноко, качөдлы истөг корөбтё,— тшөктіс сийё меным. Ме эг эски, мый инмас лэбысь корөбё, да зэв вылё качөді. Грымөбтис лыйём. Истөгой пузь-пазьмуні. Бур, мый мөд вөлі, эськө истөгтөг коли.

— Велөдчы, пиё, лыйны лэбигас,— велөдіс олёма кыйсьысь.

Аддзысьлі ме Кондраткод и таво. Пыр на винёв, көть и пöрысьмыштёма. Шогсьё сөмын, мый вöрсё вөр лэдзысьяс дзикөдз жугөдісны да мөдлаысь ковмас чөс туй вөчөм вылё места корсьны. Сюрас кө бытьё.

МЫРПОМЛА

Зэра гожөмыд уджысь оз повзьөдлы. Но менымсө уджыс сюрліс на. Весиг висьөдчыны заводиті. Лолөй эз кут шедны. Субөтаын, пывсьөм бөрын, гөтырлы велөді:

— Васё эн кояв. Аски, пес ваялөм бөрын, морөс кудйос небзьөдла на.

Пес ваялөмысь ковмис энөвтчыны. Войбыд зэрис, туйсё немабуөдз вөчис, да и машинаыс кодакё кості жугалёма. Чой, кодлы ме көсья вөлі ваявны пессё, заводитіс нуөдчыны: ветлам пө мырпом вотны, нуөдлы пө мянөс, баба чукөрөс. Ме заводитлі пыксьыны:

— Кын на ӱд мырпомыс, тулысыс нюжаліс да.

Но чойлы отсӱг вылӱ локтіс гӱтыр:

— Бур йӱзыс важӱн нин вотчӱны. Илья лун бӱр ӱд нин. Кор сӱсся вотчан?

— Тіяныс он мын. Мырпомла кӱ и мырпомла. Челядь котырсӱ тшӱтш жӱ нуӱдӱй. Зӱрис да видз вылӱ мунӱм оз жӱ ло-а,— кывкӱрталі ме.

Бабаяслы дыр эз ковмы индавны. Зӱв ӱдӱй пасьтасисны вӱрӱ мунӱм вылӱ, ведраяс босьтисны. А ме лазьяси. Чер суйӱм вылӱ сійӱ зӱв лӱссыд и пажынтор позьӱ босьтны. Лазтӱ казьялӱм бӱрын Лыско понійӱ сикт пасьталаыс кутіс омлявны: вӱзйысьӱ жӱ. Жаль лоис. Лӱдзи дом йылысь.

Мӱдӱдчим витӱн. Воим лунладор шордорса нюрӱ. Сюри сӱмын мырпом тусьӱн. Ме, мый сюрис, вомӱ суйи. Дзик на кын мырпомыс. ӱдва и карчкӱдӱ омӱлик пиньяснад.

Вель дыр шӱйтӱм. Сӱтчӱ жӱ зӱрмис. Жугылыми ме дзикӱдз. Сӱмын Лыско нимкодьясла ризьяліс вӱрӱдыс.

Коскӱдз кӱтасьӱм бӱрын кызкӱ веськалім жӱ нейджыд мырпома дӱ вылӱ.

— Чур сик!— горӱдіс гӱтырӱй. (Тадзи шулӱны вӱлӱм важ йӱз, кор аддзӱны вотӱса места. Сӱтчӱ мӱдлы матыстчыны оз позь). Дерт, гӱтыр вылӱ некод эз видзӱд, ставӱн босьтчисны зӱля вотчыны. Но мырпомыс кын на жӱ вӱлі. Меным жаль лои вотӱсыс. Сӱрӱнджык кӱ волены, то бур эськӱ вӱліс, а ӱні мый сійӱс тшыкӱдны. Но шуны мӱй лысьтан та йылысь чойлы да гӱтырлы? Бон-бус пиняласны.

— Но, ті вотчӱй, а ме мӱд места корсьла,— шуи вотчысьяслы да чукӱсті понійӱс.

А ме вотӱса местасӱ эг и думыштлы корсьнысӱ. Сетчи рытивыввлань, кӱні мырпомыс нӱмнас на эз быдмывлы.

А енӱжыс пожайысь моз лӱдзис и лӱдзис васӱ. Ме, дерт, ӱна кӱтаси, но радлі: «Час, мӱдысь локтанныд али онӱ кын мырпомтӱ вотны».

Друг ярскӱба заводитіс увтны понійӱй. Мӱдӱдчи сылань. Кор куті воны, мусьыс кыпӱдчисны тарьяс. А гежӱдик пожӱма егырас сярвидзис вижов молля воӱм мырпом. Вӱлӱмкӱ, понійӱй увтӱ дозмӱрпиӱс, кодӱ сӱдзжӱ воӱма нурьясьны тайӱ кисьмӱм мырпома ичӱтик егырас. Чӱсмасьышти ме и шуи понлы:

— Тырмас сӱсся, Лыско. Ог нин удзӱдӱй вӱрса олысьяссӱ.

Мӱдӱдчи бӱр асывыввлань, кӱні горзисны нин нывбабаяс:

— Педö-ö-өр! Ло-ок! Қо-о-оль-и-им!

Қор воим на дінö, аддзи: сулалöны пöрысь лапта коз пу улын. Қотасьöмаöсь, вывесьыныс кос сунис он аддзы: А мырпомыс муртса сайöдыштöма наберушка пьдöс-нысö:

— Мый? Миянöс воштылiн? Вöралысьöн шусян, а рас дорсö сикт дорсьыд он тöд,— дэльöдiс гöтырöй.

— Да öд немтор на абу кисьмöма. Мый эм, ставыс кын. Нöрöвитлöй лун дас,— дорйыси ме да сэсся шуи,— лэччам нин вай, пывсьыны колö.

* * *

Қысь нöшта этатшöмсö корсян?
Öд тувсов гажас збыльысь сорсян,
Тыр тулыс югыд гажöн пуö
Мем дона, муса Коми муын.

ШУД ВÖСНА

И бара кыскö вöрö зарни арыс,
Код медся муса, кöть и сернас важ.
Ме чайта сэк, мый шуда став му шарыс,
Мый пармаын моз сэнi чукийöн гаж.
Мед эськö збыльысь олöм вöлi татшöм,
Мед эськö шудлысь тöдiсны жö дон.
Мед öвсисны жö Öтувталöм Штатын,
Да вунöдiсны страшнöй кыв — нейтрон.

ПИЯНКÖД

Бара таво страдуйта,
Пöсьбöй шорöн мунö,
Но зэв ёна радуйтö
Гожся мича луныс.

Отсасьöны пиянöй
Прамöя нин меным.
Кодкö öмöй миянöс
Пановтас ли венас?

Ваялöны лэбöмөн
Юрьяс места дорöдз.
Öдийö ветлö лэбынöй.
Лыбö-лыбö зорöд.

Эштiс зорöд, помасис,
Гөгөр ставыс лөнис.
Вөр пу йылö домасис
Шондi алöй вöньөн.

ЮГЫД ПАРМА

Яла шыасьё кок улын,
Пуяс вылын корйыс нэр.
Пожом ягыс сөстөм, гулыд,
Мича весьтын енэж сер.

Менам парма пелькөдчөма —
Быттьо праздник локтандыр.

Ставыс сылөн югыд рөма,
Ставнас сійо шудён тыр.

Менам сіджө кыпыд лолй,
Быттьо воис томся кад.
Пуясыслы горза: «Чолөм!»
Лэбач дзользёмыслы рад.

ОКОТА ОВНЫ

Мен частө войясын оз узьсы.
Дерт, арлыд содө, көть ог узь.
А, гашкө, пола, мед ог кувсы,
Кыз полө чегны бордсө юсь?
Кор юсьыслөн пө чегө бордйыс,
Сэк веськодь сылы вольной свет,
И юсьыслөн пө пöлыс — ёртыс
Сэк аслыс овнысө оз сет.
А мортыд сы вöсна өд олө,

Мед кувтөдз вöчны уна бур,
Кор мортыс бордтөм юсь кодь
лолө,
Оз сет, мед вошис сылөн юр.
Мен частө войясын оз узьсы,
Өд сэтшөм пöрысьладор кад.
Ме тöда: вель на дыр ог кувсы,
Ме вольной светыслы век рад.

ВÖРСА ЕЛЬ

Оз мудзлы, майбыр, вöрса ёлыд,
Көть аслас пасьтаыс и весьт.
Өд варов ёлькөд юлы долыд:
Тыр эбөс, гажлун босьтө сесь.

СО ТЭНЫД И МОТОЦИКЛ

Степан ёрткөд, орчча сиктса олыськөд, ме паныдаси
чөс туй вылын. Сійо довгис будкалань, көні пажнайтлісны
вөр лэдзысьяс.

— Озырман, тыдалө, Степан-друг,— шыаси ме.— Эг
весиг төд тэнö.

— Öні гөлыс некод абу,— дышеника нурбыльтіс сійö.

— Видзöда да, тэ талун рушмөмыд. Нинөм, тыдалө,
абу вичмөдөма пармаыс,— инді сылөн ляпмунөм ноп ме-
шөк вылө.

— Кыськӧ шедас, вӧрас йӧзыс сьӧласьыс унджык да.
Ме шуи Степанлы:

— Будкаӧдзыс ылын на. Мунам вай менам вӧр керкаӧ.
Сэни шоньд. Гӧстьӧн лоан.

Воӧмӧн тшӧтш босьтчим куштыны сьӧлаясӧс. Менам
вит вӧлі и Степанлы кык шедӧма. Сьӧлаясӧс пуигкості
пӧжалі блин, чӧсмасьыштім чай сорӧн. Бӧрынджык бура-
кодь ужнайтім, гоз сьӧлаӧн варскӧдім. Сэсся пансис сӧрни.

— Матысьыс бырны кутіс зверь-пӧткаыс, а ылӧдзыс
кокъясӧй оз нин новлӧдлыны,— пані ме.

— Тэ вуж кодь на да верман на,— ошкис менӧ ӧртӧй.

— Бур, мый ті менам вӧралан керкаӧдз пӧшти крепьд
туй вӧчӧмныд. Мотоцикл ньӧбны дум эм. Пиӧй кӧть менӧ
татчӧдз журкнитӧдны кутас.

— Лӧсьӧд, лӧсьӧд, уджыд кӧ оз тырмы,— веськодьпы-
рысь шуис Степан.— Ме тай бӧръя кадас став шойччан
кадӧс сы дорын и вошта-а, спокой ог тӧдлыв.

— Сӧ мокасьт тайӧ,— артмис менам.— Ме ӧд збыльысь
ньӧбны кӧсья.

— Сэтшӧма нин кӧ кӧсьян, сэтшӧм кӧ тэныд окота, ме
тэныд шуа со мый,— стӧчмӧдіс сӧрнисӧ Степан.— Эн ӧна
гӧтыртӧ сибӧд техника дінас. Мотоцикльдылы гӧтырыд —
вӧвлы кӧмутинатӧм сийӧс кодь — зыртас.

— Ме чайта вӧлі ошкан-а.

— Менӧ первойсӧ ошкис жӧ и ӧні ошкӧ, но пӧгибӧ гӧ-
тырнам и мотоциклнас вои.

— Мый сідзсӧ?

— Тэ ӧд менсьым Танюкӧс, кӧнкӧ, тӧдан. Водзті ӧма
кодь «кыз» вӧлі, а ӧні сьӧктанас вит тэнад гӧтыр мында
лоӧ. Сӧйӧ — меным вежон пажнайтны тырмас. Кӧлуйсӧ
ставсӧ вурӧдӧ. Тайӧ эськӧ нинӧм на, но ӧмайд мотоцикл
вылын ветлыны велаліс. Рӧзӧренньӧ меным. Камераясыс
здукӧн потласьӧны. Первой «Ковровец» кисьтіс. Босьті
«ИЖ» — коляскаа и быдтор. То вотчыны журкнитас, то
райцентрӧ магазинӧ. Поднад оз мун, быть мотоцикл вылӧ
кавшасяс. Быд вежон выль камера пукта. Ӧні аслыс дыш
лои рулитнысӧ да менӧ быдлаӧ кыскӧ, этша и командуйт-
лас ме вылын. То ӧдйӧ сылы мун, то надзӧн. Надзӧннас
двигательыс доналӧ, ӧдйӧнас камераыс потласьӧ. Весь-
кыд мат.

— Мыйла нӧ ачыс дугдіс ветлынысӧ? — юалі ме.

Степан сералыштіс да висьталіс:

— Абу ӧд дзикӧдз сэки лӧдзьясыс вильӧдӧмаӧсь сийӧс,
эськӧ, гашкӧ, ӧвсис. А тадзи вӧлі.

Ӧтчыд сийӧ муніс зэр бӧрын тшакла, а скатыд и лэ-

дзѡма. Уськѡдчѡмаѡсь номъяс да гебъяс, морт яйѡ на-
паръя моз пырысь лѡдзьяс. Антикомаринтѡ вунѡдѡма
босьтны. Подѡн верст вит пышйѡма наысь. Гортѡ пырис
да порог улѡ пласът уси. Лолыс вель дыр мысти шедіс.
Ѧні ѡтнасѡн полѡ да менѡ быдлаѡ кыскалѡ. Ѧні кык шойч-
чан лун нин гортѡ тасянь, вѡр лѡдзанінсянь, эг лѡччыв.
Вель камераыс оз жѡ сюр-а. Сылы кѡ сюрас, дерт, йѡзыс-
кѡд велѡдас, мед волі. Окота кѡ, босьт кык кѡлесаа дивѡ-
тѡ. Сѡки тешитыштан ассыд окотатѡ,— помаліс Степан.
Ме сѡсянь пыр на думайта: ньѡбны абу? Ньѡба жѡ, кѡнкѡ.

ТРѦПИМ ВАДИЫН

Ывлаыс вѡлі тыр гажлунѡн, а Трѡпим дядь куйліс пач-
чѡрын. Тѡрыт бара топѡдіс кос висьѡм, вѡрзьѡдчыны ни
чеччыны. Тѡрытсѡ ветліс ветельяс видлавны вадйѡ, кѡні
сылѡн вѡралан керкаыс. Пыжсѡ берегѡ кыскыштигѡн кыз
тай кочкис коскас, быдсѡн синъясыс пемдылісны. Быдса
лун воштіс сиктѡдз квайт километр мунѡм вылѡ. Черисѡ
весиг эз вермы вайны, керкаас колис. Талун кыйдѡсысла
кайисны Ѧдя гѡтырыс да Катя нылыс.

...Найѡ восьлалісны пармаса трѡпа кузя.

— Шойччыштам да ёль пѡлѡныс и воѡдчам керкаѡ-
дзис,— тонѡдчис нылыслы Ѧдя.— Со кутшѡм тані гажа.

И збыльысь гажа вѡлі тувсов луныс. Небыдик лун тѡв
ворсѡдчис паськыд ванас, шыльѡдіс-мольѡдіс сылысь вер-
кѡссѡ. Ыджыдсьыс-ыджыд рѡмпѡштан кодъ ваыс. Тайѡ
рѡмпѡштанас видзѡдчис шонді. Ва весьтѡд кадысь-кадѡ
лѡбисны уткаяс.

Друг кыліс лыйѡм шы. Недыр мысти мѡдысь.

— Дерт, уткаястѡ вадсыд шковгѡны,— гораа мѡвпа-
ліс Ѧдя да, воськовъяссѡ содтігмоз, шуис:— Утка кыйысь-
ясыд вермисны батыдлысь пыжсѡ вадъяс пыртны.

А кыйсьысыснас вѡліны Ниакерѡсса кык вок Педьѡ да
Ѧньѡ. Буретш найѡ гыпнитісны. Нель кѡрѡг ва вылѡ ко-
лисны. Ѧтиыс сынѡдѡ кыпѡдчѡм уткаяссѡ ещѡ на лыйис,
но эз веськав.

Педьѡ керыштіс зіб да судзѡдіс уткаяссѡ. Берегысь
кайисны Трѡпим керкаѡ. Кык вок вѡлѡмаѡсь шудаѡн. Ад-
дзисны пудъя туис. Сѡні джынйыс вѡлі чери. Корсисны
сов. Педьѡ босьтчис керны пунт вит-квайта сирѡс.
Босьтчисны сѡйны. Домйывса тшыг пон моз уськѡдчис
Педьѡ вильѡдны сир тшупѡд. Черлыясыс сідзи и быгля-

сисны. Ёньё видліс жё кусок, но регыд дугдіс сёйёмьсь.

— Мый вечмасян? Сёй прамёя,— тшөктіс Ёньёлы Педьё.

— Ты дука сирьс. Пёрысь, тыдалё,— вочавидзис ичөт вокьс.

— Гашкё, зятьён кёсьян лоны Трёпимьслы да сійён дукуьс сирсьыс өвтё,— гигзьыштис Педьё.

— А мый? Ог туй али мый зять вылас?— ярскёба шуис Ёньё.

— Но, но... Зятьпу. Кор пируйтан, сэки ошйьсь. А ёни вай вадьяс пыралам уткаяссё гымёдыштны. Пыжыс тай эм.

«Но и горш жё тэ морт. Некор он пётлы кё-а»,— скоралис вок вылас Ёньё. Найё Педьёкод некор эз лёсявны тайё горшлун вёснаьс. Талун тай со нуөдіс вокьс да ыркөдчигмоз петіс ськөд пармаё.

Кык вок сөлісны Трёпимлён пипу пыжё. Ёньёлы вичмис бёжавны. А Педьё быд здук вөлі дась дзенгыны уткаясёс. Лыйисны ёти утка чукөр. Кык уси. Педьё горшысла ещё на водзё тшөктіс сынны. Аддзисны горда чукөр. Педьё эськё лыйис, но пыжыс катовтчыштис да зарадыс уткаяслөн юр весьтөд лэбис. Найё кыпөдчисны. Педьё сувтис да скөрысла ылыстчысь уткаяслы ещё на косьөбтис. Крепыд зарадысла пельпомас ружьеьс вель ёна зяткёбтис. Педьё эз вермы кутчысьны да пуксис пыж дорьш вылө. Пыжыс путкыльтчис. Кык вок веськалісны йиа көдзыд ваё. Бур, мый отар берегыс матын вөлі. Петісны ваьсь.

Пестісны Трёпим керка дорын бипур. Дзикөдз пөрчысисны. Паськөмсё өшлісны косьтыны, а асьныс пырисны керкаё.

А тайё кадас эня-ныла мунісны нин вад пөлён. Видлісны гоз-мөд ветель, кодьяс вөліны наладорынёсь.

— Кодьяс бара талун гыпкёны тані, посёлоксаяс али Ниакерёссаяс?— броткис помся Ёдя.— Пыжнымёс кё нуисны, мый и кутам керны?

Ылісянь на казялісны тшын. А кор матыстчисны керка дінё, аддзисны зібьяс йылын өшалысь ва паськөм. Тшын петіс и вөр керкаьсь.

— Тэ, Катя, нөрөвитыштлы тайё кустьяс саяс, а ме ветла видзөдла,— шуис нылыслы Ёдя да гусьёникён матыстчис керкалань.

— Мый нө тэ, Ёньё, бара ьджыдалан?— кыліс керка пытшсянь дөзмөм төдсакодь гөлөс. А сэсся петіс буретш тайё Ёньёьс — Трёпимлён пиьс. Ёдя дзевсис керка сайё

да заводитіс кыйодчыны. Онъо заводитіс малавны бипур
весьтын косьмысь кӧлуйсӧ. Катя видзӧдліс жӧ куст сай-
сянь пасьтӧм Онъо вылӧ да кунис синъяссӧ. Яндзим вӧлі:
ӧд Онъоыскӧд сійӧ колльӧдчис.

Сэсса петіс мӧд морт. Педьӧӧс эня-ныла тӧдісны жӧ.
Сійӧ вайис туис да пуктіс бипур вылӧ. Мед пӧ гажаджык
би лоӧ! Онъо вештіс би вылысь туиссӧ да скӧрысь шуис:

— Черисӧ сӧйин, да сэсса эз кут ковны? Дозмукыс нӧ
мыйысь мыжа?

— Черисӧ ме ректі. Гортӧ лӧччӧдам. Митипер Трӧпим
оз кут элясьны. Ми ӧд кырымпаснымӧс татчӧ огӧ кольӧй,—
вочавидзис Педьӧ.— Али Катя вӧснайд менӧ вузалан?

Кык вок пинясигтырйи пырисны керкаӧ. Ӧдя тӧрыба
петіс пельӧс сайысь, чукӧртіс зібъяс вылысь вокъяслысь
кӧлуйсӧ, матыстчис Катя дінӧ.

— Тьпу, зятъпуӧн шусысь! Мӧдім ӧдйӧджык,— корис
Ӧдя нывсӧ да мунігмозыс шыбитіс вокъяслысь кӧлуйсӧ
визув ёльӧ.

Кор вокъяс петісны керкаысь, гӧгӧрбок корсьыснсны.
Паськӧм некӧн эз вӧв. Лоис виччысьны рытсӧ да вӧлисти
котӧртны сиктӧ, мед татшӧм срамсӧ некод эз аддзв.
Онӧдз на оз тӧдны, кытчӧ да кызди воши паськӧмыс. Но
Онъо бӧръя кадас мыйсюрӧ гӧгӧрвоны кутіс: Катя ськӧд
оз сӧрнит — быттӧкӧ абу.

ЭНЬ СЬӦЛА

— Мый ас пуӧм-пӧжалӧмтӧ он сӧй?— юалис гӧтырыс-
лысь Пиля, кӧть тӧдіс, мый Нинаыслы оз пыр сӧяныс.

— Мӧдтор вылӧ номсӧдлӧ,— нюмсорӧн вочавидзис гӧ-
тырыс. Неуна беринӧссьӧм чужӧмбаныс нӧшта нин мич-
мӧдіс нывбабаӧс. Сійӧ лои Пилялы ещӧ на мусаджыкӧн.

— Мый эськӧ быттӧ тӧд, Нина, колӧ?

— Мый колӧ?— чуймис гӧтырыс.— Ог и тӧд. Быттӧ
тай «шеваӧй» сьӧла яй вылӧ завидьтӧ-а,— яндысигмоз
висьталіс медбӧрын Нина, коді виччысис содтӧд выль
олӧм — коймӧдӧс нин. Думсьыс кӧсйис вайны пиӧс.

Вӧлі тулыслӧн медся гажа кадас. Юяс вот-вот ыльӧб-
тасны берегъясысь. Лунвывсянь тӧрмасисны чужан мулань
утка-дзодзӧгъяс. Нимкодъ вӧлі и войвылын тӧвйӧм пӧтка-
яслы: вуджисны кузь тӧвсӧ, выль олӧм заводитчас, кор
позъясаныс кутасны пӧжны небыдика пукталӧм колькъяс.

Татшӧм кадас и петіс Пиля, медым корсьны гӧтырыс-

лы номсасянторсö. Думсьыс кöсийс лыйны кöть öти сьöла. Вом доръяс мудзтöдзыс нин чипсасис-чуксалис сьöлаöс, но вочасö некод эз шыась. Кор шондыс койыштіс дзирдсö пуяслөн туганъяс йылö, вöрын кыптисны ловнаныс став посни и гырысь лэбачьяс, но Пиля эз радлы. Петыр тыла кытшовтöм бöрын сетчис муяслань, медым дженьдöдны туйсö гортлань да мунны нинöм абутöг, но друг синъясыс-лы кажитчис, мый лым вылын пукалö кöч. Пиля лыйис, но тайö вöлөм абу кöч, а лым ёкмыль. Лыйöмсьыс козья-инысь кодкö шпыркнитіс. Тайö вöлөма сьöла. Пиля быдсөн дрöгнитіс. Сьöла пуксис матіникын сулалысь понöльö да гоньгöдіс юрсö, быттьö дивитіс Пиляöс: мый нö повзöдчан татшөм кадас, кор ружьеөн прамöй мортыс вöрас оз нин петавлы. «Вочакывсö» Пиля сетіс жö: грымöбтіс-луйис.

Гортас воис буретш пач ломтігкежлö.

— Рас дорö ветлі,— нимкодпырысь юöртіс гöтырыс-лы.— Со номсасьнытö сьöлаöс кыйи.

Сэсся зіля кутіс куштыны сьöлалысь лысны нин заводітöм гөнсö. Корпасö восьтігөн синъяс улас сюрисны сьöла пытшкөсысь посныдик колькьяс. Öти кольк вöлі тыр кыша нин. Мöдлөн кышыс вöлі кень кодь на. Сэсся колькьясыс пыр поснялісны. Пиля лыддис öкмыс кольк. «Ачыс дасöд»,— мөвпыштіс сійö.

— Мамөн жö кöсийö вöлөм лоны,— индіс гöтырыс-лы сьöлалысь колькьяссö.

— Мыйла нö эськö лыйин?— шога юалис гöтырыс.

— Ачyd тай шуин: сьöла яй вылö пö номсöдлö,— прав-дайтчис Пиля.

— Ог бара ме тайöс сөй, номсöдлö кöть оз,— дзикöдз нормис гöтырыс да вукöмөн уськөдчис тазлань.

Қывсис, мый Нина бура кагасö вайöма. Пиля ружьесö суседыс-лы вузалöма. Бур сьöлөмөн кö, поэьö гөгөрвоны мортсö.

ПАРМАЛӨН ЗАКОН СЕРТИ

Вась пукаліс шоньдөн онялысь, би кывъясөн ворсысь көрт пач водзын да думайтіс. Вежöрыс муніс öти туй визьöд: кызди эськö нурьясыштны. Позис эськö гөбөчысь лэптыны да пуны картофель, но Вась пыксис вежөрнас, мый пуктас, сөяс кö кöйдыс вылö кольөдөм картофельсö? Гашкö, вөрö кайлыны, койт вылысь дозмөрөс патурлик-

тыны? Но öнi öд тулыс. Оз позь тадзсö вöчны, кöть и война кад, кöть кызди кынöмтö нюкыртö. Тулысын пармаö ружьеөн петны оз позь. Тадзи Васьöс батыс велöдлiс. Бать йывсьыс думыштöм бöрын Вась курыда нюмдiс, казтыштiс важсясö.

А вöли со кызди. Сийö воас ва ямигөн ветлiсны батыс-кöд Роч вожö (тадзи местаыс шусис) вуграсьны. Сэки Вась ичöтөн на вöли. Вуграсьöм пыдди сöмын мешайтчис, полошитiс ёльса комъясöс. Васьöс батыс видiс да ыстiс вөр керкаö. Дышöдтöдзыс олiс сэни Вась да петiс ворсны керкадорса шор дорö. Мöдöдчис шор катчöс. Öти местаысь друг кодкö кыпöдчис шпула-шполаөн. Вась весьöпö рöмысла жмоткысис муас гатшөн. Сэсся смелмöдчис жö, скота лои шпольöдчысьсö тöдмавны да. Зонка нюмдiс быдсөн, кор тусяпу улысь аддзис кöнтусь сера гырысь колькьяс. Вась кöсийс найöс босьтны, но таысь лои эновтчыны: чушкигтырйи локтiс ыджыд пöтка. Батыс татшöмсö аръяснас кыйлывлiс. Дозмөрөн шулiс. Ок и чöскыд сыысь шыд артмö. Вась босьтiс бедь да дзевсис пу сайö. А пöтка повтöг пуксис колькьяс вылö. Кор бура дыр мысти дозмөр суйис голясö гөн пытшкас, Вась чеччыштiс да вартiс дозмöртö бедьнас сьылiтшуптас. Дозмöрыд шыбитчис поз вывсьыс да мöдiс нöйтчыны бордьяснас. Вась ещö на сылы содтiс. Коньөр дозмөр-мамлөн олöмыс та вылын эштiс. «Со, пищальтöг дозмöртö кыйи,— нимкодясис Вась.— Батылы нимкодъыд лоас».

Но долыдлунсö мырддис батыс. Сийö шемöсөн видзöдiс кулöм пöтка вылö да стрöга юалис:

— Шор катчöсысь аддзин?

Ок и някрöдлiс жö сэки батыс да велöдiс:

— Тулысын вöрсьыд некодöс эн вөрöд. Тулысын ставыс чужö-быдмö. Помнит тайöс да йöзсö велöд.

Помнитö, вывтi бура помнитö тайöс Вась. Некор тулысын öти душ весиг эз кыйлы. И талун оз кай вөрö, кöть эськö дзик тшыг.

Но Васьлы быть лои кайны вөрö ас окотатöгыс. Кайны, медым дорйыны дозмөръясöс. Делöыс вöли сыын, мый Роч вожын лэдзисны кер. Став мужикуловыс уджалiсны сэни тövбыд. Öнi, тулыснад, бергöдчалiсны гортаныс. Васьлы вежапыс висьталiс, мый сэтчö кольччöма Педöсь Ельöсь. Дерт жö, сийö дозмөр койтсö кöсийö кыйöдны. Татшöм нин тайö мортыс. Горшыс некор оз пöтлы. Васьлөн буретш Роч вожас и вöли керкаыс. И сийö эз кöсий, мед сэтсысь дозмөр койтсö бырöдiс кутшöмкö Педöсь Ельöсь.

Воис вөр керкаас. Сийöс Ельöсьыд удитöма нин шон-

тыны, пачсö ломтылöма да. Пызан вылас дозмөр яя шыд тыра пöрт. Удитöма нин кыйсыны. Тыдалö, абу чайтöма Васьöс локны. Көнкö думайтис, мый инвалид мортыд татчöдз тулыснад оз нин кыссы.

«Мый вöчны?»— думайтис Вась. Ельöсьыс бурсö виччысьны вöли нинöм. Паныдасьны кө сыкөд, то вермас Васьлы пезьдöдны. «Мыйкö öд позяс жö думыштылыны. Öнi сийö буретш койт вылас мунома»,— думайтис Вась. Петис вөр керкасьыс да матыстчис жытник динö, көни видзис кыйсян көлуйсö. Öдзöсыс жытникыслөн вöли томантöм. Ельöсьыд сийöс жугöдöма. Пырис Вась и аслыс оз эскы. Джадж вылын тырыс дозмөръяс. Дас квайт душ.

«Сота, сота жытникöс»,— визьнитис вежöрас.

Тувсов ыркыдсö мөдiс сотны жытниклөн бныс. Вась сайöдчис гуся тшамъя сайö. Водзынджык нин сьöрсьыс босьтис пöрт да öти чукчи. Мый тöдан, гашкö, узьны на вöрас ковмас, оз кө Ельöсьыс дырджык лок.

А Педöсь Ельöсь виччысис койт дорын, кор локталасны дозмөръяс. Со и шлывгыны-пуксьыны мөдiсны найö пуяс вылö. Ельöсь дыр эз виччысь, лыс чомсянь грымöбтис-луйис матын пукалысь дозмөрлы. Ыджыд лэбач сунгысис муö. Мукöд дозмөръяссö лыйöм шыд ыстис сьöртö. Сэтчö пыр дзесьылисны пöткаяс, сулис кө неминуча. Ельöсь петис лыс чомйысь да матыстчис октöм лэчьяс динö. Неважөн шедöм пöткаяс тракйисисны, көсийисны пышйыны, но кысь нин. Но öти чукчи вöлöма ён, дзик Ельöсьлөн ныр улысь ордчис, сьöкыда кыпöдчис, бордъяснас быдсөн пуясö швачöдiс. Ельöсь пезьдöдiс куроксö, но лыйöм шы эз кыв. «Ок, сötана! Вунöдöма выльысьсö зарадитны»,— ас вылас скöралiс Ельöсь.

Койт вылысь талун шедi ставыс нель душ. Радлыны эськö талы, но Ельöсь пыр на броткис ас вылас, чукчитö лэдзис да.

Роч вож керкаö вотöдз на Ельöсь кылис тшын дук. Кыдзкö эз ло лöсьыд сьöлöм вылас. Сийö сайöдiс дзесасö кыйöм дозмөръяссö, ачыс гусьöник матыстчис керкалань. Сотчысь жытник вöли голялö нин. Керка дорын некод эз тыдав. Öнi Ельöсь полис матыстчыны керка дорас, юрас жуис быдсяма мөвпыс. Вель дыр нин сийö кыйкъялис-видзöдiс, оз-ö кодкö пет керкасьыс. Медбöрын асьсö заводитис такöдны, мый жытникыс вермис би киньысь сотчыны, важ вевт вылас веськалис да. «Сэсся öд некодлы татчö локнысö, көть и Митипер Васьлы, шуам,— думайтис Ельöсь.— Көть и локтис быттьö, эз жö öд асьыс жытниксö öзты?»

Медбöрын сійö гусьöник матыстчис керка динö мыш
вывтис. Смелмöдчис, суйис пищаль стволсö öшиньö да
косьöбтис. Выльысь зарадитис да котöртис öдзöслань.

— Коді тани! Нолтö, пет!— горöдис сійö да содтис:—
А то керкаыскöд тшöтш жаритчан!

Некод эз шыась. Ельöсь восьтис öдзöссö, тувчис порог
вомөн да ойöстөмөн усис: кокöдыс кодкö крепыда тшап-
кис. Деркйисис-деркйисис, но төлкыс эз ло. Уор синъясыс
велалісны пемыдас, Ельöсь казяліс: веськалöма сійö ош
капканö, кодöс кодкö крепыда тувъялöма джодж бердас.

Медым мездысьны кык пружинаа чорыд ош капка-
нысь, колö вöлі эбös. Ельöсь видліс сідз и тадз, но капка-
ныс сöмын водзö топöдис коксö. Но гөгөрвоис жö, кызди
колö вöчны. Öти пружинасö зэлöдис тасманас да төбис, а
сэссия став вынсьыс личкис мöд пружинасö. Со и шедис
кокыс. Сэтысь сөдзтысис вир. «Гашкö, верма воөдчыны
гортöдз, эз кö чег лыыс»,— нормöм сьөлөмөн думайтис
Ельöсь.

Пиньяссö мурч курччөмөн, сійö пысаліс кокъяссö лямпаяс
бердö. Сувтис кокъяс вылас. «Сотны колö антуслысь
керкасö водзös пыдди,— кöсйис сійö, но пыр вежөртис мö-
дарö,— а ог кö вермы муннысö? Татчö жö öд ковмас бер-
гöдчыны».

Сьöкыда, ок кутшөм сьöкыда петис Ельöсь Вась Роч
вожысь. Верст куим мунөм бöрын зэрмис. Лямпаяс ку-
тисны сибдавыны лым бердас, а сэссия и вöйласьны. А сы-
нөдсянь посныдик шыдöсөн моз кисьтис и кисьтис. Дас
пудъяөн кажитчис пищальыс. Ельöсь сійöс нөрөвтис пу
бокö.

А Митипер Вась ставсö тайöс аддзыліс. Аддзыліс,
кызди Ельöсь сölіс лямпаяс вылас, кызди шыбитис ружье-
сö, сэссия дозмөръяссö, но надзöникөн век жö шлөнчиктис.
Ельöсь бөрся гусьöникөн вөтчигөн, Вась думайтис: «Тадзи
тэныд, ад горшлы, и колö. Велалан, гашкö, дорын узьлы-
ны. Мöдысь йöз угоддьöө он лок, тулысын пөткаяссö он
виав».

Медбöрын Вась кытшолөн панйис Ельöсьöс. Воис гор-
тас. А Ельöсьöс вайисны вөлөн нин. Дыр пöжис коксö
гортас. Кыз-мый доймöма, Вась кызди некод эз төд.

Вась вылö эськö лөгсö сійö нэм чөжыс кутис, но эз пет-
көдлы тайöс йöз дырйи, поліс йöзасьöмысь: друг кö Ва-
сьыд висьталас, кызди-мый делöыс вöлі.

А Вась сійö тулысас пунктис кöйдыс вылö видзөм кар-
тупельсö, арнас керис сійöс да выль картупельөн нин ка-
йис Роч вожö кыйны арся госа дозмөръяссö.

СЕРПАСТОР

Ыркыд руён асыв локтö,
Ньöжйö югдö гоҗся вой.
Некод вилаён оз котшкөд,
Йöлöҗа шы абу збой.

Шытöм узылан керка дорын,
Йöзлысь сёрни, теш он кыв.
Сöмын кызд рас зарни корйөн
Сетö ассые сзыланкыв.

ЛЫСКО

Ена пöрысьмис Лыско,
Коксö öдва нин кыскö.
Коркö котравлис, увтлис,
Öнi воськовтас — сувтлö.

Кодкö няньтор кö сетас,
Быдсөн синваыс петас.

Ватор гуранысь юлас,
Бурджык — эськö кö кулас.
А öд мырдён, но олö:
Век на чайтö, мый колö.

Йöзлы кок улас сюрас —
Бокас чужъясны, юрас,

АРСЯ СЕРПАС

Арся енэҗ таскысь
Петö унзиль вөр.
Кызд пу корсö ассые
Сетö мулы бөр.
Шлывгöны юсь-дзодзöҗ,
Налён гөлөс нор:

Туйыс кузь на водзын.
Сьöкыд кольны горт.
Войвыв муным сöстөм —
Чужан горт и поз.
Быдтор сәни чöскыд,
Кызди кисьмөм оз.

СЫҚТЫВҚАРЫН

Пыр подён ветлі карөд,
Дерт, мудзліс менам кок,
Эҗ автобусөн шарөд,
Мед аддзи гөгөрбок.

Тадз вежон мында коли,
Мен эз вөв лёк ни шог.
А сьөлөмөй пыр долис:
«Вай гортад мун, эм мог».

Быд асыв пристань дорын,
Көн Сыктыв юлөн пом,
Пыр йөзкөд панлі сёрни
И купайтчи, кызд том.

Öд сиктад мунö страдна,
Сән колö тәнад ки.
Тан карас ставыс ладнö...
Вай мөдiм, парма пи!»

Петыр да Тима дас во нин вийёдоны сир. Төв и гожом олоны чом кодь керкаын. Сиктё воливлоны сомын сёян-юанла да пывссыштны.

Сотисны пачас ковтөмтор — важ сирөл вужляяс. Дас вонад лоис весалёма вёрыслысь вель ыджыд юкөн. Пачсё ломтыны кыскалісны конда діньяс, кодъяс бёрынджык эськё ропмунісны-сісьмисны жё. А гожомнас лёсьёдісны төв кежлө чаглысь запас, вёчавлісны мегыръяс, додь сювьяс, гөр да агас вожьяс. Көть тай и былаын нин жур-гёны машинаяс, а сиктса олысьыд вөвтөгьд китөм кодь на.

Сир пачдорса местаыс вөлі зэв мича. Неыліті визувтіс ёль, кодлөн шуйгаладор берегыс вөлі козъя вёра да йё-нөд, а веськыдладорас сөстөм, пожёма яг, кытысь и босьт-лісны вужля чагсё. Торйён гажа тані тулысын. Шонді петтөдз на заводитёны кургыны таръяс, шывавны чукцияс. А ёль сьортас чипсёны сьёлаяс. Неылын гожомнас оліс көк, кодёс кык друг шуисны «ас лэбачён». Муртса кө ту-лыснас сёрмывліс тайё көкыс, Тима да Петыр заводит-лісны майшасьны: эз-ө пё ылав кытчөкө, эз-ө пё аддзы аслыс мусаджык места. Но недыр мысти көк бара волив-ліс татчө, и другьяслөн сьёлөмьяс личмунлісны.

И вөлі нөшта өти олысь — Казак пон. Тайё Казакыс и отсаліс кутны браконьер Педөр Ярөөс. Делөыс вөлі со кыдзи.

Сиктын көть оз эскыны енмыдлы, а важ праздник-ястё унаысь на казътывлёны.

Илля лун буретш вөлі. Педөр Ярө видз вылысь водз пышійс. Кватитчисны йёзыс, сылөн и дукуыс нин абу.

Вонс сиктё да здук кежлө пыраліс гортас пищальла. Матысса тыясысь бырөдіс нин утка семьяяссө, а вот вөрса пөтка яйнад важён нин эз чөсмасьлы. Дуль ваыс лэччө. Но йөнөдө кайны оз лысьт, Петырысь да Тимаысь полө. Талун, сы чайтөм серти, найё пач бокад эз жуйвидзны, праздничайтны лэччисны. А Петырыд да Тимаыд уджа-лісны, весиг эз пажнайтлыны: вывті нин мича вужляяс сюралісны. Сирөдысла гөрдоввиж рёмаёсь. Уна и сир да скипидар артмас. И друг йөнөдысь кыліс лыйём шы.

«Коді нө тайё?» — думыштісны Петыр да Тима. Кымын во нин татчөс вөр-васө некод эз шызьёдлы. А Казакөс тайё лыйёмыс дзикөдз скөрмөдіс. Төдө, мый өні абу пи-щальён ветлөдлан кад. Лёкысь кутіс увтны.

Лыйисны мөдысь, коймөдысь. Казак, пуля моз, лэ-быштіс вөрө.

— Вай, Тима, босьтлы пищальтö да ветлам, видзöдлам, кодi пакöститö,— шуис другыслы Петыр.

Тима эськö тани и видзö пищальсö, но киас оз босьт-львлы. Оз радейт полошуйтны вөр-васö. Со и Казак бөр воис, никсö, чотö бөр кокнас. Видзöдлісны: вир сöдзтысьö. Вєськыда пузисны мужикъяс. Найö юкисны кык пельö.

Вөрö пырöм бöрас Тималы уси син улö ляксьöм турун. Морт ветлöдлöма. Тима содтіс öдсö да регыдөн суöдіс Педөр Ярöос. Гусьöник ордйöдіс сійöс да кутіс виччысь-ны. А мыйöн сійö вєсьтасасис, кватитіс Ярöлысь пищальсö. Виччысьтöмысла да повзьöмысла Ярö шлөпмунис-усис. Сэки и Петыр воис.

— Тэ нö, лешак пызь, мый вöчан? Мыйла понсö рани-тин?

Тима кутш моз уськöдчыліс Ярö вылö, көсийс лöсышт-ны пищаль лöжанас, но сійöс вєвъяліс кутыштны Петыр.

— Эн пежав китö!— шуис сійö. Кватитіс Тима ордысь Ярöлысь пищальсö да аслас пидзöсас мыджöмөн кокниа кусыньтіс стволсö (Петыр вöлі ош кодь ён мужик).

— Кутшöм пакöсьт тэныд, лешак пызь, понйис вöчис?

— Ме... эг нарошнö,— тiралігтыр вочавидзис Ярö.— Чайті, турун пöвстöдыс пöтка котöртö...

Петыр разис Ярöлысь мешöксö, пыркнитіс. Шмоткы-сисны ыджыд энъ дозмөр да дозмөрпиян, кодъяс абу на тырвыйö гөнсялöмаöсь, сьöлаясысь тöкөтö гырысьджы-көсь.

— Зверсьыс на зверь тэ,— Петыр скöрысь бужгыльт-чыліс Ярö вылö.— Этатшöм ладинечьяслысь ловсö босьтö-мыд. Тэнö колö леторосөн пывсьöдыштны!

Петыр да Тима көрталісны Ярöлысь княссö мышкас, öшöдісны сьылі вылас нопсö да пищальсö.

— Лэччы гортад,— рамджыка нин шуис Тима.— Вись-тав пöклөн сиктєаяслы.

Педөр Ярöыд вöрас вой пуксьöмсö виччысьöма да вö-лись сиктєас лэччöма. Но кодкö аддзылöма жö көрталöм киөн локтöмсö. Та йылысь аскинас нин сёрнитісны сиктын.

Та бöрын Педөр Ярötö вöрад домөн он кыскы.

СО И ВÖРСА ВÖЛÖМА!..

Ас коддьöм арлыда зонпоснияскöд ичöt дырйи тшöкыда панльвлім «гажтöмъяс» йылысь сёрни. Öтияс висьтавліс-ны «пывсян айкаяс» йылысь, мöдъяс — «вöрсаяс» да «ва-саяс» йылысь. Но медєя нин чєлядьöс пöрысь бабъяс пов-

збодлісны керкаын олысь кузь юрсна «олысясөн», висьтавлёны на йылысь быд сикас вöвлөмторъяссö.

Со öтчыд рытын ми, вок котыр, венö воим. Öти шуö, гажтöмыдлөн пö нэмыс кузь, мöд сійöс вомалö: сöран пö сöмын. И решитим бательсь юавны, збыль-ö тайö ставыс.

— Батьö,— медводз шыасис сы динö шöркост вокным,— висьталёны, гажтöмыс пö некор оз кувлы, пыр ловъя. Збыль абу тайö?

Бать чöла кывзис сылысь, а сэсся гажаа серöктис. Видзöдліс миян вылö мелі синъясөн да шуис:

— Панінныд кö та йылысь сёрни, висьтала ме тiянлы серамбана висьт.

Ми радпырысь пуксим бать динö матöджык да чошкöдiм пельяснымöс.

— Öтчыд чöс кыйöм могусь мунасны вөрö кык вок да дядьөн шуысь, ыджыд вокыслөн пи,— заводитис бать.

И висьталіс сійö, кызди вöралысьяс воисны вөр керкаö, лöсьöдчисны узыны. Лунтырнад найö, дерт, ёна мудзисны. И мудзыд вокъястö регыдөн и наръяс вылö личкис.

Но эз на удитны унмовсьны кыйсьысьяс, кызд вөр керкалысь öдзöссö кодкö дзирйив востіс. Чеччас ыджыд-джык вокыс да öдзöссö бөр пöдлалас. Но öдзöссö ещö на ыджыд öдөн нетшыштисны. «Тайö вöрсаыд локтис»,— мөвпыштис ыджыдджык вокыс да мöдіс вомгорулас лыддыны молитва. Повзискодъ и ичötджык вокыс, но смелмöдчис да век жö öдзöстö пöдлаліс. Муртса удитис водны, керка öдзöсыд дзик гурйив воссис — стенас швачкысьöмөн. Кык вок куйлёны, эшкын улö зильöны дзевсьыны, медым «вöрсаыд» найöс эз казаяв. Налөн весигтö 12 арöса зонкаыд вуніс, сöмын ас вöснаыс полісны. «А друг да миянöс сійö аддзас!»— тайö мөвпсьыс тушаяе пасьталаыс кодзыдөн визьнитіс, а сэсся быдөнлөн пöсьныс чепöсийс.

А тöлыд öдзöстö стенö швачкöдö, скöра шувгö парма. Ывлаын сап пемыд. Кык воклы кажитчис: вöрсаыс öдзöс дорын кыйöдчö. Сöмын ичöt зонка эз повзъы. Сійö чеччис нар вылысь, пöдлаліс öдзöссö да шуис:

— Юрйив öшиньсö колö пöдлавны. Паныд тöла да со öдзöссö восталö.

Сöмын öні кык вок гөгөрвоисны, мый буретш öдзöсылы паныд вöлі юрйив öшинь, кыті паныда тöлыс ыджыд вынөн керкаö йötкывліс арся кодзыд русö да сквöзнякөн востывліс керка öдзöссö.

Та бöрын дыр казътывлісны кык вок «вöрсалысь волöмсö» да быдпöрйö пöсь петмöныс серавлісны асланыс полöм вылö.

Өти лунё водз асылын петі вөрө. Лун шөрөдз чөс-лэч пезьдөдлі, а рытнас гортө мөдөдчи, медым мыйсюрө нурьясянтор вайыштны.

Верст квайт нин бөрө коли. Со водзын — эновтөм кер лэдзанін. Эрд вылын шуштөма сулаліс джынвыйё вальдөм керка.

— Со тані и шойччышта,— мөвпышти ачым да перйи зептысь табак көшель.

— Кра-а-а-в, кра-а-а-в!— нем виччысьтөг кодкө горөдіс мышку сайын. Сійөс кузя нерис йөлөгаыс.

— Мый, трасича, повзьөдчан? Муртса тэ вөсна кывйөс повзьөмөйла эг ньылышт,— скөрысь горөді ракалы.

А сійө эз повзы морт гөлөсысь, мөдарө, нимкодь лон да ещө на гораджыка кравөстіс: «Кра-а-в, кра-а-в!»

— Йөй тэ, дзик йөй. Кыдз сөмын съөд вөр шөрас өтнадсө кутан овны!— жалиті виль төдсаөс.

Веськыд параллельті позьө аддзыны ылөдз. Со рака лэбис ордым весьтөд да пуксис ордымдорса пуө.

— Кра-а-в, кра-а-в!— паныдаліс сійө менө. Мем кажитчис, быттьө дивитө съөд ракаыд надзөн восьлалөмысь. А кор вои рака весьтөдз, сійө бара нерис да водзө лэбыштіс, сэсся сутш пуксис, мелань бергөдіс тшап юрсө.

Тадз ми верст дас ськөд панласим. Сэсся бипур песті да чайөн вынөс содтышти. А рака пукаліс пу вылын да виччысис, кадысь-кадө горөдлывліс, быттьө чуксалис: тэрмась пө, пемдан.

Дум вылө усис Лыско понйөй. Сійө тадз жө, рака моз бергөдлывліс юрсө мелань, кор виччысис көзяинсянь чөс-масынтор: «Гашкө, тшыг, коньөрөй. Со и кыйөдчө»,— мөвпышти ме да шыбиті сукартор. Ачым нопьяси да ылыстчи. Оз, рака оз тэрмась менсьым сукарөс босьтны, пукалө пу вылын да менө колльөдө синъяснас. Сөмын саялөм бөрын сійө, тыдалө, кватитөма сукартө, панйис да водзө бара пуксис. Эз и төдлы, кравөстіс, сукарыд дзик кок улө усис. «Абу тай весьшөрө тэнө серавлөмаөсь басняд. Ручыд кө вөлі, важөн нин сійө вомө эськө веськаліс»,— ас кежысь серөкті ме.

Эг и төдлы, тыдовтчис сиктлөн мыгөрыс. Рака ещө өтчид вөр тырнас кравөстіс, быттьө мекөд прөщайтчис да шывгысис-лэбис вөрлань.

Та бөрын унаысь на прөйдитлі тайө жө туйөдыс, но важ төдсаөс сэсся эг и аддзыв. Гашкө, виль местаө лэбзис, мөд вөралысьөс нин сикт дорөдз колльөдө.

и сьокыдджык. Өңі сійө каитчис нин дядьыскөд «дарөвөй яй» шедөдны ладмөдчөмсыйыс. Гындей Семө пырис төрыт Петьөясө джынъялөм спирт сулеяөн,— төкөтө пө даръя-сьыштим тайө дозсьыс Габө Көсьтакөд. Юктөдіс дядьө шуысьсө стөкан джын сорлавтөм биа зельянас да и кутіс ышөдны Петьөөс мыськовтлыны Нывсер йылө аскөдыс йөраөс кыйны. Габө Көсьта пө колян пекничаө пезьдөдөма өтиөс. Йөраыс пө сәні таво жуөмөн жуө. И кыйнысө — тшак ва. Март заводитчигад, өна ульдылөм бөрад, чорыда чарөмалөма. Чорыд чарөм вывтыд вөтлысигөн пө йөрәтө кык часөн эбөстөммөдан. Садынад эськө Петьө кинас и кокнас пыксис Гындейыдлы, ыстысис эськө вөр-васө төд-төм вылө, сы вылө, мый аслас олөмын весиг көчөс эз тувлы, непөштө йөраөс. Но юрад кө швучкас кольмөдчан-торйыд, сэк мортыдлы ни ваө ни биө абу страк пырны. Сөмын и шуис Петьө: лицензиятөгыд пө юръяснымөс вермам сиравын буриника, но Гындей сөмын шпыньмуніс:

— Петюкөй, миянладорәд законыд — парма, а прокурорыс — кепрөс кока ош!

Семөлөн шердын пасьта чужөм вылас ворсөдчис наян нюм, мыйысь кизь кодь ичөтик чангыля нырыс нөшта пыдөджык нюрсмуніс гөрд помидоръяс моз лөсталысь кыз бандзибьяс костас, а дзикөдз векнямөм син потасьяс пырыс чутьясөн муртса кутісны төдчыны спиртысь гудыр-мөм пемьдвиж синъясыс:

— Кайлам, пиукөй! Больничнөй вылын жө пукалан-а. Пальөдчыштан көть. Да и мамыдлы дас кымын пуд бур-сьыс-бур яй козыналан!

А гажмыштөм Петьөөс и асьсө пыр өнджыка пондіс полонитны дядьөн вөзйөм мөвпыс. Зон дөзмискодь нин гортын лажвидзөмсыйыс. Вежон сайын, уджалігас, топөдіс трелюйтчан тросөн водз да шөр чуньяссө шуйга кисьыс, и өні со бюллетенялө. Фельдшер шуөм серти, кык недель-тө ковмас на пөжсьыны гортас. Мыйла сідзкө и не шывк-нитлыны Нывсер йылас лун куим-нөль кежлө, вөрәлө-мыслысь көть көрсө видлыны? Да өд и мамыс ыджыд нылыс дорө орча сиктө недель кежлө войдөрлун муніс. Петьө сы воиг кежлө буретш и удитас бергөдчыны, везитас кө — завидьтана прөмысөн на.

Тайө думьяссьыс зон быттьө бөр кутіс шонавны. Сьөлөмыс, буракө, тэрыбджыка пондіс вөтлыны вирсө сөнъя-стыс, юрыс тшөтш сөдзымыны кутіс. Сөмын тай киясыс дубавны быттьө заводитісны. Тыдалө, армиясьыс кольөм арын вайөм вещьөй мешөкыслөн волысьясыс зөлөдөнджык пельпомьяссө, көть Петьө фуфайка кежсьыс и петіс

гортсьыс. Да и каджас зутшөдө мешөкас жө суйөм разьөм ружьеыслөн прикладыс. Вадскөй вөрпунктын, көнө Петьө уджаліс трактористлы отсасысьөн, сійө эз көсйы петкөдчыны ружьеөн да ноппөн, мед эськө төдса войтыр эз жө шуны: «Со висысьыс кутшөм! Прөмыс вылө сетчөма!» Та понда сійө и разис ружьесө да төрөдіс сійөс ноппө, кодөс посөлокө пыртөдз мөвпыштіс өшөдны козйө. Муртса сувтовкерис лөсьөдыштны мешөксө, кыліс мыш сайсьыс дядьыслыс нора горзөмсө:

— Кытчө сы өдйөсө лөсьян? Лолөй менам петны нин кутіс. Лешак машина! Видлы тэ бөрся вөтчыны, дас во нин, гашкө, эг сувтлы лызь вылас да.

Гындей Семө, быттьө мекентоша, ыж ку пася мыш саяс ыджыд ноп да ружье — поиктөмөн лашиктіс аслас нэмөвөйся лямпаяс вылын. Орчөн көзяин мозыс жө неокотанырыс ротіктіс Серко понйыс.

Гындей и збыльыс во дастө төвся вөрад эз ветлы. Да и водзджыксө сійө вөралөмад вывтисө эз жө босьтчыв: дозмөрөс сюзькөд, гашкө, и путьмис на не сорлавны, а таркөд — өдвакө. Сэсса и торъя коланлуныс вөралөм-кыйсьөмас, кыдзи сійө ачыс лыддис, сылөн эз вөв: кынөмпөттө пө ме ас удж помысь, ен ськөд перйылі, бруль ватө пө нэм на эг панявлы. Уджыс Семөлөн, нинөм он шу, — збыль, вердаса, пөткөдана: гын көм сійө гындывліс. Сиктад ас валегитө магазинса вылад бара оз вежны, торъя нин олөма войтырыд. А медым тюнитө вөчас буретшөн, шоньдөн да крепьдөн, вайлісны Гындейлы и яйтө, и черитө, и мукөд чөскыдтортө — төд вылын кутлісны гын көм вөчөдысьяс, кутшөм гуся вежөртас суйліс Семө аслас радейтана шусьөгө: «Валегиныд морт серти да вурун серти артмө». Төрыт на Габө Косьта йөра яй тор пыртіс Семөясө — мойвиөма, трасичаыдлы, пезьдөдны өти пемөсөс. Косьта и ыззьөдіс Семөөс вөрас мөдөдчыны: мыйөн кыліс сылысь ошйысьөмсө — таво пө йөратө бедьөн позьө кыйны — ыпнитіс Гындей морөсын бензинөн киськалөм пес моз жө сылөн колөмыс да горшлуныс. Вывті нин сійө радейтліс чөсмасьны «коклетнад да пельменьнад».

Эз кө эськө вермы синны дядьөн шуысьсө кайлыны аскөдыс кыйсьынысө, дерт, Гындейлы, нинөм вөлі и думайтны өтнасөн петны гортсьыс — кысь нин сылы, обойма кодь ношъялысьлы, йөра бөрся чишьявны. Өти надея племяшыслөн кузь, вынйөра кокъяс вылө.

Гындейлы тѳдса Лопью дорса вѳр керкаѳдз дядя-пиа воисны аскинас, лун шѳр гѳгѳр. Войсѳ узисны тасянь медматыс делянкаса вѳр пѳрѳдысьяслѳн будкаын, кытчѳ найѳс тѳрыт рытнас Вадскѳй вѳрпункт посѳлокысь гургѳдѳс ас машина вылас Петьѳлы тѳдса шофѳр. Тѳрытѳя поводнѳя мудзѳм бѳрти кыкнанныслѳн асывнас узьсьѳма, чеччисны сѳмын кѳкъямысѳд часын нин, завтракайтѳсны, а сѳсся тѳр-масьтѳг веськыда параллель кузяыс воѳдчисны татчѳдз.

Вѳр керка сулалѳс дзик параллель бокас, Лопьюлѳн ичѳтик чалльѳг дорын, неыдждыд нѳрыс вылын. Найѳ пырисны и веськалісны быттьѳ гуѳ — дзурс пемыд: керкаыс вѳлі ѳшиньтѳм. Гындей ѳзтѳс гортсьыс босьтѳм сисьсѳ, и кор югѳрѳясыс разѳдѳсны пемыдсѳ, Петьѳ кытшовтѳс синѳ-яснас гѳгѳрбок: стен бердас — паськыд лабичьяс, пельѳсын — пызан, горѳя пач дѳнын — моздор-кык пес, тшынсьыс сьѳдасьѳм пазѳясын лѳзьясѳн ѳшалѳс са, керѳясыс вѳчѳм пѳтѳлѳкыс сѳтшѳм ляпкыд, мый зонлы лоѳ копыртыштѳмѳн видзны юрсѳ:

— Да-а, комфорттѳ абу тѳдлѳмны пѳльясным... Весиг ѳшиньтѳ абу пѳськѳдѳмны,— лабичѳ нопсѳ пуктѳг думыштчѳмѳн шуис Петьѳ.

— Кутшѳм нин «компотѳяс» йылысь маитчан? Петрѳванѳй?— пыр жѳ сетѳс кывсѳ Гындей.— Гашкѳ, сѳ во чомыслы. Сѳки и олан керкаясѳ стеклѳыс ѳшиньяс вылѳ эз сюрлы. Вай бурджык ломтам пачсѳ да чайѳн шонтысьыштам. Со и пѳссѳ бур йѳз кольѳмаѳсь тѳа-меа коддьѳмыслы. Тайѳ пѳскыд, дерт, мянлы оз тырмы. Гашкѳ, неделѳ джын кыйдѳстѳ ковмас виччысьны: госаджык чериыд юрсѳ пыдѳджык суйѳ.

Найѳ ломтѳсны пач, пыртѳсны чай вылѳ сывдыны лым, а чай пузигкостѳыс петалѳсны да лѳсьѳдѳсны лун куим кежлѳ пес. Калбасѳн нурѳясьыштѳм да выя няньѳн чай юѳм бѳрын дядя-пиа бара сувтѳсны лызьяс вылѳ, медым чалльѳг пѳлѳныс лѳччывны Лопьюѳдз да стѳча тѳдмавны, эм-ѳ сѳні йѳраяслѳн кок туйныс. Понсѳ найѳ колисны «горт овны»: Гындей полѳс, мый увтѳмнас Серко полошитас пѳмѳсьяссѳ.

Вылынкодѳ нин сулалысь шондѳ лышкыда койис югѳрѳяссѳ, но налѳн выныс, буракѳ, кушѳдз мунліс пармавесьтса кѳдзыд сынѳдлысь кыз пластьяссѳ пѳськѳдѳм вылѳ, и кыйсьысьяслѳн пай вылѳ шоныдыс войт эз лишав. Вежонсайса чорыда ульдылѳмыс мездѳс вѳрсѳ тѳв чѳжѳн лыбѳдѳм

гырысь туктаясысь, и öнi төвся кышöдысь прöстмöм пуяс, ассыныс увъяссö княс моз вывлань нюжöдöмөн, быттьö элясисны шондiыслы сыысь, мыйла сiйö та воддза кульыштiс на вылысь кышöдсö, йöткыштiс найöс шоньд төдтöм кöдзыдыслы лёк нарт улö.

Ёль пöлөн мунигас налы паныдасьлисны йöнöдъяс, посьыд вöра тшöкьдiнъяс. Южмöм, крепыд чарöм вылысь Петьöлөн том синъясыс казавлисны вöрса пемöсьяслысь уна пöлöс кок туйяс. Но вөр-валысь тайö шыпасьяссö эз сяммы лыддынысö. А öтилаын кутшöмкö лэбачлөн посьныдик вурыс кодь кок туйясыс сэтшöма воисны сьöлöм вылас Петьöлы да шензьöдисны сiйöс, мый зон бергöдчис Семöлань да юалис, кутшöм пöтка тадзсö вурсьыны кужö, но Гындей дөнзьöмөн шеныштчис кинас да сöмын нускыштiс мыйкö гөгөрвотöмтор — буракö, и ачыс вөр-ваыслысь сёрнисö важөн удитöма вунöдны. Петьöлы жаль лои, мый пармаыс, кодi сылөн батьяслы-пöльяслы вöли асөн, матысьыс-матысөн, сылы, со, төдтöм и тупкöса. А мöдарсянь кö босьтны, кор Петьö вермис велöдны-тöдмавын вөр-васö? Дас кык арöсөн сiйö энöвтiс сиктсö да вуджис овны Воркутаö из шом комбайн вылын уджалысь Öльö вок ордас. Велöдчис сэнi и вокыслысь челядьсö отсалiс быдтыны. Войвыв карсьыс и армияö босьтiсны. Брестса гарнизоньн служитiс — бара жö вöрсьыс ылын.

Вөр керкасянь километр вит öдöлитöм бöрын кыйсьысьяс воисны Лопью дорса тшöкьд вөр дiнöдз. Гындейлөн горш видзöдласыс пыр жö сатшкысис вөр дор кушинвывса уна лыда гырысь, неуна вöльдалöм кок туйясö. Кок туйясыс пыртöдисны тшöкьдiнас. Ыджыд мывкыд эз ковмы, медым гөгөрвоны: тайö вöрыс буретш йöраяслөн төвъянiныс и эм. Гындейлысь дузьялан букушлунсö, кодi эз бырлы сы чужöм вылысь татчö локтигчöжыс, быттьö öнi чышкыштiсны; синъясыс сылөн нөгыльмисны маөн; чайтсис, мый йöрасö сiйö кыйöма нин — колiс сöмын кульны.

— Но, Петюк, сьöлöмшөрöй, төд: аскиыс миянöс мичаа козьналас! — чиктылан гөлөсөн кургис сiйö. — Аддзан, мыйта кок туйыс. Гашкö, сё юра стада төвийö тан. Öтитö, кöть мый, а чергöдам! А öнi мöдiм бөр, дасьтам лыйсян-кыйсян кöлуйтö, пöтöса ужнайтам да водздзык пөрöдчам узьны: эбöсьястö колö чöжыштны, аски кокъяснымöс буриника лöп песьштны.

Вөр керкаыс, кытчö найö югыднас на воисны, ымралiс пывсянпытшса шоньдөн, кöть горсö тупкытöмөн и кольлисны. Шоналöм стен да пöтөлök керъясыс ньылöдöмаöсь. Гындей лөсьöдис Петьöлөн яй консервысь пуны шьд, сэсся

перйис патрон сумкасыс кымынкө пуля да мыччис найёс дядьён шуысыслы:

— На, зарадит патронъястө өтка пуляснас. И пицальтө разьлы, видлы, ставыс-ө лючки, мед аски оз жө ылөд. А томансө кө мавтөма, косөд дзикөдз, татшөм көдзыднад мавтасыд кынмас да сэки этша лыйсян.

Тайё быдөнлы төдсаторъяссө висьталігас сы чужөм вылын вөлі гижөма сэтшөм тшапитчөм да төдысьө пуксыны зільөм, быттө тайё здукас Гындей чайтис асьсө генералөн, коді восьтө посныдджык командиръяслы война нуөдан искусстволысь медся гусяторъяссө.

Петьөлөн нывлөн кодь гырысь лөз синъясас дзебясис гажа серам. Пыльситөмысь өдва кутчысьөмөн, сійө юалис:

— Менам куш патронъясыс абу. Петавны да шковөбтыны дрөбаяссө да сэсся зарадитны пуляснас, али мый?

— Өдтө шковгыны сійө пондас!— Гындейлөн чужөмыс вежыньтчыліс пинь юковтөмысь моз.— Кузь кокаяссө өд веспөртан. Косяв дрөба патронъястө да зарадит пулясөн.

Шыдпусьөм бөрын пуксисны ужнайтны. Ывла вывті дыр ветлөдлөм бөрын сөйсис азыма.

Ужнайтөм бөрын пыр жө водисны узьны. Гындей лажмөдчөмөн тшөтш тыртис керкасө сыркөдана шкоргөмөн: «Дядьлөн дизельыс бура на уджалө. Ни өти форсунка оз на ыръянит»,— ас кежын шпыньмуніс Петьө. Аслыс жө сылы эз узьсы. Нисьө жарысла, нисьө сы вөсна, мый юрас сылөн, мазіяс позйын моз, жуисны быдсяма думъясыс. Кыдзи аски тэчяс вөралөмыс? Татшөм чораса чарөм вывті-ыд йөраыдлы и збыль ёнатө не тривкъявны. Гындей шуө, мый понйыс бур отсөг вермас сетны: йөра бөрся Серколөн котөртигас сы увтөмө поводнөя позяс весьтасавны, дженьдөдавны вөтлысян туйсө. А мый татчөс местаяссө Петьө оз төд, нинөм сы понда: абу өд гожөм, өні лызьясид, майбыр, тыдалана туй кольөны — вошан кө, сөмын бергөдчы, аслад сөртөм лызыничаыд мойдыввса шөрт тупыль моз вайөдас сэтчө, кытысь петін.

Вөралөм йывсыс мөвпьясыс сэсся кежисны мөд, Петьөлы ёна мусаджык ордым вылө... Иннаыс быттөкө син водзас сувтис. Зонлы вемөсын моз петкөдчисны радейтана нылыслөн мугов, кыз пулөн вундасін рөма кузьмөсіник чужөмыс, шыльыд, атласөн лөсталысь сьөдоват юрсиыс, гөрд би киньторъясөн йиджтысьөм карөй синъясыс, сылөн небыдик, гожся рытъя шонді моз меліа шонтысь нюмыс. Тайё сьөлөмтө вөрзөдана нюмыс өзтис Петьөлысь радейтөмсө Иннакөд клубын медводдзаысь аддзисигөн, кор нылыс төвся каникулъяс дырйи воліс Сыктывкарысь гортас,

Вад посёлокө. Зонлөн съёлөмыс ыльөбтіс радлунөн... Недыр нин сылы коліс виччысьнысө: апрельын ныв сдайтас педучилищеын госэкзаменъяс, а май праздникъяс дырйи найө грымөбтасны свадьба, и Инна вуджас овны сы дінө. Мирын медмуса кык мортыскөд — мамыскөд да Иннакөд — овмөдчасны найө шудасъыс-шудаясөн. Мамсө Петьө некор оз энөвт. Нель челядьөс өтнас лэптис, война вылын усьөм батытөгыс. Мыйта курыд шог лоис апапны доналы! Кад и водзөс мынтыны. Став чой-вок пыддиыс! Кор зон помөдз вөйтчис тайө нимкодясян думъясас, унмыс төдлытөг шевкнитис сы вылө ассыс кокнидик бордъяссө.

* * *

Асывнас сөйигөн Гындей бара төдыс кыйсысыс этшөн сеталис юрнуөдан индөдъяс:

— Тэд, пиө, вөтлысьнытө кокньөдчөмөн лоө. Пищаль кындзынд немтор эн босьт. Пөлино, патрон сумкаыд ковмас жө. Нуръясыштнытө луннас кыкнанным вылө ме нопторйө сюя аслым. А matkaыд тэнад, көнкө, абу?

— Кутшөм matka? — эз гөгөрво Петьө.

— Қомпасыд но, рочөн кө.

— Ме бара компасъяс йывсыд эг и думышты.

— Но, ладнө. Менам эм, өтиыс тырмас. Тэ бөрся жө өд кута кольччытөг кырсыыны. А Серкоөс чарсөдзыс дом вылын нуөдам: мед водзвыв оз вөйсөдлы йөраяссө, гашкө, чарсас на и вермам лыйны.

Кор петісны вөр керкасыс, ывлаыс лөз югыдөн нин вөлі тырөма. Асыввылын паськыда ломалис дон биөн кыа, — быттьө сыладорын вөрыс уна верст кузъта да пасьта босьтчысьөма ыджыдсыс-ыджыд пөжарөн. Пашлякыс швачөбтіс быд боксянь пельтө чунөдана горөн. Көдзыдыс көин горшлунөн уськөдчис-сапкысис пурны вөралысыясөс, и мед не сетчыны сылы, кыкнанныс кутісны шарсйыны-котөртны төрытъя нюжөдөм лызынича кузяыс.

Чарсө воисны югыдөн нин. Лажмыд петөм шонді югдөдіс пуяслысыс йывъяссө, быттьө югөръясысыс кыөм вевттьөд плавкнитис вөр вылө. Муртса удитісны мынтөдны понсө домысыс, кызди кыліс сылөн яра увтөмыс.

— Мый нө, көчасьө али мый? — Серко шылань веськөдчиг, шуис Гындей. — Дзык тай көч вылө моз лязвө-а...

Ыркмунісны налөн съёлөмъясыс, сөмын аддзисны начөнія на, лым вылын ясыда төдчысыс кок туйяссө: гырысысь, версттьө йөралөн, и посныдикось, көзалөн ыждаөсыс.

— Полошитис, морыд! — ёрччыштіс Гындей аслас пон

вылө.— Мама-пиа со волөмаось. Мөмөтыс кө эськө тайө менам эз вөйсөд, кыкнаннысө эськө тани и пластайтим. Жаявмыны эськө эз ковмы. Ок-ок-ок!.. Оз тай артмы, кыдзи бурджык!— И кор паныдасис Петьөлөн юасян видзөд-ласкөд, коді быттьө виччысис дядьяныыс колана чуйдөдөм, содтіс:— Вай, Петюк, зэвтлам вынъяснымөс. Вөтөдам, ылө оз пышйыны кыкөннадтө.

И найө нетшыштчисны тшөкыдсыыс туявны вөрса пемөсьясөс. Петьө көть и вит верст сайө нин вөр керкасяныыс татчөдз вөчис, а вынъясыслысь чинөм ас пытшысьыс ньөти эз на кыв, ньөв моз сійө төвзис гылыда исковтөдан чарөм вывті. Гындей жө километр джын өдөбөн шуркйөм бөрын пошыктыны кутіс и төдчымөн кольччыны.

Йөраяс первойсө лунвывлань мунісны, но южыс найөс эз лэпты, и верст кык мысти пемөсьяс чегисны веськыд-выв, Лопью сьөртө, көні коз пуяс улас лымйыс вөлі ляпкыдджык да кысянь позис налы шыбитчыны вөр ю йи вылас. Лопью пөлөнөдыс котөртігөн зон чөвтліс бөрас видзөдлассө; Гындей некөн эз тыдав, Серкоыслөн тшөтш — шы ни ру. Та вылө видзөдтөг, Петьөлөн и мөвп эз кыптыв бергөдчыны, сійө ставнас өзйис нин кыйсьысьлөн вөтчан азартөн, да и эскис сійө чорыда, мый вермас суөдны қыйдөссө. Туялөмсө панөмсяныыс час кык мысти сьлөн тайө эскөмыс со быттьөкө и збыльмыны пондіс. Ещө өти йөнөд вуджигөн зон ёсь синъяснас метр нельсө сайысь тшапкис майбыръясөс. Водзын восьлаліс йөрапиыс. Бөрсяныыс морөснас йөткалыштөмөн отсаліс сылы мамыс. Радысла зонлөн вирыс кучкис юрас. Өти бурник чепөсйөм — и сійө вөтөдас пемөсьясөс. А сэки... Гортө локтөм бөрти сійө пыр жө гижас Иннаыслы письмө, көні посклоннө серпасалас, кутшөм завидьтана артмис сьлөн медводдза вөралөмыс, кыдзи өтнас, понтөг и Гындейтөг, суөдіс да водтөдіс со этайө водзын пуркйысь-гөнитысь великансө. Сөмын эськө сылы, Петьөлы, воны тайө бобөясыслысь кыксө, сөмын көть кыксө метрсө. О, сэки эськө сійө өшыбка оз вөч! Өд армияс Петьө ротаса медбур лыйсьысьяс лыдө пырліс.

Зон нөшта на содтіс воськовьяссө. Патрон сумка волысыс крукасьліс бадьясө, мыйөн зэв ёна дөзмөдіс Петьөөс. Сійө кыкис сэтысь пуля патроньяссө, суйис найөс зептас, а сумкасө шуркнитіс лызьнича вылас.

Йөра, буракө, казяліс вөтчысьөс да петіс пысьыс водзө. Сійө вына чеччалөмөн поткөдіс южмөм лымсө, кыдзи ёсь нырнас вожөдө моревывса гыяс корабль. Но морт тыдавмөн матысмыны кутіс. Сэки йөраяс крута кежисны Лопьюлань. Ой, мый өдйө найө кутісны пызйыны йи кузяыс не-

кутшом мытшодкд паныдасьтөг! Оти здукон и вошисны
Петьо син водзысь.

Зон съолмнас усьлі та бөрүн, но надеясө век на кутіс
и котортан одсө эз чинты. Юр вывтыс йөраяс ризөдөмаось,
сэся бөр шуйгаладор берегас кежөмаось да заводитөмаось
мунны Лопьюо лунвывсянь усьысь ёль пөлөн. Оти местаын
ёль пөлөнөдыс вөтчигон зонлөн видзөдласыс мыджисе лызь
туйо, код вомон чеччыштөмаось йөраяс. «Тыдало, тувсов
прөмыс выло мөдөдчөм вөралысь,— думыштіс сійо,— либо
миян коды жо йөра кыйысь». Оні выло нин кыпөдчөм шонді
веськыда инмис Петьөлы чужөмас, ёрис синва петтөдз
синьяссө, быттьо ышөдіс дугөдсьыны сійос, кытчөдз абу
сөр, пемөсьясөс весьшөрө туялөмсьыс. Лолыштны сувтөм
зон видзөдліс часі вылас и акнитіс: кадыс вөлі час нин!

* * *

Гындей тэрмасьтөг рувгис зон туй кузя. Регыд, виччысь-
төг, и Серкоыс кыськө усис.

— Мыйла, дыш рутей, энөвтчин вөтлысьөмсьыс?—
ырыштчис сійо пон вылас.— Шөть! Мун отсась Петьөлы!
Мун! Кодлы шуоны?

Но понйыс улө лэдзөм бөжнас легөдчигтырйи да ник-
сигтырйи эз вешыи некодладорланьо. Гындей макнитіс
кинас.

Недыр мысти сійо кыліс Серколысь увтчөмсө. Уськөд-
чис сьортас, увтчанинас, чайтіс, мый понйыс бара онтая
моз йөраяскөд вочаасьома. Но некутшөм кок туйяс эз ты-
давны.

— Мерлина! Дзикөдз дикмөмыд и менө йөйтөдлан!—
скөрысь равөстіс сійо да чужыис понйыслы бокас. Мөдыс
чилзөмон омлялігтырйи пышйис кытчөкө.

Час куним мысти Гындей зурасис Петьөлөн сумка выло.

— Шыблалө, трасичаыд, а тэ өктысь сы бөрся,— сум-
касө лэптиг броткөдчис сійо. Герчкөмсө сылысь торкис пон-
йыслөн зэв ярскөба увтчөмыс. Гындей пырис вөрас да ад-
дзис горсья кыз конда дорысь, код дінын сулаліс Серко-
ыс, туланлысь кок туйяссө.

— Ак тэ, сөшайтөй менам!— ошкыштіс понсө көзяиныс,
кыскис тасма костысь чер да тышнас мый вынсьыс босьт-
чис гымөдны пуас. Тулан мыччысьліс здук кежлө горс-
сьыс да бөр тивкнитіс сэтчө. Дыр на Гындей клөнөдчис,
но весьшөрө. Куничасө сійо лыддис асласон нин и неку-
тшөм вын эз вермы Гындейос кыскыны татысь, кытчөдз
дона зверь оз веськач сы киө. Яра босьтчис пөрөдны пусө.

«Кучиксö ачым вöчöда да шайт ветымынысь вузала. Эсымында деньгаыд туй вылын оз туплясь!»— эз вермы кутчысьны водзвыв артасьöмысь Гындей.— А Петьöлы ог висьтась. Шуас ещö: «йöз мыш вывті пö исласян, дядь,— ачыд тулан кыян, а ме тэныд помечала». Висьтала: лампа көртöдöй, мяся, орис, сы вöсна и коли тэысь».

Пуыс, загреки вылад, кыз болоня да зэв чорыд сюри. Уна и пöсь ковмис кисьтны, но бара весьшöрö: пöригас конда шатовмуни да öшйис сыысь на кызджык, кык сывья, ниа пуö. Гындей забеднöйсла тайкö бöрддзас: «Мыйла, нöш юр, водзвыв эг пык ниаладорсяннысь?»— көритис сийö асьсö.

Кыскис зепсыыс часі — коймöд час нин. Кынöмыс сюмалöмысла гуракыліс. Тайö жö, лёк вылö көвъясьöм конда дорас кызсюрö меститчис сёйны, перьяліс нопсыыс Петьöлысь сырсö, аслас вöрзöдлытöм на запасьясысь порсь тшöг, пуом колькъяс да пондис агсавны-сакны.

* * *

Петьö эз öвсы йöраяс бöрся вöтчöмысь и водзö шавксöдіс ёль пöлөнöд. Тані сылы нöшта на кымыныськö паныдасьлісны тöдтöм вöралысьлөн лызь туйясыс. Öтчыд сийö весигтö вуджöма Петьö пемöсьяслысь кок туйсö, но туявны найöс сылөн көсийöм, тыдалö, абу чужöма.

Йöраяс вочасөн бергöдчисны асывлань. Но зон тайöс эз и казаяв. Öтилаын, кыркötш дінö матыстчигөн, дзик быттö юр весьтсыыс кыліс йöралысь гылыд, сынöдсö юковтана бакöстөм, мыйысь Петьöлөн быдсөн черебтыссис. И пыр жö зон төв ныр моз чепöсийс ньывкөсadjыкинті кайны, но өддзöм вывсыыс джөмдіс да нюжөдчис лым вылö. Чеччигас кулис вывсыыс фуфайкасö, коді öні кажитчис пуд сьöктаөн, да мөвкнитөмөн швыркнитис бөрвыв. Кыркötш вылын сюся йиграліс синъяснас гөгөрбок — некодöс эз аддзы. Шыбитчис бара дуитны йöраяс кок туйöд. Лолыс тыртöдз, буракö, верст кык мыськовтіс кокньöдчөм бöрад öти мөвпөн: вот-вот судзöдны «мутиясöс». Но найö некытөн эз петкөдчывны. «Мый нö, кажитчис али мый меным?— воськовсö чинтіг зілис гөгөрвоны лөөмторсö зон.— Но öд сэтшөм гора шыыс вöлі. Колөкө, мөд йöра көнкө, кыркötшсянь неылын, гөлөссö сетіс. Либö йөлöгаыс сэзь луннад тадзикөн ылөдчö».

Косьмис горшыс, и та вöсна эз мудзöмысла сылы быттö вöрса сынöдыс эз тырмы. Моякылісны кокъяс, кутісны турдыны надзмөдчөмнад киясыс, торъя нин дояыс. Мыв-

кыдыс тшөктіс косны эновтөм кышөдысла. Но Петьö сувт-
лытөг муніс и муніс, быттö йöра кок туйясыс кыкисны
сійöс, кыкисны тыдавтөм дом йылын ас бөрсяныыс. Да,
веськыда кө шуны, зон век на чайтіс, мый рытгорулас йö-
раяс помөдз видзасны эбөссö, и сэки найö си кыын лооны.
Эскис сійö и аслас вынъяслы, Гындей вылö надеяөн асьö
ышөдөмөн, вөтөдас дядыс, ваяс аскөдыс сумкасö, фуфай-
касö, дерт и, сёянтор (төдö өд — Петьö нянь торпыриг ве-
сиг эз босьт). А мыйкө курччалыштөм бөрад, да паськөм-
над, Петьö вöрас көть войбыд шардлыяс, му увсьыс кор-
яс асьыс кузь кокаяссö.

Час витын чуймөм зонлы нем виччысьтөг мыччысис,
мый сійö муно асывнас писькөдөм лызьнича кузяыс, сөмын
мөдарö нин — йöраяс чарслань. «Сідзкө, мутивöйясыд, вö-
чөмаось мегыр сяма кытш, и öні, көнкө, пөткөдчөм бөрын,
асланыс куйласінын шойчигмоз, мама-пиа сералöны сы
вылын, киподтөм, йöй вöралысь вылын.— Гажтөма нюмдіс
Петьö.— Мыйөн заводиті, сійөн и помала».

Пинжак кежсьыд сійö öні ставнас тірзис. Позьö эськө
пестыны бипур да виччысьны дядьсö, но и черыс Гындей
ордын. Сійö кыкис дөрөм морөс зепсьыс спичкисö — көть
сутшкывны ловъя бисö — и нөшта öти неминуча: пöяв-
лөма, и көрөбыс и став тувйыс нильзьөмаось.

Спичкинас ноксигкості Петьö эз и төдлы, кызди торкис
Гындей лызь туйөн и бергөдчис выльысь вöчны асьыс лун-
тырөн сёртөм шудтөм кытшсö.

Пукис рыт. Чайтсис, мый рытыввылын вир рөмөн öг-
ралысь кыа туналö зонлы став лөксö. Бөрынджык босьт-
чисны öзъявны кодзувъяс öти бөрся мөд, и войланьыс паш-
ляк заводитіс пыр гораджыка и тшөкыдджыка трачкөдчы-
ны, быттөкөнөсь кодкө зэв ыджыд тшөті вылын арталіс
кодзувъяслысь лыдсö.

Петьöлы эрдөдчис аслас сорсьöмыс сөмын кыркөтш
дінын, кытчө сійö, помнитö, кольліс фуфайкасö. Паськөмсö
аддзөм вылö лача первойсö лаймөдіс-небзьөдіс суөм вель
притча понда майшасьöмсö. Эштөм мортлөн ярлунөн шыб-
ласис зон öтарö-мөдарö олөм видзан кышөдсö корсиг. Но
то ли кыркөтшыс вөлі мөд, то ли ещö мый, сөмын воштөм-
торйыс некытысь эз югды. Öні зонмөс прамөя шымыртисны
шөйвошөм и шөгсьөм, сылы ясыда мыччысис, кутшөм пö-
гибö сійö веськаліс.

— Э-э-э-эй! Коді тани-і э-эм! Спаси-и-и-тө-өй!!!— ырзан
сора, тірзян гөлөсөн горөдіс сійö. «Э-э-э-эй!! Коді тани-і
э-эм! Спаси-и-итө-й!!!»— чөвтөдіс бөр чукөстөмсö веськодь
йөлөга. Сэки зон мырдөн сорөн октіс ружьеыслысь курөк-

сö, лыйис. Гымöбтöм пыдди куш кручкнитис — осечка! Ешö öти тьяльскöм. Ешö... Видлис разны ствол накладкасö, но измöм, куснясьтöм чуньясыс эз кывзысьны. Да и öдвакö этшысь петöмön бушуйтчысь пашляклön шковгöмьяс пыр позис торйöдны пищальлысь лыйöм шысö.

* * *

Гындейлön ылалöмыс лоис жö. Сейöм бöрын сийö вөр-зöдчылис öдöбön шавксöдны, но дженьыд кадön зильöмыс сылön и сылис доналöм рач вылын вуй тор моз. Пемыднас нин сийö воис сэтчö, кöни дядьön шуысьсылön лызьничаыс кымынкöлаті гартчылис тöдтöм морт лызьничакöд. Öти татшöм падвежайнын Гындей и мөдöдчис тайö мортыслön лызь туй кузя. Вель уна варликтис нелючкисö. Чигарка öзтыны сувтлігас сöмын казялис йöраяс кок туйяслысь абу-тöмсö. Бура и сөткис став свет вылас. Сэсся кыкис компассö зепсыс да зурзöдны кутис веськыда войвывлань. Понйыс чöла лётіктис бөрсяныыс: тыдалö, тшöтш лунтырнад жаялöма. Стрöга компас серти мунöмнад коркö и веськалис параллель вылö. Сы бөрти веськöдчис, бара маткаыс серти жö, асывывлань — вөр керкалань.

Ас вöснаыс тöждыс öни личöдис Гындейöс, но пондисны йирны Петьököд йитчöм майшöдлана мөвпьяс. «Сийö, кöнкö, важön нин вөр керкаас менö виччысьö», — мырдön збодеритис асьсö Гындей, медым вöтлыны мустöм думьяссö. Но кор петис чарссянь вөр керкаö нуöдан туй вылö, зонлысь выль лызь туйяс эз аддзы. Колö вöлі косны Петьöлы отсöг вылö.

— Ог, ог и ог! Мед кöть виасны, а бергöдчыны ог вермы! — водзсасис сийö зонмöс корсьöм могысь косны коланлункöд. — Кокъясöй юзгöны мудзöмöйла — регыд бауön ковмас кысьыны. Не воны мем бөр Лопьюöдз. Тасянь сöмын кык верст керкаöдзыс. Муртсысь пукышта, пöсь чайön шонтыся, сэки и корсьны поэяс».

Збыльысьсö, керкаöдзыс верст куимысь не этшаджык на вöлі муннысö. Тайöс, дерт, Гындей тöдис, тöдис и сийöс, мый олöмнас эз пудьясь непöштö Петьö вöсна, но и аслас пныс вöсна.

Керкаö сийö воис дас öтикöд часын. Лунтырнас оланіныс нач кöдзалöма. Кос пескön ломтис пачсö, пузьöдис чай да пötöса ужнайтис. Сейöм бöрад шоналöм керкаад сийöс ониш босьтис, порсылön кодь синьясыс дулалісны, вожасис ун. «Часлы, ойбыртла сöмын сутш и мөдöдча». — И пыр жö суніс крепыд унмö.

Вой шорнас Петьо век на кыссис Лопью кузя. Зонлы кажитчис, мый сийо юр вывсыныс кок улөдзыс ставнас йизьома: и сьолөмыс йи торйон лоома, и ты-мусыс, и весиг вирыс сөнъясас, быттьо найо пьдөсөдзыс кыммом юяс. Не-кымынысь зон нетшыштчыліс медбөрья эбөссыс котөртны, но чералөм лызя кокъясас быттьо кык пудья гираяс пыса-лөмны, и найо кольччылісны тушасыс быд выныштчигон, мый вөсна сийо пласьт усьлі, и та дырйи доя кинас муо зурасьомсыс синъяссыс сьавкнитліс би да пычиктсьыліс-ны синва войтъяс, кодъяс сэсся йи мольясөн гылалісны муо. Татшөм жө, но югзян йи мольясөн чайтсьылісны Петьолы енэжас кодзுவьясыс — найо быттьо сотісны би киньясөн зонлысь юр вемсө.

Ловья лов некөн эз кыв. «Да и кытысь?— мөвпыштіс сийо.— Татшөм веж морознас став пемөсьясыс, зверьясыс, лэбач-пөткаыс асланыс пьрмөсьясын, гуясын, куйлөсьясын, позьясын, горсьясын шыньгөны-узьоны. Ставныслы налы парма-мамыс, кызди радейтана верной пиянлы сетіс юр суйөд и дорйө кодзыдысь да мукөд пөлөс неминуча-ясысь. И асьныс найо, вөрыслөн быдтасьяс, быд ловья лов, оз кольны водзөсаөн парма водзын, вөчөны сылы кутшөм-кө да кутшөмкө буртор, пөльза. А Петьөлөн пөлясыс өмөй бокөвөйөн вөліны вөрыслы?! Некор! Ичөтсыныс найо төд-мавлісны пармаыслысь сямсө, законъяссө, велөдлісны ра-дейтны сийөс, дөзьөритны, лишной кер эз пөрөдлыны, лиш-ной ув эз чеглыны, лишной ур эз вилыны. И пармаыс лыш-кыда козынавліс налы став коланаторсө — вердліс-удліс, көмөдліс-пасьтөдліс. А сийө... Петьо? Коді сийө вөрыслы? Кортөм гөсть, шыщ, вөрөг! Вөрсө төдмавны, сылысь гуся-торьяссө гөгөрвоны видлытөг, киподсө вөр-ваыслы бур вылө ньотчюд пуктывтөг суйсис сийө парма владениеө, лэп-тіс кисө сылөн дона пиянысь өти вылө сөмын вышитчөм могысь, сөмын ыкшасьөм ради. Ичөт, вежөртөм детинка этшөн сеті ачымөс ыззьөдны бызгун Гындейлы, кодөс ма-мөй нимтө «Арай-Зөбняөн» и кодөс порог помө оз сибөдлы. Пармаыс и вочаалө сийөс, кызди вөрөтөс. Со пашлякыс гримөдө ме кузя сюрс медвынйөра гаубицаысь моз».

Но мый тайо? Көдзыдыс кызкө другысьөн лэдзис сийөс, вир-яйыс ставнас ойдіс кутшөмкө слабмөдана, атшалана шоньдөн, кутіс личкыны ун — көть татчө йи вылас веськы-да нюжөдчы да ныровмун. Петьо пыр жө вежөртіс: тайо ылөг, кынмысь мортлы кулөм ваян шоньд. Колө став эбөс-над вермасыны ськөд, не сетчыны тайо кулан меліалөмыс-

лы! Эз тѳд сійѳ сѳмын, мый дзикѳдз кынмигад юр садьыс уджалѳ оз ѳтырышья, помся, а коставлѳмѳн, кадысь-кадѳ.

Лопью вылысь кырйѳд кайигѳн да вѳрѳ пыригѳн ылѳг шоныдыс энѳвтѳс зонмѳс, и кѳдзыдыс бара топѳдѳс-инмис пищаль прикладас. «Мый тайѳ ковтѳм сьѳкыдсѳ новлѳдла?»— долыдпырысь думыштѳс сійѳ и мунѳгмозыс уськѳдѳс ружьесѳ. Кѳд морт моз шатлалѳмѳн зон легзис-кыссис ешѳ метр сѳ кымын, и ылѳг шоныдыслѳн выль гы ылькнитѳс сы вылѳ. «Сулышта тѳкѳтьѳ...»— муртса вѳрзыштлѳсны вом дорьясыс, кор сывья пожѳм бердѳ веськыд пельпомнас нѳровтчис. Юр вемлѳн кутшѳмкѳ пельѳсын виериник, рыж сѳн нѳйтчис-сыркьялѳс на ѳлѳдана мѳвп: «Тувччав!!! Тувччав!!! Эн сулав!!! Олѳмтѳ воштан!!!» Но усурмѳм, кѳдзыдѳн орѳдѳм вир-яйыс войт эбѳс нин абу вѳлѳ кольѳма водзсасыны ас вѳснаыс. Ешѳ некымын здук, и Петьѳлѳн юрыс пуз чужѳм кагалѳн моз лѳтмунѳс-ѳшѳдчис морѳс вылас, сѳсся кусыньгчисны пидзѳсас кокьясыс, и тушаыс сылѳн ньѳжйѳник лѳдзчысис лызьяс вылѳ.

Гашкѳ, буретш тайѳ кадас асыввылын кыалѳн мыччысьысь кыв помыс чужтѳс зонлѳн кусан вежѳрын сылысь тайѳ медбѳрья серпассѳ: сійѳ пукалѳ гортас горничаын, ломтысян галанка пач вом дорын, джоджас. Дѳнас ляпкыдик джек выдын орчѳдѳчѳма Инна. Ныв аслас небыдик мелѳ кияснас малалѳ зонлысь ас водзас чатѳртѳм юрсѳ.

* * *

Гындей садьмис понйыслѳн лѳкысь омлялѳмысь. Чеччис да вѳтлѳс керкасыс: «Весась, стерво, эн урсась!»

Гындейѳс ѳнѳ кырлѳдлѳс маитчѳмсыс. Мый дядѳн шуысьыскѳд лоис медся ыджыд лѳкторйыс, Гындейлѳн та кузя некутшѳм сумленнѳ эз нин вѳв. «ѳдьѳ водзас кыз понда кыв кутны?»— ыж бѳж моз заводитѳс тѳрзыны сійѳ, кор дум вылас уськѳдѳс Петьѳлысь мамсѳ, аслас усьѳм ыджыд вок Елизарлысь гѳтырсѳ.

Елизарыс война вылѳ мунѳгѳн корис ичѳт воксѳ отсавны семьяыслы мыйѳн вермас. Мѳдыс синва лѳдзѳмѳн пѳся кѳсйысис. Асьсѳ, Гындейѳс, буретш сѳки сылысь туберкулез эрдѳдѳмла эз мобилизуйтны. Сѳкся тшыгьялан воясѳ Гындей весиг сѳсь картупель, весиг бакшасьѳм нянь корка эз вѳзйыв вок семьяыслы, кѳть и олѳс судзсьѳмѳн. А кор ѳдьѳ сѳвмѳдѳс асьыс челядсьѳ и ставыс сылѳн кутѳс тырмыны, Гындей ѳтчыд видлѳс бѳр ловзьѳдны ас войтыркостса йѳгѳдьясѳ. Та вылѳ ас мывкыдѳн олысь ань сѳмын синнас вундыштѳс сійѳс.

Петьюос Гындей адзис Лопью дорөдз төкөтө вөтөдз. Зон лызь вылас куткыртчөма пожөм бердө. Пу гум бердтыс мыджсьөмөн шливгигас шапкаыс сылөн юрсьыс мынөма, и сөдз кудель кодь еджгов юрсисө тогөдис-шывйөдлїс төв, лым кодь еджыд, быгалөм чужөмыс тупкысьөма гыөрөн.

Гындей сюръя моз сулалїс Петьөлөн шой вылө бөбмөм, нинөм гөгөрвотөм синъяссө веськөдөмөн, горшыс гөрддзасис, сьөлөмыс быттьө сувтїс, лолалөмыс дугөдсис. Но эз зонлөн лөк ногөн бырөм вөснаыс дзуглясьөм, эз аслыс укөрба кыптыны сы сьөлөмын; лолыс сылөн сырмис сыыс, мый сїйөс вермасны мыждыны Петьөлөн кулөмысь.

Кыдзи мынтөдчыны мыжсьыс, сылы регыд югдїс. Онї мунас и визьйөдлас колана местаяссө аслас лызь туйясөн — пуктас подув правдайтчан висьталөмыслы: Петьө пө аслас том чожлуннас төрыт нетшыштчис өна водзө, а сїйө, Гындей, торксис туйөн и суткїөн-джынїөн корсис Петьюос.

Лунтыр Гындей, кыдзи и артыштлїс, шодлїс пармаын. Кынталїс чужөмсө, кияссө, но зырасьны лымїөн эз кут, сы вөсна мый тайө лөсялїс дорйысян планыслы. Пемыдыслөн сукмөм бөрын сїйөс кутїс жуглыны-чашйыны страк. Чайтсис, оз кө пет онї тайө шуштөм, мустөм вөрсьыс, кольчас кө өти час кежлө, сэк коляс татчө и ловсө. Петьө моз жө! Төд вылас усис зонлөн кам кын бандзибас көсйитөг инмөдчылөмыс — тайө казтылөмыс көдзыд пөсьө шыбитїс. Кажитчис сылы, мый смертыс сы мыш сайын ветлөдлө, сөмын строка кыйөдө, медым решитны Гындейөс. «Усйысьны! Усйысьны пыр жө татысь!» — шөпкис сїйө яра. И көть водзджыксө сылөн вөлі дум узыны вөр керкаын, и көть ставнас нин сїйө вөлі лыжалөма, лигышмунөма, Гындей, матка вылө видзөдлассө чөвтлиг, чепөсйис параллель вылө, мед сөсся сы кузя воөдчыны дялянкавывса будкаө.

Будка порөгсө вуджис асьядорыс пөшти бауөн нин, джоджас и вөйтчис сьөкыд унмө. Асывнас лөктөм уджалысьяс өдва вермисны сайкөдны сїйөс. Кынмалөмысла вазьөм, поркъялөм чужөма да кияса, кыз синва кисьтөмөн, Гындей крукасьлана кывїөн кызкө висьталїс страшнөй лөбмтор йывсьыс, дерт, асьыс мыжсө сайөдөмөн.

Кык вөр лэдзыськөд Лопью дорө Петьөлөн шойысла ветлөмсө да зонсө сы лызьяс вылын, нартъяс вылын моз, дялянкаөдз кыскөмсө и сөсянь машина вылын гортас лөктөмсө Гындей помнитїс кутшөмкө сук ру пыр — сїйөс өна бналїс.

Вежон сїйө куйлїс сы ни садь ыджыд жарөн. Бурдөм

бѳрас сійѳ личыда лолыштїс, быттьѳ морѳс вывсьыс веш-
тїсны лямѳдана из палак, кор тѳдмалїс, мый Петьѳѳс дзе-
бѳмаѳсь, медбѳрья туйѳ сійѳс колльѳдны волѳмаѳсь став
чой-вокыс: а Воркутаса Ѳльѳ вокыс бѳр мунигас босьтѳма
аскѳдыс и мамѳѳ, мед коньѳр ань эз торксьы вежѳрнас
ыджыд шогсьыс ѳтнас олїгѳн.

Аслас Гындейлѳн нэм помыс матын жѳ нин вѳлѳма.
Некутшѳм удж киас сылы эз кут пырны. Лун эз кольлы,
медым сійѳ эз ю кок йывсьыс усьтѳдзыс. Сійѳ жѳ онас сѳр
арын ѳтчыд вой улѳ усьѳма туй бокѳ и бура дыр узьѳма
кын му вылас. Сы бѳрти висьмѳма чорыда ты ѳдѳмѳн и
кувьѳма.

Литературнѳя лѳсьѳдїс Л. ПОТОЛИЦЫН.

АДДЗЫСЬЛЫТѳДЗ, ЛЫМВА!

Лунтыр парма-ягѳд ветлїгѳн Вась прамѳя мудзис. А
рытланьыс виччысьтѳг веськалїс туланлѳн кок туй вылѳ.
Мудз вылѳ видзѳдтѳг, кыйсьысь ышмис, полїс воштыны
дона зверѳс. Дыр нюжмасьтѳг Вась усьѳдїс Лыско понсѳ
да ачыс гырысь воськовьясѳн мѳдѳдчис кок туй кузя. Кый-
сьысь сюсь, а тулан ещѳ на мудерджык: чукльѳдлѳ-пышїѳ.
Код тѳдас, мыйѳн эськѳ помасис туланлѳн да кыйсьысьлѳн
венласьѳмыс, эз кѳ Васьлысь туйсѳ потш вѳр пѳвстѳд пїсь-
кѳдчысь Лымва ю. Пикѳ воѳм туланыд эз повзья кѳдзыд
васьыд да вуджис мѳдар берегас, уйкнитїс-пышїис пуяс
костѳд. Со тайѳс и аддзывлїс Вась.

Жаль, ѳна жаль вѳлї сылы зверыд, дай Лыско никсїс,
корис водзѳ туявны кыйдѳссѳ. А ю аслас сѳстѳм да визув
ванас ворсѳдчис, быттьѳ дэльѳдїс Васьѳс.

Вѳлї декабрь тѳлысья сэзь лун. Пуысь пуѳ чеччалїс кѳ-
дзыд, повзьѳдлїс зверь-пѳткаѳс. Лымва весьтын гартчис ру.

Йѳзкост сѳрниысь Вась кывлїс нин, мый Лымва неку-
тшѳм воын на эз дзевсьывлы кыз йи куд улѳ. И тайѳ сер-
пассѳ со сійѳ аддзѳ аслас синьясѳн. И туланыд вунїс, му-
дзыс петїс. Сійѳ вѳлї шуда, ѳд татшѳм мичлунсѳ вольсалѳ-
ма лым эшкынѳн, кодѳс серлѳдлѳмаѳсь зверь-пѳткалѳн кок
туйяс. А юлѳн ваыс сѳстѳм, рѳмпѳштан кодь веркѳса. Ве-
сигтѳ ю пыдѳссьыс став изьяссѳ позьѳ лыддыны, кѳть
сьѳрсьыд босьт да нимкодьясь юкѳд тшѳтш. Визулыс воясѳн
найѳс ѳна нин шыльѳдѳма-тѳчитѳма, быттьѳ кужысь княса
мастер, изьяссѳ ва пыдѳсас чѳвталѳма.

Вась заводитїс судзѳдны кой бедьѳн уна рѳма мичмѳ-

дѡм шаньга кодъ гѡгрѡс изтор. А мыйѡн суйис бедьсѡ ваас, шемѡсѡ уси, ваис кажитчис ляпкыдѡн, а сажень кузя бедьыс изйѡдз эз судз. Сійѡ быттѡ чегис, лон кусыня, а кой бедь лоптыс ыдждїс кык пѡв.

Кыйсысь мѡдѡдчис ю катчѡс, зїлис корсьны ляпкыджык места. Лымва быдлаын вѡлі ѡткодъ: зїль, визув, джуджыд. Вѡралысь сувтовкерис, видзѡдліс шондї вылѡ: «Пѡра нин эськѡ вѡр керкаѡ бергѡдчыны»,— мѡвпыштїс сійѡ. Тайѡ здукѡ кыліс бузгѡм шы. Сѡмын ѡні вежѡрѡ воисны Лымва ключ йылысь мойдын кодъ шензьѡдана висьтъяс. А со и ключыс. Писькѡдчис сійѡ джуджыд пожѡма слудасянь, тѡрмасис юлы ѡтсѡг вылѡ.

Буретш тайѡ местаас ѡтлаасисны куим ёль. Со асиввойсянь дзольгис Сьѡд ёль. Лымвалѡн тайѡ медыджыд да уна ваа ёль. Войвывсянь писькѡдчис Войвож, а кык ёль кост слудаысь ключ. Заводитчис сійѡ уна вожѡн, быттѡ кѡсїис сывйыштны слудасѡ дзоньнас. Визувтїгѡн быд вожсетїс сѡтшѡм мича шы. Налѡн варов сѡрнныс и артмѡдїс тувсов горсѡ.

Пѡттѡдз любуйтчис Вась шензьѡдана юѡн, мича места-ясѡн. А янсѡдчигѡн нин, кызд аслас медбур ѡртлы, эскѡдана шуис: «Адзысылтѡдз, Лымва, ме тѡнѡ ог вунѡд!»



Евгений Егорович УЛЯШЕВ чужис 1927 воын Помѡсдїн сельсѡвету-вса Бадьѡльйив (Бадьѡльск) грездын. Велѡдчис да уджалїс ас сиктас. Дыркодъ служитїс Сѡветскѡй Армияын. Бара воис ас сиктѡ. Вѡлі совхозса шофѡрѡн, вѡралїс. Оз дугды вѡравны и ѡні. Вѡр-ва да морт— медсясѡ татшѡм визяѡсь сылѡн гижѡдьясыс.

БИПУР ДОРЫН

Бипур дорын кылöны гитараяс,
Рытъя парма кывзö налысь гор.
Бипур дорын йöзыс абу варовöсь,
Медым мыла сьыланкыв оз ор.

Ланьтö тöдса раскын олысь
йöлöга,
Лöня кышакылö пипу кор.
Мыйкö аслыс, мыйкö быдён
сьöлöмас

Сьыланыскöд аддзö йитантор.

Ыджыд карлысь биа юöд катöмсö,
Саридз везьтысь каляяслысь зык.

Сöмын йöзыс — мыйла найö
татöнöсь
Парма шöрын колльöдöны рыт.

Кутшöм вын нö нуö найöс му
гөгөр,
Кытысь лои татшöм сяма мог —
Вөръяс югзьöдны выль
ордымъяслөн югөрөн,
Садьмём му мед дзордзалас выль
ног.

Войтырыслы олём бара гаралö:
Тз вылö и чужö овны морт...
Бипур дорын кылöны гитараяс,
Рытъя парма кывзö мыла гор.

ТÖДСА НЫВ

Бара февраль,
Бара дурöны турöбъяс,
Лэчыд төв восьтö мунысьлы сыв.
Тöдса öшиньын ворсöны

Шубертöс,

Гашкö, ворсö
И тöдса мем ныв.

Сöмын öшиньыс
Югөрөн сöдзöдö,
Мыла шыясас мыйта пöсьлун!

Мыйла ме,
Мыйла ме рытъя кöдзыдас
Тані сулала, гортлань ог мун?

Öд и збыльысь —
И думайтны нинöмла.
Тöда: сэн сійöс кывзысьыс мөд...
..Сійö нылыскöд вочаа

синмасьлём

Ме да рыт,—
Сэсса некод оз тöд.

* * *

Петала кö — ачымöс ог янöд
Йöктан кытшас...
Ог тай сöмын пет.
— Талун клубас волан он,
Светлана?
...Некод меным воча кыв оз сет.

Кöни ветлан, веж юрсиа аньöй,
Ме йылысь он мөвпыштлы, он
корсь...
— Лөгасьтөгыс вочавидз,
Светлана.
Янсöдчытөг оз öмөй нö поэз?

Тэнö корси быдлаысь ме пыр на...
Бөръяысьсö аддзысьлім нин кор?
...Кольö рыт.
И лöньны кöсьö, бырны,
Электрогитараяслөн гор.

Коли рыт... Ме öтнам муна гортö,
Аскöд öтнам нуа сьöлөм дой...
...Шевкнитöма, кырныш моз,
сьöд бордъяс
Тöлысь битöм, кодзувъястöм вой.

Гаръяс-гөрöдъяс льöм пуыс
бара нин разьöма,
Сідзкö, оз öмöй регыд
венечувса шöвк еджыд
паськөмö вöччы?..
Менсьым зэв ыджыд муслунöс

нывкаыс ачыс сэк вöлисти
казяліс,
Еджыд льöм розсö сылы кор
козьналі,
збоймöдчи öтчыд.

«Тэнö радейта, радейта...»
сьöлөм тадз тіпкө!..
И мый сэсся сёрнисö
паськөдныс?
Ме öд сöмын и сійөн ола,
мый эска и виччыся
садьтөг,—
Воас кад, менам мусаöй
ме сайö мунас, радпырысь
пасьталас,
Тэ моз, дзордзальсь льöм пуйö,
невестальсь лым еджыд
платтьö.

ВОДЗ АСЫЛЫН

Öд водз на... А асылыс быттöккө меным и сьылö.
— Вай öдийöджык чеччы да öшиньтö паськыда восьт,
Ме асывлы эска...
Кор асывлысь садьмөмсö кыла,
Сэк овнысö кöсьöмöй нöшта нин овлывлö ёсь.
Кор кыпöдчысь шондіыс яр бисö му весьтас пестö,
Да пöсь, ыджыд чолөм сё югөрөн ыстö тшöтш мен,
Сэк тöда — шань му вылас овнысö абу на дзескыд,
И позьö на майшасьтөг, гажаа колявны нэм.
Ог весьшөрö асывкөд, шондікөд öтвылысь висьтав:
Война биён дурысьяс, он öмöй аддзöй и ті!
Оз мичмөдны мусö быд пельöсын чöv обелискъяс,
Оз долыдлун вай обелиск дорын куслытөм би.
Йöз, олöй кызд ёртьяс! И гөститны частöджык волöй,
Пыр пöсь медым вöлі ёртасян, другасян ки!

* * *

Ог повззы войт, кор лэптысьöны төв ныръяс,
Көть найö ёна омлявлöны скөр вывсьыс.

Ог пов, кор шерыс чорыд йиён резсьылö,
 Кор арын видзьяс жугыльмöны-вежсьöны.
 Ог пов, кор тöлын турöбалö-лымъялö,
 А гожся енэж йиркöдчылö гимъясöн...
 Но пола, медым енэжсö эз уськöдны
 Морт киён чужтöм гыма-чарда бушковъяс.

* * *

Аддзылі, кызд асья шонді-мам
 Ассьыс уджсö нимкодпырысь
 вöчö:

Зарни югөр муяс вылö кöдзö,—
 Кага синъяс кодъ жö гөгөр рам.

Аддзылі, кызд кокни бордъя төв
 Эзысь тошка кымөръяскöд ворслö,

Пуяс костысь инасянін корсьлö,
 Вель дыр кежлö сэсса ланьтлас
 чöв.

Аддза: шонді содтö аслыс öд.
 Парманымлысь садьмөмсö ме
 кыла.

Йöлöгаыс нуö лэбач сьылöм,
 И он некызд асья шудöн пöт.

* * *

Аттö, гажа тулыс! Кельыд бордъя рытöй!
 Миянланö локтін, миянöс эн кытшовт.
 Кодлы, эзысь тöлысь, гажа туйяс восьтан?
 Сиктын нора гудöк нывлысь сьöлöм косьтö.
 Сыктыв дорын томлун тулыс воём пасйö,
 Вöччöмаöсь кызьяс, шöпкöдчöны раскын,
 Шöпкöдчöны гусьöн, мед оз йöзась вöвлöм —
 Аддзисисны кöні радейтысь кык сьöлöм,
 Ме и ачым талун (мыйысь меным повны?)
 Юалі ме кöклысь, мыйта коли овны.
 Лыддис меным кöкыд лыдтöм-тшöттöм вояс,
 Лыддис тай, эз жалит, гашкö, куимсёдз.
 Но, а меным мыйла куим нэмсö дзуртны?
 Мем кöть ассьым пайöс бура овны кувтöдз.
 Кызди шуны бура? Öти ногөн сöмын:
 Аслам чужан муын, тувсов радейтöмөн.

ВЕЛӖДЫСЬЛЫ ПИСЬМӖ

Выль туйӖ петысьяслы восьтанныд выль лун,
Бур чолӖм Тiянлы, зэв ыджыд чолӖм!
Ме талун некытчӖ, дзик некытчӖ ог мун,
Ме кӖть нин мӖвпӖн Тiян динӖ вола.

Ме ставсӖ помнита — Есенин, Пушкин, Блок...
ЛӖз парта сайын восьтi тӖдтӖм муяс.
И сэн жӖ тӖдмалi — морт тышын венӖ лӖк,
Медыджыд шудыс воӖ сӖӖкыд туйӖн.

Ме сэки тӖдмалi, кызд йӖзлы вайны бур —
Эз жалит Данко йӖзлы ассьыс сӖӖлӖм.
Мый кык пӖв кокни ёрткӖд вуджны нюр,
А няньӖн юксиг — куим пӖв на вӖлӖм.

А меным гижӖны — тшӖтш едждӖ тiян юр,
Мый пӖрысьмад... И чукырӖссьӖ чужӖм.
Да, дерт жӖ сiдз — эз этша тӖждлун сюр,
Но сӖӖлӖмъясӖдз воны век жӖ кужид.

И лэбысь кадсӖ некызди он кут,
А Тi пыр важ моз сӖӖлӖмъясӖ шонтад.
Ог, шуны пӖрысьӖн ме ТiянӖс ог куж.
Ми — Тiян велӖдчысьяс,
Тiян кувтӖм томлун.



Михаил Андреевич ЕЛЬКIN чужис 1958 воын Сыктывдин района
Шошка сиктын. ВелӖдчис сельскохозияствениӖй техникумын. Служити
СӖветскӖй Армияын. Уджалис ПМК-ын. Онi совхозын рабочӖй.

«Войвыв кодзув» журналын заводити печатайтчыны 1974 восянь.

* * *

Паськыд коръя ыджыд пипу.
Эзысь төлысь джын.
Алөй кывъя трачкысь бипур.
Чёскыд көра тшын.

Тайö рытсö ог ме вунöд:
Гожöм, страдна кад.

Мудзсьöма, но торкö унмöс
Кыз пуяслөн рад.

Гөгөр лөнъ, но он төд, кытысь
Волö небыд төв.
Татшöм югыд лöсьыд рытыс
Менам эз на вöв.

* * *

Бара вөр-валысь унсö ме торка,
Лбньöм Важ-Эжва рөмпöштан
кодъ.
Лöзов рöма да тэрыб моторка
Вундö-поткөдö ваислысь от.

Тувсов пуясöй, веж петö тi вылö
Видзöдлыны да сины бур вой.
Оти здук сöмын кезала дi вылö:
Льöм сэн дзордзалö — тувсовъя
мойд.

* * *

Еджыд юрсиа, лöz синма нылöс,
Синмöс куня кө, аддза ме пыр.
Сылөн гблöсыс сьöлöмын кылö,
Бытьö тувсов шор, некор оз быр.

Сийöс киöдыс кутлыны окота,
Шуны мелiа кымынкö кыв.
Му выв кодзулöй вöлöма сө
кодi —
Еджыд юрсиа лöz синма ныв.

* * *

Оля чойлы

Олёмсьыс ог көсий вывтi уна,
Медым память дыр на эськö
видзас,

Кызди гожся шондiа бур лунö
Изумрудөн лöсталöны видзьяс.

Кыдзи сәні рөмпөштан ты водзын
Бергалёны веж кудриа кыдзьяс,
Кыдзи кыа бёрын асывводзё
Лэбалёны зіля тэрыб джыджъяс.

Кыдзи тшака зэрён зэрём бёрын
Енэж шөрө петё ошкамёшка.
И мен сэтшөм окота ас вөрө,
Медым тайёс адззывны коть
нөшта.

ЛЫСВА ВОЙТ

Кор шонді кайё вылө-вылө
Да асья колип юргө-кылө,
Сэк ставыс гөгөр быттьё мойд.
А еджыд руыс сылө, сылө,
И ичөт, унзіль дзоридз вылө
Сэк кольё югыд лысва войт.

Ме аддза дзоридз вывсьыс сійёс
Ла ньөжйё мычча сылань киёс,
Мед оз коть жугав асья мойд,
И сэки казтыштас мен сійё
И тэнсьыд юсь кодь еджыд кияс,
И тэнад синмысь лысва войт.

ШУДА ЗЭР

Восьтан талун өшинь асывводзё,
Аддзан — ывла вылыс ойдё зэрөн.
Мыччы китё, сэки тэныд содзад
Енэж шёрысь киссяс гажа серам.

Котрав, горзы, быдён медым
кылас,
Коді татшөм дурөмысь нё кутас.

Тёда, тёда, шондіа му вылас
Талун тэ, бур нылөй, медся шуда.

Восьтөй ставөн, өшиньястө
восьтөй,
Шудсё аслыд неуна коть босьтөй.
Медым зэр шы керкааныд пырас,
Медым шудён сёлёмъясныд
тырас.

* * *

Ма кодь сира посни корйөн
Өзйис-тырис кырийыв рас.
Бабё аслас град йөр дорын,
Шуда, чөвтис пернапас.
Енлы эскысьён коть сійё
Некор збыль вылас эз вөв,
Гашкё, кузь төвбыдён кияс
Сылөн гажтөмтчисны зэв.

Өні оз нин өшйыв инас,
Быттьё выльысь лоис том —
Мусё малалыштё кинас,
Мыйкё шөпкё сылөн вом.
Бабё кевмө, кевмө мулы,
Тайё муыс сылы — ас.
Талун град йөр дорын сылы
Бабё чөвтис пернапас.

Менам дедлөн паметьлы

Ме сулала, ньбжйбник лылдя,
 плита вылысь овъяс,
 И нёшта на ёнджыка окота
 му вылас овны...
 А кымынён найб —
 Козловъяс, Петровъяс,
 Поповъяс —
 Война вылб мунисны,
 гортаныс ббрсбб эз воны.
 А тан — куим нывбаба шогсьббны,
 лэдзббмны кияс,
 И юрнысбб лэдзббмны —
 гбтырыс, нылыс да
 мамыс.
 А водзаныс налбн
 гбрд кывъя куслытбм
 биыс
 Морт сьбблббмбн пессьбб да тбралбб
 куслытбм паметь.

Кор кыаыс куси
 да кбдзалис веркббсыс
 мулбн,
 Кор рббмдбс да му-ваыс
 ньбжйбник вугыртбс .
 чббла,
 Мен кажитчис — юрнысбб лэдзисны
 нббшта на улбб,
 Мед кывны, кызд тбпкбб
 унмовсьббм муыслбн
 сьбблббм.
 Водз асывнас, кыа кор мавтыштбс
 енэжсббб гбрдбн,
 Да чуйббмбн мыччысис шондбб,
 пббсь югббрсббб ыстбс,
 Ме аддзи, мый войбыднас муыс
 зэв ббна ббрдббма,
 И нывбаба синваббн тбралбс
 му вылас лысва.

СЫЛБНЫ ВЕТЕРАНЪЯС

Юргбб сьыланкыв, сьылббны аньяс.
 Нора сьылббны дзор ветеранъяс.
 Сьывсьббб кусббм война йылысь
 сэтббн,
 Сббмын мыйлакбб шог сйбб
 сэтшббм,—
 Рыт Мамаев Курган весьтын
 лббнис,
 Война пббдтысьяс узьббны кббнбб.

Эмббсь сэнбб и пармаса зонъяс,
 Медся удалъяс и медся томъяс.
 Коли войнасянь сы мыйта во нин.
 Сббмын гортаныс найбб эз воны.
 Сйббн шоглуныс сьылббмас
 ёсьджык,
 Озджык тырмыны басьясыс,
 озджык.

Ме чббла пукся
 ббшинь дорбб матбб.
 Да ывла вылбб видзббда зэв дыр.

А кббдзыд зэрыс
 ворсбб «Лунная соната»,
 И куштббг сорлбб нотаяссбб пыр.

Но сідзи водзё
казявлытёг ворсё,
И меным таысь нёшта ёна шог —

Од тэ тшётш
тайё зэр шыясас сорсян,
Да туйсё воштан,
ме динё он лок.

* * *

Батьё менам
Быдтор кужысь мужик,
Вёчас —
И он думышт сідзсё вётавны.
Сёмын медся лёсьыда,
Дерт, кужліс
Пельс
Ён да кокни пуысь вёчавны.

Отчид сылысь пельссё
Ме нуи
Да и чеги дуригён,
Том ру вёсна.

Сійё юрнас довкнитіс,
Но шуйс —
Жаль, но нинём,
Дзоньтышта да олас на.
Сёрнитісны, ёртъяс —
— Да-а, тэ вына,
Абу татшём жеб пельслы
Чужёмыд.
А ме пыр на сійён,
Важнас сына,
Сёмын ёні
Воддза дорысь кужёмён.

* * *

Кутшём лёсьыд, вёлём, зэрём
бёрын
Ветлёдлыны чёла арся вёрын.
Шы ни төв, а инмёдчан кё пуё,
Зарни коръяс усялёны муё.

Бобувьяс моз лэбалёны найё,
Кокни төвру нуё тыяс сайё.
Ыркыд сынёд, кокнялё пыр
лолыд,
Кутшём тані сьёлём вылын
долыд!

МЕ ТЭНЁ КОРСИ СЭТШЁМ ДЫР

Ме тэнё корси сэтшём дыр,
И весиг адзывывлвлі вётён,
Но садьма, вунёда дзик пыр,
И тэнё думайта нин мёдён
Ме тэнё корси сэтшём дыр.

Ме тэнё корси сэтшём дыр,
И кори комиён и рочён,
И кыскё ылысь виччи пыр,
А тэ со вёлём мекёд орччён.
Ме тэнё корси сэтшём дыр.



Евгений Валерьянович КОЗЛОВ чужис Усть-Вымскёй районса Тунс-Керёс сиктын. 1977 воын помаліс шёр школа да сэки жё йёзёдіс журналын медводдза кывбур. Велёдчё Сыктывкарса государственной университетын.

ВЫЛЫС ЭЖВАСА СЫЛАНКЫВЪЯС

Джуджыд парма да дзор Тиман,
Сусьяс, пожъмьяс, козьяс, нывьяс
Шаня видзёны морткод тан
Вылыс Эжваса сыланкывьяс.

Кутшём вын наын, кутшём мич,
Ставыс сөстём да сибыд кывья.

Ссылё сикт, ссылё вөр-ва и видз
Вылыс Эжваса сыланкывьяс.

Вежсис му, лёнём енежыс лёз,
Ставыс тэнад, но төрас мөй сывьяд?
Буретш та йылысь ссылёны йёз
Вылыс Эжваса сыланкывьяс.

Лоам шудаёсь, шог оз лок,
Өтув олам кор зоньяс да нывьяс,
Юргөй быдлаын пыр уна ног,
Вылыс Эжваса сыланкывьяс.

КӨР ВИДЗЫСЬ Ф. ХОЗЯИНОВЛЫ

Тэ гөстьёс он на удзёд чайён,
Пыр пөттөдз чөсмөдлан көр яйён,
И сёрни-басни панны кужан,
Өд мойд кодь муын ачыл чужин.
Мөд чужанін тэн Эжва катыд,
Бур шуд да олём аддзин татён.

Тэн гортыд — чум да гулыд вөрьяс,
Тэн медбур ёртыас — парма көрьяс.
Скөр көин полё вына ловсьыд,
Ни зэр ни көдзыд оз жё повзьёд.
Мед вөлі өтчыд ме тэ ордын,
Но лоин матыс да бур ёртён.

МЕДСЕСТРА

Сьёкыд висьёмсё эг кө ме вудж, Мелі видзёдлас, ышёдан кыв
Эг кө «сотчывлы» дойяссё веніг, Ёна виччысис мяян палата,
Эг и тёд, кутшём сьёлёмыд тэнад, Висьём вунліс, кор вёвлін тэ
Эг и тёд, тэнад кутшёмджык удж. татён,
И ме уколлысь дойсё эг кыв.

ТУИ

Зыбуч, гуранёсь лудкөд,
Кытчө кок көть эн суй,
Орччён пуктісны будка,—
Тані лоас пё туй.

Весиг вензисны ас йёз,
Мыйкө артмас нё — оз:
Мед көть вынаёсь мазьяс,
Тан өд нюр, абу кос.

Выльён писькөдём трактыс
Эз, дерт, ачыссё лок:
Лун и вой вына трактор
Тілис-вөчис туй бок.

Сэссия кыпөдчис насып,
Сэссия кисьтісны из,
Медым ытва эз разөд,
Кодыр ойдылө вис.

Удж кор помасис татён,
Эз и казявлы сикт:
Водзё муніс бригада
Став машинанас дзик.

Коли будка да пачыс —
Шойччан-шонтысян поз.
Пырё йёзыс век татчө
Аттё висьеталігмоз.

ТӨЛӨС КОЛЛЬӨДӨМ

Көлөкөльчикьясөн зельөдө,
Ноко, вөвьяс, эй да эй!—
Тайё төвсё локтө колльөдны
Парма чуркса Берендей.

Рочаканькөд Яг-морт сывьясьё:
Өткөныдлы — гажтём яг.

Удал зоньяс, мича нывьясыс
Гымөдөны краковяк.

Сэн царевна блиньяс вөзьялө,
Йёзсё шемөсмөдө тун...
Парма весьтын шонді öзйёма,
Чолём, тулыс! Төв, вай мун!

АРСЯ

Эжва кырийвса кыз дорё кежи ме,
Сөмын пусё тай өні эг төд:
Кыддзөй паськөмсё гожсясё вежёма,
Да и мыгөрыс лөбма мөд.
Орччён сулалысь козйыслы вашкөдө,
Корё сывйыштны вөсныдык кос,

Кӱдзыд зэрсыйс мед сайӱдас, гашкӱ да,
Сийӱс радейтыс молодец-коз.

Сьӱкыд ӱтнады овнытӱ, дерт,
Татшӱм здукъясас збыльвылӱ колӱ, мед
Кодкӱ локтис да пырис том олӱмад,
Сэки шогыс ни лӱкыс оз берт.

ГОРТСА СЫНӱД

Ме татчӱ гӱсть моз тотшкӱдчӱмӱн пыри,
И бара гортса сынӱд морӱс тырӱн,
И бара мамлӱн шань да небыд сывъяс,
Да дыр-ӱ кежлӱ вон — первой кывъяс.
Да самӱвар, да пывсян, кызди важӱн,
Да рытбыд сӱрни — зӱв ӱд быри гажӱй.
О, чужан поз, тан быдтӱ ассым бордыяс,
Тан меным медся-медся матыс мортъяс.
И овлӱ, норлун некызди он ямӱд,
Кор кырта дорӱдз колльӱдӱ тась мамыд.
Да, артмис сӱдз, мый ылын лоӱ овны,
Но некор, некор мен оз дугды ковны
Ас пельсы пу, ӱн керка пожӱм стына
Да пӱттӱдз лолавны на
чужан гортса сынӱд.

МЕДЫМ ЛӱСЬӱДНЫ СЫЛАН

Паськыд ю дорӱ лӱчча,
Каля чукӱр кӱн жуӱ,
Кӱнӱ тӱвруыс борднас
Юлысь малалӱ вӱнь,
Пыжӱн мӱдӱдча сӱтчӱ,
ӱшкамӱшка кӱн юӱ,
Кӱнӱ ӱнӱдзыс мортнас
ӱз на торксыв чӱв-лӱнь.

Мортлы свет вылас гажтӱм,
ӱтнас олӱм кор йӱткӱ,
Но ӱд, овлӱ на, сылы
Коркӱ ковмывлӱ здук,
Медым донъявны важсӱ,
Медым олыштны ӱткӱн,
Медым лӱсьӱдны сылан,
Кодӱс нинӱм оз дзуг.



Вячеслав Леонидович БАБИН чужис 1960 воын Усть-Нем сиктын (Кулӱмдин район). Помалис ас сиктас шӱр школа. Вӱлӱ трактористӱн, кочегарӱн. 1979 восянь — ас районса «Ленин туйӱд» газет редакциян.

КУИМ ВОК, КУИМ ТОПОЛЬ

Ме тшөкыда воylvла Эжва йывса тайö сиктас. Чечча тэрыб «Заря» теплоходысь да ньöжйöникöн восьлала ньöрыс паныд. Со и кыр йыв. Небыдик төвру ворсöдчö юрсиöн. Син водзын төдса серпас: енэж помöдзыс шылькнитчöм парма, важ Эжвалöн кузь бöж, вабердса видзяс.

Сулала да вом тырöн апала сöстöм сынöдсö. Кыла, кызди шувгöны мышку сайын тополь пуяс. Пашкырöсь, ёнöсь, мичаöсь. Куим тополь быттьö, куим вок, зымвидзöны-сулалöны багатыръяс кодьöсь, нёрөвтчыштöмны Эжвалань.

Гораа тутöстис лэчyd гөлөса катер. Быттьö унмысь паллялі. Босьті көлуйöс да веськөдчи туйöд — топольяслань. Кымын матыстча пуяслань, сымын гораджыка кыла коръяслысь шарöдчөмсö. Кокъясöй асьныс лэбөдöны-нуöны төдса потшöс бокті, луд вомöн ыджыд керка динö.

Тайö керкаас олö Иван Анна. Сылы сизимдас сайö нин, но Анна збодер на, кöть коскыс юкавлö поводдя вежсьöм водзвылын и киясыс висьöны пыр тшөкыджыка. Сюрлі Иван Анналы уджыс шег кодь нывсянь. Казакавліс озыр йöзлы, кисьтліс пöсьсö налөн паськыд видзяс вылын, чарлаöн вундыліс шобді. Воис выль олөм — медводдзаяс лыдын пырис колхозö. Бать-мамыскöд вöтлісны öтувъя овмöсö Чалко вöвсö да Сьöд пель мөссö. Синва петтöдзыс эськö вöлі жаль мөскыс, да мый вöчан. Öд югыд олөм босьтчисны кыпöдны.

А колхозад сэки уджыд сюрлі. Вöчисны-лөсьöдісны выль муяс, бертисны мыр, сотисны пу колясьяссö гырысь бипурьясын. Уна пöсь кисьтлісны, ок уна. И öні забеднö овлö Иван Анналы, кор вотчигöн аддзас вөрöн тырöм-эндөм коркөя колхознöй муяс. Усьöм сьөлöма сулыштас ыбъяс бокин, ньöжйöник веськөдчас сиктлань. Шөгöдас морттö: весь воши али мый налөн пессьöм-тільсьöмыс? Торйөн нин вирыс пузырьö, кор паныдалас выль му вöчысьясöс. Мелиораторьясөн найöс шуöны. Дöзмö дерт, Анна оз йöз вылö. Зильöсь найö, унджыкыс ас сиктсаяс. Но мый

вөчөны, ерөмаканьясыд! Паськыд пельпомьяса мужичөйяс сылөн керка ыджда тракторьясөн нырөны-пөрөдөны нэмө-вөйся парма, а ки помысь вөчлөм муясыс вөрсялөны! Абу нө сэссия дивө!

Гажтөм босьтлө Аннаөс кузь да шуштөм төвся рытьясө. Луннас горт гөгөрыс пелькөдас, пирөг-шаньга пөжалас, лавкаө на кайлас. А кор пуксяс рыт, киясыс лэччысьоны. Ин аслыс оз аддзы, быттө мыйкө воштіс: то суседьяс ордө петалас, то пармалань ветлас-тапиктылас. Думсьыс кадсө коллялө, шог думьяссө вөтлө. Сиктсеяс, шань йөз, унаөн өтка морттө ас дораныс овны корлісны. Но Иван Анна сөмын вөлі кинас өвтыштас: өтнам нин пө кызкө тані ассьым нэмөс колляла. Кытчө колян керкатө, кодкөд йитчөма Анналөн став олөмыс. Аслас киясөн гөгөр шыльөдөма-мольөдөма. Челядь тані чужисны-быдмисны. Керкаыс гөрөд кодь Анналы. Разян кө, олөмыс киссяс сылөн.

Төвся луньясө Иван Анна садьмывліс водз. Öшинь сайын сөмын на югдыштны көсйө, а көзьяйка пач вом дорын нин. Тэрмасьтөг сюялас кос пес, чуткас гаровтчөм сямөдө би. Здук мысти трачкакылө нин пачын. Тадзи Иван Анналы чужө выль лун.

Сулыштас-видзөдыштас, кызди ворсөдчө сьөлөм шонтысь би, сэссия матыстчас өшинь дінө. Төждысяна видзөдлас топольяс вылө: эз-ө пач трубаын омлялысь төлыс чегьяв пуяслысь вожьяссө.

Асья кадыс медся муса Иван Анналы. Керкаын шы ни төв. Бөрын — кузь да пемыд вой, өшинь сайын чужө-петө выль лун.

Дзикөдз югдөм бөрын Иван Анна чукөртас коколюкаөн ломалысь өгырьяс, самөвар пуктас. Здук мысти сійө шумитө нин. Самөвар шыысь ловзьө керка пытшкөсыс.

Тшай юө көзьяйка тэрмасьтөг. Пыр өшинь дорын, паськыд пызан помын. Юө чашка блюдысь, ичөтик сакар торйөн. Пөльыштас пөсь тшай, видзөдлас гөгөрбок, а син улас веськалөны пияныслөн карточкаясыс. Быдөн — торья рамаын. Иван, Николай да Гриша. Куим вок, куим тополь... Весиг вунөдчас, мый киас чашка блюд кутө, сэтшөма кырыштасны сьөлөмсө пияныслөн чужөмбаньясыс. А найө мам вылө дзоргөны. Томөсь, мичаөсь, шаньбөсь.

Быд лун көзьяйка видзөдлывлө пияныс вылө, ас кежас сёрнитө накөд. Зоньяс чөла кывзөны мамсө. Кытчө көть оз вешйы Иван Анна — пачлань, өшинь дінө, век пияныскөд варовитө.

Со Иван, медся ыджыдыс. Верстьө нин. Төвся шапка-

ыс зэв мунö косіник чужöмыслы. Войнаöдзыс велöдчис трактористö. Уджалис орчча Войпока сиктын, МТС-ын. Дас верст и эм сэтчöдз. Гöрисны-кöдзисны колхозъяслы паськыд ыбъяс, отсасисны налы кызд вермисны. Кежав-лас вöлі гортö здук кежлö. Пыр тэрмасьö, пыр сійöс помасьлытöм удж виччысьö. Киясыс сьöдöсь, быттö саа пач пöданöн ноксьöма. Купайка пöлаясыс югъялöны.

Ставсö ачыс зільö вöчны-бергöдны. Видзöдан да, ва нин пывсянö ваялö, пес поткöдлö. Корöсясясны батыскöд пöттöдзыс, локтöны дон öгыръяс кодьöсь, чужöмныс кык-нанныслöн öзйö-ломалö.

Сэки МТС-ын тракторнöй бригадаöн веськöдліс Опонь Микол, сиктсаяс сійöс нимтісны скуп Опоньöн. Тöвнас пö Миколыдлысь лым он кор. Көть мый эз висьтавлыны, но Опонь Миколыд кöзяйственной морт вöлі. Радейтіс, медым быд гайка-винт аслас местаын куйліс, а тракторыд часі моз уджаліс. Сылöн оласног йылысь Иван эз öтчыдысь мамыслы висьтавлы.

Коркö и ачыс Опонь Микол паныдасис Иван Аннакöд да шуис:

— Тэнад быдтасыд, Анна, ныриса. Тöлк сыысь лöö.

Иван Анналы тайö кывъясыс нэм кежлö колины сьö-лöмас. Эз öд кодкö мöд, а бригадир Опонь Микол, райо-нын пыдди пуктана морт, ошкис сылысь писö. Ошкыштіс первойяысь да, кызди тыдовтчис, медбөръяысь...

Армияö ыджыджык писö босьтісны война водзвылын. Туйö петан рытас пукуштісны гортын, ёртъясыс волісны. Аскинас Иван Анна колльöдіс писö сикт сайöдз. Изъя чой дінын мам топöдліс Иванöс морöс бердас да лöня чöвтіс: «Ме сэсся водзö ог мун. Мösъясöй баксöны нин. А тэ бура служит, асьтö видз...»

Тöдіс-ö сэки мамлöн сьöлöмыс, мый во мысти гымöбтас война, мый тайö сёр арö сійö медся бөръяысь малыштіс пиыслысь пушкыр юрсисö?

Иван вöлі танкистöн. Юөръяс сысянь воывлісны гежöдика, торйöн нин сэки, кор пансис война. Быд пись-мöын юасис, кызди пö олöны-вылöны вокъясöй, эскöдіс — ми пö кулам, но вöтлам вөрөгöс. Ыджыд пиыс медся дыр муніс биа-тшына тышъяс пыр. Уси война помланьыс нин, Прибалтикаын. Эз тай куж видзны асьсö, пуктіс том олөмсö...

Со шөркостыс, Николай. Гöгрöс чужöма, сьöд юрсиа. Суседъяс пыр шмонитлісны: чиган доддысь усьöмтор пö. И збыль: некоднан вок вылас эз мун. Визув вöлі, вильыш. Таысь и сюрлывлі Колялы. Нюмыс петалас Иван Анна-

лөн, кор син водзас сувтö шөркост пиыс. Отчид Колялы вöлі ар нель-ö-вит, шыбитіс сійö ломтысьыс пачö батысь-лысь гын сапöг пöвсö. Бörd көть серав та бöрын. Батысь эськö скөрмыліс-пузыліс самöвар моз, тасмаөн көсийс пöвсавны, да эз лыб кныс ичöt морт вылад.

Верöсыс войнаöдзыс колхозын конюкаліс. Сöмын на югдö, а Петырыс бöрся öдзöс дзуртыштіс нин. Сёр рытöдз ээся абу.

Колялы ичötсянь мусмисны вöвъясыд. Сюяс вöлі зеп-тас солалём нянь да батысь бöрся лыйыштас-котортас. Зэр ни кодзыд, оз сувтöд. Став вöвсö нимъяснас тöдіс. Тайö пö Рыжко, эсійö — Герой, а медся бура пö гөрö Карко. Быд гожём видз вылын турун юръяс кыскавліс.

Пажнайтігөн батысь шмонитліс:

— Сей, пий, рок, тэрыб лоас кок. Быдман да менö вежан. Став чибöсö тэныд сета.

А мöдыслөн синъясыс öзійны. Дась конюшняысь не п-тавны.

Тадзи и быдмис шөркостыс, позьö шуны, вöвъяс пöв-стын. Кымын во на гөгөр гөграліс, но некор эз элясьлы, мый мудзис либö дышöдіс. Тэрыблунсö енмыс, тыдалö, кык морт мында сетлёма. Помнитö, вензьöмöдз вöлі во-ласны Иван вокыскöд. Ыджыдджыкыс трактор ошкö. Коля петук моз, вöвъяс вöсна сулалö. Ме пö тэнсьыд көрт ёк-мыльтö здукөн пановта. Иван лөнъджык мортыс, чöv олö да нюмъялö. Сэся крапкас, быттьö сёрниислы пом пук-тас:

— Öні техникалөн нэм. Вешійы аслад вöвнад.

Пузяс сэтчö Коля, кинас öвтчö, чибöясöс дорійö. Лоö батысьлы сюйсьыны на костö:

— Быдөн найö асланыс местаын колöны. И трактор, и Рыжко.

Коля водз гөр воропö кутчысис. Муртса на вöлі вöv бöрсяыс вöтчыны вермö, кор батысь öшинь ув йөр гөрны сетіс. Гөлöсыс лэчид, пельтö вундö. Верстьö морт моз Карколы индалö: бөрöзда, но, тр-р-р». Гоз-мöдысь шыбе-литліс первойсытö, но ээся бөрöздаясыс артмыны ку-тісны.

Батьсö война вылö босьтём бöрын конюкаліс. Но эз дыр удайтчы лелькуйтны муса вöвъяссö. 1942 вося тулы-сын корисны сійöс военкоматö. Чукöртіс Анна пиыслы ноптор да мöдöдіс кузь туйö. Унатор йылысь мövпаліс сэки мам. Сöмын эз кужлы думыштлыны, мый шөркостыс первойөн ваяс курыд шог. Уси сійö 1942-öд во помын.

Гр-ша, медся ичötыс. Батысь кодь топыд тэчаса, едж-

говат. Пöслукман зонмөн быдмис, вокъясыс моз жö удж-
сыыд пышъявны эз кужлы. Сэки, майбыр, мөскөн на оліс-
ны, турунтö луктыны вöлі колö уна. А мамлы нö кор! Нель
час асывсянь скöt картаын, мөсьяс дінын. Лолышты
некор. Вескыда кө шуны, ёнджыкасö пиян да верöсыс
пуктылісны турунсö.

Ытшкыны ичöтыс радейтліс. Ёна сёрниа эз вöv. Бось-
тас коса-гöрбушатö, варскö отарö-модарö вокъяскöд орч-
чөн. Покосыс көть на дорысь векныдджык артмö, но мича
да веськыд. Кыкнанныссö бөрö коляс. Ачыс нюмъялö тув-
сов шонді моз, быттьö дэльöдö вокъяссö: көть пö ичöt-
джык тиянысь, а талун бара на парсниті-пановті.

Праздник водзвылын меліасьö:

— Мамук, гашкö, шаньгатö пöжыштам аски.

Садьмас водз, муртса югдö. Мам сюяс пачö би да ко-
төрөн скöt картаö, мөсьясöс лыстыны. Гришалы тшöктас
картупель пуны, пач ваймöдны. Воас гортö — ывла вылын
бур югыд. Пач вом дорын Гриша бергалö-ноксьö. Шлап-
нитас кинас Иван Анна: пиыслөн шаньгаясыд джаджйы-
нөсь нин. Сулалö да налысь банийом бокъяссö мөс выйөн
мавтö.

Гриша пырджык мам гөгөр бергаліс. Көнкө да мыйөн-
кө век отсыштö. То джодж мыскалö, то рок пуö. Быдлаö
сибалісны киясыс. Школаын велöдчигөн на мамыскöд скöt
картаö мөдіс лэччывлыны. Гриша турунтö котөрөн разö-
далö. Видзöдан да, куйöд нин зыртö. Мамлы любö: со ку-
тшöм отсасысь быдмö. Жалыс эськö унаысь петавліс да.
Торйөн нин асывъясын. Пальöдны Гришалысь унсö дыр
вöлі сьөлöмыс оз лэпты...

Кор пансис война, ыджыд көрөмина-керкаын быттьö
шуштöммис. Кыкөн и колины — Анна да Гришук. Быдтор
йывсьыс мөвпалісны кузь рытьясö. Пиыслөн отитор
юрас — фронт. Пыр майшасис, мый арлыдыс оз тырмы.
Война сувтан воö сылы тыри дас сизим.

Во джын мысти дзик öтнасөн коли Иван Анна. Медічöt-
сö колльöдіс-мөдöдіс вөрöглы паныд. Гажтөм лои Анналы.
Керкаын ловъя лов абу. Сöмын томник топольяс шувгö-
ны öшинь улын, быттьö казътылöны ылі туйö мунөм вой-
тырöс.

Онi на Анналөн син водзын война кусан во. Быттьö
вöтын ставыс вөлöма. И абу дивö. Öд мыйта кад нин лэ-
быштiс-муніс.

Кыр йылын вöлі пукалö Анна, видзöдö лөнъ Эква
вылö. Друг кывтыд чукуль сайысь нырсö мыччис еджыд
пароход. Шлопöдіс гырысь көлесаяснас ва веркөсö, ньöж-

йӧник упкис-кайис визув паньд. Гашкӧ, дзонь час кыссис Анна керка весьтӧдз. Сэссия пароход мый вынсьыс тутӧс-тис да крута кежис береглянь.

Иван Анна котӧрӧн-сорӧн — сы динӧ. Эз и тӧдлы, кызди изья берегӧдз воис. Пароход сатшкӧма нин нырсӧ, пос лӧсьӧдӧны лэдзны. Йӧзыс пароход вылын жуисны кодзувкот мында. Но сиктӧ чеччисны этшаӧн, сӧмын некымын морт. Весьшӧрӧ пессис Анналӧн сьӧлӧмыс. Сы ордӧ некод эз во.

Воысь пӧвстысь Иван Анна тӧдис суседсӧ, Павел Васьӧс. Сийӧ ньӧжйӧник, кӧстыльяс вылӧ мыджсьӧмӧн, кавшасис крут берег пӧлӧн. Пельпом саяс вещьмешӧк, юрас — пилотка, кузь шынеля. И сӧмын кисӧ топӧдлӧм бӧрын Анна казялис, мый Павел Вась кок пӧла. Быдсӧн йирмӧг босьтлис, кывйыс вошли. Суседыс лӧня чӧвти:

— Нинӧм, Анна, ловья тай-а, джагӧдим вӧрӧгӧс. А олӧмыд ладмас на.

Дерт, Павел Вась эз тӧд Анналысь шогалӧмсӧ. А тӧдис кӧ, ловйӧн кольӧм йывсьыд эськӧ кывйыс эз бергӧдчы казтыштны.

Рытланьыс Иван Анна петис ӧшинь улас. Гожея шонди катовтис вӧр сайӧ. Гӧгӧр вӧли чӧв-лӧнь. Потшӧс сайсянь аддзис Павел Васьӧс. Сийӧ пукалис кильчӧ вылас да чышкалис-малалис гудӧк. Паськыд морӧсас зиякылисны медальяс. Тӧдчис: мортис гажакодь.

Павел Вась кокныда лэптыштис гудӧксӧ да здук мысти тӧдса сьыланкывлӧн горис кывтис нин лӧнь Эжва весьтын.

Павел Вась сьылис чирӧм гӧлӧсӧн, юрсӧ гудӧк бердас пӧлынтьӧмӧн. Сьылис быдӧнлы муса лӧз чышьян йылысь.

Потшӧс праслӧ бокин Анна кывзис суседыслысь сьылӧм-ворсӧмсӧ да аддзис, кызди Васьлӧн чукура чужӧм кузя гӧгыльтчисны гырысь синва войтьяс.

Кильчӧ вылӧ петис Педьӧ Павла, Васьлӧн гӧтырыс. Небыдика плавгис верӧс пельпомьяс вылӧ шынельсӧ да пуксис орчӧн.

Тайӧ нор гудӧк шысьыс, шуда гозьялӧн ӧтлаасьӧмсьыс ок и шог лон Иван Анналы. Шог сысь, мый коли дзик ӧтнас куим тополь улӧ. Синвасӧ чышкалӧгтыр Анна матыстчис пуяслянь да дыр сулалис на дӧнын. Морӧс вылас сэтшӧм деливӧ, кӧть юртӧ петляӧ суй. А Павел Васьлӧн гудӧкыс сьӧлӧмсяньыс висьталис лӧз чышьян йылысь...

Ӑтчыд, тайӧ вӧли ар помын нин, Иван Анна садьмис торйӧн водз. Ӑшинь сайын — дзурс пемыд. Сьӧлӧмыс тӧпкис-пессис морӧсас, быттӧ висьталис: талун мыйкӧ виччысьӧ тӧнӧ, Анна. А, гашкӧ, Петырыс воас? Либӧ Гриша сетас юӧр. Кӧзьяйка шурк-шарк ломтис пач, пелькӧдис кер-

ка пытшкӧс. Абутом пызиторсьыс пӧжасис. Луныс кусі, а сы дінӧ некод эз во. То ӧти лёк дум волас-гӧгралас, то мӧд. Вежон мысти сиктса почтальон пыртіс Иван Анналы письмӧ. Дыр эз восьт. Полис: гашкӧ, омӧль юӧр. Тіралана киясӧн разис гижӧдсӧ. Письмӧыс вӧлі кузь, некымын лист вылын.

«Чолӧм, Анна, гижа ме ылі мусянь. Думыштныд он куж — Дальнӧй Востоксянь. Россия помсянь. Гижа дыр чӧв олӧм бӧрын. Тэ, дерт, ёна нин виччысин месянь юӧр. Со и пукси гижны, Аннук. Воськыда кӧ висътавны, сьӧкыд меным сёрнитны тӧкӧд. Перӧ-ручкаыс кыин тіралӧ, колана кывьясыс оз сюрны.

Война кустӧдзыс на миянӧс бергӧдісны мӧдарӧ. Став Россия-матушкасӧ вомӧналім, сӧмын кык вежон мысти воим татчӧ. Тэ, тыдалӧ, гӧгӧрвоин, мыйын делӧыс. Японечьяслы паныд. Меным войнаыс помасис эз тувсов лунӧ, а сёр арын. Тэ эн думайт, мый эляся. Сьӧкыдлуњяс дінад, тӧдан ачыд, велавлі томсянь. Но век жӧ татчӧ нуигӧн сьӧлӧмӧй эз вӧв места вылын. Войнаыслӧн ӧд помыс тыдаліс нин. Ставӧн гӧгӧрвоим: некымын тӧлысь мысти пеж вӧрӧгтӧ дзикӧдз чергӧдам. Мӧвпала вӧлі: мыйӧн воа Эжва бокӧ, медводз пидзӧсчанияся да чужан муӧс окышта. Ок и гажӧй быри.

Но ставӧн гӧгӧрвоим: японечьястӧ сідз-тадз он босьт, кодсюрӧлы быть ковмас юртӧ пуктыны. Миян туйыс чужанінӧ муніс тайӧ тышьяс пырыс.

Вӧлі пемыд вой на, кор кыпӧдчим. Ылын, кӧнкӧ енӧж помас, тыдыштісны сопкаяслӧн мыгӧрьясыс. Здук мысти зымӧбтісны пушкаяс. Юр весьтӧд чардыштісны-лэбисны вӧрӧглань снаряджяс. Югдандорыс уськӧдчим атакаӧ. Первойсӧ японечьясыд чӧв олісны. Тыдалӧ, налы чорыда веськалі. Но здук мысти, мыйӧн лоим матынӧсджык, кутісны воча лыйсьыны. Мекӧд орчӧн котӧртіс миян взводысь татарин Сайфулин. Смел мортыс вӧлі. Бура дыр ськӧд воуйтім. А тані, ылі муын, юрсӧ лои пуктыны. Уси другӧн, быттӧ сійӧс кодкӧ сконйыштіс. Котӧртігмоз копыртчылі, а сійӧ оз нин лолав...

Налӧн окопьяслань нин кутім воны, кор кыськӧ ловзисны кык пулемӧт. Оръявлытӧг мӧдісны сизьдыны. Ковмис пласьт усьны муӧ, юртӧ лэптыны он вермы.

Гымӧбтісны миян минометьяс, парсалӧны-жуглӧны японечьяслысь траншеяяссӧ. Тадзи, мися, найӧс, тадзи. Этшаджык вир киссяс. Быдӧн сьӧлӧм вылын кокниджык лои.

Нетшыштчим му бердысь да водзӧ, вӧрӧглань. Тані и суис менӧ лёк рӧкыд. Быттӧ кокӧ зорйӧн вачкисны, пем-

діс син водзын. Нинѳм йылысь думыштны эг удит, сѳмын юковтіс мѳвп: мися, пом, тыдалѳ. Помнитышта ру пытшкын моз санинструктор Олялысь повзьѳм чужѳмбансѳ, сійѳ мыйкѳ висьталѳ, кинас ѳвтѳ, а ме нинѳм ог кыв. Сэсся садьѳй воши.

Не кѳ тайѳ тэрыб нылыс, ме гашкѳ, вирѳн сэні и ойді, либѳ вѳрѳгыд мѳдар югыдѳ мѳдѳдіс. Японечьясыд лѳкысь водзсасисны, тѳдісны, мый пом воѳ налы. Пленад, висьталѳны, медым не сюрны, кынѳмнысѳ асланыс меч-пуртьясѳн вожѳдлывлісны.

Веськыда кѳ висьтавны, Анна, тайѳ тышсянныс и олѳмѳй менам кежис мѳд туй вожѳ. Кор пласьт уси муѳ, отсѳг вылѳ воѳма Оля, миян санинструктор. Та йылысь сійѳ бѳрыннас нин меным висьталіс. Сѳмын на босьтчѳма кѳр-тавлыны бинтѳн, кызди японечьясыд миянѳс бѳр зырны мѳдѳмаѳсь. Со кутшѳм дзескыдінѳ веськавсьѳма миян. Мый вѳчны? Водзын — смерть локтѳ, Оля ки вылын ме, сы ни садь. Шыбитны ранитчѳм морттѳ,— ловйѳн оз кольны. Пышьян — нэмтѳ сѳвестыд кутас йирны. Тадзи думайтѳма сэки санинструктор. Татшѳм здукьясад, Анна, тырвийѳ петкѳдчѳ мортдылѳн чужѳмбаныс. Бур, мый абу шѳйѳвошѳма нылыд. Кыскѳма менѳ бокѳ, матысса воронкаѳдз да вѳча лыйсьыны заводитѳма автоматысь. А сэсся миян бара атакаѳ кыпѳдчѳмаѳсь, босьтѳмаѳсь сопкасѳ. Позьѳ шуны, смертьлѳн гыжъяссьыс перйіс менѳ Оля.

Водзѳ гижны, Анна, зэв сьѳкыд. Ог и тѳд, кызди ставсѳ тэныд висьтавны. ѳні думайта да, гашкѳ, бурджык вѳлі сійѳ тышас чергѳдчыны да. Но шулѳмаѳсь тай, судьбасьыд пѳ некытчѳ он пышйы.

Госпиталь бѳрын корси ме ассьым спасительѳс. Частын на вѳлі служитѳ, демобилизуйтчан лун виччысьѳ. Сійѳ став йывсьыс и висьталіс. Кызди кыскѳма менѳ, гартѳма-кѳр-тавлѳма бинтѳн, лыйсьѳма менам автоматысь.

Ѳтчыд аддзысьлім, мѳдысь. Сійѳ ас йывсьыс висьталѳ, ме сідз жѳ. Чужлѳма-быдмылѳма Украинаса Кременчуг кар дорын. Батьыс учительлѳн вѳвлѳма, усьѳма 1942 воын. Мамсѳ бомбаѳн виѳма. Ѳтка ныв. Чой ни вок сэсся абу. Ачыс вѳсньыдик, турун сі кодь. Кызд, мися, тэ та сьѳкта мортсѳ петкѳдны вермѳмыд. А сійѳ нюммунѳ да шуѳ: ме пѳ не тэ гырся йѳзѳс тыш местаысь кыскавлі.

Сійѳ, дерт, меысь ѳна томджык. Но сьѳлѳмыд тай вѳлѳм оз юась: сираси Оля дїнад ме, Анна. Тѳда, мый лоа мыжа тэ водзын, а мый вѳчан. Кокьясѳй асьныс сы ордѳ нуѳны. Тадзи и чужи миян костын радейтчѳм».

Тайѳ кывьяс бѳрас Иван Анна муртса эз чашварт пись-

мёсö. Сэтшöма дойдисны сьöлöмсö верöсылöн кывъясыс. Но мыйкö кутис тайö челядьлöн кодь воськовсьыс. Бөр шыльöдiс чукрасьöм листьяссö, чышкыштіс на вылысь синва войтъяссö. И бара Петырыслöн гөлöсыс кыліс ылі муысь.

«Ме öд, Анна, ставсö зэв бура гөгөрвоа. Тöда: тэныд оз ло кокни. Кык дой эм нин сьöлöмад — Ваня да Коля. И со нöшта ме. Война вылö, дерт, ставсö бергöдны оз позь. Көть, шуам, сійö кö эз ыпнит, ставыс эськö вöлі мөд ног. Но кора, ок кызди кора — гөгөрво көть мыйтакö менö.

Бура дыр ми аддзысьлім Олякөд. Неважөн локті сы дінö, а нылыд синсö оз лысьт лэптыны. Быттö вежисны морттö. Юалі: мый нö, мися, лон? А сійö топöдчис морöс бердö, кыла, шлюпкины-бөрдны кутіс. Шуö: кага пö ме виччыся...

Со мый артмис миян костын, Анна. Бөрүнджык эг öти вой думайт та йылысь. Ставыс син пыр муніс. Чужан му, тэ, пиян. Ставыс гөррдзасис öтилаö. Но кызди тайö гөрöдсö разны?

Быдторыйс юрö воліс. Сеті аслым кыв: кольчча Олякөд. Радейта öд ме сійöс. Сэсся шыбита öмöй батътöмамтöм нывсö, коля ичöt кагаөн! Сё пасибö, мися, спаситöмсьыд. Сöвестьöс, Анна, пез войнаыс эз на помөдз курышт да та вöсна и ськөд. Тöда: тэ водзын ме кувтөдз мыжа...»

Лигышмуні Анна, быттö мыйкö пытшкөссьыс ори. Лэдзчысис улöс вылö, көсийс шогсö синваөн пöдтыны, да эз нин вермы. Бөрдсьöма, тыдалö, уна нин нель вонад. Пукаліс, мөвпаліс ас кежас. Быттö кыз стенö зурасис. Ни бөрö, ни водзö. Гөгөр кер, петан туйыс абу. Сöмын öні Иван Анна помөдз шогсö курыштіс, гөгөрвоис — виччысьны сылы некодöс...

Шöйöвошöмын моз олiс некымын лун. Весиг некытчö эз ветлы. Ас морöс пытшкас дзевис став курыдсö. Эз-ö тайö луньясас сук сьöд юрсисö юковтны дзор пратьяс? Гашкö и сэки, а гашкö и пияныслöн усьöм-вошöм бөрүн. Коді нö стöча висьталас, кор Анналöн едждiс юрыс.

Нывбаба сьöлöмыд шогалö кузя. Быттö сьökыд дой, көсий бурдны и оз бурд. Тадзи вöлі и Иван Аннакөд. Быдсөн сьöдöдiс мортыд, косьмис. Но пыдын, көнкö морöс пытшкас, öйис битор, мый ставыс тайö лөк вöt. Быд рыт петавліс нöрыс вылын сулалысь пуяс дінö да видзöдiс ю сайö. Шлывгисны-пышйисны луньяс, тöлысьяс, тулыс вежис тöлöс, но некод эз зөркөдчы Анна керка öдзöсö. А сійö пыр виччысис, эскис, мый көть медся ичöтыс Гриша, коді воши война помланьыс, аддзысяс да воас чужан сиктö.

Праздникъяс водзвылын Иван Анна водз асывсянь ноксис пач вом дорын. Шаньгаяс, пувйысь да тшакысь пирёгъяс — ставыс артмис Анналён. Асыв помын, кор дзикёдз нин югдыліс, көзьяка сывдліс мёс вый, судзёдліс пач боксьыс утка борд да тэрмасътёг мавтліс пёсь шаньгаяс. Быд пёжасиг куим шаньга либё парёг пуктывліс блюд вылын пызан помё — пияныслы. Ачыс прамёя нинём эз и видлыв. Унджыксё новліс матігёгёрсалы: то чёсмёдлас сы кодъ жё пёрысь йёзёс, то петкёдас Павел Васьяслы.

Оти тувсовъя лун бара на вайис майшасьём Иван Анналы. Водз асывсянь енэжын ворсёдчис югид шонді. Съёкыда упкигыр шлывгис зэръясысь пёльтчём Эжва. Лун шёр гёгёрын вёлі на чёв-лёнь. Сэсся поводдя друг вежсис: кыськё войвылысь сикт весьтё ошйисны съёкыд кымёръяс, заводитіс швичкыны-пёльтны кёдзыд төв. Енэжыс зумышмис, мёдіс резны зэр тусьясён. Ышмём төв съёкыда довкйёдліс ошинювса пуяслысь вожъяссё, скёрысь омляліс пач трубаын.

Рытгоров поводдяыс дзикёдз дурмис. Шлявгис-зэрис ведраысь моз. Тёв овсьыны эз кёсйы, нёшта кутіс гымавын-чардавын.

Иван Анна сулаліс ошинь дорын да видзёдіс улич вылё. Друг енэжыс топольяс весьтын быттё шёри поті, ыпнитіс ярыюгид биён. Мулань сявкнитісны посныдик огыръяс. Кыліс трачкёдчём. Кёзьяка повзьёмысла чепёсйис ошинь дорысь да чёвтіс пернапас: «Свят, свят, свят». Но здук мысти пуяс весьтын бара югнитіс би кольта. Мыйкё швачнитіс кылё, гымёбтіс лёкысь. Анна керкаын би кусі. Кёзьяйкалы ковмис озтыны карасин лампа. Тадзи и пукаліс Анна рытывбыд ошинь дорын, видзёдіс, кызди омлялё ывла вылын скёр төв, шливгё зэр.

Асывнас, муртса на югдіс, Иван Анна йөрё пырис монтёр. Дыр гёграліс топольяс гёгёр. Мыйкё броткыштіс, куритчис здук-мёд да веськёдчис Анна керкалань. Гымакыліг пырис пытшкёсас. Пуксис лабич вылё, синсё читкыртёмён шуис:

— Пуясыд, Анна, мешайтёны проводъясыдлы. Пёрёдавын найёс колё...

— Кызди нё керавын? Проводтё вылөджык лэпты...— велөдіс Анна.— Тайё топольяссё менам Петыр на пуктыліс войнаёдзыс. Медым пё быдмасны, кызди мян куим пи... А тэ керавын кёсьян! Помалан од менё дзикёдз!..

Монтёр мыйкё нурбыльтіс вомгорулас. Сэсся клопнитіс оэдзёсён да петіс ывлаё. Иван Анна кватитіс чышъян да сы бёрся. Пановтіс монтёрёс, вомёналіс туйсё,

— Тэ мый, Анна, выживалан?— вежыньтчис зон.— Но-ко. вай вешйы, меным некор.

Анна кватитіс пывсян бокин сулалысь зор да скорысь лептіс юр весьтас.

— Олөмыд кө абу жаль, матыстчы. А меным воштыны нинөм... Сөмын матыстчы топольяс дінө!..

Иван Анналөн синъясыс өзйисны, чышъяныс лэччис пельпом вылас. Монтёр сулалыштис вомсө паськөдөмөн да воши йорысь.

Иван Аннаөс ме шуа Анна тьөтөн. Бура важөн нин сыкөд төдсаөсь. Кор вола тайө сиктас, пыр кежала сы ордө.

Бөръяысысьсө пыралі кольөм во. Сулаліс зарни ар. Дыр нимкодяси Анна тьөтлөн йөрөн. Бытьё ас кыөм джодж дөра шевкнитөма сэтчө. Тадзи топольяс мичмөдөмаөсь көзййкалысь керка гөгөрсө асланыс коръясөн. Восьлала да пола торкны сөстөмлунсө.

Анна тьөт пукаліс өшинь дорын, кысис.

— Но, карса гөсть,— шеныштис сійө кияснас.— Пуксыы, шойччы, а ме час самөвар пукта. Горшыд, тыдалө, косьмө жө-а.

Дыр пукалім-варовитім. Пось петтөдз тшай юим, Анна тьөт ас пөжалөм көвдумьясөн чөсмөдліс. Сэки көзййка меным ас йывсыыс унатор висьталіс.

— Война бөрас пыр скөт дінын уджалі,— казътыліс ньөжйөник Иван Анна,— киясөй өд өні мыйыськө юкалөны. Асьнымөс эгө жалитөй. Қадыс сэтшөм вөлі да. Тшыг кынөм, пасьтавны нинөм, йөз оз тырмыны. Проклятөй Гитлерыд ставсө пузувтіс.

Видзөдан да, сиктсаяс эськө фронт вылысь воавны кутісны. Коді ранитчөма, коді калека. Унаөн бөрсө эз бергөдчыны. И менам...

Анна тьөтлөн гөлөсыс бытьё кытчөкө сибдыліс-гөрддзасьліс. Чышъян помнас сибөдчө косөдны вазьөм синьяс-сө, шогыс сьөлөм бердас матын вөлөма. Векныдик пельпомьясыс топалісны, кутісны сыркъявны-вөрны.

Сөмын өні ме казялі, кутшөм ёна вежсьөма Анна тьөт бөръя каднас. Ичөтмөма, косьмөма. Бандзибсьыс чукуръясыс джудждаммөмаөсь, дзор юрсіныс гежөд.

Кызөктыштис чышъянас, видзөдліс мелань, бытьё шуис: эн пө дивит пөрысь морттө.

— Тайө шогыс из моз морөсын өшалө. Уджас сөмын и ылавлан. Кыдзкө вунөдчылан бытьё. Коркө висьмис миян лысьтысысь, Микул Наста. Гортас куйлө, чеччыны оз вермы. А мөсьястө лысьтыны колө, вердны-юктавны. Колхозса пред пикө воөма: некодөс скөт дінө мөдөдны. Ачым шы-

өдчи, вай, мися, отсышта. Гоз-мөд төлысь өтнам тільси-мырси. Локта гортө да ки-кокөс ог кыв. Пласът уся воль-пасьө. Он удит синтө кунылыны, бара нин югдө. Шойччан лун ни отпускъяс эгө корлөй. Сэссия, дерт, кокныдджык лои. Токөн лыстысьны кутім, еджыд халатъясөн ветлөд-лам, көрымыд тырмө. Пыдди пуктөны. Почётной грамота-яс, деньгатө, козинъяс — ставсө медводз вичмөдоны. Ме-ным морөсө орден өшөдісны. Со, мися, олөмыд пуксис. Пен-сия вылө петөм бөрын вит во на лыстыси. Сэссия эг кут тай вермыны...

Сьөкыда ышловзис, бергөдіс мелань дзор юрсө. Нюмму-ныштіс.

— Ме ордө корасьны на волісны. Война бөрас. Öлей Ёгорөн шуоны, миян сиктса. Петыр местаын конюкаліс. Се-рам петө: пырис, доз пуктіс пызан вылө, юыштам пө, Анна, сёрни эм. Ме, йөюкыд, мөвпышти, гашкө, мися, Ёгорыд пиян йылысь мыйкө төдө да. Висьтасьны көсьө. Мортис өд фронт вывсянь. А сійө, лешакад, өтлаасьөм йылысь гара-лө, муртса оз малась. Көколюкаөн тодмышкалі. И өні ог каитчы...

...Тэрмасьөмөн восьлала град йөр бокті. Морөсын лолөй оз төр. Окота бурмөдны Анна тьөтлысь сьөлөмсө.

Бөръяясь аддзысьлігөн Иван Анна корис менө туявны Гришасө. Мам уна во эз төд, кытчө пуктіс юрсө ичөт пиыс. Думсьыс пыр виччысис, косьтіс асьсө. И со меным воис юөр оборона кузя Министерстволөн архивысь. Кад вошты-төг ме петі туйө, Иван Анна ордө.

Зептын куйліс дыр виччысяна письмө, көні төдтөм йөз гижисны:

«Дона Анна Ивановна! Ёна корсьысьөм бөрын стөча төдмалөма, мый тіян пи, гвардияса радөвөй Попов Григорий Петрович, сьөкыд тышын социалистическөй Рөдіна дорйигөн героическөя уси 1945 вося апрель 25 лунө. Дзевбө-ма Альпыясын, Сакуомир сикт дорын».

Со мый ылнаын куйлө тэнад Гришукуд, Анна тьөтка. Юрсө пуктіс ылі муын, Австрияын...

Ме пыри Иван Анна йөрө. Тополь пуяс важкодь на ми-чаось, вежөдоны-сөвмөны. Матыстчи керка дорө, кыпөдчи кильчө вылас. Но мый тайө? Öдзөсын өшаліс ыджыд то-ман. Чөтігтырйи матыстчис Павел Вась. Чолөмасим.

— Кытчөн нө петіс Анна тьөткаыс?— юалі ме.

Павел Вась чышкыштіс тюрөбтысь синвасө:

— Кувсис миян Аннукуд. Вежон кык сайын дзевим...

Кежим топольяслань, пуксим ас вөчөм скамья вылө.

— Чукөстіс менө да шуө: вөльной светас пө ме абу нин

дыр олысь. Ланьт, мися, Аннук. Миянӧс унаысь на банийм шаньганад чӧсмӧдлан. Час, мися, пельшерла котӧртла. Пельшӧрыд, шуӧ, меным нинӧмӧн оз отсав. Бурдӧдны позьтӧм дойыс комын во нин йирӧ косьтӧ сьӧлӧмӧс. Ті пӧ, тайӧ гажа нӧрысас олысьяс, видзӧдлывлӧй пуяс бӧрсяяс, энӧ вунӧдӧй найӧс... пиян пыдди вӧліны меным...

КУРЫД ПУВ

Шуштӧм вӧт песовтіс Петыр Васьӧс, кырыштіс сьӧлӧм-сӧ. Пожӧма ягын быттӧ сійӧ пув вотӧ. Еджыд дӧрӧма, кузь гӧленя сапӧга. Небыдика восьлалӧ нитшка вӧрті, гӧрд пувсӧ ки тырнас варскӧ-нетшкӧ. Долад Васьлы, майбыр, тӧв кежлӧ бара на сӧян-юан лӧӧ.

Лэптис юрсӧ Петыр Вась. Мый нӧ тайӧ? Сук нитш вомӧныс кодкӧ ордым талялӧма. Муртса синмыдлы и тӧдчӧ. Гартчӧ-веглясьӧ пуяс пӧвстті, кыскӧ ас бӧрсяяс Васьӧс. Эз и тӧдлы вотчысь, кызди ордымид гажа ягӧ петкӧдіс. Пожӧмьясыс чӧрс кодь веськыдӧсь, туганъяснаныс лӧз енӧж-сӧ пыкӧны. Видзӧдліс Петыр Вась кок улас да быдӧн пӧсь чепӧсйис. Та мында пувсӧ сійӧ некор на эз аддзыв. Пев пом гыря вотӧс сярвидзис гӧгӧр — пом ни дор. Шӧйӧвошӧм Вась горша нетшыштчис сӧдз вотӧслань, нимкодъысла муртса сывны эз горӧд. Но... мыр моз джӧмдіс. Пуяс сайысь петис Павел Иван, сылӧн суседыс. Быттӧ йиа ваӧн койыштісны Петыр Васьӧс, йирмӧг котӧртіс мышку кузяыс...

— Вотчан сідзкӧ,— воськовтігмоз чӧвтіс Павел Иван.

— Вотча. Со тай пувйыс, майбыр,— чирӧм гӧлӧсӧн во-чавидзис Петыр Вась.

А мӧдыс быттӧ эз и кывлы, шарсьӧдіс водзӧ, сӧсся бергӧдчис Васьлань, тӧрыба нетшыштіс сӧдз тырыс ыркыд вотӧссӧ да мурснитис ӧн пиньяснас. Чуқыртчыліс Павел Иван, сотыштіс ӧсь синъяснас Петыр Васьӧс.

— Курыд тай тӧнад пувйыд. Ок и курыд!

— Эн сӧр вай. Қурыд пувйыд оз овлы.

Павел Иван ӧвтыштіс кинас да воча ярскӧбтіс:

— Овлӧ, овлӧ...

И воши пуяс сайӧ, быттӧ асья русӧ петысь шондіыс нюлыштіс.

Матьӧбтіс Петыр Вась да тӧрмасьӧмӧн уськӧдчис сяр-видзысь вотӧслань. Қыйкнитис гӧгӧр, горша апыштіс пемьдгӧрд тусьяссӧ. Синсьыс би петалис — сӧтшӧм курыд вӧлӧма. Лӧкысь дзуртыштіс пиньянас. Сӧсся дыр на сьӧласис.

Аслас горөдөмысь и садьмис Петыр Вась.

Дженьыдик гожея вой путкыльтчис асьявыв. Керкаын вөлі чөв-лөнь. Сөмын гөтырыс шкоркнитлывліс орччөн, азыма кыскис ас пыткас кос турунөн өвтысь сынөдсө. Петыр Вась пуксис вольпасьö, чышкыштіс паськыд плешкас чепөсйөм көдзыд пөсьсө. Чунь помъясыс тэрыба йөктісны.

Тяпкөдыштіс паськыд вомнас — быттьö курыд и эм. Вөт тайö али яв? И мый виччысьны сысянь, лешакыс төдö.

Гыжйыштіс вир-яя голясö, чеччис вольпасьысь. Матыстчис өшиньлань, вештыштіс тюльсö. Шондіыс ломаліс нин вөр саяс, гөрд өгыр моз кыпөдчис вывлань.

Петыр Васьяслөн потшөс сайын тыдаліс соседыслөн, Павел Иванлөн, пөлөстчыштөм керка стыныс. Орччөн шарөдчисны коръясананис томиник кызд пуяс.

Вась бура дыр жөдзис өшинь дорын, дзуртыштіс өдзөсөн — петіс посводзө. Гумовтіс пельсаысь көш тыр ва да койыштіс косьмөм горшас. Ыркыдыс юковтіс ки-кокөдыс, лөньөдыштіс сьөлөмсö.

Бөр довгис вольпасьялань. Пошкис-бергальыштіс шебрас улын, но асья унмыд тай чөскыд. Здук мысти сійö топөдіс-личкис нин Петыр Васьсö.

А грезд весьтын чужис-пестысис мича гожея лун.

Павел Иван абу велалөма дыр узыны. А талун чеччис өна водз. Гөтырыс, Наста, төрыт лэччис ныв ордас карө, тшөктіс Иванлы горт гөгөрын ноксыны: вердны-юктавын ыжъясөс, лудө найөс лэдзлыны, сакар-няньла лавкаөдз кайлыны. Абу мужиклөн эськө тайö делөыс да, мый вөчан. Быть лоө и пачтө ломтыны, и шыдтө пуны, и баксысь-нюргысь котыркөд ноксыны.

Асывбыд лои гортын бергавны. Пач ваймөм бөрын вала лэччыліс, ыж чукөрөс лапта бокөдз колльөдіс. Дждодж весиг чышкис.

Чай юны слөймис, кор шондіыс сьөлөмсянныс нин ворсөдчө вөлі өшинь сайын. Гажаа шувгис-сьыліс пызан вылын самөвар. Иван юр весьтын зіля шлочкис-гартіс кадсө важиник часі. «Регыд лун шөр кад, сідзкө, Наста мөдөдчө нин карсьыс», — мөвпаліс Павел Иван блюдйысь пөсь чай ырскигөн. Пызан шөрысь судзөдіс важиник өчки, пысаліс кос ныр йылас да матыстчис календарлань. Кутшөм нин пө лун пуксис. Читкырасис-сулаліс календарь водзын, сәсся вомгорулас лыддис: «Июнь 22 лун...» Лөня пуксис улөс вылө, ышловзис. Шог лун тай вөлөма. Кымын во нин ләбис сійö кадсянныс... Но вунас өмөй тайö сьөд воыс! Казьтыштан, дойдан сьөлөмтө, морөстө пузувтан. А казьтывтөгыс и мусö талавын нинөмла.

Тадзи мөвпаліс керкаса көзаян, шпуткиг-куритчиг. Эз на удит лөз тшыныс разавны пызан весьтысь, а Павел Иван гурскис нин чукурөсь чужөмсө ныжиник бритваён.

Гөгрөс рөмпөштансянь видзөдіс Иван вылө олома нин морт. Гөрбыля ныра, куш юра, пельыс чурвидзө. Со кушөм лон. Шулөмаөсь тай: пөрысьман пө да нинөм нин оз томмөд.

Иван бергөдлыштіс чунь кыза голянас, сюся дзоргис, став ковтомторсө-ө гогналіс чужөмсыйс, да тапиктіс мыссыны.

Пасьталіс выль дөрөм, зількакылысь медальяса ной дөраысь вурөм пинжак. Бритчөм бөрад лукйысис-корсис чужөмсө мыйөнкө мавтыштны, но нинөм эз сюр. Но Иван эз шөйөвош: малснитіс бандзибьяссө гөтырыслөн кос зыра-лан одеколоннас.

Петіс буса мир туй вылө, веськөдчис сикт шөрлань. Восьлаліс небыдика, тэрмасьтөг. Магазин кильчө дорын бабаяскөд сулыштіс — сирасисны мутиясыд, кытчө нин пө Иваныс татшөм тшапасө вөччөма. Нөшта Настаыс карын. Эк, пызйыштіс эськө дявөльясөс Павел Иван, да джуджыд чөйсө кайигөн пөрысь лолыс тыри. Мыджсис чурвидзысь кер помө да сөмын нораа нюмъөвтис гиргысь бабаяслы.

Вузасысьыс, томиник ань, Павел Иванлөн ылі рөдня на, пыксыны кутліс: гөжөмнад пө курыдтортө рытөдзыс огө вузалөй. Сө лешак тай! Павел Иванлы быттө чери лы горшас тасасис. Кыв ни джын воча шуны оз сяммы. Бөр нин көсйис довгыны, но рөдняыллөн, тыдалө, сьөлөмыс небзис жө. Йөз петөм бөрын кыськө перйис гөрд доз да мыччис Иванлы.

— Дзев вай өдйөджык. Аслым эськө босьтлі да, сета нин.

Павел Иван аттьөсө весиг вунөдіс шуны, тэрыба катовтіс өдзөслань.

Картупель муяс дорті лэччис юлань. Тані, Эжва кыр йылын, ворсөдчис вильыш төв ру. Ва кузя эргис-кайис өтка катер, выныштчөмөн кыскис вывлань паськыд пу баржа.

Пуксис Иван потшөс праслө бокө, перйис сумкасыс гортсыс босьтөм нянь шөрөм, лук турун, чуктөм дорыша стөкан. Лэптыштліс син весьтас курыдторсө да клопнитіс-юис. Юмов винаыс шонтыштіс гырк пытшкөссө, личөдіс ки-коксө.

Өзтіс папирос, пыдісянь апыштіс лөз тшынсө. Ылөдз тыдалө кыр йывсяныыс. Майбыр, сяммылөмаөсь пөль-батыясыс сикт местатө бөрийны. Орччөн Эжва шльвгө, коми йөзөс вердысь и юкталысь, сы гөгөр лөз парма шыльквидзө

енэж помөдз, паськыд ыбъяс кытшалоны сиктсө. И со мир туйыс вөрө сатшыксыө-вошө. Көть кор оз видзөдлы сылань Павел Иван, пыр сьөлөмыс мыйысыкө топавлө. Тайө туй кузяыс мунліс сійө война вылө, бөр воис чужан грездө. Öнi на син водзас мамыс: сикт сайөдз колльөдіс Иванөс, ырзөмөн бөрдис. Быттө төдіс: бөръяысь аддзө асьыс писө. Кувсьөма война кадся тшыг воясө. Мир туй бокас жө öнi куйлө, гажа ягын.

Иван тай со ловйөн коли, сиктсаяс водзын сійө сөстөм. А кодсюрө пежалісны асьнысө. И öнi ветлөны вылын юрөн, быттө нинөм эз и вөв, быттө кадыс вуштіс нин йөз вежөрысь коркөясө.

Павел Иван скөрысь сөтыштіс мөд стөкан, чепөльтіс сьөд нянтор. И бара мөвпъясыс кыкисны-нуөдісны сійөс ас бөрсаяс.

Сиктын Павел Иванөс быдөн төдө. Мортыс и винанад оз ышмы, и уджач. Нэмсө колхоз-совхозын мырсис. Быдөн-көд сиктын ладмыліс, сөмын асьыс соседсө, Петыр Васьөс, синнас оз вермы видзөдны.

Войнаөдзыс найө быдмылісны өтлаын. Вуграсисны, різъялісны тувсов шоръяс вомөн, юр кыскалісны видз вылын. Павел Иванөс война сувтөм бөрас вежон мысти и нуисны армияө. Петыр Вась пө регыд жө мунөма. Но олөмад тай быдторйыс гартчө-бергөдчө: паныдасисны сиктсаяс ылі муын. Некор эз куж мөвпыштлыны Павел Иван, мый тайө аддзысьлөмыс сөдз радлун пыдди коляс сылөн морөсө бурдлытөм дой...

Потшөс праслө дорысь Иван чеччис лун шөр бөрас нин. «Ок, и гажмысьсөма менам»,— юковтіс вежөрас. Кокыс кутліс гартчыны, но Павел Иван сувтовкерліс да көрт тув моз веськөдчис.

«Настаыд талун менө пурк-парк пинялас,— аскөдыс сёрнитіс Иван.— Но локтөдзыс удитам на кежавны важ өрт ордө...»

Шуштөм вөт бөрад дыр и нискис-узис Петыр Вась. Чеччөм бөрас небыд көвдумөн юис чөла тшай, син пырыс лэдзис газет-журнал, гольснитіс өдзөсөн — шавксьөдіс öшинь улө.

Майбыр, таво шондіыс тырмө. И зэрыс ас кадө пожьялө мусө. Картупель со шыөн быдмө, көть мөдысь нин мудйы, лук вежөдө, коскөдзыд регыд пуритас.

Петыр Вась гөгөртіс пес чипас. Инмөдчыліс жервидзысь чуркаясө. Ставыс кыз. Трачкакылө косысла. Сажень дасыд эм-а. Орччөн пывсян зымвидзө, кольөм во на лэптисны. Көть дасөн швачөдчы, төран бара-й. Но друг

Васьлөн чужо́мыс топавліс, из моз чорзис, нюмсö быттö роскөн чышкыштисны. Сы керкалань збоя шалссьöдіс Павел Иван. Но Вась сөмын здук кежлö падмыліс. Юрсö бергöдліг, уйкнитіс керкалань да кыкысь воськовтöмөн воис кильчö вылөдзыс. Крапкис-пöдлаліс ас бөрсяыс öдзөссö.

Павел Иван веськыдаліс потшöс вомөн, пырис суседьслөн йөрö. Көть гажа вöлі, но ылісянь на казяліс, мый сійö тані кортöм гөсть.

Пуксис кер чукөр вылө да горөдіс:

— Эй, Вась, Вась. Пыр дзебсясян. Петав вай. Пукыштам öтлаын, казтыштам ылі вояссö.

Чөв-лөнъ. Но со восьса öшинь дорын дзуртыштис джодж плака, занавес сайсянь мыччис шырöм юрсö Петыр Вась. Бугзылясьöмөн кыскыштис кос сынөдсö, кыйкнитіс гөгөр. Оз-ö кодкө аддзы — сьöкыда чөвтис:

— Мун, Иван, эн тані карзы. Нинöм меным тэкөд сёрнитнысö. А мый вöлі, важөн нин шыляліс...

— Шыляліс?! Қокниа тай көсьян мынтөдчыны. Тшуп нырад: пежалін кө асьтö, йөзыд кувтөдзыд оз вунөдны,— скöрысь ородіс сійöс Павел Вась.

Крапкис-шуис, быттö ас бөрсяыс сө томана öдзөс пöдлаліс. Öвтыштис кинас — весьшөрö пö сёрниыс. Вуджис аслас йөрö, майбыр, орччөн олөны.

Гортас Павел Иван эз и пөрччысь, плавгысис ас вөчөм пу диван помö. Қи-кокыс лигышмуні, быттö пес кералö-ма лунтыр.

Муртса на ланьтис, лэбыштис-локтис син водзас война дырся шуштöм серпас.

...Няйт туй кузя кокнысö öдва кыскöны пленö веськалөм салдатъяс. Коді шынеля, коді дөрөм кежсьыс. Мудзөсь, тшыгөсь. На пөвстын и Павел Иван. Косясьлөм гимнастерка пырыс яйыс тыдалö, юрыс көртöда. Иванлөн полкыс веськаліс немечлөн кытшö. Эргисны сьод креста танкъяс, енэжыс сьоласис көрт шерөн. Водзасисны миян эськө, но зырисны вөрөгъяс полкөс, топөдісны гөгөрбоксянь. Павел Иванлы быттö чер тышөн плешкас тангисны. Синсö восьтис, а гөгөр немеч нин...

Лун кык понъясöс моз вөтлісны көрт туйлань. Нөйтигвиаліг, тэрмасисны, тыдалö. Öти асылö, кутшөмкө грезд помын, мудзөм йөз лойисны няйтсö кыз керъясысь тшупөм склад дорті. И колö жö вöлі талы лоны. Павел Иван лэптис юрсö да быдөн шатовтис. Воськов кызь-комын сайын, склад öдзөс бокин, сулаліс төдса чужöма морт. Пыр и юковтис: дзик тай Петыр Вась кодь. Абу-ö сійö? Вөрөглөн паськөма, пельпом саяс винтовка чурвидзö. Павел Иван-

лөн шувгысь юрас чепөсийс сё юалом. Но сийö здукö орччөн восьлалысь немеч лёкысь лөсыштис сылы прикладон, и склад дорын сулалысь воши син водзсьыс.

Дойсö сэки Иван эз и кывлы. Көть эськө көрт дорыша прикладыд вирөдз поткөдис кучиксö. Мөд дой сотыштис сьөлөмсö — аддзылом мортыс. На дор вуджөма али мый? Со пез лолыд, яндысьтөм чужом.

Иванлөн няйт да щөтьсялом бандзибъяс кузя тюрөбтис синва войт...

А пленсьыд сийö пышйис. Көрт туй вылө вотөдзыс на, рытнас. Некумынөн и петисны партизанъяс ордö.

Суседыслөн мунөм бöрын Петыр Вась дыр на кыйкъялис öшинь дорын. Лешакыс төдö, мый Павел Иванлөн дум вылас. Гажа юрнад чуткас кос турунад битö, тшынйив лэптас став овмөссö. Либö шковгас пишальсьыс. Юав сөсся, мыйысь. Йöйталö со кымын во нин. Сирасис дзикөдз. Абу олөм, а веськыд мат. Талунъя вöтыд абу бур водзö вөлөма.

Восьтис керка өдзөссö, петис кильчö вылө. А мөвпъясыс эз лэдзчысьны. Пыр сусед гөгöрыс гартчисны. Гудйисисны-казытылисны коркөясö.

...Сийö асылö Петыр Васьос индисны грезд помö, видзны ком-паськом тыра склад. Вöли зэра ар, туйяс нильзисны. Друг чукыль сайысь тыдовтчисны пленö веськалом салдатъяс. Уна дас кок лойисны сёя мусö. Кор йöз чукөр матысмис складлань, Петыр Вась йөжгыльтчис, син вылас лэдзис пилоткасö. Колонна довгис водзö, сөмын косясьлом гимнастеркаа салдат здук жежлö сувтовкерлис, кызкө чуймөмөн кузя видзөдлис Васьлань. Но джөмдысьлы пыр жö нöшыштисны прикладон.

Эк, эз төд сэки Павел Иванос. А төдис кө? Сьökыд öни шуны...

Бытьö пуртөн шаркнитисны Петыр Васьылысь сьөлөмсö суседыслөн кывъясыс. Кымын во коли-лэбзис, а оз вунөд, кос лешакыд. И аслыс курыд овлө, кор казытыштасны. Крапкас керка өдзөссö, жбуткыяс кроватьö. Ставыс син водзас сувтö, бытьö лун сайын вöли. Плен, кузь баракъяс, тшыг йöз. Со на водзын яя чужөма кыз немеч. Öчкисö чышкалиг сийö шуис: Россиялы воö пом, кодi көсийö овны, чөскыд сёйны да отсавны Германиялы — петöй чукöрысь. Этшаөн но сюрины сэтшөмъясыс. Тшөтш и Вась катовтис. Енмыс төдö, сийö некодос эз виав, ас йөзлысь вир эз кисьт. А овны вöли зев окота. Овны, овны... Öд Васьлы сэки тыри сөмын на кызь арөс.

Чужан грездö Петыр Вась воис дыр мысти. Öдйö и кыв-
сис сиктад: мыжсö пö ассыс вештöма...

Гöнечöн котöртисны лунъяс. Тöв бöрын воис гажа ту-
лыс, öшинь увтi тельгис варов шор.

Бөръя кадас Павел Иван гортсыс ёна эз петавлы. Пыр
висьöдчис. То ранитчылöм кокыс юкалö, то бокыс топöдас.
Кынмавлöмыс тай война дырйиыд кык мында сюрлi.

Настакöд пывсыны лэчасны да пöлыс пыр ропкö:
лыыд пö сöмын кольöма, гуля-голя кылан. И шогöдлас вöлi
Павел Иванöс: гашкö, бөръя тöв нин тöвйö да. Но эз на
сетчы олöма мортыдлөн лолыс. Дзуртiс-кыскис шоньд
лунъясöдз. А ва вossьöм бöрын и дзикöдз ловзис Павел
Иван. Петас кильчö вылö, небзьöдö сьölöмсö югыд шондi-
нас, вом тырнас апалö чöскыд сынöдсö, садьмысь вөр-ва-
ыслысь бурдöдан көрсö.

Куткырвидзö коркö Павел Иван, кильчö вывсянь Эжва-
лань дзоргö. Син улас суседыс, Петыр Вась уси. Киас чер,
пес чипас дорö кежис. Поткöдчыны, тыдалö. Дыр швачкис-
ружтiс, гашкö, сажень пес чашвартiс. Выныс, тай, майбыр,
эм на.

Казялiс Иванöс, матыстчис суседыслөн потшöслань.

— Висьталöны, висьöдчан пö?

— Вися. А тэныд, тыдалö, долыд.

— Мыйла долыд? Сьölöмöй öд абу нойысь. Гашкö, от-
сыштны мыйöнкö?

— Водз на дзевныд. Аслам ки-кокöй эм.

Шковгис-шуис Петыр Васьлы да бергöдчис мышкуөн,
водзö сёрнитны пö мянлы нинöм йылысь.

Суседыс сьöкыда ышловзис, шавксьöдiс пес чукөрлань.

Регыд и май пуксис. Прамöя нин шондöдiс. Вежöдыш-
тiс муыс, нырсö мыччисны медводдза коръяс.

Победа праздник рытяö Иван ордö кежалiсны сельсö-
ветсянь. Аски пö фронтовикъясöс чукөртам, пред чуксалö.
Военкоматсянь воöны, медальяс кутасны сетапны...

Важөн нин Павел Иван сикт шөрлань эз петкöдчыв.
Гоз-мöдысь ковмис шойччыны крут чойсö кайигөн. Сельсö-
ветö пыртöдз лөня сулыштiс усьöм салдатъяслөн обелиск
дорын. Сё сайö мортлысь сэтчö овъяссö зарни букваөн
гижöма. Куйлöны чужан мусянь ылын и олöмаяс, и устöм-
тоштöм коми зонъяс.

Предлөн жырйын йöза. Медсясö Иван кодьяс, олöма
войтыр, найö, кодъяслы шуд уси биа тыш бöрын бергöд-
чыны гортаныс.

Кузь пызан сайын районса военком, шөр арлыда, кос
чужöма морт. Бокынджык куйлöны медальяс.

Военком сёрнитіс дженьыда, быдёнлы гөгөрвоана.

— Дона ёртъяс, миян ветеранъяс. Бара со воис ыджыд да югыд праздник. Рёдина некор оз вунёд найёс, кодъяс дорйисны чужан мунысё сьёкыд кадё, морёснаныс тупкисны лёк вөрөглы туй. Кузь нэм ставныдлы да бур шуд.

Чолёмалём бёрын районса военком лыддьёдліс быдёнлыс овсё да сеталис фронтовикъяслы юбилейной медальяс.

Петыр Вась тайё каднас буретш магазинын вёлі. Джодж краска пё вайёмаось, да гётырыс мырдён мёдодіс. Бөръя нель банкасё нин и удитіс кватитны. Морёс вывсьыс быттьё из уси — оз нин ков сэсся бабаяслысь броткёмсё кывзыны.

Восьлаліс гортланьыс сьёкыда, тэрмасьтөг. Сельсёвет дорті мунігөн кыліс варов гёлёсьяс, а сэсся и ёдзёсёдыс ылькнитіс йёз чукөр, мичаа вёччёмаось, ставныс ас сиктсаяс. Джёмдіс, кёсийс эськё бергёдчыны, но вёлі сёр нин. Петысьяс Васьёс казялісны жё. Қызкё ёттшётш лёнисны, быттьё кодзыд төвру юковтіс на пёвстті.

Петыр Вась пыдзыртіс эськё ас пытшсьыс нюм, да весь шөрё, тыдалё. Қыв ни джын шутөг мужикъяс пановтісны краскаа Васьёс, веськёдчисны чой горув. Сёмын Павел Иванкёд видзёдласьясыс зурасьлісны здук кежлё. Қоркёя вётас моз шуштём лон Васьлы. И курыд. Быттьё ётнас коли сьёд вөр шөрё.



Александр Васильевич УЛЬЯНОВ чужліс 1953 вося сентябрын Кулёмдін сиктын. Быдмис да школа помаліс Дереваниёйын. Велёдчис Коми государственной педагогической институтын, сэсся уджаліс «Красной знамя» газетын корреспондентён. Ёні — «Югыд туй» газетса редакторёс вежысь.

ЛИРИКАЫСЬ

* * *

Эм чужан му, код водзын век ме водзёса
 Да ог и тёд, кор верма сетны водзёссё.
 Мем сійё сетіс бордъяс паськыд олёмö,
 Кор ськөд ме, сэк медся шуда лола ме.
 Эм муяс, гашкө, Комиысь и мичаджык,
 Но чужан муёс синъяс дорысь видзаджык.
 Эм муяс, гашкө, мыла колипкайяса,
 Но ветлі пармаö, көн көкө көк веж майясö,
 Оз мунсы вöрысь гортад югыд войясö,
 Нэм кежлö «кук-ку» кольö сёлöм дойясөн.
 Ме чужан муын нимкодяся козъясөн,
 Весът кузя гожөмөн да трачкөдчысь морозъясөн,
 Мем ставыс тайö медся муса вөлöма,
 И кувтөдз чужан муöй коляс сёлöмам.

* * *

Суса Ёлын, Суса Ёлын
 Менам челядь дырöй коли.
 Сійö коли вывтi ылö
 Некор волывлытöм ылö.
 Эськö позис кө, сё збыльысь,
 Сэтчö бергөдчывлi ыльысь,
 Но тай олөмтö он пык öд,
 Ковмас нэмтö мунны ськөд.

Челядь дырö көть ог волы,
 Зато Ёлыс помтөг олö,

Сэни бордъясьö виль петас,
 Уна бур йöз сійö сетас.

Сидзкö-й челядь дырным миян
 Вуджас мукөдъяслөн киö,
 Мунас помтöм уна вояс,
 Югыд лунъяс да сөдз войяс.

Суса Ёлын, Суса Ёлын
 Менам челядь дырöй коли,
 Сійö коли көть и ылö —
 Некор помасьлытöм ылö.

Мөдлапöлын сьылöны
 Коми сьыланкывъяс,
 Гажа олöм вылöны
 Миян сиктса нывъяс.

Зонъяс гудöкасьöны,
 Жергöдлöны пинъяс,
 Мукöдъяс окасьöны
 Куньсалигтыр синъяс.

Йöла ылöдз паськалö,
 Кукйöр давийöдз кылö...
 Сöмын Сопрон Васькалы
 Абу вичмöм нылыд.

Öтнас коньöр маитчö,
 Лöнь ю вылö дзоргö.
 — Василей, эн каитчы,
 Нылыд сюрас коркö.

Морт на абу кольлöма
 Миян сиктын анытöг,
 Воас кад и колльöдан
 Ассьыд роч аканьтö.

Гажаджыка гажöдчöй,
 Мыладжыка сьылöй,
 Аддзöма нин, кажитчö,
 Мусуксö Василей.

* * *

Кöть кутшöм туйö ме ог петав,
 Кöть туйыс кузь, кöть дженьыд
 вьвтi,
 Пыр меным мам сöветъяс сетö,
 Оз колльöдлывлы мелi кьвтöг.

«Бур туй тэд, пиук! Эн жö бара
 Тэ кынтав коктö, видзджык асьтö,
 Босьт шоныд носки мөдöд пара,
 Эн яндысь купайкатö пасьтав.

Няньтортö босьтышт, сакартортö,
 Босьт, пиук, мед кöть мунан матö,
 А пыран шойччыштныд код ордö,
 Эн ышнясь, юышт пузьöм ватö...

Быд туйö петиг тадзи лолö,
 Но сысь ме ог яндысь ньöти,
 Öд мамыд сы вылö и олö,
 Öд мамыд быдөнлөн дзик öти.

* * *

Быдмим куим чоя-вока ми
 Батьтöг, дöва дiнын,
 Кöть и рöкным вöли боканым,
 Эз öд вермы вины.

Сьökыд кад сэк вöли муралö
 Гөгöр-помысь дорö.
 Тшыгла кынöм вöли гуралö,
 Мыйкö сейны корö.

Кияс эг жö видзöй зептаным,
 Медым эськö пöтим,

Шорысь гуринаяс лэпталим,
 Борйысь турун вотим.

Колö шуны мамлы аттьöсö,
 Тöдiс, көн бан-эжыс,
 Мед эг кулöй, бөръя платтьöсö
 Сёян вылö вежис.

Пöрысь мамö олö миянкöд,
 Рöдвуж ордö волö,
 Шудөн тырöма ныв-пиянкöд,
 Шуда пöрысь олö.

Талун асывсяныс кывсьö,
Гортын шуö öти-мöд,
Бытьö рытнас ставöн пывсям,
Сöмын код ордын ог тöд.

Аслам пывсян эськö бур да,
Сöмын горйыс мыйкö лёк,
Кор он пывсьы, син век курдö:
Юрлы жар, а кымö кок.

Ёртъяс шмонитлöны частö:
— Тайö öмöй пывсян гор,

Эн öд уджав весиг час тэ,
Сийöс шматюритин кор.

Весиг абу коян места...
Пачлөн вомыс, сё мöкасьт,
Сэтчö сюян кө нель пестö,
Оз төр, витöдöс он босьт...

Ковмас Руч Миш дедöс корны,
Сылөн выйим тöлк и сям,
Тöдöмысь, сэк артмас горным,
А сы бöрын пывсялам!

БАСНЯС

КУТЮ

Кор ковліс, легöдыштліс бöж,
И пурсянінысь öдйö сывліс.
Тадз аслыс врагъясöс эз чöж,
Зэв öдйö лыбис-кайис вывлань.
И со нин ачыс чина пон,
Пыр эргö: ме пö медся ён,

А лэпта кө пö ассьым тшöть,
Став зверыс кулö — лыд ни тшöт,
Ме... Ме...
Но увтöмыс друг ори:
Ош пырис мурзігыр сы дорö.
И пыр жö понлөн уси бöж
Да эз нин кыпавлы нэм чöж.

БАЛЬÖ ДА МЕЖ

Дыр оліс-выліс Бальö öти гидын,
И эз вöв некод сийöс видысь:
Öд сёйис турун
Да чöжис вурун.
Но öтчыд аддзис сийöс Меж
И бальö вылö петіс веж:
— Тэ медся шань да медся мича,
Ме тэнö аканьöс моз видза
И шырны вурунтö ог лэдз
Жар гожöмöдз.

Том бальö пунктіс Межлысь
кывъяс пыдди
Да босьтіс сийöс верöс пыдди.
Но эз на коль и тöвлөн джынйыс,
А Бальö гөнтöм, öдва выныс.
Меж сылысь вурун шырис-юис,
А мыйөн бырис... «Муна!»— шуис.
И муніс, Бальöс жö видіг.
А öні, кывсьö, орчча гидын.

ТШАП ПЕТУК

Виж Петук нэмсö оліс тшапа,
Кор ковліс — сьывліс, эз кө — эз,
Сы улын вöлі чипан грезд.
И сынöд весьшөрö эз апап.
То öти чипан дорö волас
Да сылы легöдыштас сорс,
Зэв пöся ськөд лун-мөд олас,
А сэсса мөдкөд шурс да шорс!
А со нин сійö коймөд дорын
Бус пуртікасьö вежон чөж,
Со нельöдлысь нин сьөлөм корö

Да öвтö сылы тугъя бөж.
Тадз воліс уна чипан дорö
Да вöйис налы сьөлөм-жар.
Но коркө-й красуйтчөмыс ори —
Öд воны кутіс көдзыд ар.
И Петук лысіс, сорсыс лэччис,
И оз нин чукöстчывлы вом,
И ветлö öтнас усиг-чеччиг...
Друг лясмуніс, и воис пом.

Мораль тан ме думысь оз ков,
Эн сöмын петук моз тэ ов.

КЫК КОКА ПОРСЬ

Порсь руксіг муніс мир туй кузя
Да корсис няйтöсь ва
И аддзис. Сöмын сәні узис
Сельповысь главбух Вась.
— Тэ мыйла йөз местаö пырин,—
Порсь чилзис бухлы пеляс,—
Ме тәнö йөтка сәтысь нырөн,
Ог яндысь — мун да элясь.

Вась öти синсö читкыр керис
Да нурбыльтіс: «Т-э-э ко-ко-оді?»
И порсьöс порсь ногөн жö нерис
да лөсьыдджыка водіс.
Порсь пöрис-нөрөвтчис зэв надзөн,
Главбух дорö жö водіс...
А öні, ёртöй, төдмав ачыл,
На пиысь порсьыс кодыс.

ДОКЛАДЧИК КӨК

Көк лыддис бать-мамлы доклад,
Кызд семья пытшкын вöчны лад,
Мед гöтыр ёнасö эз пинясь,
А верöс оліс лючки-ина;
Сэк челядь лоас ён, здоров,
Оз няйтöсьт бать-мамлысь ним-ов.
Тшөтш торйөн сувтліс керка вылö,
Кызд сійöс стрöитны да кор...
Сідз лыддьö, быттö мойдö-сьылö,

А гөлөсыс, кызд тувсов шор.
Друг кодкө лэптис веськыд ки
Да сетіс көжыдлы вопрос:
— А семьятö кызд быттад ті
Да кызди вöчанныд ас поз?
Көк сылы воча кыв эз шу,
Дзик быттö гөлөсыс сән быри,
Сэк кості залын кыптис шум,
А көклы горшас йики пырис.

СЬОД ТАР ДА ДОЗМОР

| | |
|---|--|
| Сьод тар да дозмор тѳдмасисны ягын, | Руд дозморыдлы шуис татшѳмтор: |
| И регыд налѳн лои кага. Но кага — кага-й эм: Зѳв ичѳт, бѳрдѳ, дай оз ветлы кокѳн, | «Ме рад, мый кага чужис мян, Но мем оз ковны татшѳм пиян. Ме сьѳд, и крука менам бѳж, Ме вылѳ йѳзлѳн петѳ веж, А пиным бѳжтѳм дай руд гѳна...» И пышйис тар да ветлѳ ѳнѳдз. |
| И вердны колѳ. «Но, морѳ, олѳм!»— Тар сѳки вѳйи шогѳ И кутис думайтны, кызд водзѳ овны нѳм. | Семьяис вылѳ кодѳ нййтсѳ кисьтѳ, Му вылын сйѳ ачыс медся мисьтѳм. |
| Вот ѳтчид сйѳ рыгьядор | |

ЭМ Кѳ ЮР — СТАВЫС БУР

| | |
|--|---|
| — Ми аддзам мичсѳ вѳльнѳй светлысь,— | — Да оз-ѳ кыв тѳ костын увгѳм?— |
| Тадз синьяс гаравлісны пыр. — Ми кылам дуксѳ дзик быд цветлысь,— | Медбѳрти торкис найѳс юр.— Дерт, варовитны абу грек И, гашкѳ, ставыс тайѳ бур. Тѳ ставныд ѳта-мѳдлы коланныд, Но сѳмын сѳк, кор ладѳн оланныд. |
| Эз кольччы ошйысьѳмысь ныр. — Ми кылам поводдялысь шувгѳм,— | |
| Тшѳтш пельяс суитчисны сѳк. | |

КУЗЬ РУБ БѳРСЯ ВѳТЧЫСЬ ОШ

| | |
|---|---|
| Мед оз шуны: ош пѳ дыш, Наянысла гуын узьѳ, Лѳптис аршин пасьта мыш, Шѳйтѳ-ветлѳ парма кузя. | Сѳсся воис Семѳн лун — Ошлѳн чуалана пѳра. |
| Ручлы тшупис чипан поз, Кольпалис сѳн, гашкѳ, вежѳн, Ректис ськѳд ящик доз, Сѳсся кѳин дорѳ кежис. | — Майбыр, воис оландыр!— Ошкыд равзѳ став вѳр пасьта,— Сѳян-юан юр вывтыр. |
| Помѳчалис сѳн вит лун, Лѳптис йи чѳм быдса гѳра, | Бара шляйтчѳ тра-ля-ляй, Кузь руб дѳнѳ кокыс кежлѳ... ѳнѳ кывсьѳ: аддзис рай — Пуксьѳдѳмаѳсь во кежлѳ. |

— Меысь еджыд некод абу,
 Меысь мича мѳд оз сюр.
 Еджыд эшкынѳн ставсѳ тѳба
 Вѳръяс, юяс да лыдтѳм нюр,—
 Тадзи помала ошйысис лым.
 Виччысьтѳг вылісянь йиркнитіс
 гым,

Сэссия регыд мысьт йиркнитіс
 мѳд —
 Лым лои сѳдсьыс на сѳд.

 Ошйысьны — ошйысь, но мерасѳ
 тѳд!

ДИРЕКТОР ОШ

Директор ошлѳн вося план

 _____ эз тыр,
 Дзик сы вѳсна, мый тѳвнас узис

 _____ дыр.
 И шуис ош:
 — Ме вежа ассьым мода,
 Ог тѳвнас узь, а гождѳм шѳрнас

 _____ вода:

Кѳть эськѳ ош
 И выль ног уджсѳ паніс,
 Но век жѳ сьлѳн эз тыр вося

 _____ планыс.
 Моральыс тані оз ков кузь:
 Удж вылад дзик некор эн узь.

МУДЕР РУЧ

Став вѳрсѳ гежмаліс нин руч,
 Кыдз сѳмын коньѳрѳй эз мудз.
 И ягын вѳлі, вѳлі олын,
 И нюрын оліс бура дыр,
 И раскын... ѳні ставсѳ коліс
 Да бѳрйис аслыс крут кыр йыв.
 Мѳд ног кѳ шуны: вѳлі предѳн,
 Сэсь вѳтлісны да лои зам,
 А замсянь, кажитчѳ, зѳв регыд
 Руч воштіс ассьыс олан сям.
 Веж зелля видлалыштны кутіс,

Кѳть вѳлі сюсьѳн, воштіс чин,
 Зѳв регыд замысь ручыд тутіс
 Да вежис ассьыс оланін.
 Но ручыд руч и эм, пыр наян,
 Йѳз водзын нюлсис-легис пыр,
 Авторитетѳдз ѳдйѳ кайис
 И майбыр сюри олан дыр.
 Начальство шуис: «Ручыд вермас,
 Мѳд татшѳм юралысь оз сюр!»
 Да индіс сылы чипан ферма
 И сетіс веськѳдлысьлысь юр.

ВА ГУДЫРТЫСЬ СИР

Сир чери асьсѳ пунктіс медся сюсьѳн,
 Кѳть эськѳ юрас этша вѳлі вем,
 Пыр оліс йѳзысь бокрын, ѳгнас, гусьѳн,

Тадз наяна зэв колльодіс пыр нэм.
Мый другьяссыд мем, эм кө пинь да сила,—
Тадз сирыд частö ошйысьylvліс зэв,—
Мед видлас кодкө гыжъясьны ме вылө,
Ме сылы инда рак көн колльö төв...
И сыысь полисны став слаб да посни чери,
И некод эз лысьт шуны паньд кыв,
А сирыд помся мисьтөм уджъяс керис
Да гудыртіс ва пытшкөс и ва выв.
Медбөрти ставөн воисны дзик матö
И öти вомысь шуисны: «А вай
Сир гөгөр ямөдамöй ватö!»
И гөптö коли ракаяслы яй.



Алексей Степанович ТИМУШЕВ чужлөма 1934 воын Кулөмдін районса Керчомья сиктын. Помавліс Коми государственнöй педагогическöй институт. Велөдіс чужан сиктас, Нёбдінын. Кадысь водз кувсис 1975 во помын. Печатайтчыны заводитліс школаас велөдчигөн на. Торйөн нин аслыспөлөс гижанног сійö петкөдліс басня жанрын.

СЬӨЛӨМ ЧИРЪЯС

ЖОНЬ

Чизыр, кӧдзыд, лымъя,
Небесаыс дон.
Ывла вылын кынмӧ
Гӧрд морӧса жонь.
Дыр-ӧ сәни, корсянь
Чеччалӧ, ог тӧд.
Аддза, кызди корсьӧ
Аслыс кынӧмпӧт.

Керка бердын ӧвтчӧ
Кузь лапъяснас коз.
Пырысь-пыр жӧ вӧча
Жоньлы сӕян доз.
Сета шыдӧс сылы,
Дозьяс пукта тыр,
Гажаа мед сьылӧ
Ӧшинь улын пыр.

* * *

Узь тә, мича пиӧй,
Синтӧ ӧдйӧ кунь.
Став сьӧлӧмсянь сна
Тәныд долыд ун.

Ланьтӧдчы жӧ чӧла,
Дзеб вай ассьыд сой.
Небесаын тӧлысь,
Ывла вылын вой...

ПӦЛЬ

Менам бур пӧльӧй
Важысянь кыйсьӧ.
Сетан кӧ вӧля,—
Во гӧгӧр' лыйсяс.
Весьшӧрӧ кадтӧ
Оз, майбыр, вошты,
Гашкӧ нин дасӧс
Чергӧдліс оштӧ.
Увтыштас Буско,
Кок шыыс кывсяс,—

Лӧсьӧдчам пыр жӧ
Ломтыны пывсян.
Висьтавны кутас,—
Быдторйыс сюрӧ.—
Ми, челядь чукӧр,
Сералам бура.
Кадыс кӧть сӧр нин,
Вой тӧлыс ымзӧ,
Пӧльнымлысь сӧрни
Войшӧрӧдз кывзам.

МИЯН ЕЛКА

Лунысь-лун пыр лоӧ вӧсни
Календарлӧн важмӧм бок.
Детскӧй садйын ставӧн кӧсьям
Бура встретитны выль во.
Юяс вомӧн, муяс вывтӧ
Локтӧ ачыс Дед-Мороз,

Сійӧ вайӧ аслас сывъяс
Лымийӧн куржӧвитӧм коз.
Уна чача,— гырысь, ичӧт,—
Ставсӧ вӧчам асьным ми.
Миян ёлка лоас мича,
Гӧгӧр ӧзьяс уна би.

НЕКОР ТЭ ЭН ЭСКЫ

Кысь нӧ кывлӧн, мый ме слаб да регыд кула,
Дзевасны пӧ ёртъяс менӧ кыз му улӧ?
Некодлысь эн кывзы, некодлы эн эскы,—
Му вылын зэв лӧсьыд овны, абу дзескыд!

Кӧсья лоны уджалысь да топыд мортӧн,
Небесаӧдз кыпӧдчывны вына бордӧн.
Кызь вит арӧс меным!— аддзан, кутшӧм том на,
Сӧмын эськӧ уджавны, сӧмын эськӧ овны!

Медым сьӧкыд, сьӧлӧм некор дзик оз нэрмы,
Унаысь на вуджны асьным парма верма,
Кӧні чужи-быдми, вӧвлӧ бурӧн-томӧн,
Кодӧс бура тӧда ӧтарсянь мӧд помӧдз.

Му вылын мед оліс дружба, ыджыд муслун,
Шуда олӧм некор, некор мед эз куслы!

ЭН ВИЧЧЫСЬ

Эн тэ виччысь, эн тэ сулав,
Тэ динӧ ог пет.
Первойя любовь кӧть кулас,
Ставыс веськодъ тэд.
Менсьым сьӧлӧм дойдӧм бӧрын
Мӧдлысь дойдӧн лов.
Муслун йылысь ӧтчыд сӧрин —
Мӧдысь оз нин ков.

Ме ӧд, зонмӧй, ставсӧ тӧда.
Весась — эн шу кыв.
Тӧрыт сывъявлӧс нин мӧдӧс
Тэнад мустӧм сыв.
Ме вылӧ тэ эн кут лача.
Ас коддӧмтӧ корсь.
Муслун менам абу чача,
Сійӧн ме ог ворс.

Вячеслав Михайлович ШЕВЕЛЕВ чужлӧма 1934 воын Мордін сик-
тын (Корткерӧсскӧй район). Помавлӧс Сыктывкарса кооперативнӧй
техникум. Уджалис Няшабӧжын (Ижма район). Сэтӧн и виччысьтӧг
кувсис 1963 воын, коркӧся сьӧлӧм висьмылӧмыс ӧддзӧдчис да.

Печатайтліс кывбуръяссӧ журналын, газетъясын,

ТУВСОВ ДЗОРИДЗ

Чолём, чолём, мича дзоридз —
Дона тувсов гөстя!
Уна сикас рём тэ койиг
Ассыд чужём восьтан.

Лун төв кутас лэбны сёнті,
Тэкөд ворсны сувтлас;

Тэнө аддзас мелі шонді,
Аслас сывйөн кутлас.

Мичмөд садъяс, видзьяс вежөд,
Тувсов дзоридз, бура,
Медым тэныд мича эжын
Быдмис шөвк кодь турун.

ОЛӨМӨ ПУТЁВКА

Кык во төдлытөг бөрланьё колис,
Талун тэрмасьтөг тупки тетрадь.
Видза колянныд, классъяс да школа,
Некор вунлывтём велөдчан кад.

Том ремесленник нимён ме пета,
Кутшөм сьөлөмлы долыд да шань...
Мем путёвкасё Рөдина сетіс
Тэчны керка да быдтыны нянь.

Уна лун олө паметьын кувтөг,
Но өд кыпыдджык сысы оз лок,
Кодыр первойысь удж бердө сувтан,
Аслад киясөн лэдзан станок.

ТӨЛЫСЯ ВОЙӨ

Төлысь енежөд кывтө,
Эзысь югөрсө койө.
Гөгөр вугралө лөнь ывла выв.

А ми грездомса нывкөд
Тайө төлыся войө
Кыам сёрниа кыв бөрся кыв.

Сылөн сингясас ворсö
Тувсов Эжвалён веркös,
Наын тыдалö томлунлөн би.
Кодыр сьёлöмыд корсьö
Аслыс матыса мортös,
Он куж кокниа вöзйыны ки.
Некор вунöдтöм кольö
Лыдтöм кодзулös ывла,
Кöни микöд тшöтш вашкöдчис
сад.

Сьёлöм, сет меным вöля
Корны кисö том нывлысь,—
Пöся кутлыны сийös ме рад.

Аски босьтчам ми уджö —
Ёнösь, удалösь кияс,
Кужам вильмöдны-югдöдны нэм.
Отув удж вылын чужö
Ыджыд дружбаным миян,—
Мый нö томлунысь мичаыс эм!

КАМЕНЩИК

Ме талун аддзылі,
Кызд каменщик — том зон
Виль ыджыд керка улö
Лöсьöдiс ён подув
Да шуис ёртыслы,
Мый таво гожöм пом
Ас карса олысьяслы
Бара керка содас.

Водз личкö войвылын
Пöсь гожöмыслысь ун,
Но уджач войтырысь
Век кадыс кыссьö бöрын:
Эз быттö керкаыс,
А мортыс лунысь-лун
Лöз энэжланьö
Кыптiс квартал шöрын.

* * *

Ог ме ачымös зильөн лыдды,
Йöзлы ошйысьны — кывйöй рудз.
Но кор ковмывлö, кык морт
пыдди
Отнам вöча ме любöй удж.
Кужа ю помны, тэчны керка,
Гöрны-гугöдны мулысь эж.
Мем став сьöккыдыс вынъяс серти,
Менам кок улысь туй оз кеж.

Ог ме ачымös смелөн лыдды,
Йöзлы ошйысьны — мисьтöм сям.
Но кор шудлунös вөрöг мырддö,
Сэки ньöти ме абу рам.
Сэки морösös гурйыв восьта,
Потша вөрöглы локтанiн.
Тадзи вермöмсö сийö босьтö,
Кодлөн сьёлöмыс оз тöд ин.

МАМЛЫ

Лолав тулысөн, ывла,
Медым ланьтыштглас тöлыс.
Кöсья, мамö мед кывлас
Аслас пыслысь гölös.

Чужан лун талун сылөн.
Сiдзкö, колö öд, колö
Сьёлöмбердса пöсь кылөн
Сылы ыстыны чолöм.

Сійö шудлун мем сетіс,
Морöс лов шынас шонтіс.
Öнi кытчö кöть пета,
Гөгөр нюмъялö шондi.

Быдтіс менö кöть батытөг,
Кужис сетны и сямлун.

Кодлы висъталан аттьö,
Он кö медся водз мамлы!

Лолав тулысөн, ывла,
Медым небзыштлас төлыс.
Кöсья, мамö мед кывлас
Талун ниыслысь гөлöс.

МАРТ КÖКЪЯМЫСÖД ЛУНÖ

Бара корся пöсь кывъяс,
Корся сьöлөмöй дiнысь.
Дона мамъяс да нывъяс,
Мый жö тiяны сины?

Сиктын йöзыс кöть уна,
Чайта, мунiгмоз поэьö
Кодлы кыпид кыв шуны,
Кодлы мыччыны козин.

Медым водзö пыр вöлим
Öта-мөд дорö шаньöсь,
Ыста мамъяслы чолөм,
Пöся кутла быд аньöс,

Сöмын öтилы öнөдз
Ог куж козинсö корсьны,
Кодi рытъясын менö
Корö гудökөн ворсны.

Ачыс вильышөн овлö,
Муртса дөзмөдан — пышьяс.
Гашкö, төданныд: новлö
Енэж рöма лөз чышьян.

Но да шөгсьыны нинөм,
Нинөм висътасьны йöзлы:
Аски танцуйтанiнын
Сылы сьöлөмöс вöзья.

ТУЛЫСЛÖН ВОÖМ

Төвся кöдзыдыс төрыт на печласис кос.
Талун вөр-ягысь локтiгөн кывлi,
Кыдзи первойысь, кöдзыдсьыс полөмөнмоз
Тувсов ловшыөн лолыштiс ывла.

Кыдзкö төдлытөг личалис кокъясысь мудз,
Кыски морöс тыр сынөдсö, сувтлi.
Вöли жаль, мыйла сывтырiйöй ичöt, оз судз,
Эськö кутлi жö вөр-васö, кутлi.

Вуджи надзöник сиктсайса нейджыд бор,
Шондi кыптiс пыр вылö.
Кыла, сёльгö нин лым увтi медводдза шор,
Гусьөн писькөдчö матыса юлань.

АГРОНОМ

Ас сьёлём бердас
Новлө өти дум,
Мый во чөж вердө
Мортөс тувсов лун.

Оз артась кадөн —
Тувсов асывводз
Пыр сійө садьмө
Шондйсь на водз.

Вөр пөлөн мунө,
Нимкодьясьө ныв:

Сё трактор шумөн
Гымалө му выв.

Став йёзыс сиктөн
Дорө урожай.
И сійө пуктө
Уджө асьыс пай.

Од сьёлём бердас
Видзө мича дум,
Мый во чөж вердө
Мортөс тувсов лун.

ПЕТАВ, ПЕТАВ...

Муслун пестысь төлысь тайё вой
Мекөд өттшөтш виччө тэнө, нылйй.
Эн тэ ылөд, эн тэ сьёлём дойд,
Петав, петав аслад кильчө ыллө.

Гашкө, мусмис кодкө тэныд мөд,
Гашкө, киёс прөста сетлі тэныд?
Верит, менсьым думьясьөс он төд —
Вывті матыс кажитчан тэ меным.

Верит, некор өти кыв оз вун,
Шулін кодөс тан жө тувсов рытө.
Пөрысь козийёс личкис сэки ун,
А тэ радлін, радлін, мый ми кыкөн.

И ме сэсянь пыр на тайё кыв
Морёс бердын донатор моз видза.
Петав, петав, менам муса ныв,—
Сэтшөм кыв жө ме тэд вочавидза.

МЕМ НЫЛЫС МУСА *

Лөнь гожся рытө гудөкасьөм кылө,
И ськөд йитчө гажа сьыланкыв.
Вель уна ныв-зон йөктө ывла вылын,
Но медся дона меным өти ныв.

* Кывбур вылас гижөма музыка (композиторыс А. Г. Осипов).

Ме рад, мый аддза өні сійөс татысь,
Өд бөръя кадө эг аддзысьлөй дыр.
Но радейтөмлысь вын оз чинты кадыс,
Пөсь важ бур дружба миян кост эз быр.

Ме тайө нывсө ичөтысянь төда,
Тшөтш уджавлім колхозын уна лун.
Кыз ордйысьлім ми сәні өта-мөдкөд,—
Пыр синъяс водзын сылөн визувлун.

Вот сы вөсна и муса меным сійө,
Мем сәсся мукөд ошкан кыв оз ков.
Өд өтув уджын чужис сәки миян
Том сьөлөмъясын медводдза любов.

ТЭ ПОМНИТАН *

Тэ помнитан, кызд медбөръя свисток
Прөщальной кывъяс перйис морөс пиысь,
Кызд пристань бердысь вөрзъысь пароход
Пөсь китө тәнсьыд разис менам киысь?

Зэв уна колис сійө кадсянь лун,
Зэв уна төлысь сійө кадсянь пышйис,
Но пыр на менам паметъысь эз вун,
Кызд менө коллис тэнад бобув-чышъян.

Тэ помнитан, кызд кутлі тэнө ме...
Сэк биөн сотчис менам морөс пытшкөй!
Өд медводдзаысь окыштін сэк тэ
Да мелі синнад сьөлөм менсьым бытшкин.

Мед талун льөм оз өшлы еджыд сыр,
Мед югыд арыс чөвтө зарни коръяс,—
Ме тэкөд лоа быдлаын и пыр,
И менө тэысь нинөм дзик оз торйөд.

ПИСЬМӨ

Ыджыд шуд салдатлы усис,
Помтөг радліс зон,
Письмө кор ас чужан мусянь
Вайис почтальон.

Пөрысь мамыс, гашкө, гижө.
Гашкө, муса ныв...
Зонлы сьөлөмөдзыс йнджө
Налөн шоныд кыв.

* Қывбур вылас гижөма музыка (композиторыс А. Г. Осипов).

Сійö бара аддзö, кылö —
Пармаса салдат,
Кызди Эжва кыркöтш вылын
Кыптö комбинат.

Кызди ылі Сыктывкарын
Горзö паровоз,
Кызди вөр-ва съöла-тарөн
Шыалö важ моз.

Сöмын тани, море дiнын,
Лун и вой пыр лöнь,—
Коми зонлысь пельпом синö
Автоматлөн вöнь.

Радлö мамыс сиктса йöзкөд,
Мый и сылөн пи
Видзö мир, мед враг оз öзты
Виль войналысь би.

ИЧÖТДЫРСЯЫСЬ

Ыджыд коз пу тöвныр улын дзуртiс.
Лапьяс улас зэрысь дзевсим ми.
Кобöм виччысигтыр дзöля пуртөн
Пасйи ме сы стволö ассьым ним.

Кырымаси, некодлы эг висьтав,
Нинöм быттьö та бöрын эз ло.
Кывтiс челядь кадöй мича висьтөн,
Колис тайö кадсянь уна во.

И со талун колип сьылöм горын
Чужан сиктö локта вöли кор,
Кызкö ачыс тöдса коз пу дорö
Пыртiс менö важся ордымтор.

Ставыс гөгөр, адзисны мый синьяс.
Вöли важкодь, радейтана, ас.
Сöмын öтнас коз пу кисьтiс синва —
Сэт, көн вöлис менам кырымпас.

Вöчöмторйись некытчö он пышйы,
Киссьöм ватö курыштни оз позь...
Водзö вылö думыштлытöг, мыжтöг
Некодöс ог дойд ме ышмигмоз.

ГОЖСЯ РЫТÖ

Шöпкөдчöны кызьяс
лöзалысь ю дорын,
Рытъя шондi дзоргö мелi нюмөн.
Кытчökö зэв ылö,
вöрса сöстөм шорö
Öшкамöшка копыртчöма юны.

А ми төдса нывкөд
юдор видзьяс пөлөн
Ытшканинысь востьлаламө гортө.
Кутшөм тэныд долыд,
чожа тпккысь сьөлөм,—
Юргө вөр-ва, орччөн матыс ёрт эм.

ТУЙЫН

Ме колян тулыс локта вөлі Мадмасысь,
Тшөтш пуксис мекөд поездө том зон.
Эг кутөй чөв овны,— ми регыд ськөд төдмасим,—
Өд варовитиг дженьдаммө туй пом.
Пось, гажа серам кыссис миян помасьтөг,
Но сёрни панім муслун йылысь кор,
Эг төдлөй асьным,— төданныд өд томьястө,—
Друг миян костын паськаліс сэк спор.
Ме сылы шуи, мися, менам гөтыр эм
И шудлун быдмө — лөзов синма ныв.
• Кор сійө нюмьялө, кор воча локтө котөрөн,
Ог казая ачым, кызди востьё сыв!

Эз аддзы ёртөй нинөм менам кывьясысь,
Та кузя сылөн көдзыд вөлөм вир.
— Тэн, сідзкө,— шуө,— өти вердас көвьясис?
Зэв бур, мый тайө сьөлөмтө оз йир!
А меным веськодь тэнад татшөм шудлуныд,
И ме водзын тэн ошйысьнытө нем.
Эм менам гөтырыд и Пезмөгын, и Слудаын,
И Сыктыв вожын эня-пия эм.

Кызд верман татшөм морттө здукөн велөдны?
Но сетан нырас... Оз өд гөгөрво.
Ме шуи сөмын:— Батьөн лоа челядьлы,
Но тэ кодь көкнад некодыр ог ло!
Ми торьялім. Ме төвзи водзө, войвылө,—
Удж кузя сәні виччысис менө мог.
А сьөлөм пессис. Тадзи ськөд овывлө,
Йөз пөвстын кодыр паныдасьлө ёг.

ӨТКА ПИ

Көть писө батытөг быдтіс мам,
Эз асьсө шудтөм мортөн

лыддьыв.

Мед сетны быдтасыслы сям,
Эз узытөм войяс пуктыв пыдди.

Пыр өти көсйөм лун и вой
Рам дөва новліс сьөлөм пиас,
Мед ставысь повтөм, уджач, збой
Йөз радлун вылө быдмис пиыс.

Но нянь куд дорын өтка пи
Пось уджкөд ичөтсынь эз рөдмы:

Кор мамлөн лигалыштис ки,
Эз көсйы аддзыны ни төдны.

Сы вылын векни кольквиж гач,
Мыш саяс пинджак петшөр рөма.
А мамыс өні — шыч ни рач,
Пи водзас юрсө копыртөма.

«ТӨЛКА» БАТЬ

Дас кык арөс тырис
Пиля Егор Климлы.
Семья и став рөдвуж
Пасйө сылысь нимлун.

Асывсяньыс батыс
Местаас оз инась:
Помасьлытөг вайө
Сола тшак да вина.

— Кыдз нө, шуө, позьө
Татшөм праздник лунө
Пилөн шудлун вөсна
Курыдтор не юны!?

Нельөд ыджыд румка
Сийө Климлы кисьтө:
— Юышт, пиө, юышт,
Гажөдчытөг мисьтөм.

Ичөт Климлөн юрыс
Гудыртчыны пондіс:
— Ог нин, шуө, вермы,
Оң кө, батьө, кондышт.

— Помав, пиө, помав,
Радейтан кө батьтө.
Четыреста граммнад
Он на вошты садьтө.

Юыштис на ещө
Клим — и сьлөн юсис:
Пызан саяс, сэтчө,
Вугыртис дай усис.

Дас квайт арөс тырис
Пиля Егор Климлы,
Юны оз ков тшөктөм —
Быд лун пасйө нимлун.

Нажөвитны сылы
Оз тай ковмы сьөмтө:
Виль сапөгөн мунас —
Гортас локтө көмтөг.

Пиля Егор скөрмис,
Дулльөн кутис пуны:
— Көді бара пиөс
Велөдөма юны-с?

Анатолий Степанович ИЗЪЮРОВ чужлөма 1936 воын Час сиктын (Сыктывдин район). Велөдчис Краснозатонскөй посёлокын 1-й номера ремесленнөй училищеын (өні ГПТУ). Сэтөн велөдчигас на гижис да печатайтчис журналын, газетъясын. Плавайтліс пароходъяс вылын. Журналисталис. 1967 воын трагическөя кувсис.

Книгаө пырисны бурджык гижөдъясыс сы чукөрысь, кодөс авторыс уна во сайын вайліс на издательствоө ачыс.

ЧУНГЫР

ВАЖ КОМИ ВИСЬТ-ПОЭМА

Войся кодзувьяс
 Кадйын öзйöны.
 Баскö турияс
 Гажлун вöзйöны.
 Лöня кышкöны
 Банйöм жов пуяс,
 Коз пу катлöдлö
 Дзормöм юр.
 Шондi чеччигön
 Нюмдö-сералö,
 Кыа лэччигön
 Вöрыс вералö,
 Тугъя пельсöн,
 Көлököльчикön
 Быд во вöччывлö
 Байда нюр.

Кывтыд Додз помын
 Ныв пу шöпкöдчö,
 Кöдзыд из костын
 Ключ ва пискöдчö,
 Öвтö ыркыдön
 Бужöд улисянь,
 Дзольгö-сялькöдчö
 Варов шор.
 Ваыс польдöма
 Эзысь югöрön.
 Мыйла нимтöны
 Шорсö Чунгырön?
 Кöть предание
 Зэв нин ылысса,
 Век на чусалö
 Кусöм гор.

Лыдтöм зверьясыс
 Тани ветлисны,
 Помтöм черисö
 Гöпьяс сетлисны,
 Олис-вылис тан,
 Эжва дорöсын
 Сökөл сьөлöма
 Коми йöз.
 Яг выв лэбачьяс
 Налы дзольгисны,
 Юрвыв кодзувьяс
 Еся дзоргисны,
 Гыяс йöктисны
 Юлön морöсын,
 Нэмсö мелькуйтiс
 Енэж лöз.

Дружнö овлисны
 Горья чомьясын,
 Öтвыв кыйсисны
 Козъя сөнъясын,
 Öтвыв сьывлисны,
 Öтвыв йöктисны,
 Öтвыв юклисны
 Пötка-низь.
 Öтмоз сэйлисны
 Ыргön пöртьясысь,
 Öтмоз ноксисны
 Гальскысь кöртьясön,
 Шөгсö-гажлунсö
 Öтмоз кывлисны.
 Öтмоз искöвтiс
 Шудлön визь.

Кывтись-катысьяс
Татчө кежлісны,
Небыд низь куяс
Көртөн вежлісны.
Ветлысь войтырөс
Кыскис-манитіс
Джуджыд кырийвса
Гажаин.
Туйвыв гөстьясөс
Узьны лэдзөмысь,

Миріой чомъясын
Дружнө видзөмысь
Прөста кольлісны
Уклад көлуйсө,
Зарни гажлунныс
Мед эз чин.

Овліс на костын
Ныв сьөд синъяса,
Коскөдз көсаа,
Крусталь пиньяса.
Алөй бандзибнас
Ломзис кыаён,
Еджыд морөснас —
Вөлі юсь.
Зверь ку паськөмъяс
Лун-лун вөчалө,
Ставлы ас серти
Пуксьө-лөсялө,
Долыд радуйтчө
Удал зонъясөн,
Бисер мывкыднас
Көр кодь сюсь.

Низь ку платтьоыс
Коскас шевкнитчө,
Көр ку тюниыс
Би моз югнитчө,
Сьөдбөж шапкасө
Юрас пуктөма,
Петлө рытйысьны
Мелі ань.
Зоньяс кутлөны
Мича Байдаөс,

Кытшө босьтлөны
Муса Байдаөс,
Асья дзоридзөн
Нылыс нюмдөма,
Зарни лысва кодь
Югыд, шань.

Кодкө өти
Век бокө пуксьөма,
Бокө пуксьөма,
Кудри дзугсьөма,
Думён югзьөны
Карөй синъясыс,
Тайө Чунгыр —
Том багатыр.
Петлө кось вылө
Медся воддзаён,
Локлө кось вылысь
Медся бөръяён,
Ылөдз лэбзьөны
Инмысь ньөвъясыс,
Мича славаыс
Юр вывтыр.

Чунгыр радейтө
Мича Байдаөс,
Вой-вой мөвпалө
Муса Байдаөс,
Став том гажлунсө,
Кустөм радлунсө
Чушкис-песовтіс
Муслун би.
Нывлөн чом бердын
Чунгыр пукуштіс,
Аньөс сывйыштіс,
Пөся окыштіс,
Нормис Байдалөн
Авья сьөлөмыс,
Өшйис зон водзын
Еджыд ки.

Ыргөн шондіыс
Муртса чеччөма,
Байда садьөма,
Вала лэччөма,

Откөн любуйтчö
Гожся асылöн...
Тшапкö мышсянныс
Крепыд сыв.
Тöдтöм катысьяс
Пыжö пуктöны,
Синва мольясыс
Аньлөн чуктöны,
Кылö горзöмыс
Чужан рас вылöдз,
Воши зонъяслөн
Зарни ныв.

Байда пышйöма,—
Ёртъяс шензёны,—
Ру моз дзевсьöма,—
Гöгөр вензёны,—
Нёв моз лэбзёма,
Лым моз бырöма,
Кытчö вешйöма,
Морт оз тöд.
Зэвтöм ньöвьясөн
Зонъяс ветлöны,
Яглань горзöны,
Валань петлöны,
Варыш сёлöмныс
Лөгөн тырöма,
Аньс корсьöны
Лун дай мöд.

Сэсся-й мыждисны
Повтöм Чунгырöс,
Вына Чунгырöс,
Удал Чунгырöс,
Тэ пö рытйысин
Еджыд Байдакöд,
Тэ пö саймовтін,
Тэ и вай!
Гашкö, дзöвкнитін
Быгъя гы костö,
Сутшкин укладөн
Яг дор пу костын,
Ладдя-пыж вылö,
Гашкö, вежыштін,
Кöсьян кытшовтны
Ылі край.

Видчан сёрнисö
Чунгыр орёдö,
Скөрмö-шеныштчö,
Гым моз гордöдö:
— Кырныш котыр кö
Курксö-кыпöдчö,
Мыжмис вокъяслөн
Мыжтöм вок!
Сутшкйö-сöтыштöй,—
Восьтö морöссö,—
Вирнас мыськыштöй
Эжва дорöссö!
Изйыд вöйтчис кö,
Оз нин лыбöдчы,
Низыд пышйис кö,
Оз нин лок!

Зонмöс чуткöны
Вермöм кывьясыс,
Лөгөн сявкйöны
Звермöм синьясыс,
Кыдзи гым водзын
Тöвныр шымыртö
Тшöкыд зэръясөн
Виньдöм ю.
Сувтö кыр бердö
Ёсьтöм копёнас,
Дзоргö ю эрдö
Чард би сёлöмнас,
Дзормöм козьяслөн
Ойзан шы улын
Уклад кабыртö
Багатыр.

Чунгыр ваймöдö
Сьöкыд думьяссö,
Тöдö-помнитö
Важся шумьяссö:
Кывтчöс воывліс
Ньöбны Байдаöс
Ыджыд эмбура
Мерко-гöсть.
Но бөр катывліс
Тыртöм киясөн,
Видліс тышкасыны

Уклад шыясөн,
Чунгыр пазёдліс
Рөзбой шайкаёс,
Мича Байдалань
Враг эз пьсьт.

Чунгыр збыльмөдө
Гуся мөвпьяссө,
Изйөн төчитө
Инмысь ньөвьяссө,
Өдья шондыс
Ягө сайкалө,
Шызьём ёртьяслы
Нем оз шу.
Эз босьт аскөдыс
Удал зоньяссө,
Катис-воёдчис
Мерко чомьясөдз,
Корсис-казяліс
Муса Байдаёс...
Узьны ланьтөдчис
Ва и му.

Чунгыр паськөдө
Лөглун бордяссө,
Ытшкө-пазөдө
Враглысь ёртьяссө,
Тшөтш и Меркоёс
Смертьыс лөбөдіс,
Өдйө помасис
Кось. И вот
Чунгыр кватитө
Радлун восьтысьёс,
Орчөн пуксьөдө
Сьөлөм косьтысьёс,
Кокныд чагйөс моз
Пыжсө нөбөдіс
Чужан береглань
Эжва от.

Кутлө качайтө
Кызди кагаёс,
Войбыд окалө
Муса Байдаёс,
Оз лэдз шойччыны

Узьысь пармалы
Радлө-уалө
Багатыр.
Чунгыр гажлунын
Зарни сьөлөмыс,
Зарни сьөлөмын
Югзьысь олёмыс
Тіпкө-ломалө
Шуда Чунгырлы
Ыджыд көсиймөн
Өзйигтыр.

Гашкө, Байда сэн
Шогсьө-лөкалө,
Повтөм Чунгырөс
Помся окалө,
Ньөжмыд ключөн моз
Сөстөм синьясын
Рудзтө-югнитчө
Лысва войт.
Унзиль төвруыс,
Юсө серөдіг,
Дыр на кышөдчис
Төдса берегын,
Чусмысь кыалөн
Еджгов рөмьясын
Козьяс увгисны
Помтөм мойд.

Ёртьяс аддзёны:
Ю дор вөрсяныыс
Локтө Байданым,
Чунгыр — бөрсяныыс.
Нывлөн мусаммө
Оз тусь чужөмыс,
Зонлөн мустөммө
Удаллун.
Кызьөн вешйёны,
Паныд сувтёны,
Чер да ньөв костын
Зонмөс кутёны:
Смерть пө кыпөдчө
Повтөм Чунгырлы,
Он кө өні жө
Весась-мун!..

Тырмас бунтуйтны
Варыш котырсо,
Тырмас гудыртны
Гажа томлунсо,
Абу Чунгырлөн
Еджыд Байдаыс,
Ньотчыд, некор
И нэм оз ло.
Байда мывкыдын
Миян сюсьлуныс,
Байда мичлунын
Миян ёнлуныс,
Шудыс, гажлуныс
Йитчө Байдаын,
Садьмө Байдаын
Миян лов!..

Чунгыр висьтасьо...
Кыв оз кывзыны,
Байда кевмысьо...
Оз и кывлыны.
Нылос — шуйгалань,
Зонмөс — веськыдлань.
— Чунгыр, бөрыньтчы!..
— Байда, лок!..
Кодкө ырыштчө
Зорйөн катшкыны,
Кодкө выныштчө
Пуртөн сатшкыны..
Зон съод кудринас
Дзоргө Байдалань,
Дзоргө Байдалань
Шудтөм вок...

Эжва муткыльтчө
Сьокыд гыясөн,
Зэвтөм ньөвьясөн,
Уклад шыясөн
Ньөжйө катоны
Гырысь пыжаяс,
Уна чеччөны
Кортөм йөз.
Лёк рөзбойникьяс
Кырийөд кайоны,
Чөжсьөм лөглунсө

Татчөдз вайоны,
Чомийө кольоны
Ашпөр мыжаос,
Төвзё кось вылө
Сим съод грөз.

Козья кыр бердын
Косьыс гыалө,
Көртөн гальскөмыс
Юргө-шыалө.
Ертьяс усисны...
Удал Чунгырлөн
Ярмөм эбөсыс
Эз на мудз...
Пыж тыр сөвтөны
Ичмонь-нывьясөс,
Слабмөм войтырлөн
Лэбзьысь ньөвьясыс
Оз нин мешайтны
Кывтысь шайкалы,
Ваймөм вынийорныс
Оз нин судз.

Чунгыр пасьвартө
Кольчөм шайкаос,
Косьын бытшкөны
Мича Байдаос,
Вирыс ойдөдс
Рысь кодь морөссө,
Өзйөм чом бердын
Куси ныв.
Чунгыр польдчөма
Лөглун гөрөдөн,
Звермөм шайкаос
Зутшкө-пөрөдө.
Бөрья вөрөгыс
Кыркөтш дорышөд
Из моз лэбзьөмсө
Эз нин кыв.

Кутлө-качайтө
Кызди кагаос,
Войбыд окалө
Муса Байдаос,
Оз лэдз шойччыны

Узьысь пармалы,
Бёрдö-уалö багатыр.
Косьмис Чунгырлөн
Асья дзоридзыс,
Сотчис кодзулыс
Кыпгандорёдзыс,
Польдём тöлысьыс
Дзоргис Байдаёс,
Дзоргис Байдаёс буждём кыр.

Байда эновтис
Ветланінгъяссö,
Тупкис-көдзöдис
Авья сингъяссö,
Дзугсьём көсаа,
Доймём морöсын
Косьмö вирыслөн ньöжмыд войт.
Оз нин кутыштчы
Удал Чунгыркөд,
Оз нин окыштчы
Повтём Чунгыркөд.
Бёрдис вой тöлыс
Дурмём ю вылын,
Козьяс увгисны помтём мойд.

Шорлань Байдаёс
Чунгыр лэччöдис,
Көдзыд ключ ваён
Чышкис-мыссьöдис,
Дзевис-водтöдис
Джуджыд мыльк йылö,
Лэптис-зэлöдис пищаль-ньöv.
Ньövйыс писькөдис
Көр ку дөрёмсö,
Дойдис Чунгырлысь

Ыджыд сьёлёмсö,
Чунгыр быгыльтчис
Көдзыд из вылö...
Дзоргысь ньыв нуёс нойтис төв.

Мича Байдаёс
Мед не вунöдны,
Мед не вунöдны,
Мичсö нуöдны,
Медым ловья моз
Олис-ломалис,
Зарни сьёлёмнас мед эз сём,
Удал кыйсьысьяс
Ягö кайисны,
Узьысь Байдалы
Низьёс вайисны,
Шедис козиныс
Гажа нюр вылысь,
Нюрлы пуктисны Байда ним.

Удал Чунгырöс
Ёртьяс дзевисны,
Арся корьясыс
Кытчö лэвисны.
Шорлөн öтарас
Водис Байданым,
Шорлөн мөдарас — Багатыр...
Гегдём му эжын
Чветьяс кельдисны,
Пыктём енэжын
Юсьяс бёрдисны,
Тöлыс шутьялис
Ымзысь пармаын,
Тшöкыд зэр улын мыссис кыр.



Егор Васильевич ПОТАПОВ чужлöма 1936 воын Додзь сиктын (Кöрткерёвскöй район). Велöдчис, уджалис ас сиктас. Лэдзлис челядьлы лөсьöдём кывбурьяса «Дзольгö ёль» ичотик книга (Коми книжнöй издательство, 1967). Чорыда висьмём бöрын мортис неважён кувсис.

Книгаын йöзöдём «Чунгыр» поэмаыс петкөдлö гижысьлысь кывйён вöдитчыны кужомсö, фольклорö ас ногөн пырöдчöмсö.

ЯНДО

Повесть

ВОДЗКЫВ

Сиктö сöмын на воём выль фельдшерица Машаоc овмө-
дiсны Катерина пöч ордö.

— Тонö, мада нылö, быттьö лöсялас кö,— петкөдлiс
пöч аслас неыджыд керкалысь вышкасö.— Унаоñ тэодз ов-
лiсны. Эз норасьлыны нинöм вылö. Со книгаяс колялiсны,
кодсюрöяс и тетрадьяснысö, видз пö, бабö. Сидз некод из
и пыравлы. Тэ, лыдды, мадаö, гашкö, коланторъяс вунö-
дiсны.

Том нывлы тайö оланiныс вöли юр вывтыр нин: кöсьян
кö, кöть вой шöрөдз книга лыдды, общежитнеын моз не-
кодлы он мешайтчы, тэнö некод оз вөрөд, öти кывйöн кö —
аслад жыр. Да и торъя жыръяд сийö медводзысь овмөдчö.

Öтносөн кольöм бöрын Маша сюся видзöдалiс ассьяс
выль оланiнсö. Медводз сийöс кыскис энöвтöм шкап, код-
лөн джаджъяс вылын бусöссисны некымын книга да дор-
сянныс вижöдны заводитчöм лöz кышöда тетрадьяс. Тет-
радьяссö гижöма разнöй почеркөн, буракö, найö абу öти
мортлөн. Сельсöветын на Мишалы пель пöлөдзис воис: Ка-
терина пöч ордын пö олысьясыс некор оз бырлыны. Тыда-
лö, тундраö петiганис олысьясыс кутшöмсюрö кöлуйяс
кольлöмаöсь патерааныс. Со кутшöмкö геологлөн пасйöдь-
яс аслас удж йылысь. Нывлы найö эз лоны гөгөрвоанаöсь,
да энöвтчис. Со учительницалөн сыланкывъяса тетрадь...
Тайö нö?.. Тайö тай медичкалөн, сылөн коллегалөн тет-
радь!.. Гижöма посныдик бисер почеркөн. «Быть лыд-
дя»,— шуис аслыс Маша.

Люба Лудыкова, Эжва вылысь воём том специалист,
гижö, кызди сийö тундраын коллялöма öти во. Машаöс ви-
зув ю моз босьтiс тöдтöм нывлөн, коллегалөн, дневникыс,
эз вермы сийö петны тайö «юсьяс», кывтiс-кылалiс помөдз.

ЧОМИО ВООМ

Коді ме? Детдомса. Батьо усьліс война вылын. Мамой вöйліс Эжва юö. Вуджöмаöсь розя пыжөн турун пуктыны куим нывбаба, изъясьöмаöсь ва шöрас, варччыны берегöдзыс вермöма сöмын öти. Сэки мянöс, куим чоя-вокаöс, иналöмаöсь детдомö. Ме вöлі медічöтыс. Быдми омöлика. Вöлі ыджыд юра да вöсни кока. Сэтчö жö зэв полысь да нор сьölöма. Ёртъяс нимтылісны баляён. Векуштчас перемена дырйи кутшöмкö зонка да «бе-е!»— нярöстас. Налы серам, а меным, кöть кызди кутчыся, век син доръяс вазьöны. Весиг ывла вылын ыжлөн бакöстöмысь повзьылі, бытьö сійö нерсьö жö.

Кöть и баля кодь вöлі, государствоыд отсаліс да зумыда му вылас вужъяси, техникум помалі да со весиг тундраса войтырöс бурдöдны ыстöны. Но век жö пола тундраас петнысö, сöмын некодлы та йылысь ог висьтав, ог петкöдлы. Кöть эськö тундраас петны ышöдісны доза водз, но туяс мöдöдчöмыс артмис курас-караса, тэрмасьöмөн. Сідзи меным кажитчис. Буракö, быд туйö петöм сэтшöми, кодыр майшасьöмөн сійöс виччысян.

Кузь туйö менö колльöдісны став сиктөн, медся ёна бергалісны ме гөгөр ныв-зон ёртъясöй, а бать-мам пыдди вöліны Катерина пöч да сылөн вокыс, Öлексей дядь. Катерина пöч ас коксыс пиминас менö көмöдіс, нылалан приданной маличасö юрö мырдөн суйис. Ой öні ме кутшöм! Дерт, некод менö тшöтшъяяс пинысь, кодъяскöд детдомын овлі, оз тöдны эськö.

Көр видзысьяс, кодъяскöд ме пета тундраö, абу мян сиктынöсь, орчча сиктын патеруйтöны, сизим верст сайын. Öлексей дядь, важъя көр видзысь, менсьым аргышöс (öти дадюв да додь) сэтчöдз нуöдны босьтчис: доддьö, кодöс кыскö кык көр, менам көлуй көртавлöма, сёян-юан, медицинамент ящик. Дадьсö, көні ачым пукала, кыскö куим көр.

Тундраö петан бригадалён няпойыс вөрзьö сиктысь дас кык час лунын, сідзи шуöмаöсь Öлексей дядьлы, коді и вайöдіс татчö менсьым аргышсö. Катерина пöчкöд ми войбыд син эг куньлö, мөвпалам-артасям, медым немтор эз вун, öд тундрасяньыд бөр он косавлы, дзонь во кежлö туйö пета. Сэсся и пöдругаяс помся пырисны-петісны. Югдігас додьсö бура тэчим-көртавлім. Чай юим-сёйим да со и мөдöдчыны ниң колö.

Ю вылö лэччан туй кузя, гашкö, сё морт дадь бөрся

вѳтчисны. Ой, сѳ пасибѳ! Йѳз быд бурсѳ меным кевмисны, бѳр тайѳ сиктас уджавны корисны.

Воим Кельчи сиктѳ. Ѳлексей дядь ямщикалис-веськѳд-лис дадюлѳн, Катерина пѳч корис воксѳ колльѳдны менѳ непременно кѳраяс дорѳдз, кнысь киѳ инавны. А тан вись-талісны, кѳраяс пѳ доза важѳн рѳдтѳмны, а кадыс менам часі вылын муртса дас. Дас кык пыдди. «Пѳръялісны!»— кыйкнитлывла гусьѳн Ѳлексей дядь вылѳ: чужѳм серыс оз вежлась, пыр и шуыштіс:

— Кадсѳ огѳ воштѳй, водзѳ рѳдтам.

Кѳть кызд мукѳдлы, а мем бѳр косны юръяндзим, ещѳ этадз колльѳдѳм бѳрын...

Ѳлексей дядь тракйѳ вѳжжисѳ, ѳвтчѳ харейѳн, тѳрмѳдлѳ кѳръясѳс да видчѳ и сьѳласьѳ: кызди пѳ кѳсийсисны, а пѳр-йѳдлісны. Ме сѳлі бара дадь мышкѳ, пассажир пыдди. Рѳд-тыны Мылаѳдз колѳ нѳшта сизим верст.

А вот и Мыла, керкаясыс сярвидзѳны дзик ю берег пѳ-лѳн... Но и тась весьшѳрѳ корсим кѳраясѳс, найѳ татчѳ сувт-лытѳг мунѳмны.

— Бергѳдчам, али ачyd сѳсся муна, мада племени-ча!— ѳдва кывйыс артмѳ, кымѳма Ѳлексей дядь, кокниа зѳв пасьтасьѳма да... Ме чѳв ола, ог тѳд, мый керны.— Қолѳкѳ, вѳлѳсьтас этша шонтысьышта да водзѳ чомйѳдзыс колльѳда? Верст кызь тасянь,— водзѳ сѳрнитѳ Ѳлексей дядь.

— Ачым муна,— кызди верми лѳня шуи,— сѳсся во чѳж ѳд он кут меным ямщикавны.

Дядь велѳдыштіс нин туй чѳжыс, кызди вѳжжиѳн да харейѳн вѳдитчыны. Позьѳ шуны, неуна кужышта нин да-дювсѳ веськѳдлыны.

Топыдджыка пукси даддѳ, кык-куимысь малича кепысь вывті гаровті киам вѳжжи помсѳ и... айда!

— Бур туй! Бура ветлыны, племенича!— горзѳ Ѳлексей дядь.— Туй кузяыс кѳръясыс асьныс рѳдтасны. Эн пов!

Шылыд туй кузя кокниа тюрѳдѳ дадюлѳй, ачым гон-няла бѳрвыв, зѳв нин ылын тыдалѳ Ѳлексей дядь, ѳвтчѳ шапканас, коньѳр, юрсѳ кынтас.

Курыд ѳкмыль горш шѳрѳ гѳрддзасис, эг казявлы бара, кымынѳдысь нин тайѳ луннас синва войтъяс бандзибъ-ясѳд гылалѳны, да сѳтчѳ и йизьѳдѳ жвичкысь кивузыс. Кѳр даддын пукала, шог песа. Торъялі тай, мися, бара шоныд позйысь, ылѳ муна, тѳдтѳм йѳз костѳ... Ачым йѳжгыльтчѳ-ма, харейѳн ог шенась, вѳжжиѳн ог веськѳдлы, дадьсѳ гы-чѳдѳ потанын моз.

Виччысьтѳг вуктѳдлыны кутіс, и юрѳй быттьѳ кольмыш-

тома... Ой-ёй-ёй! Скөнъ вунөді өд! Коркө ичөт дырйи усьлі вөв доддысь, и вылысті телегаыс прөйдитіс... Дыр таысь куйлі вольпасын. Мукөдсө, кывлан, вукөдлө автобусын, самолётын, а менө та бөрын — вөла доддын и телегаын. Тундраө лөсьөдчигөн менам та йылысь вунсьөма. Гашкө, и бур вылө. Тундрасө синва петтөдз окота видзөдлыны. Вомө шома кампет босьті, да регыд и дугдіс шөгөдны.

Кызди и казытыштіс Алексей дядь, көраяслөн туйыс ю вывсынь крута кежис яглянь, некымынысь вуджліс ёль вомөн да дзикөдз кыр йылө кайөм бөрын пискөдчис парматі.

Дзобйөдліс, катлөдліс чукыльөсь-мукульөсь яг туй. Виччысьтөг ёна катовтчөмысь ме ылө лым пиө туті — лэби даддысь... Путкыляси лым пиын репасын моз... Кызмырдөн верми кок вылө кыпөдчыны, бөр туй юж вылас гывгөдчыны. Видзөда, пуяс костті сөмын тыдалө рөдтысь дадювлөн бөжыс.

— Тпру! Тпру!— мый вынысь горза, вөвлы моз, но көръяс оз гөгөрвоны менө, водзө котөртөны, регыд син улысь вошины. Но, мися, петсис менам тундраад. Котөртны куті: вөяла, сконъяся-усяла, малича бөжөс талыла да.

Пошкигтыр тракъя, платтё моз юр вывті пөрчча дзескыд, сьөкыд маличаөс. Дыркөдь ноксьөм бөрын мездыси кызкө сыысь, брунги сійөс туй бокө и ош моз уськөдчи вөтөдны дадюлөс. Пыр матысма и матысма! Со дзик ний матын, но ог слөймы сюрны доддьө, коляс вынъясөн нин ичөтика, ранитчөм көч моз чеччала, и дадюлөй бара мөдіс ылысмыны. Ок, ок, мада тундраөй пышйө меысь.

Чужөм кузя ва визлалө, ньылөмыс и синваыс, буракө, өтилаын, калькунөм вомө сола ва пырө, помся сьөлала виж дуллөн еджыд лым вылас. Сьөлася и котөрта, но лөлөй век ёнджыка тырө и тырө, казялі да, ог нин котөрт, а тапикта. Ог нин водзлань видзөд, юрөс өшөдөмөн ачым ог төд мыйла водзлань тувччала, өд тазни маличатөгыс регыд гегда. Сувті, лэпти юрөс и төкөтё эг ойөст: дадюлөй менам ныр улын сулалө, вөжжыныс дадь сюв улас веськалөма, да көръяс сувтөмаөсь. Думсьым зэв крепыда, кыз сямми домн вөжжи помсө дадь подйө и котөрөн маличала да харейла. Маличааси, топыдджыка дадь вылө сөсся пукси, весиг харейөс пукті дадь бокө: колөкө, вөтлытөг мунасны көръясыс, а вөжжи помсө зэлыда гаровті кнам, мед выль пөв ог лэб и бара ог коль...

— О-о-о! Мадаяс!— горөді, шөтясьөм парма весьтті йөлөга юковтіс да дыр на мусюрас буалис... Вой тай нин пуксьө, шонді пыдди кымөръясөн орийөдлөм рытъя кыа мычысис. Пемыдыс өтарө сукмис и сукмис, здукөн синмө чут-

кан вой пуксис. Сöмын кодзулыс тшем дзирдаліс рöмыд енэжас да пармаыс ас ногыс ышлолаліс, витшкисны-дзуртісны дзор козьяс да пожöмьяс. Корсюрö жбуткысьліс коз вылысь сьöкыд лым тукта. Водзын сьöд пемыд вөр, весиг туйыс ньöти оз тыдав. Кытчö бара нуöдöны көрьясыс-а? Мый нö тайö? Виччысьтöг некымын пон öттшöтш тьявöстисны, сьöлөмöй коклябөрö кын гöгыльöн лэччис. Мыйлакö думыштис: көиньяс көрьясöс косявлыны кутасны. Да и дадюлöй тэрыбмөдіс воськовсö, сэсся зутш сувтіс. Вöлөмкö, чом вылас нин восьöма. Восьыліс чом пöлаыс, кодьяскö петісны паныд.

— О, меджытшканым ачыс локтöма,— шуис кыз гөлöса мужичöй.

— Аски воча көсйим войöдлыны-а.

Öтняс гизгигтыр пыртисны менö чомйö, мөдьяс лэдзалисны йирсыны дадювса көрьясöс. Чомйын жар, чом шöрын ломтысьысь көрт пач бокьясыс гөрдөдз доналöмаöсь. Кык нывбаба менö пөрччөдісны: наперво маличаöс юр пыр кыкисны, а сэсся шедөдлісны кокысь пимиясöс.

Шумөн чумö бөр уськөдчисны ывлаысь мужикьяс. Кодкө меным мыччис пуксыны мыйкö ящик ногаöс, мужикьяс водалісны чом дорышлань вольяс вылö.

— Меным эськö узыштны,— виччысьтöг шуис менам.

— Сёям, мада, да вöлись,— вочавидзис дзор юра пöчö. Кыдзи бöрынас төдмалі, шуисны сійöс Öдя бабөн. Мужикьяс гораа гөрөктисны.

ЧОМСЯС

— Мадэ! Сувтан он нин? Чай пузöма,— чуксалö менö вонйысь Öдя баб. Да ме ськөд и узи, кызди ачыс шуис «сы балаганын». Гөгөрвои, йöзыс чеччалöмаöсь, дзуртö джоджыс — латаясыс, паськыд пөвьясыс и кылö негора сёрни. Ок, медбөрö кольсьöма узьöмнам. Кыдзсюрö пасьтасьышти да петі вонйысь. Öдя баб косьтöма да лөсьөдöма көмавны сувтігкежлö төрытья пимиясöс. Первой кышалі гöна чулки — липича, сэсся кузь гөленя пими мөді көмавны. Нокся, а кодакостікө ныр улам лон морт, змей моз ниглясьö. Зон ли мужик ли: кузь вöсни тушаа, би кодь гөрд юрсиа, синьясыс кодзалöны.

— Ы-гы-гы! Яндо, яндо и эм... Вай отсала,— гызьö быттьö тыртöм бöчка гира-голякылö.— Нолы тадз!.. Сэсся этайö чуьнад шуйга кисьыд чепöльнад вöнь кытшö кут... Казялін? А веськыднад топыда, топыда, кок пөкьяссьыд вылітіджык, радөн-радөн вöньсö гарт.

Здукон сійо мено комодіс да воньодіс, мыйлако мала-лыштис пимиясо и.

— Нимыд, жальо?— увсянь наяна дзорго синмо.

— Люба.

— Бур. Тэныд сэтшом нин и лосяло,— бара гөрд юраыд сероктис да дышпырысь лэдзчысис чом бокө, ывъяс динө, ачыс вашъяло, синнас сідзи и сейо, весиг яндзимла पोсяла.

— Чалойясто, Васьо, некытчо ко видзодныто, мокота розяс тшукөдлы,— вомало наянитысь зонмос Одя баб, сэс-ся шыасьо ме динө.— Мада, пызан дорас вешйы, сийон, мый вылын пукалан, куднас.

Чомйын меным ставыс дивө кодь, век на төрытыя беды йылас чусало карасин лампа, ромыд. Көрт пач трубаыс чом шөрөдыс паськыд розьод петө веськыда ывлаө, сэти, кызди Одя баблон сёрнысь ме гөгөрвои, мокота розьодыс, сөдз-тысьо кизьөриник югөр.

Пызан сайын кио сюйыштісны ыджыд кружкаон сыла пось шыд, ю по.

Меным паныд кокъяссө сюркняломон воль вылын куткырвидзө руд костюма, паськыд пельпомъяса мужичой, ичотик съод синъяса, краситчысь нывлон кодь зэлалом съод синкымъяса... Пелькиник устор ныр улас чурвидзө. Пельысь пельөдз сийо мурчкө-вильөдө ыджыд лы да мено кадьс кадө козыналө аслысикас видзөдласон, быттьо вильшасьыштө. Тайо Карп, бригадирным, юрнуодысьным.

— Карп, Карп! Кисьтав, мый сэсся!.. Зять, кылан?— дзайго ывъяс динын куйлысь гынмом кудриа косиник зон, шюны сийос Тимофейон.

— Нө-нө-нөрөвитышт, пытшъяс ли мый курччалоны. Тэн на талун караулитчыны,— быттьо көрт тувъяс тувъяло, мөмъяло Карп, но яя лы дорысь торйөдчывтөг, гыр-дзанас тувкөдө орччон пукалысь гөтырыслы бокас.

Марпа вылын морөса, вышивайтом сосъяса, гөрд сарапана, пукало бригадир бокын, сомын помся шешъяло, а водзө кыв ни джын оз шу. Юрсө чатөртөмон петалис ывлаө да син лапнитігкості шлопкис пызан шөрө гыбра доз.

Стөкан тырөн кисьталіс винасө быдөнлы Карп, сомын нывбабаяслы эз, а мем тшөтш мужикъяслы моз жө кисьтіс. Ме пель йылөдз гөрдөдлі татшөма ыджөдлөмысь да ыло бокө вешті вина стөкансө.

— Но, вай, босьтімө!— лэптіс первой стөкансө ывъяс динө жмитчысь Тимофей, лолышттөг кисьтіс винасө ас пытшкас, сөян дорө эз матыстчыв, кутчысис махоркаысь чигарка гартны, чужөмыс аслас табагыс моз жө нин ви-

жодыштöма. Васьö, меным көмасыны отсасысыс, дыр гоньяліс öтарö-мöдарö да öтпырысьöн жö, Тимофей моз, пöрöдіс горшас. Но унакодь, буракö, лоис, бөр ызöбөн лэдзис ставсö пытшкөссыйс джоджö.

— Жöникъяс ещö!..— нурбыльтіс Карп, чышкыштіс уссö, кутчысис госа яй кусöкö, кодöс мыччис сылы киас Марпа. Денис дед, баб-деда костын ме пукалі, öдйö коддзис, пыр и мыйкö ныр улас мургыны заводитіс. Карплөн да Васьлөн чужöмьясныс пöльтöм гөрд шар кодьöсь. Карп пукалö чöла, вина стöкан пыдöсас дзоргö. Вась ме вылысь синьяссö оз вештив, ог тöд, мый сэсь аддзöма. Пельöссиянь азыма чигарка тшын ньылалігмоз, Тимофей пöдöм гөлөсөн киргö:— Зятя! Чойö! Марпа! Тіян вед шуа!

— Му-мун пырт!— синнас гöтырыслы мигнитлö Карп.

Марпа скачөн петавліс ывлаö, доддысь бара гыöра доз котöртöдіс. Гыпнитісны-юисны стöкан тырөн став мужичöйыс.

Öдя бабкөд ми Денис дедöс водтöдім узыны. Сэсса кутчысим идравны пызан вывсö. Мужичöйяс нуöдісны орьясына ас кост сёрни, кытысь ме пöшти немтор эг гөгөрво.

Чом пельöсын чöла куйліс Тимофей, сьöкыдырысь кыпöдлывліс юрсö да нинöм гөгөрвотöм видзöдласөн козьнавліс миянös. Карп да Васьö сьöктыны жö мөдісны, мый вынсьыныс нин нетшкисны легмунысь юрнысö пызан дорысь. Карпös небыда кутіс Марпа, а Васьö помся бөрвыв шылькнитö гөрд юрсисö, здук корсьö, медым вайöдлыны беринös чужöмсö меным ныр улö. И Васьöлы тайö тшöкыда удайтчö, дзескыд чомъяд некытчö ёнасö он вешйы. А ме пола. Рыжöйяссыйд кызкö ме важысянь öтдортча — сьöлөмтöмөсь пö найö. Кытчö бара йöй юрнам веськалі-а?

— Кутшöмаджык, мадэ, миянын тэныд кажитчö?— юалö чашкаяс чышкалігмоз Öдя баб.

— Зэв бур. Сöмын вөрнысö дзескыд.

— Сы пыдди тундраыс паськыд да ота,— серöктіс бабö.

Чом пельöсын, жарысь висысь моз, бергаліс-ымзіс Тимофей.

— Жöникыс миян... Мед көть оз кув, Марпа!— коддыштöм бöрас Карплөн вошис кытчöкö мөмьялöмыс.

Тимофей кузя нирöстіс, Карп пызан вылысь ассыс вина пайсö нюжөдіс Тимофейлы, кыпöдыштіс сой вылас сылысь юрсö да көйсис кисьтны вомас, но Тимофей герч-

вартіс пиньяснас сідзи, мый мышку кузя йирмөг котөртис, вина стөканыс өдзөс дорас лэбис.

— Матьтө нө кантук! Лемаліс кудз!— бөр местаас пуксигмоз вөрөдіс сьод усторсө Карп.

Тимофей, ывйө кутчысьөмөн, сьөкыдырысь кыпөдчис, тажгөдчис, быттө чомсө лөсьөдчис нөбавны, но здукөн тюрис-исковтіс пызан бокө, юрсө пуктіс Карплы пидзөс вылас, ныр пырыс кузяа шкоркнитіс.

— Ковмас войсө тэд караулитчыны,— ышловзьөмөн шыасис Васьө дорө Карп.

Вась дыр дузьяліс, сэсся кутіс чарзыны.

— Ме?! Ме бара ог! Палялас да ачыс мунас, мед оз трескайт!

— Мед ме вөсна сьөлөмыд оз вись: Артеев ачыс мунас,— зіліс юрсө кыпөдны куйлысь Тимофей.

Миянлы, нывбабаяслы, ставнымлы сьөлөм вылын вөлі деливө мужичөйяслөн кодалөмысь. Өдя баб весиг блюд жугөдіс, но некод элясьны эз кут, эз уськөд бабөс, сайөдчыштөмөн ме отсалі куравны кляничаяссө.

Нем виччысьтөг Тимофей чеччис да уськөдчис ывлаө, петігас төкөтьө эз пөрөд ломтысьысь көрт пачсө. Сы бөрся чомйысь петіс и Өдя баб.

— Люба, ояя да ояя! Петавлы, мада, Тимофеюшкоыс өд лөкмөма,— юөртис баб.

Ыж чукөр моз уськөдчим чомйысь ывлаө: Васьө медводзын, сэсся ме и медбөрын Карп гозья.

Тимофей кусыньтчөма вандей бокө (гөна көм-паськөм новлөдлан додь бокө) да вукөдө, ставнас пытшкөссө гугөдө, чужөмыс сера и виж.

— Ноко, өдйө кодикө! Васьө, зырав лымнас, зіля зырав!

Котөрти бөр чомйө, кулө, буракө! Мый нө нин отравлениесьыс вөчлөны?.. Ставыс юрысь петі повзьөмысла. Корся чомйысь сумкаөс и некызди оз сюр, коркөкості нин гудыртчөма. Көть сэсся юрситө нетшкы, оз сюр, некөн абу. Тшын-бус ставсө лэпті, дозмук и вольпась. Ачым ньылөді весигтө. Видзөда да, ыв костас сөйыштөмаөсь, местаө иналөмаөсь, миян ногөн кө, өшөдөма лөө. Тшяпки нашатырнөй спирт да ывлаө. Васьө сэтшөма зыралө-тракйө Тимофейөс, мый мортыдлөн юрыс, малича сос пөмө вурыштөм кепысь моз, легьялө. Дөрөмсө весиг пөрччөма Тимофейлысь. Кынтас мортсө!

— Вешйы!— тойышти Васьөс.— Виан мортсө.

Нашатырнөй спиртөн исөдөмысь Тимофей ас сядяс воис, но сійөс кутіс тірөдны-кынтыны. Ме тшөкті өдйө-

джык пыртны сійос бөр чомйö. Васьö шамыртіс моздорас, но Тимофей шеныштчис — ачым пö. Ставөн пырим чомйö, ме пукті пач вылö пузьöдны шприц, лöсьöдчи вöчны Тимофейлы укол. Öдя баб вöзйис Тимофейлы пöсь чай, пытшкöстö пö шонтас.

— Оз ков! Сэті менам сідзи öзйö. Куйлыштіс здук Тимофей, сэсса пасьтасис да дучкис дзонь көш йиа ва. Петіс чомйысь, веськöдчис стада дорö дежуритны.

Ме сідзи и эг удит вöчны уколсö, сьölöм бара не асинас, бара кө омоль лоö пастуклы? Петі пальöдчышты чомйысь. Кыла, здук мысти чуксасьö Öдя баб, лок пö, любöйö, Карп унмовсис нин, кынман маличатöгыд. Пыра, мяся, бабö, пыра, сöмын ещö сулалышта. Ас ногыс шыалис вөр, вайис улис шоныд ру, тулыслысь небыд көрсö. Лэдзчыси öти дадь вылö, майшася висысь пастук вöсна. Кодкө мышсянь пöсь киясөн тупкис синьясöс.

— Ой, лэдз! Коді?— горöді повзьöмөн.

Оз шыась, öдва мынтöдчи, Васьö зэв лышкыда нюмъялö.

— Повзин?

— Яндысьтöм бугыль!

— Сідзи и эм!— шпыннялö Васьö.— Көсьян, Люба, стих тэныд лыддя.

— Тэ мыйкö быттö и тöдан.

— Со!— горöдіс Васьö.— Локтö тулыс, сьлö лым. Менам сьölöмöй, Люба, пым.

— Водзö.

— Сэсса ог вермы.

— Но-о...

— Сьölöмöй збыльысь пым,— Васьö зырالیс асьыс ён морөссö.— Он эскы, Люба? Видзöдлы!

— Юёмсьыд, көнкö, сотчö... Лымсö нылав, Тимофей тай йиа ва дучкис...

— Меным эськö, Люба, мөдпөлөсджык лекарство,— Васьö заводитіс чужьявны дадь подйö.

— Жугöдан öд... Ме сэсса пыра.

— Люба, эн на пыр.

— Мыйла?

— Сёрнитны окота. Тулыс локтö.

— Васьö,— видзöдлі ме веськыда зонлы синмас.—

Кора кө öтитор, вöчан?

— Вöча!

— Ветлы көрас, видзöдлы Тимофейсö. Ладнö?

— Бригадир кө тшöктіс, эськö места вылысь эг вөрзы, но тэнö, Люба, кывза.

Васьö муніс стада дорö, ме пыри чомйö да воді Öдя баб дорö.

Садьми Васьöлөн чуксасьöмысь:

— Люба, чеччы, ывлаö петавлам.

— Тимофейыс кызди?

— Мый сылы алкашлы лоас, көр моз лызь вылын котралö. Петавлам, Люба, сёрни выйим.

— Узь, Васьö, асывнас висьталан,— чомйын ставөн нин стынитöны, Карп шкоргö чом пасьтаыс, Öдя баб крепыда жö унмовсьöма, ме крепыда сывъяла пöрысь мортöс, но унмовсьны ог нин вермы, ном моз балаган весьтын зыньгö Васьö. Медбöрын петіс ывлаö и сэтысянь мöдіс чуксасьны, ме ог кывлысь, да чужъялö чомъяс, ывъясыс ратшкакылöны, быттö ыджыд төв ныр песö. Садьмис, кылö, Карп:

— Васьö, он кө бурөн вод, чечча да лачка.

Та бöрын сöмын жöник ланьтіс. «Ок, кызди бара тани воыс коляс-а!» Мый вынысь жмитча Öдя баб дінö.

ПЕС ВАЙÖМ

Витöд лун нин пемыдсянь пемыдöдз век вöрзям тундралань, а век на вöръясті собам. Тöрыт сёрөн чомьясим, матігöгöрысь ичöтика пестор курыштім да сёян-юан лөсьöдім. Асывнас водз пастукъяс мунісны асланыс могъясөн. Карп шуис, чом пö разьны оз ков, талун пö шойччам. Марпа чашка чайөн шонöдчис да бөр балаганö юрсö суйис. Öдя баб пелькөдіс чом пытшкөс. Казяла, пачным көдзавны мөдіс, песла колö ветлыны, фуфайкааси да чöла петі чомйысь. Ок, кутшöм югыд асылыс рöмыд чом бöрад. Шонді югөръяс көчөн ворсöдчöны додыяс костын, а ягбердса эрдыс, көні сулалö чомным, дзирдалö стеклö моз, синтö вундö, көдзыд төвру сатшкысьö морöсö да чепльöдлö нырöс. Додьяс дорысь лэпті зэв лэчыд чер, суйи тасма костö, сувті Денис дедлөн лямпаяс вылö, сійö талун норасьö кос висьöм вылö да куйлö чомйын. Мөдöдчи песла вералысь вöртаслань. Муні да муні, кызди мойдын, вöрыс ныр улам моз, а оз лок. Коркө сэсся воис жö, но тайö вöлөм сöмын ылісянныс яг, а матісянныс коньöр понöльяс да урöд вужляяс. Котралі да котралі, быд пу малала да исала — колö öд кос пес вайны, медым чажнитіс-öзйис пачас. Куим-нельöс нин керавлі да бөр эновті, свинеч сьökтаöсь. Но пестöг чомйö, дерт, он бергöдчы. Шойччышті здук да бара ветлөдлышті и кос конда вылö веськалі, бринякылö ён, керышта да черыс бөрö чеччö, төкө-

тѣ аслым плешкѣ оз шковгы. Керала мый вынысь, пѣс кисьѣ, а водзѣ быттѣ ог и мун. Медбѣрын скѣрысь, став вынсьым, швачкѣбтѣ пуас, черѣй сибдѣс, ме бертовтѣ, и нудыс ратшмунѣ-чеги. «Со и пес вайи, шонтѣ чомса войтырѣс»,— шогала ачым. Черсыс на мый лоѣ! Сыркѣялѣ здук да конда йылас мѣдѣ кавшасьны. Йылѣдзыс вои и ѣтарѣ-мѣдарѣ довьѣдлыны кутѣ. Нимкодѣ на быттѣ аслым, качай кодѣ да. Сѣсся кыз тай ратшмунѣ керасѣдыс, жбуткыси лым пиѣ, тѣкѣтѣ пу улас эг веськав. Веськалѣ кѣ — кутшѣмкѣ ѣсь ув пуртѣн моз бытшкис. Ок, йѣйид, мися, вида ачымѣс, повзѣмѣйла кынѣмѣй доймыны кутѣс. Чарѣмыс вѣсньыдик на да сѣмын кок пѣлѣй ичѣтика доймыштѣма, сѣсся гѣгѣр ладнѣ. Сѣсся бѣр гажмыштѣ, мися, чертѣгыз на пусѣ пѣрѣдѣ, ѣнѣ быть нин кызкѣ да кыска чом дорѣдзыс. Заводитлѣ дѣнсѣ, ог вермы лѣптыны, шѣриавны эськѣ керсѣ, но кыз чертѣгыс. Сѣсся йывладорас пидзѣсчанысьѣмѣн пыри кер улас, кыпѣдча мада, шѣрѣдзыс вои, ачым сувтѣ и йывсѣ нѣровтѣ понѣль вылѣ. Петѣ пу увсьыс да лямпаяс вылѣ сувтѣ, чегѣм черсѣ фуфайка зептѣ иналѣ. И бара шыр моз конда улѣ пыра. Штангист моз рывок вѣчи, нетшыштѣ лым пиысь конда помсѣ, сѣсся нѣжѣй нин веськѣдѣ кокѣясѣс. Чарѣм вылын лямпа гывѣялѣ. Кыкнан киѣн пусѣ сывѣялѣма, а сѣкыз кер ачымѣс шуйгавыв катовтѣ. Медся виччыся усьѣмысь, выльысь кондасѣ лѣптыны вынѣй оз нин тырмы. Чум дзик нин матын, но оз лок... Аслым урчита воськовѣяс, первой сувтовкерлѣ дас воськов бѣрын, медбѣрын витѣдз лѣдзи. Кокѣяс свѣнеч сѣкѣтаѣсь, син водзын гебѣяс кымѣрѣн лѣбалѣны, мыйлакѣ тѣвнас... Кыски ѣд! Дзик чом ѣдзѣс дорѣ жмотки дубинаѣс!

— Ой, Люба, коньѣрѣ! Тѣ али мый пѣссѣ вайин?!— шензѣ Ѧдя баб.

Сѣсся бабкѣд пилитѣм мада кондаѣс, мужичѣйяс воигжелѣ жара ломтѣм кѣрт пач.

Пызан вѣлѣ дась нин и мужикѣяс азыма кутчысисны гырысь кусѣкѣясѣн пуѣм яй дорѣ, гѣса тшѣгырѣяс лѣпталѣсны веськыда ыргѣн тазѣысь. Ми, нывбабаяс, ырским пѣсь чай. Но менам юрысь ѣтитѣр оз петав, йирис мѣвп, чер пусѣ Карпыслысь чеги да, пиняласны. Ме виччыси бригадирлысь сѣйѣмсѣ, медым восьтыны асьым мыжѣс, пѣт кынѣмайд тай, шулѣны, пыр нин шанѣджык. Со бригадир, выя синѣяссѣ лапѣѣдлѣгмоз, нѣровтчис Марпаыслы небыд бокас. Думайтѣ, ѣнѣ медся кивыв.

— Ка-арп Қирьякович, ме тѣ водзын мыжа,— мыйлакѣ бригадир моз жѣ заводитѣ мѣмѣявны.

Марпа ме-вылө кыйкнитліс да ньөж тувкөдыштіс мужикыслы бокас, тэ дорө пө.

Карп пөлөстліс юрсө Марпа вылө, Марпа мигнитіс меным.

— Ме тиянлысь чер пүтө чеги.

— Чегин... Менам жө өти чер и вөлі...

Марпа копыртчыліс Карп дорө да мыйкө пеляс вашкөдіс, буракө, пес вайөмөс висьталіс.

Карп дыр вежнясис, сэсся шпыньмуніс: ковмас пө, муса ныв, мынтысьны. Ок, дона пө сувтас. Меным чом тшыныс моз сатшөны горшө Карплөн пез кывьясыс.

Тимофей, коді сюся кывзысис мяян сёрниө, өвтыштіс кинас, видзөдліс гөгрөсіник мича лөз синъяснас да дивитана шыасис, мед пө чегис. Сёрни тай... Аски жө пө выльөс вөча, ягынөсь тай. Ме шоныда видзөді Тимофей вылө да нюмъевті сөмын сылы гөгөрвоөм вылө.

Тимофей йылысь думөн и воді, көть вина гаг кодь, а вөрзьөдіс менсьым сьөлөмөс талун, мыйкө быттьө өткодьтор сыа-меалөн эм, өткодь кудриаөсь, ещө мыйкө... Кокняммөм сьөлөмөн шуркнитчи-пыри баб дорө балаганө.

СТАДА ДОРЫН

Некымын лун шойччөм бөрын бара заводитім водзлань вешйыны, быд лун вежлалім чом местанымөс.

Ошйысьны верма, велалі чом сувтөдны да разыны. Тайө пө мяян, нывбабаяслөн удж. Марпа уджалігьясө пыр пөльтчөма, дузьялө да ырөстлывлас, кор озджык менам артмы, а Одя баб пыр ышөдө ошкөмөн... Чомйид мяян здукөн и лыбө, пемыдын көть турөб дырйи. Дерг, вына төв ныркөд венласигөн ёна ковмывлө сөнъяснимөс зэлөдлыны, кө куясысь вурөм нюксө парусөс моз нетшкө дурмөм төлыс, некыдзи он вермы шлапкыны нёровтөм ывьяс вылас, «раммөдны». Но век жө ми любөй поводдя дырйи сувтөдам чомсө ас кадө.

Ме водзө ныртча чом олөмас. Думайта стада дінө вой кежлө ветлыны. Тимофей дежуритө өтнас, а мукөдьяс кыкөн... Тимофейлөн пөлыс ачыс бригадир. Но сійө векджык вой улас дзесбьө гөтыр борд улас. Да и Тимофейыслы, буракө, пөлыс оз и ков, кыдзи ме казяла, зэв опытной да вежавидзысь морт, көть коді мый юалас, быдтор ясыда төлкуйтас.

Ми Тимофейкөд туйө петім пажын бөрын нин. Йөрасим да. Йөрасьөмыд сійө лямка улө велөдөм быкьясөс бөрийөм. Ас вөчөм йөрө сүйөма быкьясөс да сэтысь кодөс колө до-

малёны. Ме некыдзи эг велав аслам дадювса кёръяс дінё, меным кажитчө быд кёр өткодён. Та вёсна кёртавлі кёр сюръясө гөрд рузумторъяс. Медся нин ме вылын сералё Васё. Ылісянь на, аддзас «флага» кёртө да, горзө: «Со, медицина котөртө!» А Тимофей пырмунігмоз и вайөдас менсьым кёръястө да ки улө суйыштас: дом пө.

Йорасьөм бөрын шоныда пасьтасим да вөрзим чом дорьсь. Менам көрө мунөмыс, дерт, чуймөдіс чомсаясөс. Одя баб мам моз менө видлаліс юрсянь кок улөдз, көм-паськө-мөс лөсьөдышталіс, мыйсюрө велөдышталіс, Васё мыйкө шуаліс жө миянлы, но маличанас ме омөля кылі.

Гөнитам лымъя эрдъяс кузя, то өтарсянь, то мөдарсянь ягъяс воёны, а сідз найөс матысь эг и аддзыв... Тимофей кыдзи чепөсйис збой дадювнас, пыр и менө коліс. Яй кузя йирмөг котөртіс, ме повзылөм бөрад зэв видзчысьысь лон.

— Тимо-о-офей-е-ей!

Но Тимофей сувтөма нин. Регыд сэсся воим прамөй ягө, геждө козъя вөрись мем синмам пыр и усины кёръяс, кодъяс лукйысисны лым пиын. Тимофей кёртыштіс дадювсө да здукөн сувтіс лызьяс вылө, лыйыштіс кытчөкө водзө, сөмын тшөктіс меным сулавны тані, некытчө не мунны.

Пукала ме дадь вылын, ичөтик вөр ю дорын, кодлөн веркөсыс лөзөдыштөма нин, йиыс волялө, сывлөм бөрын бөр кынтөма... Тимофей тыдовтчылө кутшөмкө кушинын да бара саялө. Регыд сійө бөр ме дорө вонс, матыстчис мышсянь. Ме радпырысь чеччи дадь вылысь да куті вөтлысьны матыса кёръяс бөрся. Ас думысь шонтыся сідзи.

— Ставыс ладнө,— нюмъөвтис Тимофей, кёръяс пө лючки писькөдчөмаөсь лым толаяс пытшкө да мый вермөны өктысьөны, кынөмнысө тыртөны. Ме төда нин мыйсюрө Тима йылысь: кёр дорын чужлөма, бать-мамыс водз кулөмаөсь, ыджыдджык чойыс, Марпаыс, и кок йылө сувтөдөма. И өні со Тимофей кыдзи вермө отсасьө чойыслы да зятыслы.

Тимофей заводитіс бергавны козьяс гөгөр, нетшкис дзор ройсө да мездор тыр менам кок улө чөвтис. Мися, мый нин думыштөма? Сэсся пытшкөс гөлөсөн шыасис кёръяс дорө:

— Айө! Айө! Ай! Ай!..

Сьорсьөн-бөрсьөн миянлань уськөдчисны матысса кёръяс, вежмөн заводитісны няклявны ройсө. Пукалам Тимофейкөд дадь вылын воча, кор паныдасьлөны ськөд синьясөй, пыр и юрсө увлань лэдзө, чигарка өзтө, быттьө делө вөчө, чөв олө. Ме дзорга зон вылө и ас ногөн донъяла, мыйкө ныв ногаыс сылөн уна: пөльтчөм бан бокъяса, розя

тшöкаа. Гөлөсыс рамник, небыдик, ачыс ичөтик, ветлө
уткаяс моз катласьомөн. Шы ни төв пукалам, дежуритам
стада дорын. Эг и казавлы, кызди пемдыштөм енэжын
дзирдовтисны кодзувьяс — гырысьсөсь, югыдөсь... А со өти
мена м видзөдигөн шливкнитис увлань, мусюр бердас моз
нин вийыштис-воши, ме мый вынысь горөди:

— Чур! Менам!

— Тэ нө мый?— серөктис Тима.— Унмовсьлин али мый?

— Мися, кодзув усис.

— А-а,— кузя нюжөдис Тима да бара аслас думьясө
вөйтчис.

— Тима, мешайта ме тэныд?

— Гажаджык на... А то пыр этнам... Сёрнит, сёрнит,
кывза вед!..

Бара чөв пукалам.

— Зэв тай наперво лөсьыд караулитчынысө, көнкө пө
көиньяс эмөсь, но абу на көрсө вөрзөдлөмны, коркө нин
юөртлис Тимофей. Сидзкө, ёнасө нинөмысь повнысө.

— Каб-каб-кабер-ер-р!— другысь дзык боканым чарөс-
тис кодкө, менам төкөтбө эз пот сьөлөмөй, мый вынысь
шашаритчи Тималы сьылиас:

— Коді нө тайө, коді?

— Байдөг,— гораа шуө Тимофей. Ас садям вои, пыр
жө тойыштчи Тимофей дорысь, яндзим босьтис... Тимофей
кок увсьыс шедөдис чарөм тор, шыбитис кытчөкө, кылис
бордьясөн швачөдчөм, лэбзис байдөгыс.

— Гозйөдчөны,— сьөлөмсянь төлкуйтис зон.— Ме гөгөр-
тышта көрсө, тэ эн пов. Виччысь тані.

— Ог, ог!— щөтяси ме. Тимофей бара сувтис лызь вылө,
виччысьө менсьым лямпаасьом.— Тэнө эськө и сидз лэптас
чырыс да...

Му веркөсыс да сьөда-лөза енэжыс сөлькнитчөма, он
төд, кытчө кокыд инмалө... Тимофейлөн вуджөрыс катла-
сьө. Кадыс, буракө, асья дор нин. Киам эськө часі да ог
аддзы нинөм. Чатөртчылі небесалань, ни өти кодзув эг
вермы аддзыны... Со сэсся некымынысь веськыда синмам
клеснитис проса шыдөс кодь чорыд лым.

— Пурга!— меным юөртис Тимофей, кор ме зураси
лямпа бөжас. Сийө, тыдалө, эз тэрмась, виччысялис менө.

Ветлөдлам куйлысь көрьяс костті, Тимофей малалө
сьөд ёкмыль — баляөс, көрпиянөс, мыйкө вомгорулас шөп-
көдчө. Турөб кутис кок йылысь пөрөдны, а ми пыр на вет-
лам. Пастук торьялөм кукьясөс важенкаяс динө йөткыш-
талө.

— Абу тай эськө визув да, гашкө, некод оз кув.

Небесаыс и муыс оз тӧдчы, шутьлялӧ, и ӧні нин пу кор пасьта небыд лым сука шлапкӧ ми вылӧ. Ме сойбордйӧдыс куті Тимофейӧс.

— Тима, кӧръясыс оз вошны?— Ме пыр ӧнджыка то-пӧдча Тима бердӧ. Воськов сайысь нинӧм оз тыдав, йӧв кодь ру да лым гӧгӧр пӧдтіс. Тималӧн ичӧтик тушаыс еджыд ӧкмыль кодь лои.

— Тима, а огӧ вошӧ?— шыася чӧв олысь ӧрт дорӧ.

— Асылыс, буракӧ, матын нин,— сӧмын и шуӧ воча.

Виччысьтӧг миян бокті ыджыд шумӧн гузыгысисны вуджӧръяс, весьӧпӧрлі... Тимофей тракнитчис ме дорысь и сӧк жӧ gymӧбтіс лыйӧм и вылӧ качис гӧрд визь. Ракета... Тимофей ӧти бӧрся мӧдӧс лӧдзалӧ гудыр енӧжас разнӧй рӧма ракетаяс: турунвиж, виж, гӧрд, лӧз... Ме кынми места вылӧ: мый сӧсся лоас миянкӧд-а.

Тимофей бергӧдчис мелань и горӧдіс:

— Котӧртам! Лыско, пырр-р-р!!

Шыасьӧмыс эз вӧв повзьӧмалӧн, но Тимофей искомтіс, и ме тшӧтш лӧбышти сы бӧрся, воськов эг кольччы, ог тӧд, кыдзи верми ме тайӧс вӧчны, кор мӧвпала та йылысь ӧні. Регыд ми зурасим лӧня йирсьысь кӧръяс вылӧ. Тимофей юӧртіс, мый кӧин ли, сан ли чуйдіс кӧрсӧ.

Лунъюгыдӧдз сӧсся кок йылысь эг пуксьылӧй. Кӧръяс нӧшта на ӧтчыд водавлісны, шойчисны и выльысь кок-сьыны чеччалісны. Ру виччысьтӧг жӧ и сылі. Вылынокды нин тыдовтчис дон шонді, коді Тимофейлӧн шуӧм серти талун ваяс гажа лун.

Сійӧ луныс меным эз ло кыпидӧн, кыдзи кӧсйис Тима. Чом дорын миянӧс паныдаліс Ӧдя баб, тыртӧм ведраясӧн вала лӧччӧ, ме кокньӧді бабӧс, ачым валаыс котӧртлі, но чомъяс пыртӧдз здук сулалышти.

Чомйын кодкӧ чань моз гӧрдліс и тшӧкъялӧмӧн горзіс:

— Но, мый?

— Нинӧм!— скӧра вочавидзис Тимофей.— Кӧинъяс дӧзмӧдчисны.

— Дзонь вой кыкӧн и нинӧм?!— шыасис Қарл.

— Миянысь эн дзед, эрдалас ӧд.

— Кутшӧмджык? Кутшӧмджык!— Бара гӧрдлӧм.

— Некутшӧм,— дӧзмӧма Тимофей.

Ок, мый вӧчи йӧй юрнам, янӧді Тимаӧс да нйитӧсьті ачымӧс. Сідзи и эг пыр чомъяс, бӧрді додыяс костын, бӧрнас вынӧн пыртіс Ӧдя баб, сӧйтӧг воді балаганӧ. Мыйла нӧ йӧзыс оз вермыны гӧгӧрвоны мӧд мортсӧ?! Татшӧм юалӧмнас ме нӧйтчи войбыд.

Медся гажтöма менам колисны май праздникяс. Тув-совья куим луныс кажитчис воөн. Медся нин сьöкыд пу-кавны сёян пызан сайын. Ме вылö мöд ног кутісны ви-дзöдны чомсаяс, кокни руаөн, буракö, лыддьöны, оз сёр-нитны. Некод ме вылö лючки оз и видзöдлы, Öдя бабысь кындзи. Тима, тыдалö, сьöлöмнас жалитö, но яндысьö йöз-сьыс. Денис старик шуыштлö, морттö пö тöдны кутан сэки, кор пуд сов сёян ськöд öтлаын. Но дивитö али дорйö та-йöн сійö менö, ог гөгөрво, мукöдыс тай пель пырыс лэдзö-ны сылысь кывъяссö-а. Тимофей вьльöн нудалис Карплысь черсö и менсьым даддьöс дзоньталыштіс, тундраас пö пуыс оз ло, шуис меным. Васьö чужьяс даддяс и вöйпö быд пöрийö, Тимофейыд пö абу йöй, со кутшöма тöждысьö неве-ста вöснаыс.

Талун Май первой лун. Ставөн ывлаынöсь, коді мыйöн ноксьö. Тимофей ыджыд ыргөн тазйö яй лöсалö, айбарч керö. Карп, Денис старик да Васьö ас костаныс сёрнитö-ны, куритчöны. Нывбабаяс шöвк сарапанасьöмаöсь да ыв-лаö жö петöмаöсь.

Виччысьтöг Тимофейлөн Лыскоыс кымыныськö ав-авк-нитіс и сы бöрся шысисны мукöд понъяс. Ставөн бергö-дісны юрнысö сыланьö, кодарö увтісны понъяс. Син ёра-лысь вералысь эрд вылын регыд тöдчыны кутіс сьöд чут, коді öтарö ыдждіс и ыдждіс. Мойдса гундыр ыджда морт пукаліс даддын да ньöжйöник öвтчис кузь харейöн, кок-ниа тапкöдіс көръяслы мыш вылö. Нель кöра дадюв ма-тыстчис ньöжйö, позьö шуны, уйис васöд лым питі.

— Васька Ёгор тай!

— Збыль сійö!

Даддысь сьöкыда чеччис, тэрмасьтöг домыштіс вöж-жисö ыджыд мыгöра старик.

Ставөн дадь гөгөр топöдчим.

— Здорово, годок! Ылісянь тöді,— шыасьö Денис да кыкнан кинас кутчысьö воысьлы нюжöдöм ыджыд киö.

— Видза, видза! С праздником и!..— быдöнкöд кнасьö воысь.

— Кодöс ме аддза?! Мар-р-пуш, гöстьыс мый ыджда!— радлö Карп, татшöмторсö ме сылысь медводдзаысь аддза. Казяла да, Карп висьталö öтитор, а мөвпалö дзик мөдтор йылысь. Мортыдлөн сьöлöмыс томан сайын. Коскöдыс ку-тöмөн и пыртіс гöстьöс. Карп чомйö. Збыльысь ыджыд друг бригадирлөн? Öдвакö. Буракö, ыджыд начальник.

— Кысь нин тэнö бара ен сетіс, Ёгор?— шензьö Одя баб.

— Мыйла ен? Ме жö ас кокнам вон... Веськыда кө, көр кокъясөн.

Карп ачыс пөрччөдö маличасö гөстьлысь, кыскö сой пö-лöдыс да төрөдö пызан сайö, дзик öти пуклöс чомйысь сылы мыччö.

— Уф! Пөдi!— кашкö, öдва лолыс шедö гөстьлы.— Лёк тулыснас и овнысö мортыдлы сьöкыд... Кокъясö со повод-дя төдöны, узыны оз лэдзы...

Гөстьлөн пашкыр юрсиыс эзысь, кымöсыс весът пасьта.

— Но, мый нö нин, кыз нин оланнуд-выланнуд? Веританнуд он-а, сьөлөмö тi помлась ёна висис.

— Олам тай, быдöнысь полам,— кужтöма кывсö суйис да пыльсмуни Васьö.

— Эн жеръяв! Пиньсьыд еджыдджык он ло!— скöрысь видзöдліс внукуыс вылö Денис дед да гөсть дорö шыасис.— Да, ыджыда ошйысьны нинöмөн, а тiяö кыззи?

Карп кыйкьяліс быд сёрнитысь вылö, сотёмөн сотіс видзöдласнас Васьöс, кодi весиг вешйис пызан дорысь чом пельöсö.

— Быд бригадаын делöяс шывылөсь...— кыз сьодасьöм парьясö нюлыштiс гөсть.— Понимаешь, көрыс жеб. Уна нин туй бөрö коли... Ватага паськалі...

— Сытöг оз овлы,— мыйлакö шпыньмуни Карп, син-нас кытчökö ыстiс гөтырсö.

Марпа котөрөн чомйысь петіс...

Ок, öд кутшöм пöслук гөтыр Марпаыс!

Пуам-пражитчам, кисьтам блин, лөсьодам айбарч. Дозьясөн додыяс дорысь пырис Марпа. Чомйын дугдывтöt көрт пач лөдсалöмысь пөдтö жар, гөсть да и мукөдыяс пөрччисны кызджык паськөмсö.

— Ок, ог радейт ме вина юёмсö, мыйта сы вöсна лёк-торйыс лө!

— Люба! Тэ нö мый?! Тайö ме-медичкаыс и эм!— Карп меліпырысь юөртiс ме йылысь гөстьлы, кор сибөдчи сёян-юанөн тыр пызан дорö да нюжөдчи бок вылам небыд воль вылö, чужөмöс сөмын төрөдi пызан дорö йöз косттыс. Оз öд ков, да тшөктöны! А он пуксы: ыждалөмөн, лёка-лөмөн шуöны, он кө тшötш гажөдчы.

— Ноко, босьтiмö!— кыпыда чуксалö Карп.— Гөсть! Ставөн, ставөн!— быдөнкөд чокнитчис.

Гөсть кыпөдліс юр весьтас вина тыра стöкансö да кузя падъялөм бöрын киргыштiс:

— Но! Мед ставыс бур! С празником инö!..

Мужикъяс тыртөмтісны кружкаяссө, юыштіс и Марпа, толькө ми Одя бабкөд вом дораным вайөдлім и пырысь-пыр бөр пуктім ныр уланым... Да и гөстьыс вомас эз босьтлы.

Карп ыджыда ымөстіс юөм бөрас да шмоньпырысь шыасис:

— Пыр на важкодь тай!— няклявны кутіс вом тырнас пызан вылысь гырысь яй кусөкъяс. Нятшкө сідзи, пельясыс вөрөны.— Ті нө мый! Ёгор Васильевич, праздник помлась!

— Сө пасибө! Ог! Ог вермы!.. Карплөн мугыд чужөмыс и кыз сьыліыс кутісны гөрдөдны.

— Вышитчан?! Подумаешь!

Тапнитіс гөсть Карплы пельпомас.

— Понимаешь, племеш? Эг вина юны ме лок, Карп Кирьякович.

Карп эз вочавидз, паръяссө курччаліс, а сэсся бергөдчыліс да боксьыс «Родина» приёмниклысь ручкасө бергөдыштіс, горөбтіс кыз, мича гөлөс чум тырөн.

А гөсть вувзьысьөма чай вылө: пушкө, гөрд клеткаеяса турун виж свитерыс гөгйөдзыс кайөма.

Карп нөнялө кыз чигарка да сьөлөмсяньыс тшын кольчаяс лэдзалө. Гожся, дженьыд соска дөрөма, вөсни сойясыс зэв кузьбөсь, ош лапа кодь гөнабсь...

— Но, понимаешь ли, чайыд чайөн, праздник праздникөн, но ковмас и могөс ассьым висьтавны,— пуктіс чашкасө гөсть. Карп дорө матө нөрөвтчыштөмөн ставлы кылөм вылө шыасис Ёгор Васильевич.— Кор сэсся думайтанныд каралө воны?

— Бура кө вөрзявны... Верст комын-нелямынөн чарөм кузя... Вежон мысти воан, чайта,— мед не дзугны, буракө, кывьяссө мичаа торйөдлөмөн шуаліс Денис.

— Зэв вед спрөвора!— сөдзөдіс пинь пырыс да кымөс вөвтійыс бужгыльтчис дед вылө Карп.

— Мамтө шогөдысь! Гражданскөй дырйи тундрасө подөн помсянь помөдз вожмавлі еджыд банда бөрся вөтлысигөн,— өддзис старик.

— Тэ?! Банда бөрся?!— синъяссө паськөдіс рөднөй дедыс вылө Васьө.— Нэмнас на эн висьтавлы да...

Дед шпыньмуні:

— Эг ме, тэнад дедыд...

— О-го-го-го!— быттё тыртөм ведрө кучкалісны, го-раа серөктіс Васьө.

Гөсть лөсьөдчис пызан сайысь петны.

— Карп Кирьякович, ме вед тэкөд сёрнита. Вай шу

кыв, кор каралас лоанныд. Вежорам пасья колана кывтö.

— Воам! Кор колö сэк и воам!— кыпыда кöсьысис Карп.

— Июнь 20-öдыс медбөр срок,— кыв көрталіс гөсть.— Тимофейлы колö водздзык локны каралас, веттехникыс көръяслы прививкаяс вöчигөн оз тырмы. Да и медичкаыс на отсасыштас, гашкө.

— Да, асныравны, дерт, оз позь,— шыасис пельöссиянь Тимофей.

— Мытш, шурин! Ачым тöда!— шуис Карп.

— Ме ас вöсна тöдышта жö,— эрыштис Тимофей.

— Ладнö, огö кутö вензыны,— лабутнöя водзö нуöдіс сёрнисö Егор Васильевич.— Мый шуöма — вöчны. Каралын аддзысям.— И петіс.

— Тэ, шурин,— Тимофей дінö шыасис Карп,— стадасö караулитны сямман, а көзяйствоас төлкуйтан сöмын дадювса бык мында.

— Мыйла колö сёрмөдчынысö?

— Кывлін? Көрыс туй бөрö кольöма. Став колясыс эз кув. Лымйыс сылас, и бөр кокийв сувтасны. Найöс и öктыштам ас стадааным. Гөгөрвоин, шурин? Карплысь юр вемсö сизь эз кокав.

— Тайö өд, Карп Кирьякович, гусясьом лөб.

— Сідз жö зверь травитас,— мыйлакө кезнитліс бригадирöс, видзөдліс ме вылө да тшөкмуніс.

Гөстьöс колльөдісны ставөн. Кор пуксис дадь вылас да войөдіс дадювнас, ме юалі Öдя баблысь, коді, мися, сійö.

— Вась Егорыс? Партееч. Завыс фермаас. Сійö и тундраас мян вылын көзяиныс. Шань морт.

Гөсть волөм бöрын дзикөдз потіс вина гагныс зятя-шуриналөн. Оз сёрнитны и румка öтлаын оз пөрөдны. Вежон чөж чомным сулалө öти местаын, Тимофей да Карп та вöсна тшөкыда вензöны, зыксöны.

Тимофей кык асыв нин ветліс удж вылө чай ютөг. Марпа чойыс нарошнө дыр узьö, верöсыслы жö коклябөрö тувччалө. Ме куті водз чеччыны да Тимофейöс юктавны чайөн. Сэссия Öдя бабкөд öтвылысь дзоньталім пастуклысь нярмөм төбөксö. Тима көмасигас нинөм эз шу, гашкө, унзіль-вывсыс эз и казяв.

Ме сувта водз, нинөм ог керö да мудзтöгыс унмыд оз лок. Тешкодь, водан югядөн и чеччан югядөн. Öти асылө пон увтөм шызьөдіс мянöс, көрдор понмыд ройö оз увт. И збыль вөлөм гөсть локтö. Сыладорсянь жö матыстчис, кодарö мунліс Вась Егор. И дадювсö домыштис буретш

сійо аргыш бӱрас, кӱнӱ фермаса завлӱн сулавлӱс вежон сайын.

Ми матыстчим гӱсть дорӱ, дадь гӱгӱрыс сувталӱм, а воысь бара на кодӱскӱ быттьӱ виччысьӱ, мыш саяс видзӱдлас да юрсӱ копыртлас. Ӑдя баб дзик чужӱм дорас сибӱдчис, сюся-сюся дзоргӱ, сӱсся тай нюжӱдас:

— Ми-и-т-рей! Мый нӱ нин? Бурьсь али лӱкысь тайӱ?

Воысь эз сӱрнит, тыдалӱ, мыйкӱ лов вылас абу лӱсьыд. Перӱис шӱвк табак кӱшельсӱ да кыз чигарка гаровтӱс, ӱзтысис да вӱлисти киркигыр, быттьӱ йна ваӱн прӱстуди-тӱма голисӱ, шыасис:

— Вась Ӑгор вед кулӱма! Дадь вылас пуксӱн и сьӱлӱмыс сувтӱма.

— Ойя да ойя!— кыкнан кисӱ енӱжлань шевкнитӱмӱн лыддӱӱдлыны кутӱс Ӑдя баб.— Беднӱйӱ! Несчаснӱйӱ! Жальӱ, Ӑгорӱ-ӱ-ӱ...

Ми Марпакӱд бабӱс кутӱм сойбордьясӱдыс да лӱньӱдам, мися, эн асьтӱ весьӱпӱрт, он нин Ӑгор Васильевичтӱ бӱр ловзӱӱд.

— Рӱд, гашкӱ, вӱлӱ, бабӱ?— кызни верма мелӱджыка юася.

— Абу рӱд эськӱ да, мада... Сват лоӱ жӱ ылӱсянь. Зӱв нин прамӱй нӱӱр вӱлӱ, медбӱр кусӱксӱ вомсьыс йӱзлы вӱзьяс... Отсалас нин мый вермас мортыдлы...

Пуксьӱдӱм Ӑдя бабӱс дадь вылӱ, валерьянка доддьясь перӱи да юкталӱ. Баб аслас гӱлӱсӱн нин шыасис:

— Кызни нӱ кулӱма? Ӑнӱ нӱ кыз сьтӱг, кӱр видзысьяслӱн ӱд бур юрыс оз ло.

— Тима Вис дорысь аддзисны. Пырзӱма нин, даддяс куткырвидзӱ, юрыс морӱс вылас лӱччӱма, веськыд кныс шуйга морӱс дӱнас кынмӱма.

— Сьӱлӱмыс!— артмис менам.

— Сьӱлӱм вылас, коньӱр, вексянь норасис!— сыркму-нӱс Ӑдя баб.

— Поньясыс пӱ кыкнаныс сӱнӱсь: ӱтныс дӱнас, дадь вылас, мӱдыс бокланьын кӱин моз омлялӱ. Кӱрьясыс ловьяӱсь и, вӱжжисӱ крепыда кын кнас гаровтӱмӱн кутӱ.

— Тӱдӱс ли мый ли... Ме пӱ татчӱ тундраас и кула, кор юалан, серам вӱчлывлӱс... Кылыс вӱтӱс, мадаясӱ,— нюкрӱдлана лыддӱӱдлӱс водзӱ Ӑдя баб.

— Тӱгӱть! Тӱгӱть! На тӱд!— друг кывсис Қарплӱн чорыда горӱдӱмыс. Сӱйӱ чужьялӱс чим сьӱд кузь гӱна понсӱ гӱстьлысь, кодӱ вӱлӱм сылысь понсӱ пурӱ.

— А-а! Митрей тай,— увтыртӱгмоз шыасис Карп.— Мо-гӱн?

Некор на ме эг кывлы ижмасаяслысь, медым пырысьён гостыльсь могсё юалисны. Быдён казяліс, бригадир кыськё локтіс вирвыв ош кодь скёр.

— Ёгор Васильевич кулёма... Да ещö йöзыс нин кока-сянінысь. Тшöктісны корны Тимофейöс да медичкасö да...

— Мый нöшта «да»-ыс? Шу!

— Асьтö тшöтш стаданас зэв виччöны. Тулыс öд сёр-мис-сёрмис, а öні со кызди таялö.— Митрей виччысис Карплысь воча кыв, а мöдыс чайшö-пöрччö кокъяссьыс кыса лямпаяссö да скöралö.

— С-суи кö эськö, места выланыс че-чергöдалі, менсьым юасьтöг стадасö гөнитöны-тойлöны!

— Ой, ой! Карпушко, йöз сёрнисэ тай нин он кыв. Вась Ёгор öд кулёма,— лывкйöдлö Öдя баб.

— Куліс кö, олөм вылысь нин,— шуыштіс Карп.

— Мый нö тэкöд, Карпушкой, лоёма?

— Он öмöй гөгөрво, пöрысь, ме-менсьым юасьтöг пастукъяс стадасö тойлöны каралö!

Гöсть чай ютöг муніс мян чом дорысь, öбидитчис, тыдалö.

Сэсся коркö чом дорö воисны Тимофей да Васьö, чöла лэдзалисны дадювьяснысö.

— Мян нö бур юраыс кöні?— бöрдөмсьыс чирөм гөлөсөн юалис Öдя баб.

— Сійö кольччис. Стадаын дед,— вочавидзис Васьö.

Чомйысь муош кодь пöльтчөм петіс Карп, буракö, скөр йывсьыд пöрөдöма нин стопка.

— Коді тшöктіс? Ме тиян петкөдла!.. Ті али мый бригадысь? Öтвечайтанныд, мыйкö кö лоö!..

— Веґ нин пöра, зять,— лöня, но ясыда шуис Тимофей.

— Мый нин пöра? Ноко, висьтав!— ыджыд да ён Карп вевттис мыгөрнас шег кодь Тимофейöс.

— Йöз моз тэ верман юасьны? Эн чеччав — ог полöй,— и ме дорö вешіис Тимофей.— Вась Ёгор на кулёма и.

— Тэдсö нö мый, кулі кö?— дэльöдчана юалис Карп.

— Ми мыжаöсь жö... Кольччим вөрö да сійö татчöдз косавліс...— ыпьялö тшöтш чужöмыс Тимофейлөн.— Йöзлысь пастбищяе травитам. Яндысьны колö.

— Мытш! Тэнсьыд оз юавны!..

— Ме, навернö, зять, муна дзикöдз ті дорысь,— кызд кымөртөм поводдя дырйи зэр, виччысьтöг юөртіс Тимофей. Ставөн чөв усисны. Карплөн чужöмыс серөссис.

— Муна мөд бригадö. Юр сюяніныд быдлаысь сюрö.

— Но, ладнö, шурин. Эн сөр, мый оз ков. Пара лата

горт пөв вылас ковмас сетны Ёгорлы,— шай-паймунома Карп.— Чай юам и өні жө туйө. Майбыр, век югьд, лун көть вой.

Тимофейлөн чужөмыс пыр и югдiс. Горалiгтыр найө пырисны чомйө Васьөкөд нуръясыны.

ИӨЗКӨД АДДЗЫСЬӨМ

Коймөдысь нин вөрзимө. Аргышъясөн буза-базакалысь толаясөд кыскысьөм бөрүн чомнымөс сувтөдам лымйысь мездысьөм, быгалөм гөрд мылькъяс вылө. Миян аргышъяс бөрся кольө уна километр кузя гөрөм уль лым. А мыльк вылысь сира төбөк нырөн чужыйштам мусө, и гөрд бус лыбө паныд. Отарсянь и мөдарсянь мича лөзөн волялөны яр шондi улын кузьмөс, гөгрөс и змей моз веглясысь тыяс. И лымйыс кажитчө лөз рөмаөн.

Ясөвөялө мянлы, туйсө индө, Денис дед, нярмөм каюр маличаа, куш юрсө вевтьөма вижөдыштөм пеггу шапкаөн.

Тимофей да Карп өні оз нин дузъявны өта-мөд вылө, зiля өтвыв тойлөны стадасө каралө. Карп, мем кажитчө, весиг мелiасыны кутiс ставкөд и торъя нин Тимофейкөд. Ачыс курччасысь вөв моз жеръялө, а кывйыс мавтө выябордөн.

Унджык кадсө ми мөвпалам ас кежын, аргышъяс өта-мөдысь ылынөсь. Водзын аслыс төдса ордымъяссө чульөдлө Денис дед, шөрас ми Марпакөд, бөжсө сигөртө Одя баб. Вөрзям водз асывсянь, витшкөны додь сювъяс, нюркйөдлөны нэмөвөйя сыланкысө. Лун шөр бөрүн ясөвөйным вайөдiс мянөс ыджыдкодь мыльк вылын дөввидзысь кык чом дорө. Сэни бергалiсны уна йөз да дадюлаяс. Дерт, ми висьтавтөг гөгөрвоим: танi бөръя туйө колльөдөны Вась Ёгорөс. Öти чомъяс некутшөм көлуй абу, көр волясөн вевтьөм джекъяс вылын куйлiс покони́к. Йөз пырис-петiс, прөщайтчис пыдди пуктана морткөд. Мужичөйяс пөвстысь кодсюрөяс чышкышталiсны син доръяссө, а олыштөм ныв-бабаяс гора лыддьөдлiсны, бөрдөдiсны покони́ксө. Мөд чомйын лөсьөдөма тундраса сөян-юанөн пызан, мед бура казтыштны кулөмаөс.

Куим мужичөй стружитiсны горт пөвъяс, норасисны, оз пө тырмы, Карп перйис доддысь да сетiс кык лата, вель паськыд кузь пөвъяс.

Кузь тушаа мужичөй, кодөс шуисны Павелөн, висьталiс, регьд пө локтас вертолет и лэбөдас Ёгор Васильевичөс чужан сиктөдз, сыөдз пө ставсө колө лючки эштөдны.

Павеллысь быдён кывзысисны, сійö, буракö, öнi лоис фер-
маса завнас. Горт вöчысьяс дiнö сюртчис тшöтш мян Тимофей.
Кыла, эз нин öтчыдысь горт вöчысьяс шыödчывны
Павел дорö, зэв гырысьöсь пö кöрт тувъясыс да пöвъяс
потласьöны. Дерт, начальниклы посниджык кöрт тувсö
некысь сюрöдны. Сiйö чöв олис. А Тима аддзис петан туй-
сö, пу тувъясöн пö ставсö йитлам.

Вертолёт воис рытгорув, ыджыд шумөн пуксис орчча
мыльк вылö. Еджыд горт кöр видзысьяс пыртiсны кöрт ла-
бич гыркö.

— Прöщай, Вась Ёгор!— öттшöтш горöдисны Денис дед
да Öдя баб.

Меным вöли шог жö: öд со медбöръя здукöдзыс мортыс
вийсис-уджалiс. А ме, медичка, немторйöн эг вермы от-
савны.

КОКАСЬÖМ

Кöр кокавны — сiйö лоö стада лэдзны карал пыр да
кöръяслы вöчны прививка, медым гожöмнас эз паськавны
кокасьöм висьöмъяс.

Выль завыс каралö кыскис Тимофейöс да тшöтш и ме-
нö. Дерт, сэтчö чукöртчисны уна йöз: веттехникъяс, кыдзи
Тимофей, вöли и ветврач, чöв олысь дзор старик, рабочöй-
яс. Вель ыджыд коллектив чукöрмис. Ме первойсö ду-
майтi, мый, мися, и керны та мында йöзыслы! Но уджыс
ставлы ликмис пöттöдз.

Медводз мужичöйяс дзоньталiсны каралсö, кодöс лö-
сьöдöма кык ты костö. Стадасö веськöдöны тыяс костö, оз
и казявлы кöрыс, кыдзи веськалö ыджыд йöр пытшкö.
Сысянь йöткöны мöд йöр пытшкö, кодлөн вомыс векныд-
джык да сiйöс позьö пöдлавны. Со стада местаын. Водзын
бара на ичöтджык йöртöдъяс. Меддзескыдинас, кодöс кöр-
зина моз кыöма вöсни бадь ньöрысь, «кокалöны» кöрсö.
Прививка вöчöмысь кындзи каралөн и мöд мог — лыд-
дыны кöръясöс, пасйыны, кымын выль теля чужис,
ыджыд-ö лоины воштöмъяс. Уколалöм кöрыс кузь коридо-
рöд котöртö ыджыдкодь йöрö, сы бокрын сулалö бригадир
да горзö точкысьяслы-пасьялысьяслы;

— Хора!

— Важенка!

— Намнюку!

— Нялуку хора!

— Сырича!

Дзескыд камераын зыка удж. Вийся, ачымöс ог жалит:

варыш моз сатшыкыся вийсысь кӧрлы сьыліас да сывъяла. Вынаджык кӧрыд менӧ чышъянӧс моз летйӧдлӧ. Сэсся кутшӧмкӧ мужичӧй отсӧг вылӧ воас, нетшыштас водз кӧкӧдыс, да менам кӧрыд буса му вылас нюжмунӧ. Сэки перъя вакцина да укол вӧча: нетшышта гӧнсӧ сьылісьыс, кушӧда кучиксӧ, йодӧн мавта и — укол. Вынаджык пастукыдлы нинӧм оз сулав кӧртӧ бертны: тшапкас тшӧкаӧдыс да жмитас кӧрлысь юрсӧ аслыс морӧс бердас. И яр зверыд рам кукань кодъ лоӧ. Но век жӧ сувтса кӧртӧ уколалігӧн медся на ёна колӧ виччысьны, вермас водз кокнас чапыштны, дойдны асьтӧ либӧ кисьтас вакцинатӧ. Эз ӧтчдысь та йылысь меным дольлы Тима. Да и уна мукӧдторйӧ сійӧ менӧ велӧдіс.

Уджалам водз асывсянь сёр рытӧдз, позьӧ шуны, усурмунтӧдз. Мукӧд стадаас кык тысяча сайӧ кӧр, быдӧс колӧ кутлыны. Он пытшьясӧс кутав, а визув зверьясӧс, торъя нин мудзӧны пастукьяс. Шойчӧмыс вичмылӧ сӧмын сэки, кодыр стада воигьясӧ кост овлӧ, лун ли мӧд ли. Кык лун шойччим, виччысим Қарплысь медбӧръя стадасӧ, весиг Павел да Тимофей корны ветлісны. Қарп зэв скӧрысь понмалӧмӧн суйис стадасӧ каралӧ. Шондіа жар лун веськаліс; июнь помасьӧ, турун вежӧдӧ, корьяс сярвидзӧны. Уджалам, пӧсь кисьтам. Қоркӧ и пажын кад воис. Зэв виччысяна кад быдӧнлӧн. Сёян кӧр начкыны индӧм мужичӧйяс тільӧны-пӧрчӧдӧны кусӧ Қарп стадаса медся шылъыд да паськыд мышкуа хапторкалысь, йӧз ыткӧбтіс бипур дорын ноксьысь пӧвар дорӧ, а ми Тимакод лэдзим ки помысь кокалан камераын медбӧр кӧр да вӧлисти, кызди видз вылын зорӧд чӧвтысьяс, тэрмасьтӧг, сэтчӧ жӧ довгим.

А кӧр туша дорын нурьясьӧны нин! Сёморӧ! Пуртӧн вундыштӧмӧн и вир сорӧн няклялӧны. Бы-ы-р-р! Ме тӧда, кӧр видзысьяс оз вермыны уль сёянтӧгыс, айбарчтӧгыс. Но шоньд кадӧ! Кодыр сы мында стада таті прӧйдитіс. Быд сикас бактерияыс вермас сюрны. Уськӧдчи торкны лӧкторйысь, ӧвтча, горза:

— Мый ті! Дугдӧ! Ковьяс! Ехинокок сюрас. Дугдӧ, мися, дугдӧ!

— Ох-ох-хо-хо! Медицина, эн виртӧ ми вӧсна пустӧ портит!— гӧрдлӧ чань моз Васьӧ и тшӧкьялӧ тыра вомӧн серамысь. Гыгзьӧны и мукӧд кульсьысьяс, нарошнӧ ме водзын дэльӧдчӧны.

— Ы-гы-гы! Кутшӧм бара ехинокок? Ен мед видзас, нэм сёям да... Тайӧ тай!— горалӧ пач пӧдан пасьта гӧрд чужӧма мужичӧй.

Но мый сэсся керан! Окота шошаӧдыс быдӧнӧс кыскы-

ны уль яй сёйысьясёс, гёграла, куысь пета скёрла, а дзик некод менё оз казав. Эг терпит, ки пёлөдныс кыскалі яй туша дорысь... Қывзысисны вед: некод сёсся виль пөв туша дорас эз матыстчыв, пөвар гёгөр чукөртчисны ставон... Пөвар көрт кружкаясөн, дзик тырөн, быдөнлы мыччалө гөсөн кенясьөм яя шыд. Парьястө чишкалысь көрт кружка дор пөлялан, виччысьөмөн ньылалан чөскыд көра шыдсө... Небось сёйсьө ывла вылад, кор сола пөсьөн көтасьөма мышкуыд!.. Сёйигмоз апалан тшөтш морөс тырөн небыд тувсов сынөдсө.

Қарал гёгөр му эжыс кульсьөма, талясьөма, кыдзи мөс видзан йөрын, чорөгөсь, гөптөсь... Мужикьяс пукалоны ас уланыс кокьяс сюркнялөмөн, нывбабаяс кокьяснысө нюжөдөмөн. Сөмын Васьө өтнас бокинджык пукалө да вильөдө уль яя ордлы. Вильөдчө и аскөдыс сёрнитө, но өтлаын пукалысьяслы зэв бура кылө.

— Уль яйсө кө көр видзысь эз сёй, век нин кыссө нюжөдіс. Эк, Люба, Люба! Яндоыд, яндо жө и эм! Уль яяс став витаминис. А вир кө юан — өш кодь лоан.

Чөв олі да топөдчи, а сёсся эг вермы терпитны, чепөсйи Васьө дорө ньөв моз, тшапки кысьыс йиран ордлысө да тыө лөбөді.

— Эк, Люба!— ышловзис Васьө.

— Қор нин миян кодь мөртөн лоан?

— Васьө, лок шыд паняв,— корисны йөз. Но Васьө быттьө эз и кыв, вешйис расланьө да водіс. Ланьтіс, буракө, унмовсис. Шыд сёйим, чай юим и кылам: Васьө ымзыны кутіс, кынөмас кутчысьөма да лөкысь веглясьө, весиг кок йылас сувтлө, быттьө няртала зэлөдө, вой көрөс кутө, сёсся бара жбун усяс. Вылө чеччыштас и траски шыбитчөшмоткысьө, быттьө холераөн висьмөм көр.

— Йөйылдөн йөй кодь и висьөмыс,— шунс кодкө. Ме повзи, видзөдлі йөз вылө: со, мися, уль яй сёйөмыд кыдзи на бергөдчыны вермас.

Босьті лекарство да матыстчи висьысь дорө, мися, кыті топөдіс, со чө, кынөм увсө зырало. Видзөда да, абу быттьө дундөма кынөмыс. Лекарство мыччи, а сійө кыдзи кватитас киөд да дзимбыртас менө ас улас.

— Ти-има!! Ти-и-ма!— горза.

А Васьө песө лы-сьөмөс да зильө окавны. Тима отсөгөн өдва мынтөдчи, сүйышті зонлы кальк вомас көр нитшсө.

— Тэныд, Василий, збыльысь колө вакцинасө сүйны,— скөрысь шуис Тимофей.

— Мый нө тэ сүйсян, гашкө, Любаыс менам гөтыр лөб,— ырыштчис Васьө.

— На,— вайёді ме сылы ныр улас кабырөс.

Сэсся бара уджө кутчысим. Бергөдлам коньөр көръяслысь сьылдзирсө, кыз емөн укол варскөдам, бус лыбө и гөн лэбө.

— Сэтчө и зык пансис.

— Ок и руч! Ок и руч, но и сөбака! Кык син костсыд ныртө гуас,— көритө Карпөс отырышъя чигарка нёнялысь, вийөр пельпомъяса, ичотик пастук Митрей, коді Вась Ёгор йылысь юөрөн воліс мянө. Сійө Карп стадаысь ассыс вошөм көръяс смекайтө.

— Ме-ме-нам тайө көрыс,— асланыс нетшкө көрөс Карп. Митрей асланыс жө. Көрлөн пельыс пасйытөм и збылысь сьөкыд шуны, кутшөм стадалөн сійө. Матыстчисны на дорө Павел и Тимофей.

— Тайө, зять, Митрейлөн көрыс,— лөня шуис Тимофей. Карп пыр жө дугдіс горзыны.— Ш-урин син улысь нинөм он дзев. На, Митрей, джагай,— мый вынсьыс сөтыштіс Карп көрлы коскас, сійө лигышмуні, төкөтьө коскыс эз чег.

Тадзи Тимофей отсөгөн Митрей кыкис Карп горшысь некымын көр, домаліс гезйөн дадь бөжас. Бурмис сьөлөмыс пастуклөн, Тимофейөс ошкыны заводитіс.

— Вась Ёгорыс водздзык куліс, эз удит Тимофейөс партияс суйны.

— Партияс оз суйны,— шыаси ме.— Сійө тэныд абу карал. Сэтчө корөны либө шыөдчөны.

— Всө равно. Тимофейыд справедливөй,— кайтө Митрей.— Карп начкас тэнсыд көртө и асьтө жө гөститөдас, синнас оз лапнитлы. Тимофей сы ног оз вермы.

— Мытш! Митрей, лы-сьөмтө иза!

— Он лысьт, тані, начальствоыс матын.

Сёр рытнас помалім Карплысь стада кокалөм. Бара тшөг хапторка начкисны да мужичөйяс айбарчасисны, менам эз нин тырмы эбөсөй накөд водзсасыны. Шыд кружка юи да довги нейджыд керкалань, көні наръяс вылын узьліс мян каралса бригада. Көть мудзи ёна, сьөлөм вылын вөлі кыпид, сьөкыд удж помасис. Мужичөйяс узьлісны улыс наръяс вылын да джоджын, нывбабаяс вылыс наръяс вылын. Нюжөдчи нар вылө и пыр жө унмовси. Регыд сьөкыд вөт заводитчис.

Бытьтө кыз му улын куйла, ки-кокөс вөрзьөдны ог вермы, кыла, менсьым уна пөвста паськөмөс кодкө пөрччөдө, кынөм кузя, бекъяс кузя кияс визлалөны. Кыдзкө-мыйкө клеитчөм син лысьясөс паськөді. Коді нө тайө? Пель дорам пошкө, коскысь вөнөс разьө и менө бан бокам окалө-чуп-

йөдлө. Сө морө: Васьө! Бабаяс костө суйсьөма... Мый нө сийө менө песлалө?

— Чөв! Любуш, жальө, ставыс узьөны...

Васькө көрт асыкөн топөдөма менө морөс бердас. Öдвa вeськыд кийө прөстмөдi. Буракө, дзыкөдз зверми, звирк пукси, синъясөс арышти да кыз тай вeськыд кинам став вынысь зутшварта Васьлы рыжөй тошка тшөкаас, гирилюки тутис нар вылысь, грывгысис джоджө, быттьө куль мешөк, керкаыс быдсөн йиркмунис. Йөз садьмисны, оз гө-гөрвоны, мыйла Васьөлөн нырсьыс виялө вир. Юасьөны Васьөлысь, а сийө нускө, нырсө кыскалө и кыв ни джын оз шу. Ме жө нарошнө синъясөс куни да куйла.

— Люба Ивановна! Висьысь эм! Мыйла нө он чеччы?!

— Аслас корсьөм висьөм сылөн.

Йөз серөктисны да и ланьтисны, бара кыз ун найөс личкис.

ГОЖСЯНИНЫН

Ашөр ногөн бергөдчис тундраса дженьыдик гожөм. Не кө лөдзыс да номйыс, пастукьяс ног — «грезсьыс», эг и казавлөй шондibanөс. Торья нин ёна нөйтчө көрыс лөдзсьыд, жмитчас стада өти чукөрө (тундра вылө), чушкө-пошкө көрыд, жарасьө, синъясыс код мортлөн кодь гудырөсь. Видзөдан пемөсьяслөн майшасьөм вылө да быдсөн жальыд петө. Медым кутшөмакө отсавны көрьяслы, пастукьяс босьтөны көр воль да матыстчөны стада дорө. Павкнитан вольсө му вылө и ачyd дорас лэдзчысян, киад тасма либө бeдь. Медся окотапырысь лөддзыс пуксьө еджыд воль вылө. Начкөм лөдзсө быдөн өктө торья тазйө — колхоз тайө уджсьыс мынтө торья дон. Ёна зильө тани Васьө, сийө быд лөдзлы вачкигөн горөдө: «Гад!» Гашкө, и мөд помка вөсна Васьөыс зиль лои — сийө виччысьтөг гөтрасис. Вежон дурис, быдөнкөд видчис. Сэсся кытчөкө вошлис вежон кежлө и том ичмоньөс вайөдис, банйөм чужөма изьватас нылөс.

Гожсянинын чомьяс өта-мөдысь абу ылынөсь. Волөны өтка бригадаясысь пастукьяс и нуөдлөны менө асланыс чомйө, көть көр видзысьясыд кызвыннас дзоньвидза йөз, но гежөдика шыасьлөны жө медицина дорас. А өти чомйө мөдөдчи ачым дадюлөн. Кык лун сийө бригадаас покси чом тыр посни челядькөд; гөгөр видлалі, мамъясныслы мыськыны тшөкті да паськөмнысө вежны. Вeськөдчи гортө, ас чомйө. Карп шуис мунигөн, вермас пө лоны «вөрзьөм», водзө мунөм. Карплөн чом быд асыв дөввидзис джуджыд-кодь мыльк вылын. Көть тыдалө, но мунны колө вель дыр.

Иёзын кык лунсö олігкості öтарö зэрис, а туйö петігөн дзирдаліс нин ёран шонді. Кевмисны быдөн бур туй, но эз тай сідз ло.

Тундраад важ туйтö таявны абу кокнитор, менам, тыдалö, бокö кежсьöма, син водзысь чомйыс вошис. Рытладорыс личкис ру, и ме шойöвоши, пукси дадь вылö, виччыси ру потöмсö. А сэсся кутіс шливгыны-зэрны, чужöм кузя визлалö няйт ва. Вазьöм муыс быдзакылö кок улын. Шливгö и шливгö, ной паркайй вылысам лои пуд сьöкта. Со быттö омöлика югдыны кутіс. Ме лёкысь горза, весиг корсюрö ырöстлывлывла, но тöда, кöинъясысь кындзи некод оз кыв ливзöмöс. Йирмөг босьтö, чеччала домыштöм дадюв гөгөр. Гашкö, войбыднас ог кув ли мый ли? Некодлы тай, чайта, лёксö эг керлы, сөвестьöй йöз водзын сөстöм. Мыйысь меным татшöм неминучаыс? Гөгралышта дадюв гөгөр да бара чуксася бöрдігтыр. Шы ни төв. Ох, кöдзыд! И пола ме помтöм-дортöм тундраын. Он тай небось узь, пельöс чошкөдöма. Бордьясөн шутьлялігтыр лэбис юр весьтти утка кельöб. Матын кыліс мукöд лэбачьяслөн бордьясөн сьöкыда шлапкөдöм, буракö, дзодзөгьяс. Быд боксянь кылö уткаяслөн герчкөм, öд тыяс костса мыльктор вылын ачым сулала. Со бара: вук, вук! Вук, вук! Тайö ас позсяньыс вукöны кыньпиян, мамнысö чуксалöны, кöнкö абу и зэв ылынöсь. Майбыръяс! Сэсся му улысь моз горöдöм шы кылі. Ачым мый вынысь горзыны заводиті. Дугдыла, здук кывзыся и бара горза. Сьöлөмö меным быттöкö токөн лыйыштіс: веськыдладорын кодкö эм! Пасьмунöм ру пырыс аддза — ты мөдарас кодкö вуджрасьö. Ош, гашкö, да? Дрöж босьтліс весиг. А вуджöрыс матыстчö, медбöрын мортö пöри.

— Ой, Тима!— котөрөн уськөдчи локтысьлы паныд, сывъялі да сыркъявны-бöрдны куті, Тимофейлысь дзоньнас морөссö кötöді. Тимаысь любöыс тайö здукас меным некод эз вöв.

Вöлөмкö, Карплөн бригада асывнас разьöма чомсö да вөрзьöма выль местаö, сы вöсна ме вошти сійöс ош син улысь. Нывбабаяс ропкöны, Люба пö воас да кысь чомсö аддзас. А Карп быттö кывсö нылыштöма дай пельтöм-мöма. Сэсся шуöма: гашкö пö, кор на воас медичкаыд да, төвсö тани виччысьны ог кутöй. А Тима абу вунöдöма менö, чом местаас виччысьöма, сійö бригадаас ветлöма, кысянь талун асыв ме туяс петі. Шуöмаöсь, муніс пö, сэсся и корсьысьны заводитöма.

— Зэв нин, буракö, Карплы колö вöлі вөрззынысö?— кöритана юалі Тималысь,

— Ме думысь, мортто виччысьыштны пыр нин позис,—
өзйис сэтчө и Тимофей, коді бөръя пöраас, мем кажитчө,
збойджык ннн лоöма.

— Код тодас...— нурбыльтіс вомгорулас Тимофей да
содтіс:— Унаысь тай сійö вунöдлывлö йöз йывсьыд...

Чомйын зэв радось лоины менам воöмлы и лöглунöй
пыр жö кытчöкө сыліс. Воча, сө во аддзысьлытöм быттьö,
кияссö нюжөдöмөн, уськөдчис Öдя баб.

— Ойя да ойя! Воин! А дедным вед этша эз дикмы,
этша эз!

Денис еджыд чышъянөн төбөм чужöма, веськыд бан
бокас кыкнан кинас кутчысьöмөн шöйтіс да копрасис чом
дорын жö, ымзö, пинь висьöм тшапкöма.

— Медичкаыс вед воис, кöзяин! Пинь кыскысьыс
Люба!

— Ог, ог, пола!— Дзөрөдö тошсö старик.

— Эн челядьясь, кыскы.

Аслам жö сьölөм кок пыдöсам лэччис, некор на вед
нэмнам пинь некодлысь эг кыскыв, ассьым сöмын öтиöс
перйылісны, а öд татчö торъя сиссьулун колö, но, и öтка-
житчыны абу лöсьыд.

— Гашкö, сідз бурдас,— öдва кылыс артмö Денис дед-
лөн.

— Кыскы, кыскы, лөксьыс бурöс нинöм виччыны,— са-
масьöма старик дорас баб.

— Гашкö нö, пинь капляөн,— ылөдлö дед.

— Кыскы, мися... Мужик, полан! Ме ставсö кыскалі,
ыджыд öчередь сулалі... Öні аддзан!— и баб дедлы жер-
нитліс югъялысь көрт пиньяссö.

— Нö, ладнö, бара инö, старука, кывзыны тэнö ков-
ссылас...

Мем бöрыньтчыны вöлі оз нин некызди позь.

— Пуксьы, дедö, куд вылас да топыда кутчысь,— ве-
лöда ас думысь.— Тэ, бабö, юрсö кöзяиньдысь кут топы-
да... Дед, эн пов, ме сöмын видлала... Гашкö, ог и кыскы,
пинь капля пукта, зэв кө сись, сись кө нö, кызди клещинас
босьтан.

Быттьö зэв прамöй кыскысь велöда, а ачым мудерита.
Спиртовка вылын дезинфицируйті пинь клещи... Колö шу-
ны, пиньсö кыскыны сө збыльысь вöлі мем зэв неокота.
Теория серти быд пинь вылö колö торъя клещи. Но тани
ме öтнам, и клещиыс öти жö, коланасö кысь босьтан.

— Нолы, пиньтö видла... То нö, то нö!— Денис дед и
ымöстны эз удит, кызди ме сусьмөдчи да зэв öдйö кутчы-
си клещиөн индöм пинь дорö, нетшышті зэв збоя. Кокниа

и шедіс, мый клеши улас веськалі. Дед юалана видзёдо ме выло, эштис пё, то пинь вылас, коді клеши помын на вёлі.

— Карп гозъя вёлі шуасьоны, нем пё оз куж яндойд. Со кутшом ойдё дедлысь вомсё прөстмөдіс,— ошкыштис менё Одя баб.

Ме ог гөгөрво, мыйла дед чуньнас клеши дорё зурөдо. Видзөдлі бурджыка, акниті: кык пинь тшөтш кыскысьома. Куті видлавны клешисё ныр улө вайөдомөн: сідзи н эм! Шомөдз сьодасьом кык пинь өтлаасьомны, йитчөмны. Сы вөсна и кык шедөма, көть клешинас өтиө кутчысьлі.

— Кык кө и кык,— сьолөм сетіс баб,— этшаджык мөдысь кежлө коліс кыскынысө.

КӨР ВИДЗЫСЬЯСЛӨН ТӨЖДЪЯС

Пашляк көдзыдъяс дырйи мян стада пырис төвся йирсянінъясө, Изьва дорса ягъясө. Райздравын меным пыр жө сетісны отпуск и ме бара овмөдчи Катерина пөч ордө, сылөн шоньд да сөстөм вышка выло. Катерина пөч дорө, коді менө асьыс нылөс моз колльөдіс тундраө, эг жө куш киён лок, вайи бөчка тыр тундраса выя пелядь (Тимакод тывъясьлім да солалім). Ещө козьналі пөрысьлы, медым кокыс эз кынмы, том көр куысь вурөм кузь гөленя гөна чулкияс, чомсаяс ног, липичаяс. Одя баб да Денис дед ыстісны сьөд пегжуяс, кык вежонся теляясысь мича куяссө.

Ола сиктын. Со и шонді бергөдчис тулысланы. Көр видзысьяс бара тундраө петөм йылысь сёрни панісны.

Көр видзысьяслөн совещание воссис районса культура керкаын, важмөм ыджыд пу вичкоын. Көдзыд ру тшын моз пырис шоньда ломтөм залө, помся дзуртісны сьөкыд өдзөсьяс. Кинотеатрын моз бөрланы кыпалысь джодж, уна радөн сярвидзисны бур пуклөсьяс, пыранінас збоя уджаліс буфет. Ру пытшкысь мыччысялісны са кодь сьөд малича юра мужичөйяс, лым еджыд юр выланыс алөй лентә шыркөтша нывбабаяс. Сиктсаяс бара жө тшапитчөны пушыд пегжуысь вурөм шапкаясөн, нывбабаяс — пліс пальтоясөн. Изьваад праздничайтнысө ёна радейтөны.

Пырөм мысти ме здук гоньялі, төдсаясөс корси. Син улам уси гөрдөдны заводитөм важмөм малича юр, сідзи н эм — Тимофей. Пукси сы бокө. Тимофей гыррдза вылас тшөканас лэдзчысьомөн мөвпаліс, меным гогнитыштис юрнас да шпыньмуні мыйлакө.

Сцена шорын бархатон вевттьом кузь пызан сайын пуклосъяс тыртёмось на.

Коркө-некоркө кузь пызан сайо петис съод костюма, куш юра морт. Гыалысь саридз кодь зал ньожийо лонис.

— Иван Васильевич, райисполкомысь предыс,— пелям шопнитис мем Тимофей.

— Колө бөрйыны президиум.

— Няша Пашо!

— Правильно!

— Карпо!

— Правильно!

Зал горзис и клоподис княснас.

Карпо сцена вылысь аддзём бөрүн менам съолөм ёкмунис. Тимофей выло видзодли: чужомсо дзебо. Яндзим сылы, буракө, зять вөснаыс.

Трибуна выло сёрнитны петис польдчөм чужома, ыджыд кынөма морт, ме сыкод төдса нин, Семяшкин, районса видз-му овмосон веськодлысьос вежысь. Мотор моз, голөссо вежлавтөг, лыддис докладсо Семяшкин. Залын кутисны вугравны. Менам вежорө сомын и колис: медся бура уджалөма став коллективьяс пиысь, корлысь юрлыд содтома, план вевтыртома Карплон бригада. Медся бур бригадирыс вөли и эм Карп.

Ме кыйкнитли Тимофей чужом выло, сийо важ моз на юрсо лэдзөма да синсо куньлалө, оз ли мый ли кывзы, узьо нисьо оло. Ме тувкнитышти гыррдзанам бокас, сийо веськодпырысь бергөдчылис мелань да вөйпис, ог по од узь, кывза по.

— Вопросья!— шыасис залө собрание нуодысь Иван Васильевич. Кор видзысьяс этша сёрниаось, но веськыд йоз, мый эм съолөм выланыс, синмад шуасны.

— Некутшөм план абу пастбищяс вердөм кузя, кодэ кызди косийо — сидзи и оло,— чилзис кодкө борья радсянь.

— Правильно!

— Сидзи и эм!

— Колөны вель пастбищяс.

— Мукод пастбищяс тандара кодь нин.

Иван Васильевич лыбөм зыксо чөлөдис колөкөльчикон.

Сэсся трибуна вывсянь сёрнитис Няша Паш, аслас төдөмлуньясон тундраын паськыда нималысь морт, уна бур совет сетис, кызди водзө йирсяниньяс бурмөдны. Кывзисны сийос зев сюся да дыр клопайтисны.

Сэсся трибуна выло кайис Карп, чужомыс төвся шонди кодь гөрд, дарьясьома, оз мыктав.

— Таво ми пуктім став вын, мед сохранигы пого-
ловье. Оно у нас сей год бур. Веськыда шуа, от ошйысь,
миянлы, кызди ті тōданныд, ёна отсалісны районса юра-
лысьяс, налы ыджыд аттё став қор видзысьяс нимсянь.

— Охо!— кыліс залсянь.

— Тэнад тай мыйкō вывті пин бур ставыс?!

— Мудер руч да, дерт.

— Колō кужны да оз ков узны,— вочавидзис Қарп.

— Ещō коді мōдō сёрнитны?— кыпōдчис Иван Васи-
льевич.

Ме йōжгыляси-йōжгыляси да школьник моз лэпти
кйōс.

— Кыв сетсьō...— председатель джōмдыліс, ейō, ты-
далō, эз тōд менō и юаліс отылысь, сэсса мōдлысь и сы
бōрын сōмын юортіс:— Лудыковалы... Медработниклы...
Висьталас тундраын медицинскōй проблемаяс йылысь.

От ме тōд, кызди муні залōд, кайи джуджыд пос кузя,
лои трибуна вылын.

— Дона ёртъяс!— ме джōмді, колана кывйыс оз сюр.

— Давай, давай, медицина!— горзō кутшōмкō бузгун
дядьō.

— Эн пов! Петкōдлы.

— Сёрнитōй, Лудыкова ёрт, ми кывзам,— ышōдіс Иван
Васильевич. Сылōн восьса нюмысь ли мый разьсис менам
кыв-ворōй.— Ёртъяс! Ме кōсья шуны коллективын кли-
мат йылысь.

— Но-о, поводдя вылō вуджин, мадаō...

— Мый нō висьталō?

— Чомйын ми олам разнōй йōз, век отлаын, оти ко-
тырын, откымынъяс костын кō абу виръяслōн лōсъялōмыс,
кутшōм сёрни вермас лоны дружнōй удж йылысь? Со мый
вōсна колō тшōтш тōждысьны бригадаяс котыртігōн,—
сэсса тэрыба бōр лэччи трибуна вылысь, пукси бōр аслам
местаō.

— Лудыкова ёрт выльтор шуō, коланатор,— кывкōр-
таліс менсьым сёрниōс Иван Васильевич.

— Кыв сетсьō Артеев... Тимофей Павловичлы.

Тима сцена вылō котōрōн моз и кайис:

— Ёртъяс! Ставыс миян вōчьсō индōдъяс серти. Миян
эмōсь маршрутнōй картаяс, но веськыда кō шуны, ми сй-
йōс ёна торкалам. Босьтам миянлысь бригада, кōть бри-
гадирыс менам зять, но ме лēкторсō от кōсйы дзёбны:
Қарп Қирьякович передовикōн кōсйō лоны мудеритōмōн,
йōз тшōт весьтō. Маршрутъястō сййō быттё оз и тōд.
Став йōз водзын шуа, мед водзō татшōмыс эз вōв.

— Ас төлкын-ө тэ, шурин?— кывлысис Карп.

Тимофей трибуна выльсь лэччис посьсö чышкалігтыр. Сэссия заводитисны сетапны премияяс. Ми неуна виччы-сьыштім да петім ывлаө. Пажнайтім Тимофейкөд тыртөм на столөвөйни, ми медводз сёйысьяс, буракö. А талуи рыгнас совещание вывсаяслы банкет, сідзкö и мянлы Тимофейкөд тиöтш инмö. Сёйöм бöрын Тимофейкөд вет-лөдлам райцентрса магазинъясöд. Нинöм ог ньöбасьöй, прöста синнымöс вердам. Кутчысям ёрта-ёртсынь верст сайын: Тима то мөдар туй бокас вуджлө, то бөрö кольч-чылö. Неуджыд сиктад гөгөр тэнö аддзöны. Сёрни улö пыр и сюран, а Тима зэв яндысьысь. Чөв олам, быттьö кывтöм пемöсьяс, кор Тима матынджык лои, ме шыаси:

— Ёна жö тэ дзескөдін зяттьö.

— Эг на ставсö висьтав. Сэки тай тулыснас, пөмни-тан, оз вöлі лэдз менö каралас, стадаас чукöрмөм бокö-вöй көръясöс корö вöлі кутавны да пеляныс ас стадасьыс пассö тэчны. Ме эг нин кут льякөсьтчыны. Пасьялöма öд ачыс.

— Таысь öд судитны колö,— ырыштчи ме.

— Мун да докажит öни, кор пельясыс бурдिसны нин.

— Со кызди сійö передовикас петöма, ме неуна гөгөр-воышта жö вöлі мудеритöмсö. Тима, водзö ог лэдзö сылы татшöмторсö вöчны?

— Ог,— чорыда шуис Тима.

Пемдытöдз шöйтім сикт кузя, а сэссия менам грездö, Кырулö, веськөдчим, коді вöлі километр сизим сайын райцентрсянь. Рытулас төвзысьис, да турöб лыбис. Кыру-улö кезан туй вежын мянлы паныд сувтис Карп.

— Повзинныд, шыш гозъя? Тиянöс ныр вылö усьтöдз нин корси, кытчö, мися, вошины? Туй вежас лои виччысь-ны... Тимофей, тэ шурин али портянка? Ноко волы татчö матöджык! Волы, кора кө!

— Эн мун!— дөбельки тувччи Тималы пимиа кок вы-лас.

Но Карп нетшкö нин Тимофейöс киöдыс.

— Ветлам, менам доз эм!

— Оз мун Тима!— шуи ме.

— Тэд нö кутшöм мог! Гöтыр али мый?! Мунім, шурин.

— Оз мун и ставыс,— петук моз зырöдлі ме ыджыд Карп вылö.

— Эн кывзы некор бабаясöс, ас юрнад ов!— велөдö Карп.

— Ог ю ме!— нетшыштис кисö Тимофей.

— Вузалин асьыд рөдтö!

— Мунім, Тима, мунім!— тойла ме Тимофейёс зык-сыс ылӧджык.

— Мед дукныд сэсса эз вӧв тундраас некоднанныд-лӧн,— пиньяснас гирскис мян мышкын Карп.

Сойбордйӧдыс кутӧмӧн Тимофейёс ме котӧртӧді чой горув. Эг и казялӧй, кызди ас сиктӧ воим, ас керка дорӧ, Катерина пӧч ордӧ.

Кильчӧ вылас нин роскӧн малича юръяснымӧс ёрта-ёртлысь пыркӧдім, буретш ме вӧлі вильшасьӧмӧн швачӧ-да-пыркӧда Тимаӧс, кодкӧ мышсянь тупкис менсьым синъясӧс. Ӧдва мынтӧдчи. Дженъыд пальтоа, туплиа да клеш гача ме водзын дзӧрис Васьӧ.

— Привет молодежи! Гуляйтад?

Тима дорӧ ёнджыка топӧдчи, ӧдзӧс вугъяс кутчыси.

— Люба, Люба, нӧрӧвитыштлы но...— гӧлӧссӧ вежла-лӧ Васьӧ.

Эг терпит, зырӧдлі варыш моз.

— Код тай! Мый колӧ? Гӧтырыд абу али мый гортад?

— Люба! Ивановна, сьӧлӧм косьтысьӧ!— веглясьӧ Васьӧ.

— Мун, мун гортад!— тойлала бӧрлань ме Васьӧӧс.— Аддыла, гӧтырыдлы висьтала.— Ме ӧдйӧ ки пӧлӧдыс ныртӧ Тимаӧс да игналі кильчӧ ӧдзӧссӧ. Ас думысь бура вӧчи, Тималы ме дорын лоӧ талун медся бур. Васьӧ гольӧдчис да камӧдіс крукалӧм ӧдзӧсӧ, но мянлы Тима-кӧд Катерина пӧч борд улын вӧлі шоныд и лӧсьыд.

БӦРКЫВ ПЫДДИ

— Мада нылӧ, Маша, чай юны лок,— вӧтын моз кыла Катерина пӧчлысь корӧмсӧ.— Он ӧмӧй кыв нинӧм, мый дыра нин горза-а...

Маша сӧмын на пӧдлаліс Люба Лудыкова дневникысь медбӧръя лист боксӧ. Мӧвпалӧ. Кутшӧмакӧ и завидьтӧ сылы. И пызан сайын юрысь оз петны том медичка йы-лысь мӧвпъяс.

— Катерина пӧч, тӧян ордын овліс медичка Люба.

— Люба Ивановна? Кыдзи эз. Овліс. Ӧні райздравӧн веськӧдлӧ.— И Маша син водзӧ сувтіс гӧгрӧс чужӧма, мелі нюмбана нывбаба, кодӧ сійӧс, вильӧн воӧм медраб-отникӧс, примитіс удж вылӧ.

— А верӧсыс кодӧ?— бара юалис Маша.

— Тимофей. Оленьфермаӧн веськӧдлӧ. Зэв шань морт. Гозья зэв кужӧмӧн олӧмсӧ вӧчисны, кыкнаныс институт

помалісны, первой отныс велодчис, сэсса — мёдыс. Век ота-модсё виччысисны. Со кык пиос быдтоны. Толкөвоя олөны, мукөд моз вина вылө оз видзөдны и.

Маша бара казтыштис Любовь Ивановнаос: томиник на ачыс, а со кытчөдз быдмөма. И шемос босьтис — абу немторйыс повзёма, абу бөрыньтчөма сьёкыдлунъяс-сьыс, ас кинас дорөма ыджыд шудсө. А артмас-ө Машалөн сы моз?



Николай Егорович НИКУЛИН чужліс 1932 воын Сыктыв районса Волся (Вотча) сиктын. Ас сиктас школа помалөм бөрын, 1946 воын, пырис велөдчыны Сыктывкарса медтехникумө. 1949 восянь, техникум помалөм бөрын, уджалө Ижма районын. Уджалис сиктъясса медпунктъясын, ветлөдліс тундраөд. 1952—1954 воясө служитис Сөветскөй Армияын. Демобилизуйтчөм бөрас мыйтакө инструкторалис ВЛКСМ райкомын. Оні фельдшералө Диюр сиктса санаторийын. КПСС-са член. Эз нин отчыдыс сійос бөрыывны аслас коллективын парторгөн. Гижө висьтъяс аслас челядь дыр йылысь, өнія челядьлөн олөм-вылөм йылысь.

МЕНАМ ВОЙВЫВ

Ылі Войвылын, крут кыркөтш йылын,
Кытчө ылаліс збой челядь дыр,
Менам чужанін лөнь коми кылөн
Менө чуксалө ас дінас пыр.

Кыскө алөйөн пөртмасьыс кыа,
Дона тундралөн кыскө веж шөвк,—
Налөн рөмьясьыс кывбурьяс кыа,
Чужанін йылыс көвьяла мөвп.

Воём войтырыс мичлуннад шензьө,
Кызди та йылыс талун он сьыв?
Мичнас тэкөдыд өтнасы вензьө
Аслад, Войвылөй, лөз синма ныв.

Ыджыд радейтчөм лекторсьыс видзис...
Колис мывкыдам: «Ас... Изьватас...»
Челядь дырсянө вежөрам йиджис
Сырья чышьяна пуяслөн пас.

КӨН ОЛӨМ, КӨН МОИД

Бушколыс турөбкөд лек сорөн гартчө,
Пель саям шутлялө төв,
Ме тэнө, Войвылөй, мөд ногөн аддза,
Кутшөмөн өнөдз эн вөв.

Сулалө яблоня банйөм плод нөбйөн...
Эг падмы — нюжөді сой.
Меным тэ шөпкөдан веж корья льөбйөн:
«Тэрмасьышт — орөд да сөй».

Быттьөкө сыв йөрсьыд виль му ме вості —
Луныв кодь лоөмыд збыль!

Көр видзись велалём вёрасён босьтис
Айбарч, мый юмов и вель.

Кодкё кё воча кыв сувтёдас паньд:
«Збыльыс тан — ни ёти войт».
Мый нё ме, Войвылёй, висьтала налы —
«Вошті, кён олём, кён мойд?»

ТАН МЕ ЧУЖИ

Паськыд мян му, но тан ме чужи, быдми.
Тані сета йёзлы ассым вежёр-сям.
Овны лунвылын, бур ёртёй, мен оз лыдмы —
Тані менам гуалёма мам.

Шоньд море менё ас дорас оз ылёд,
Лымъя кадлён мёрчис сёлёмөдз быд лун.
Аттьё, корёмтё ме донъяла, дерт, вылё,
Сёмын овны лунвылё ог мун.

Чужанінам муслун аслыспёлёс, торъя,
Абу садъяс, абу шонді гожлён сім.
Ылөдз шыёдёны му пасьта шахтёрьяс
Войвывса горнякльыс гора ним.

Визув олёмнымёс кодзыд төв оз өлөд,
Татчёс йёзкөд йитны уджёс — ыджыд честь.
Тэ и ачыл, ёртё, сэтчёс шоньд төлө
Кылан менам кодзыд мульыс пёсь.

Войвыв радейта и крутлунысла ог вид,
Кыпыд удж вылын ме ачым — абу рам.
Воём войтырлы тан уджавнысё — подвиг!
Меным? Менё чужтіс тані мам.

КОПЫР

Тайё сиктас ме чужи и быдми...
Туйыс ыліті новлөдліс дыр.
Уна шог, уна шуд меным лыдмис,
Сёмын радейтчём менам эз быр.

Сёлём тіпкөдіс: «Көсьян-ё?
Ликта,
Ачыл туйсё кё гортад он төд.
Уса юдорса медмича сиктас
Ставныс төдса, а унджыкыс рөд».

Кадыс тэрмасьё — вӱргаяс лойӱ,
Тӱлыс виччысьё быгӱдны бан...
Тані, рӱд костас, олӱ и чойӱ,
Менӱ, пиӱс моз, сӱвмӱдӱс тан.

Долыд туй вылӱ петкӱдӱс, ыстӱс;
Сяммис олӱмсьыс тӱдмӱдны бур;

Паськыд ю паныд бечева кыскис,
Медым тӱдӱмӱн югдӱдны юр.

Петрунь сиктсаяс! Меддона
войтыр!

Эн кӱ вӱлӱй тӱ — мортӱн эг ло.
Вӱча тӱянлы муӱдзыс копыр,
Изьва кылӱн кӱ — юбырта... То!

ЛЕНИН

Сэтшӱм мӱдыс олӱмас эз лӱ на,
Войтырлӱн кӱть содан лыдыс
ортӱм.
Мортыс сӱйӱ миянлы меддона,
Шуам сӱйӱс велӱдысьӱн, ёртӱн.

Оланногыс сылӱн — торъя мера,
Сылӱн биӱн морӱснымӱс пестам.
Мый ми ӱнӱ олӱманым керам,
Ленин водзын — сӱвесьть водзын
сӱстӱм.

ДОЛЫД КАД

Инад ӱшьян татшӱм лунӱ?
Пегав! Лолышт тувсов чад!
Воис медся долыд кад:
Йиыс вӱрзис! Йиыс мунӱ!

Тулыс! Воис гажа тулыс!
Ратшкӱ-резсьӱ ва и йи.
Шондӱ ярмис: «Вои — и
ӱти сутшӱн тӱлыс мунӱ!»

ДЗОРИДЗ

Выйим дзоридз, син чуймӱдан
дзоридз!
Сиа сэтшӱмӱн лоны и тэн.
Медым быдӱнлы, кызди и мен,
Сьӱкыд янсавны лон тэ дорысь.

Тайӱ дзоридзыс авья, том нылӱн
Гожся туй бокин сулалӱ чӱв,
Ветлысь-мунысьлы шог мед
эз вӱв,
Сийӱ шуда туй дзоридзьяс кылӱн,

Некор лӱк думӱн китӱ эн нюжӱд,
Медым кусӱдны дзоридза би —
Сотас шуд вылас кыпӱдӱм ки,
Асьыс мичлунсӱ дорйыны кужӱ.

Тайӱ дзоридзыс быд дзоридз
пиысь
Медся мусаӱн кажитчӱ мен.
Сиа сэтшӱмӱн лоны и тэн...
Алӱй лежнӱгӱн ыдждӱдла сӱйӱс,

СВАРЩИК

Ме — сварщик. Йита керка-көрөминалысь
Каркасыя, кужомён — ог ньож.
Ме воча сідз, кыз войтыр корө мянлысь,
Мед нимбдіс морт олөм нәмьяс чөж.

А водзмөстчыны бөсьтчысыя оз шочмыны!
Пөсь уджө ышөдөм вын содтө вен.
Тан, керкаясас, өтйөзаяс шойччөны,
И налөн внукьяс сөвмөдчасны сэн.

Тадз коммунизмлөн локтысь кадыс мичамө,
А мичмөдө, со, электродлөн би.
И артмө: талун кык эпоха йита ме —
Мый воас, и мый олам ми.

МЕДБӨРЪЯ РЕЙС

Ме юыс вылын таво медбөрысь...
Эн топөд көдзыд сывнад, шуга.
Мун, вешйы, турөб, рубка гөгөрысь!
Рейс помас — шудй.

Квайт төлысь чөж кык берег костөдыс
Ми ветлім баржаөн и пурйөн...
А кадыс память вылысь воштөдіс,
Кыз олө бур йөз.

Тан мян удж и шойччөм өглаын...
Ме, том речник, ог норась бара;
И рейсысь рейсө мекөд ветлалө
Бур ёрт — гитара.

Квайт төлысь чөж эз аддзыв ныланө,
И другө виччысьө, ме төда.
И өттшөтш кыкнанныслы сывьяныс
Ме талун шеда.

СИКТ САЙЫН

| | |
|---|--|
| Кылө сикт сайын вой кадө ытшкөм, | Ысты, мамукөй, чегъявны пача*... Уса ю дорө чегъясьны лэдз. |
| Воё-разалө видзвывса юм... Долыд йөлөга кыпалө пытшкам — | Сөстөм енэжыс шензьөдө астьө. Юас вөйтөма кыаыс содз... Көсьян — виччысьтөм удж меным дасьты. |
| Муса зон йылысь йөлөга-дум. Гожся войсө бур вөт кодьөн аддза. | Көсьян — чукөсты асывнас водз. Нылыд сьёлөмын чужөма лача — Муса зон сылы сиалө лэч: |
| Ылын сыланкыв лывкъялө, сөдз... | Ысты, мамукөй, чегъявны пача, Уса ю дорө чегъясьны лэдз. |

ВЕЖ КӨСАА ТУН

| | |
|---|---|
| Мортөс пальөдтөг тулыс эз мун: Ловъя ванас — со — ютис, код ныылөдис; | Тадзи войтырын дзоридза ывлаыс Лэптис чинлытөм радейтөмлун. |
| Чөжсьөм мудзлунсө йи сорөн кылөдис; | Усьө олөм турбинаө ваён, Водө ыб вылө выль бөрөздаён — Долыд эбөслөн лыбөм оз вун! |
| Сывдис чусалөм лымйыскөд ун. Вежа-лөзаён пөртмасьө му, Быттьө кагабс тулысыс сывьялө — | Орччөн ачюд тэ гажтөма ён ов! Лттьө! Мортөс эн казьявтөг эновт, Авяя тулыс — веж көсаа тун. |

ВО

Тулыс — ловзьө вөр-ва, му.
Гожөм — долыд, кыв он шу.
Сета честьсө арлы:
Содө мулөн арлыд.

ЛЫСВА

Дзоридзвывса ва оз дойд —
Нимкодь: мича тайө!
Синлыс вылад татшөм войт
Меным шоглун вайө.

* П а ч а — том веж баддысь скөтлы көрым.

Вөр ывтас саяс саялігас кыа
Быд өшинь улысь кодмөдөма льөм,
А еджыд төлыс сэтшөм тэрыб киа
Дзик өти сутшөн кизьөрмөдіс рөм.

Веж вежөс водзас аддзывлытөм райыс
Веж дук веж ланкөд гаровтөмөн вайис,
А сэтысь ставсө кыскис өтнас вад.

И сөдз, и сөстөм, кызди кага синва,
Фонтанлөн резяна корона дінас
Збой валысь сыланкывсө сыліс кад...

Корона бөрсаяс корона чинас.

* * *

(В. Шекспирьсь)

Ме кувны көсья. Кулөмыс оз лок.
Ме аддзыны ог вермы татшөм олөм,
Көн йөзсө, кытчөдз новлөдлө на кок,
Мөд йөзлөн личкө озырмыны колөм.

Көн нимөдөмнас лыбө ныма ним,
А нималысьсө нюкыртөны улө.
И нывлөн яндзим дубалөма нин..
И төдчан эбөс эбөстөмысь кулө...

Оз чепөсйы мед лөгыд — вомтө төб!
Со, вежөрьяснас веськөдлө тан выжывь,
И мывкыдлуннас ошйысьсө тан бөб..
А бурсө лөкыс кутө нэм чөж мыжын.

Төд: зывөк мен... И кулі, эськө,— мед!
Но сьбкыд лоас метөг, өртөй, тэд.

ЗЕМЛЯНКАЫН

(А. Сурковись)

| | |
|-----------------------------------|---------------------------------|
| Нөйтчө дзескыдик пач пыткас | Лым да лым — помсө синмөн |
| би, | он судз... |
| Сөстөм синва кодь пес вылас сир. | Муса, тэ дорө регыд ог во. |
| Гудөк юргөмсө мөдлы оз си — | Уна ковмас мен кось, уна мудз — |
| Тэнад лов шыбн сьылөмыс тыр. | Нёлысь воськовтны кулөмөдз, со. |
| Бадьяс кывлөмны тэ йылысь | Сьылышт, гудөкөй,— турөбсө вен. |
| висьт — | Ылын ылаалөм шудлунөс кор. |
| Москва водзвылын шөпкөдис лым. | Лоас шоньд землянкаын мен, |
| Гортөдз, төв руйй, юөрбн письт: | Кытчөдз радейтчөм аслам оз ор. |
| Ловъя... Радейта... Сьөлөмөй пым. | |

ОРДЫМӨС-ТУЙӨС ЭЖАЫС ВЕВТТИС...

(Роч сьыланкыв серти)

Ордымөс-туйөс эжаыс вевттис,
Мусукөй сийөс таяяснас тэчлис.

Эжаыс вевттис турунөн-нитшөн,
Ветлывлім кыт! пемыд вой кытшын.

Сывъялис менө, томлунсө вөзйис,
Олөмсө дзикөдз өтвывтны көсйис...

Эз эськө ылөд — сьөлөмнам кыла —
Тэрмасьысь кадыс ылыстис ылө.

Висьтав мен, колип, шог төдтөм сьылысь,
Кывлін-ө мыйкө мусукө йылысь?

Көн өні сийө, төдан кө, эрдөд:
Сьөлөмө висьө, сьөлөмө бөрдө.

Лэб, тэрыб колип, дой менам корө...
Лэб, мелі сьылысь, мусукөй дорө...

Мед эськө төдіс; мед эськө кыліс:
Виччысьө сийөс радейтан нылыс.

ТАНКАЯС

* * *

(Сагамилён)

О! мыйта синва
И менам соскёй юис —
Шог тырмис-инё.
Став бёрас веськодъ суис —
Бур нимёй менам чинё.

* * *

(Исикава Такубокулён)

1.

Ворс! Мамёс кытшысь
Ас пельпом вылам босьті:
Ой — сёмын кышыс!
Со, весиг куим воськов
Ме синватёг эг воськовт.

2.

Ов! Чужём вылам
Азалиялён гаръя
Чаль усис. Кылан?
Тэ мыжа, тулыс... Арлыд...
И вёсни төлысь-чарла...

3.

Лов вуджөрөн эн эж
Сьёд вөрвесьтса быгөртё,
Нор ар — тыртём енэж.
Да ловзьёдас гыөртё
Көть ракалён мыгөртём.

(Мибу-на-Тадаминелён)

Том йёзлы тёльсь
Қор янсөдчөмсө сетө,
Дерт, шог оз ёлась:
Қык съёлөм чашйө-летө...
И шуштөм — шонді петөм...

* * *

(Асаталалён)

Дзик водзянь мөдім
Ми сибөдчытөг овны
И бура төдім:
Оз чужты лөгсө ловным,
Оз өтдортчыны ковмы.

КВАЙТ ХОККУ

(Мацуо Басёлён)

1.

Ты нюйтмис... Пёрысь.
Но чеччыштіс лягушка.
Да, эм на вёрысь.

2.

Быд увлысь ув, со,
Тан усян войтыс ютө.
Өд зэрыс — тувсов.

3.

Қысь татшөм дышыс?
Вот садьмөдісны муртса.
Қузь төлыс ыштіс.

4.

Дзоридз пиын видз.
Сэтөн сырчик ветлө тшав:
Өтнас төдө мич.

5.

И пуыс кушмөм...
И кырныш өтка-өтка...
О... Арыс шуштөм.

6.

Босьта киам, мам!
Сывда пужсө юрсисьд
Ме пось синванам.



Алексей Гаврилович ФИЛИППОВ чужис 1934 вося апрельын Петрунь сиктын, колхозникъяс семьяын. Ас сиктас жö и заводитлис велöдчынысö, но школасö помалис Пустошын: сэни дыр ковмис бур-дöдны висьсы лы-сьомсö. Квайтымынöд воясö, Архангельскöй мед-училище помалöм бöрын, уджалис квайт во Краснозатонскöй посёло-кын фельдшерөн. Öни олö да уджалö Инта карын. «Войвыв кодзув» журналын йöзöдлис унакодь кывбур.

ТЕШЪЯС

ТИМА ГУРАН

Тимофей нимыс дыр кутас нимавны. Тысяча вотō, гашкō, оз, но сē вотō дзик нималас Тима...

Тайō ним-славасō шедōдны Тималы отсаліс ытва. Ойдіс Эжва да кōтōдіс сикт горулысь увтас местаяссō. Мир туйлōн тайō юкōн вōсна Тималы ēна лои жуглыны юрсō. Торйōн нин ōти шор вомōн пос вōсна. Ытваыс аслас визувнас пос бокō кодйōма вель джуджыд гуран. Қазяліс тайōс Тима да лун сәні шогсис. Арталіс-мōвпаліс, кызди эськō тайō гурансō тыртны. Машинаяс ветлōны, поссō ыліті кытшовтōны. Шоферъяс Тимаōс быд ногыс сакōны.

Тима весь оз жō ов. Телефон пыр начальствокōд сērнитō пōгибō воом йывсьыс. Пуктіс трубкасō да ышловзис, нимкодъджык лои. Бульдозер кōсйōны ыстыны.

Дыр ли регыд, бульдозер коркō воис да Тима керка дорō сувтіс. Тракторист юрсō капот улō суйōма, ключьясōн клēнōдчō, гайкаяссō зэлōдалō. Кузь туй вылад и бульдозерыдлы абу кокни. Лун сулаліс, мōдōс кōсйō. Тима матыстчис.

— Ветлам, другō, гурансō тыртыштам.

— Ог на эшты.

— Мый нō колō?

— Мавтас.

— Час ветла да вая!

Мōдōдчис Тима вōлōстьō. Мунō да вомгорулас броткōдчō:

— Олōм жō лои. Ōти оськов мавтастōг оз вōчны. Быттō аслым колō тайō туйыс.

Бōрсō воис польтчōм зепъясōн. А бульдозерыд абу нин. Қывзō да, сйō шор гуран дорад нин вына моторнас муркōдчō. Вōтчис бōрсяныс. Матыстчис. Бульдозер бōрынтчōма да кōсйō нырнас мусō парйыштны, гуранō вайны. Тима кинас шеныштис.

— Мый нин колö?— юасьö тракторист.

— Мавтастö вайи!

— Кутшöм мавтас? Ме öд мавтчи нин,— шензьö тракторист.

— Ачыд тай мавтас корни!— кыскис питшöгсьыс да мыччис трактористлы.

Трактор сувтис. Тима кавшасис кабинаö. Тракторист абу петитчысьяс лыдысь веськалöма. Доз джынсö ректис. Мунö Тима да радлö. Бара на öти гуран лои тыртöма.

Сöмын весьшöрö радлис. Лунтыр водзö-бөрö ветлис бульдозер. Гөгöрбок паръялис гуран дорысь эжа пласть-яссö. Но гудырмöм синма трактористлөн муыс гуранас воис этша. Рытъя зэрыс нильзöдис сёйсö. Пач тэчан пöкөть кодь лои гуранас няйтыс. Медбöрын тракторист унмовсьöма, а бульдозерыс ас кежсьыс бöрынтьчис-бöрынтьчис да веськалис шор гуранö. Гатшасис вына трактор, дзирдалысь гусеницяяссö енэжланьö чургöдис.

Гураныд эз и тыр. Дыр на кытшлалисны шоферьяс тайö поссö. А Тима гураныд век жö косьмис. Эз Тима помысь. Нидзув корсьысь зонкаяс дуригмоз кодйыштöмаöсь гурансяньыс шорöдз бөрöзда. Гурансьыс ваыс рудзалöма. Öни косьмöма да кос паччөр кодь лоöма Тималөн гураныс.

Тималы öд мый? Век на мастералö, бур мир туй вöсна тöждысьö. Мир туйыд öд киссьöм пась кодь. Öтилати дöман, мöдлати резьдö. А гуран бердö топыда ляксис Тималөн нимыс.

МУДЕР ПРОКÖ

Магазинса вузасьысь Прокö мöдöд лун нин жуглис юрсö, кызди эськö инавны мешök тыр песок. Вöзйылис öтилы-мöдлы, но ставөн мöдарö бергöдчисны. Тэнад пö песокуд ульсалöма, виж, мешökсьыс бызымьясыс сора-сьöмаöсь. Сийö и видзöд, мед чайтö ыркигөн он виньды. Ми пö карысь лым кодь еджыд сакар пачкаясөн вайим.

Сы шöрö-водзö нöшта на поводной ыджыд тубрас матерье куйлис, дөрöм-гач öшалисны тув йылын, тасьти-пань, кёрта көлуй гольвидчисны джаджьясын. Ставыс тайö вöли йöзлы ковтöмторйөн, ёнджыкасö йöзыс ньöбалисны вина да табак.

Пырис ньöбасьысь, Прокöлөн ылысса рöдня.

— Сваття,— гусьöникөн, көть эськö на кындзи некод

эз вöв, шöпкöдiс Прокö,— сöмын тэныд юöрта.— Став тöвар вылас донъяссö кык пöв содтöны... Аски нянь тупöсьыд лоö шайт дон. Этiйö со ёгöсь песокуыс, и табакуыд, и шылльö-мылльöйд — ставыс донсялö. Кабала воис нин. Аски асыв выль донъяс лоöны.

— Адöй, адöй! Дона-ö нö, эськö, сiйö песок мешöкыс?— юасис рöдняыс.

Мöдыс эз на удит висьтавыны донсö, а сваття кутчысис нин песок мешöкö. Дыр эз донъясь. Веситiсны, мынтысис да нуис.

Сиктыс эз и вöв ыджыд, но магазинö волюсьяслөн лыдыс ёна содi. Тайö луно ньöбасисны сы мында, мыйта Прокö вузавлö некымын тöлысьöн. Нуисны став лаксö да краскасö, дзирсö да скобасö, став шылльö-мылльöсö. Вина да табак тыра джаджъяс кушмисны. Медбöрын коли сöмын öти пеласян вор. Сiйöс сёрөн рытнас ньöбис магазиньскöд орчöн олысь, кодi ветлöма вөрö вотчыны да кольöма дьöбөн.

Аскинас йöз тöдмалiсны, мый нинöм торъя эз донсяв. Кодсюрö волiсны лавкаö, бөр көсйисны вайны тöрытья ньöбöм тöварсö. Но магазиньыс вöли пöдса.

Прокöлы вузасьны вöли нинöмөн.

ВÖР ОВМÖСЫН

Вөр овмöсса директор Филимон Трофимович Пипуныровöс садьмöдiс гöтырыслөн ропкöдчöмыс.

— Пальöдчы, мый асывбыд стынитны кутiн? Йöзыс талун мöдысь нин тракторөн пес вайисны!

— Пес? Билеттöг?— чепöсйигмоз мурöстiс Филимон, но казялiс выльöн кисьтöм пес чукöрсö «Турун овмöс» контора са директор öшинь улысь да раммис.

— Чöv ов, тыртöм юр! Кутшöм турунөн нö тэ асьыд кузь сюра скöтинатö вердан?

— Кутшöмөн? Асьным ытшким, асьным куртiм...

— Ог тöд, ёна-ö эськö куртiн, эг кө ме ськöд вашкöдчыв. Сiйö меным видз сетiс, а ме сылы пес керавны пöстать вундi. Вот тадз... Летöма и гындöма!

Филимон ланьтлiс, а сэсся синсö сувтöдöмөн чуньнас грöзитiс гöтырыслы:

— Шш-ш-ш!.. Сöмын эн ылав, тöда ме тэнсьыд паськуыд вомтö...

Филимон Трофимович, кодöс татчöс лэчыд кывъя йöз

нимтісны Пила Топоровичөн, очсыштіс, вомыс паськавлі, быттё вощыліс сарай өдзёс. Сэсся нюжмасьыштіс, мый весиг крөватъыс ойёстліс. Чеччис да кутіс маласьны паччөр дорын, вёрын ветлан тюнисё корсис. А сэсся петіс керкасыс да мөдөдчис вөрө.

Восьлалө Филимон. Сьёкыд воськовъясысь муыс сыр-какылө. Весиг пуяс дугдісны шенасьны лапъяснас, чөв ланьтісны, быттё школаын мыжмөм челядь, кор пырө учитель. Коркө-некоркө петіс Филимон мастер Қызмыров-лөн вөр лэдзан делянка вылө. Қызмыров наяна нюмъевтіс да воськовтіс паныд.

— Чолөм! Чолөм, Пила... Тьфу! Филимон Топоро... Трофимович! Шойччы да шонтысь, сөмын сейны эн кор. Геждә тай кежавлан?

— Вёрыс паськыд, быдлаө он тырмы,— юрсө гыжйыштіс Филимон, шогпырысь гөгөр видзөдліс. Пөстатьыс вөлі тырөма идравтөм увъясөн. Лым пиын чурвидзисны кузь мыръяс. Филимон көсийс мыйкө шуны, но Қызмыров зепсыс петкөдліс сэтшөмтор, мый Филимонлөн сьөлөмыс сылі, кызди шонді водзын йи тор. Скөрлуныс быри, чужөмыс нюмдіс.

Пукалыштісны, ковтөмторъяссө тусяпу сайө жбыргисны.

— Но, ладнө. Ме мөді. А ті тәні ёнасө эн пакөститчөй, өд вөр-ваыд сөстөмлун радейтө.

— Восьлав, восьлав да мян вөсна ёнасө эн шогсы,— нөшта на наяна нюмъевтіс Қызмыров.

Филимон нимкодя восьлалө вөрөд. Пуяс костөд ёмабаба моз чукльөдлө. Рытгорув сикт дорө петіс. Видзөдө да, чой паныд пөчө кайө, мыш вылас валежник пес пыдди.

Филимон кыйөдіс-кыйөдіс да тшапкис пөчөтө шошаө-дыс.

— Сулав, Мавра! Қысь пессө нуан?

— Вёрысь,— сөмын и кужис вочавидзны весьөпөрөм тьөтө.

— Ме тай нө эськө ог помнит, мый пес кералөм вылө тэ билет босьтлін. Ноко, марш контораө штрап мынтыны.

МЫЙЫСЬ И ВӨТЛІСНЫ

Мян вөр овмөсын делөяс муиёны, позьө шуны, бура. Планъяс тырөны, йөз уджалөны.

Шуам, кум вежон чөж, дас лесник, ветлім көдзны

вөр. Ылі кварталын узьлім-олим, сьола яй сейим. Мешөкъяссыс кыйдысө вужля бокө ректім да вунөдім. Өти кывйөн кө, воштім.

— Вот и бур,— шуам асьным.— Кыдзи ми көдзим, тыдовтчас сө во мысти. Сэки и юалөй мянлысь, кымын гектар вөр быдтім. А өні мянлы план тыртөмысь премия вайөй.

Тшөктисны мянлы яг весавны — висьлөс да тшака пуяс пөрөдны. Шуөма-вөчөма. Кайим вөрө, шөйтім дыр. Сьола кө кыям — бипур вылын жаритам, дозмөр кө — шыд пуам. Көч кө сюрө — раднымла лунтыр бокъясьномөс пөжам. А сэк кості сиктса йөз вөрын пес кералөны. Өтилаысь — дас пу, мөдлаысь — кызь пу. Оз өд ставсө. Сор вылас кольөны омөльджыкъяссө. Найөс ми асьным тадзи велөдім. Керасисны дядьөяс, пессө гортас новлісны. Өти кывйөн кө, плансө мянлысь тыртисны куим пөв. Асланым вомъяс кальк, бара ыджыд премия вылө подувапуктөма.

Өтчыд, жар дырйи, вөрын лоис пөжар. Мунім ми кусөдчыны. Матыстчылім би дорас. Тшын, бус, сотө... Ми бөрыньтчим. Поводнөй ылөдз мунім. Техник Қаллянов шуө:

— Абу мича пөжар вылысь пышйөмьд. Йөз локтасны, кутасны кусөдчыны, а ми, лесникъяс, пөжарсьыс дас верст сайынөсь. Вайө паныда пөжар вөчамөй, мед чишкяс-сотчас став вөрыс, сэки сотчынысө нинөм лоө да кусө.

Сідзи и вөчим. Өзтім пөрысь коз, и ыпнитіс гөгөр. Төкөтьө асьным эг сотчөй. Нопъясьномөс босьталім да пышйим, кызд вермим. Маті гөгөрысь став вөрыс сотчис. Өні потшөс-майөг керавны некысь. А сэсся, пасибө енлы, гымалан кымөр воис, кык сутки зэрис, пөжарыд кусі. Сьөд тыла гөгөр коли. Но нинөм. Көдзам да бара на быдмас. Сө во мысти гажа яг на лоө тани.

Во джын коли. Арталісны да, планъяс мян тырөмаөсь. Премия колө юклыны. Некодөс эз кедзовтны. Ставлы вичмис аслас пай. А кодөс нө кедзовтан? Ставным өткодьөсь, вөрын кө довъялам — ставөн, сиктын кө кодалам — чукөрөн жө. Некод абу пайтөм макарыс мян.

Вот и шум мыськыштны премиятө. Кык лун да вой гажөдчим. Сьола яй сейим. Чунь крукөн кыскасим. Тшемилө песім. Мыйсө сөмын эгө вөчөй! Медбөрын юралысьным кутіс быдөнкөд вынсө бертны. Унджыксө личкаліс. Меөдз өчередь воис. А менам мыш вылын көть пач варт. Кокни уджнад да бур сөяннад чужөмөй вирсьыс потө. Ме

и верми юралысьтö, лички нитш вылö. Куйла вылысас, сийö лёкысь пессьö, синваыс тайкö петас.

Та бöрын ставыс торксис, кедзovтны кутисны менö. Куим во передовикöн вöли. Öти здукö начальниклөн ставыс вуні. Быдторийö крукасьö. Öкмис менам мыжыд унакодь. Приказ гижис. Удж вылын кодалöмысь пö вöтлыны. Местком да юралысь öти кывийö воисны. И вöтлісны. Öни уджтöмала да норасьöмьяс гижала.

Иван Крукылев, вöвлöм лесник.

МЫР

Öтчыд дас во сайын кымын нин мужикьяс локтисны ытшкыны Лякбаддя видз. А сийö туруна, быд öвтыштöмысь моздор турун пöрö.

— Тані кöнкö видз шöрас мыр эм,— мужикьясöс öлöдіс Öлук.— Видзöдöй сюся, мед косаныд оз сатш.

Ытшкисны-ытшкисны, да буретш Öлуклөн косаыс мырьяд сатшис. Куим дядьö кутчысисны коса воропö да öдва перйисны.

— Тэ, Öлук, чер босьт да керав мырсö. А то мöд во кодлöнкö бара косаыс сатшас.

— Олас! Кодлы мешайтчö, кераласны,— шеныштіс кинас Öлук да муніс лэчтасьны.

Вит во мысти Öлук доддясис да машинаöн петіс ытшкыны Лякбаддя видзтö.

«Тані видз шöрас кöнкö мыр эм. Мед эськö не крукасьны»,— мöвпыштіс Öлук да öддзöдіс вöвьяссö.

Вöвьяс ёнöсь. Машина виль, шаргöм шыыс весиг оз кыв. Веж пырей туруныс вольпась кыза водö. Пуклöсыс лайкыд. Шондйыс мыштö нюлö. Добра!

Синмыс куньсьö Öлуклөн. Вугыр босьтіс. Палявлас, горöдас вöвьяс вылö, бара синсö куняс. Узьö Öлук, а уджыс мунö.

Эз и тöдлы, кызди вугралігтыр видз джынсö вольсыштіс. А машинаыс век жö крукасис мырьяд. Шатуныс ратшмуні. Вöвьяс кок улö тутіс.

— Но ерöмаканьö! Крукаліс, проклятöйыд,— синсö тілігтыр ёрччис Öлук. Вежис виль шатун, кытшовтіс мыртö.

— Кераласны, кодлы ковмас,— сöмын и шуис сийö.

Вит гожöм Öлук ытшкис машинаöн Лякбаддя видз. Витысь жугöдліс машинасö.

Таво тракторён кутісны ытшкыны. Ытшкан машина
вылө бара Өлук пуксис.

— Тан көнкө видз шөрас мыр эм,— трактористлы шуис
Өлук.— Тэ, другө, видзөд, мед оз крукав.

Морт судта пырей быдмөма Лякбаддя видз шөрө.
Өлуклөн юрыс бердө турун пиас. Кысь нин мыртө ад-
дзан?

Крукасисны... Ытшкан машиналөн дышлоыс чеги.
Трактор кыккокийыв сувтліс. А Өлук лэбовтіс трактор во-
мөныс да шняпкысис видз вылө.

— Вот чөртыд!— ас садяе воис Өлук да кутіс ёрччы-
ны тракторист вылө.— Синмыд нө тэнад ув туй али мый?

Кык лун сулаліс трактор. Өлук ытшкан машинасо
дзоньталіс. Кор лои дась, тракторист босьтіс чер, көсийс
мырсө керавны. А Өлук синсө сувтөдіс тракторист вылө:

— Шыбит немуйтөмтө! Кераласны, небось, кодлы ме-
шайтчө.

ГОГОР ВИСЬӨ.

Куим лун сайын локті больничаө. Врач дінө пыравны
лөсьөдчөмаөсь беддя пөчө, пыктөм чужөма дядьө да ме.

— Тэ, пөчө, сө арөстө тыртны сідзи нин удитан, а тэ,
дядьө, верман жө виччысьлыны. Омольджыка кодавны
колө! Меным некор. Удж вылысь здук кежлө лэдзисны.
Медводз пырала!

Пөчө да пөльө видзөдлісны ме вылө да ружтігтырйи
вешйисны. Врач дінысь петіс дзирдалысь синъяса ичмонь,
наяна видзөдліс ме вылө. Но синмасьны ёна некор, пыри.

— Мый вылө нө норасян, том морт?— юаліс мелі чу-
жөмъяса да шань гөлөса врач. Ме эськө көсийи шуны,
мися ме абу нин том, закуп вылө нин нуны кад. Но эг
кут весьшөрө кывйөн изны. Татчө тшөкыда волігад төді,
мый врачыд том мортөн шуө сы дінө быд пыралысьбс.

— Кочөгөй бытшкө,— нирган гөлөсөн куті норасыны
ме.— Контораын кодзыд, өшинь дорын пукалігөн төв ныр
улас, буракө, веськавсьөма. Горшөй висьө, лолөй тырө,
коскөй юкалө, весиг этаті балябөжөд мыйкө чөсөдө...

— Восьты вомтө, том морт,— торкис менө врач да
пыдө вомө суйис пань лоп.

Пока вом пытшкын лукйысис, сьөлөм дільквидзны ку-
тіс. Нөшта өти висьөм содіс. Та йылысь врачыдлы пыр и
юөрти, мыйөн сійө кыскис голя розьысь мустөм паньсө.

Врачыд төдө менө, өд сы динө вола тшөкыда. Төдө сийө, кызди быдсяма зелясө ме нэм чөжөн сы мында нылавлі, мый найө оз вермыны сетны некутшөм отсөг.

Врач дыр эз нюжмась, мыччис больничной. А меным сэсса нинөм оз ков. Нимкодпырысь петі тувсов ывла вылө.

Мый нө вөчны? Гортын татшөм мича луннад оз овсы.

Кывтыдлань мунап, сэни контораным. Аддзыласны. Кутасны шуны, со пө висысыд ветлөдлө. Муні катыдлань. Сэни кутшөмсюрө магазинъяс эмөсь, сур юны позьө пыравны. Эг и төдлы, кызди кык луныс кольөмаось.

Талун со юрөй путкыльтчө. Пырала врач динө. Гашкө, больничнойсө нюжөдас.

ВЕСЕЛМӨМ ЧЕЛЯДЬ

Ми верөскөд ок ёна радейтам ассыным челяднымөс. Керка тыр со быдмөны найө. Медся ыджыдыс школаө ветлө, медся ичөтыс пызан увті бауөн кыскасьө. Нинөмөи ми найөс ог кедзөвтөй, ставсө вичмөдам. Верөсөй быд рыт локтө тыра зепъясөн. Ёнджыкасө кляннича дозъяс ваялө. Менам сумкаысь нянь тупөсыд пыр жө сюрас. Йөвтө најөтка бөрын өтчид босьтам и. Чай-сакар да мукөд вөлөга өтчид жө. Сэсса кызвын кадсө съөд нянь аклялам. Сы пыдди стеклө дозъясид быд лун эмөсь. Тьртөмсө мукөд дырйи нуа да вузала, еджид нянь нөбля. Верөсысь гусьөн.

Локтас рытнас көзяинным, пызан вылө лэптас дозъястө, съөд нянь шөралас. А челядь сэтчө жө пуксьөны. Ичөт румкаөн быдөнлы юклас. Ме первойсө шуа вөлі, мися, кагаястө, гашкө, оз ков дарйөдны да. «Нинөм,— шуө,— ичөтикатө позьө, веселджыкөсь лоасны».

И збыльысь зэв веселөсь миян челядным. Кодлыкө он сет румкатө, да пыр и бөрддзас. Ворсны кутасны да ми моз жө ёрччөны. Ота-мөд вылас тасмаөн ырыштчыласны. Дзик жө сідзи, кызди верөсөй ме вылө да челядь вылө уськөдчылө.

Тадзи и олам. Быд рыт веселитчам. Унаысь аскинас уджнымөс вунөдлам. Челядь сэки школаас оз жө ветлыны. А медся ичөтыс пызан улысь вольпась вылас оз и кайлы.

Школасянь воывлөны тшөкыда. Зыньгөны, мый че-

лядь пö омöля велöдчöны. Мед! Ми тай ыджыд грамотаас эг велöдчывлöй, да сы пыдди быд лун веселитчам. Ме чайта да, завидьнысла зыньгöны.

ЮКСЬОМ ГОЗЬЯ

Ми нэм чöж олím верöскöд гажа патераын. Кык паськыд жыр. Кухня. Коридор. Видзанторным — Васька кань.

Бөрья кадас эгö кутö тöрны. Микулайöс ме шуи крокодилöн. Сийö менö — кобраöн. Крокодилыд сийö, гөгөрвоана, паськыд вома да кузь пиньяса ыджыд лёкгаг, шоныд ва пыдöсын уялö. Курччас кö, китö да коктö орöдас, вермас и асьтö няклявны. А вот кобраыс мый? Дыр юасьöм бöрын тöдмалі, мый сийö пö чушкысь змей. Чушкас кö, сэтчö и згинитан. Та бöрын ме терпитны эг вермы! Ёна дöзми. Юксьöм йылысь сёрни панім.

Ветлі ме юралысьяс дінö патера корны. Верöсöй, мися, менам вир юысь, кузь пиня лёкгаг. Керкаысь вöтлö. Нинöм пö, шунсны, бурасьöй да олöй. Патера тиян бур. А уналöн на патераясыс весиг абуöсь.

Локті бөр. Инö ог öшйы. Сьöлöм пуö. Верöсöс пöсвятöдз пинялі. Асьсö керкаысь вöтлі. Сийö сідз жö мунöма юралысьяс дорö патера корны. Ог тöд, мый шуалöма сэні? Локтіс пемыд кымөр кодь.

Та бöрын некымынысь на ветлім юралысьяс дінö. Быд ногыс норасим. Öта-мöднымöс саким. Ме шуа, мый менам верöсöй свет вылас медся лёк гагыс. Öти кывйöн кö, крокодил и эм. А верöсыд ме йылысь оз жö бур кывьяс шуав.

Омöлик олöм заводитчис. Кыдзи тай частушкаын сьывсьö:

Быд рыт гётрасьö Көр Петя,
Асывводзнас юксьö...

Ветлім нарсудö. Юксим. Та бöрын сöмын жалыс петіс юралысьыдлöн. Кытчö нö пö коньөр нывбабаыслы воштысьны?— шуö. И сетісны выль патера. Кык жырья. Газ. Пöсь да кöдзыд ва.

Олöм заводитчис бурмыны. Верöскöд олам торйöн. Но юкны нинöм. Быд рыт гөститны воывлам öта-мöд дорö. Öти кывйöн кö, быд рыт гётрасям, а асывводзнас юксям.

Важысянь ме мөвпалі шуда олөм йылысь. И сюрис меным аслам шудой! Зэв шань да авъя том ичмоньёс вайи выль патераё. Эмбурой киняулын, гөтырой сойборд — улын. Олам-вылам, шог ог төдой. Сөмын Оксинья-ой менам сэтшөм шань, мый и ошкынысө некытчө. Гашкө, вывтіджык пөслукман. Ме тшөкта — вөчас. Кодкө мөд тшөктас — вөчас жө.

Гөтрасьом бөрын недыр мысти паныдаси тьощакөд. Чолөмаси.

— Мыйкө тай нө, зятёй, тэ пемыд кымөр моз ветлан? Төлысь на «зятялан», а он нин и нюмъяв!

Ме кызмырдөн вөчлі вомөс, петкөдлі, мый зэв рад аддзыны сійөс. Но он тай на пөръяв! Лун мысти локті гортө, а сэні некод абу. Гөтырой мунөма став көлуйнас. Тайө тьощаой ме водзын тешитчөма — нуөма нывсө менам омөля нюмъялөмсьыд.

Кыйөдчи, кор тьоща муніс гортсьыс сваття дорас нимлун сейны. Сы кості мөдысь ветлі корасьны да бөр вайөді гөтырөс гортө. Выльысь панім шуда олөм. Став сьөмөс книжка вылысь босьті, рөдвужлысь удждыси, гырысь да сьөкыд көлуй ньобалі. Шифоньер, крөвать-креслө, уна сикас шкапьяса стенка, өдзөс курич босьтлөмөн медся ыджыд холодильниксө пырті. Öні, мися, дона тьоща, он ну! Выныд оз судзсьы!

Командировкаө мунігөн рөкыд водзө бара аддзысьлі тьощакөд. Сійө өд менам том на. Ме и чайті, мый тайө менам Оксиньяой мунө, да зэв гылыда нюмъявті.

— Мый нө пиньтө жерйөдлан? — скөра юасьө тьоща. — Чайтан, мый менө венін? Энлы!

Ветлі быдса вежон. Мөдөдчи гортлань. А сьөлөмөй кын, сідзи и чайтсьө, мый сэні абу бур. И збыльысь. Гортын куш стеньясыс кольөмаөсь. Висьталісны, мый тьоща волөма трактор доддьөн. Сөвтчыныс мужичөйясөс медавлөма.

Но, мися, ладнө. Видзөдлам, коді кодөс венас. Вежон ола, мөдөс. Шыч ни рач. Веськодь, мися, меным! Гөтырнад и тьощанад! Отнам көть дас во ола!

Коймөд вежон тыригас тьоща воис.

— Тэ нө мый, вир юысь, гөтрасин да энөвтін том ичмоньёс? Кыдз гажыс олас!?

— Да, — мися — кыкысь нин корасьлі. Сэсся тырмас. Мөд гөтырпу корся!

Зым-зым муніс да здук-мод мысти вайодіс готырөс став көлуйнас да тшөтш асьсө приданной пыдди. Со өні празник лөсьодчам пасйыны.

КОНО МИШ

Өнөдз Коно Миш сөрмывліс быд лун, он кө лыдды сійө лунъяссө, кор удж вылас эз волы сөвсем. Өтчюд юралысь юалис, мыйла пө тэ татшөм сөрөн локтін. Мишыл эз виччысь татшөм сөрнитө да мыйкө дыра кезлө шөйөвошліс. Но здук мысти аддзис помкасө. Часіөй пө сувтөма, да узьсьөма пө. Юралысьыд кывзіс сылысь висьтасьөмсө, довкйөдліс юрнас, но нинөм лөк кыв эз шу.

Коно Миша недыр кезлө пуксьыліс пызан сайө. Бумага чукөрсө вештіс өтар боксьыс модарас. Босьтіс телефон трубкасө. Пөлыштіс микрофонас да бөр пуктіс. Сэсся петіс коридорө, өзтіс да куритіс куим чигарка помся.

Өдва и воис пажын кад. Сөйнысө сійө муніс, кызди и пыр, час джын водз. А бөрас воис өнакодь сөрмөмөн. И рөкыд водзө бара на сюри юралысьылы син улас. Мишыл кельдөдіс, но өдйө аддзис петан туйсө. Понъяс пө уськөдчылісны да гачөс косявлісны. Ковмис пө бергөдчывны гортө дөмсыны. Неуна пө ачымөс эз йирны көиньясыд.

Юралысьыд видзөдліс. Мишлөн кельыд чужөм вылө, өна жаль лои.

— Тэ, буракө, висян либө өна повзьөмыд. Мун гортад да ас саяд воөдчы.

Мишлы кыкысь тшөктыны эз ковмы. Пыр и воши. Муніс гортас.

Аски асывнас юралысь локтіс да медся водз видзөдліс Коно Мишлөн пызан вылө. Сы сайын пукалысьыс, дерт, эз вөв. Эз на вөв сійө и час мысти, кор юралысь бара на восьтыліс өдзөссө. А кор медся бөрын сійө век жө мыччысис, то пырис юралысь дінө повзьөм синьясөн да юөртіс, мый сылөн делөясыс зэв омөльөсь. Гырдөн пө восөдө. Қолө пө больничаө петавны.

— Но,— шензьөм босьтіс юралысьөс,— мый нө эськө сэтшөмсө сөйин?

— Да вот сійө и эм, мый нинөм эг сөй. Рытнас гөрд вина юи да асывнас вермутөн пөкмелитчи. Со и восөдө. Гырдөн.

Юралысьыд бара на жалитіс Қонө Миштө да лэдзис гортас бурдөдчыны.

Тадзи Мишыд веляммис. Пыр сылы пыдди пуктана помка сюрө. Өтчыд кык лун эз волы да посйысис сійөн, мый другыскөд дас во бөрын аддзысисны. Сэссия норасис быт керка да магазин вылө. Найө пө миян учреждениекөд өти кадө уджалөны. Луннас кө он ветлы сэтчө, он и веськав. Тоштө бритны весиг некор. Либө нянь тупөсьтөг колян, да ош моз певтө ковмас нөнявны.

Вежон эз мыччысьлы. Локтіс да юралысьылы ныр улас гижөд пуктіс, объяснительнөй. Бара на пө узьсьөма. Да сэтшөма, мый чайтөмаөсь кулөмөн да гуавны нин көсийөмаөсь. Ладнө, мый суседкаыс абу лэдзөма. Гуалад пө да, коді кутас уджйөзсө мынтыны. Сійө пө менсьым дас шайт удждыліс.

Сэссия өд миян юралысь вылад нөшта на ыджыд юралысьяс эмөсь. Найө дыр думайтісны да гөгөрвоисны. А мый нө пө тайө Қонө Мишсьыс? Сійө пө удж вылас оз и воывлы. А, гашкө пө, сійө оз и ков? И бырөдісны ковтөм штатсө. Перевод сетісны, мед пө көть мунас, да мынам сысь.

Өні висьталөны, мый Қонө Мишыд выльлаын уджалө. Сідзи жө быд лун сөрмөдчө, либө некымын лунөдз оз мыччысьлы. И пыр сылы сюрө пыдди пуктана помка. И юралысьыс пө зэв жө шань. Оз на пө тай корсь воропсө, мед мездысьны сысь.



Семен Николаевич Кынев чужис Пезмөг сиктын 1934 воын. Школа помалөм бөрын уджаліс колхозын. Служитіс Армиян, Водзө велөдчис. Өні уджалө Қөрткерөсын районнөй газетса редакторөн.

КЫК ВИСЬТ

МАДУК

Гуввидзё помтём-дортём, синмён судзтём тундра. Майнин, а сійё узьё на чарём улын. Гөгөр — еджыдысь-еджыд, нинём вылө видзөдлыны, кок туй пасьта кушин абу на мыччысьёма лым увсье. Сьёкыд лоис кёръяслы кёрым чуктөдны. Но төлыс вөлі небыд, этша лымъя и кёръяс ёнасө эз омөльтчыны. Кёра дадюв котөртис кокниа. Кокныыда жө, кадысь кадө, Аким Миш инмөдчывліс харейнас көр задьясө, медым найө төдісны, мый кёзянины оз узь. Эз чуткав сөмын водзын мунысь көрсө, коді кёзяинсө кыліс юрнас — вөжжи пырыс. Дадювлөн тшөтш-көса котөртөмысь ланьтис-унмовсис батыслөн мыш сайын пукалысь квайт арөса Витька.

Мөвпясө вөйтчис Миш. Сы син водзын тундраас унатор вежсис. Ас кежас казътывліс, кыдзи мырсисны тундраын дедыс да батыс, өткодьяліс сэкса уджсө өнія көрдор олөмкөд. Важысянь пастукьяс көр стадаяскөд тундраө петавлісны көдзыд бөрыньтчигөн — апрельын, а гортгөгөрся яла нитшка ягьясө бергөдчывлісны ноябрын — декабрын. Во джын некутшөм юөр эз кывлыны көр видзысьяс чужан сиктын олөм-вылөм йылысь, сы дыра жө некутшөм юөр эз волы тундраысь гортсаясыслы. Мишлөн бать-мамыс кольлөмаөсь сиктө велөдчыны медся ичөт писө. Кувсяс пиныс, а сы йылысь төдмаласны сөмын вит төлысь мысти. Некор оз вунны войнадырся сьёкыдысь-сьёкыд, тшыгьялан вояс, сэки и көр видзысьяслы яйсө безменөн веситлісны... А өні? Э-э! Мый и сёрнитны-өткодьявны! Көть и сэкса кадө моз жө во джын гортсаясысь зэв ылын — шогыс абу. Бригадир быд лун радио пыр сёрнитө мукөд стадаясса бригадирьяскөд, юасьё: көні йирөдөны көр стадаяссө, кодарлань көсйөны вешйыны. Быд лун жө радио пырыс совхоз контораө сводка сетө, корсюрө весиг аскөдыс директоркөд сёрнитлывлө, а конто-

раын пукалысь радистыскөд мукөд луннас кыкысь варгасны — быдторсө өта-мөдлы висьталасны. Вертолётъяс чом дорө пуксьывлөны: прөдукта да төвар, газетъяс да журналъяс, сиктсаяссянь письмөяс да посылкаяс вайöны. А овывлө өмөй эзысь кокошника сулеятөм посылка? Аким Мишлөн мугыдоват гөгрөс чужөм вылын ворсыштис нюм. Быд посылкаын кык сулея. Пастукъяс шуöны, морт пö кык кок вылын ветлө, кык кок вылө и винаыс колө. Чом дорө вертолёт пуксьылан луныс календарын көть и абу пасйöма гөрд рөмөн, но көрдорсаяслы сийö празник кодь жö. Уна бур вöчö вертолётды! Каникулъяс вылө, школаысь лэдзалөм бöрын, челядьöс бать-мам дорө тундраö вайö. Кодкө кө висьмас — больничаö лэбодас либö врачöс чомйөдз вайодас...

— Айко, аддзам Мадуксö? — унзильпырысь юалис Витька.

— Аддзам, мада, оз вош, — вочавидзис батыс. — Гашкө, öнi жö паныд веськалам, көнкө няньөн чöсмасьштны чомлань котөртö.

Мадук — авко, чом дорын быдтөм көр. Тайö важенкасö этша көрыма воö лелькуйтис Мишлөн гөтырыс. Таво Мадуксянь виччысисны теляöс. Төдис та йылысь и зонка.

— А кутшөм ним теляыслы сетам? — Гашкө, дасöдысь нин юасьö сийö батыслысь.

— Ме чайта, Дзолук, — векни, но ылö аддзысь синьяссö читкыртлөмөн шуис батыс.

Авкояслы бөрийöны мелi нимъяс. Мадук — муса, Дзолук — ичөтик. Асывнас нывбабаяс чомйысь петкөдöны водз дөра тырыс вундалөм нянь, мелiа чуксалöны быдтасьяссö: «Мадук, Мадук-э! Дзолук, Дзолук-э!..» И сылиас көлөкөльчикьяса авкояс — ичөтикьяс на и ыджыдыяс нин, сюраöсь и сюртөмъяс, разипельысь нелькокийв төвзöны чöсмасянторла чомлань.

Авкояс гажöдыштöны көр видзысьлысь лунысь-лун өтсыма олөмсö, небзьөдöны зумышмөм сьөлөмъяссö. Мамтөг кольөм теляяс вöсна нывбабаяс төждысьöны асланыс челядь вöсна моз жö, авкоясöс вердöны дэбыдик шыдөн, няньөн, көтөдөм сукаръясөн. А пемөсьясыс челядь моз жö сибалöны йөз динö. Оз кольны уджйöзаөн авкояс, кор быдмасны да ёнмасны. Дадюв кыскигөн водзын мунысь көрыс — авко, юяс вомөн вуджигөн да каралö* стадасö

* Карал — йөр, кодöс сувтөдöны көръяслысь юр лыдсö лыддьöм могысь.

йортігөн медводзын котортө авко жө да ас бөрсяыс нуодө мукөд көръяссө. Честь төдысь көзяин некор оз начкы яй вылө авкоёс. Кодкө кө лэптас кисө авко вылө, сэтшөм мортсө нэм чөжыс кутасны мустөмтны тундраын.

Мадук пыр кытшлаліс чом дорын. Но лун куим сайын вөтчис матысса чомйысь волысь пастуклөн дадюв бөрся. Пиыскөд Аким Миш өні ветліс сійө чомъяс, но Мадукөс сэтысь эз аддзы. Суседыс висьталіс, мый Мадук кольччис джын туйын, сэні йирсьысь куим көркөд. Деливө лон Мишлы. Татшөм дырсө Мадук некор эз ылыстчывлы чом дорысь, да нөшта көрымөн дзескыд кадө. Но эз петкөдлы пастук ассьыс майшасьөмсө пиыслы. Надейтчө, гашкө, пө Мадукыс куканясис да кутшөмкө мыльк сайын дзебө йөз синъясысь эбөстөм на телясө. Овльвлө сэтшөмыс, торйөн кө нин первойысь вайсян важенкаяслөн.

Виччысьтөг дадюв весьтасис көр шойяскөд. Ёкмуніс сьөлөмыс Аким Мишлөн. Нель вийөм көр куйлісны матын өта-мөдсяныс. Тушаяс косттыс мунөма вездеход. Миш сувтөдіс дадювсө, майшасьөм вөсна тіралысь киясөн көрталіс вөжжисө.

— Мый нө тайө, айко?— повзьөмысла гөгрөсмөм синъясөн видзөдіс Витька вийөм көръяс вылө.— Зверьяс али мый найөс?..

— Кык кока зверьяс начкысьөмаөсь,— пинь пырыс ярскөба шуаліс пастук.— Лёк йөз вездеход вылын вөтөдөмаөсь көръяссө, ружьеысь лыйлөмаөсь.

Кортөм «начкысьысьяслы» яйыс абу колөма, көр кокъясысь сөмын кыссө кульөмаөсь. Сэтысь пими вурасны! Мадуклысь рушкусө лёк ногөн кырыштөмаөсь, телясө перйөмаөсь. Кодкө кутас новлыны сылөн небыд гөна куысь вурөм шапка.

Шөйөвошөм Аким Миш вель дыр видзөдіс вирөсьтөм көр тушаяс вылө. Пастук абу жеб сьөлөма, сійө аддзывліс уна дас шой, кор көръяс усьлісны тшыгъялөмысь либө висьөмысь. Неминучасьыд он пышйы. А тайө мисьтөм лёкторсө вөчисны вежөра йөз. Найө весиг вийөм пемөсьяс вывьсыс кусө эз кульны, яй тушаяссө эз керавны. Лыйөм көръяслөн шоньд на кокъяс вылысь гусясысьяс нетшыштісны кучиксө, кырыштісны важенкалысь рушкусө да гусялісны чужтытөм на телясө, еджыд чарөмсө гөрдөдісны вирөн да усйысисны вездеход вылын, медым дзебсьыны йөз пөвстын.

Вийөм көръясөс аддзөм мысти зэв лёк лонис Витькалы. Сійө туплясис Мадук дорын вирөсьсөм лым вылас, сыркъ-

ялөмөн бөрдис да коритис батысө, ерис дядьбясөс да тьө-
төясөс, кодъяс корсюрө вольвлөны налөн чомйө да кодъ-
ясөс нимкодъпырысь гөститөдөны медся чөскыд айбар-
чөн — посниа вөлалөм кын яйөн да чериөн, гөсөн жари-
төм мускөн. На волігөн нимкодъ вөлі и Витькалы, өд найө
вайлісны зэв чөскыд гөснечьяс, вөліны долыдөсь да бур
сьөлөмаось.

— М-мед сөмын ещө отчюд локтасны тайө лочьясыд...
М-ме налы петкөдла,— мыкталөмөн да бөрдөмысла ён-
джыка пыскылясьөмөн шуасис Витька.— С-став поньясөс
н-на вылө усьйөдла... Некол налысь канфет ог босьт.

Детинка юрнас да кокъяснас нөйтчис чарөм бердө.
А Миш сулаліс, вунөдис весиг куритчөм йылысь. Сулаліс
шай-паймунөм чужөма, тувсовъя төвьясысь потласьөм
вом дорыс тіралыштис, син водз руаліс синваысь. Вөлі
забеднө: өбидаяс ещө на ёнмис сыысь, мый ставсө тайөс
аддзө, гөгөрвоө да аслас ичөтик сьөлөмнас нөйтчө сылөн
медбөръя пиыс — квайт арөса Витька. Жаль сійөс. Төдис
кө водзвыв татшөм лекторсө, эз эськө босьт аскөдыс ди-
тясө.

Бать матыстчис пиыс дінө, сувтөдис сійөс кокъяс вы-
лас, малича дөрөм бөж дорнас синваысь сулик ва чужөм-
сө чышкыштис, сэсся босьтис мөздорас да пуксьөдис дод-
дө. Медся мелі кывьясөн кутис бурөдны Витькаөс, коді
дугдис нин горзыны да сөмын надзөник сыркъяліс.

Миш шогпырысь видзөдис вездехөдөн кольөм туй вылө,
воськовьясөн мерайтис воргаяс костсө, зіліс босьтны ве-
жөрө машинаөн кольөм туйлысь серсө. «Стөч татшөм жө
серьяса туй коліс чом дорө төрытъя гөстьяслөн вездехо-
дыс!»— казяліс сійө. А өд найө вөліны бурөсь, гажаөсь,
байисны небыд нянь, индийскөй чай (пачкаас слөнөс ри-
суйтөма), еджыд вина. Лунтыр гөститісны, гажөдчисны.
Мунігас налы нельнанныслы сетісны пыжикөн — куим ве-
жонся теля куяс, а Мишлөн гөтырыс содтөд козыналіс
кыс. Ёд сэтшөм бур да гажа войтыр, кыдзи он сет. А мый
нөшта на йылысь төдис Миш? Висьтасисны: Алексей,
Санька, Борис да Надя. А унджыксө на йылысь көр ви-
дысь нинөм эз төд да и төдмалас-ө коркө.

— Весиг яй тушаясө эз керны, сямтөмъясыд,— роп-
көдчис Миш, тушаясө өти местаө чукөртігөн. Тушаясыс
джынвыйө кымөмаось нин, дыркодъ лоис ноксыны кокъ-
яссө да юрьяссө пуртөн торйөдлігөн. Тушаясө, юрьяссө
да кокъяссө торъя чукөрьясө тэчөм бөрын, Миш бара
сулалыштис, видзөдліс аслас удж вылө, ышлолыштис:
«Морт ногөн коть лои вөчөма». И сөмын өні казяліс, мый

эз на куритчы. Вочасон бурасис шогё усьом зонка да недыр мысти унмовсис.

Татшом пакостыс вөвліс нин. Сы серти көр видзысь төдіс, мый вездеходыс тасянь петіс ыджыд туй вылө, медым өдйөджык саймовтчыны туюлөмысь. Стөч-сідз. Вездеходон кольом туй петкөдіс паськыд трасса вылө, кодсянь туйясыс вожалісны уна бурөвөй шышкаяслань. Миш сувтөдіс дадувсө, лөсьыдджыка пуксис да кутіс жугыля дзоргыны туй вылө. Отарас төвзисны-мунісны ота-мөд бөрся некымын ыджыд машина, кодъяс нуисны трубаяс. Мөдарас муніс ящикъяс тыра машина. Шофёръяс веськодпырысь видзөдлісны көр видзысь вылө, сөмын өти довкнитліс кудриа юрнас. Выліті гораа муралөмөн лэбис МИ-6 вертолёт, коді нуис өшалысь груз. Вертолётъястө Миш бура төдіс эз сөмын мыгөр сертиыс, но и шы серти. Ичөтджык вертолётъяс — «двойка», «четвёрка» да «восьмёрка» вель унаысь пуксьывлісны сылөн чом дорө. МИ-6 — ыджыд лэбач, быд яранлөн чом дорө айбарчасны оз пуксы. А вот автомашинаяслысь да вездеходъяслысь нимъяссө Миш эз төд: найөс торйөдлісны ыджыдъяс да поснияс вылө, да ещө рөм сертиыс.

Туй кузя грымөдөмөн шуркнитісны кык ыджыд вездеход, ас бөрсяыс лэптисны лымъя кымөр, коді гөвкъяліскыссис на бөрся. Вездеходъясон лэптөм лымъя кымөрлөн лестукъясыс воисны и Аким Миш дорөдз — лыдтөм-тшөттөм көдзыд емъясон моз сатшкыштисны чужөмсө. Ещө на забеднөджык лоис Мишлы, сьөлөмсө кутіс чепөльтны. Висис сылөн сьөлөмыс машинаясон кырлалөм тундра вөсна, көні воысь воө чинөны яла нитшлөн запасъяс. Прадедъяс и дедъяс төждысисны, медым көръяс эз йирны яласө кушмытөдз. Та вөсна жө, начальстволөн индөдтөг, төждысисны Миш да став көр видзысьяс. Од тундраыс сетө олөм оз сөмын көрлы, но и вердө да пасьтөдө көр видзысьөс. Төдөны-ө та йылысь чомйө воысь «бур» другъясыс? Вина юөм бөрын чомйысь найө мунлісны эз куш киясон, а Миш кольччыліс висян юрөн. Обиднө вөлі сылы и сыысь, мый пыдди пуктана суседыслөн Настя нылыс эз ло Аким Мишлы моньон, а муніс нефтяникъяслөн посёлокө телеграфисткаөн.

Бара кыліс вездеходъяслөн шы. Аким Миш звирк чечыштіс, синкымъяс весьтө кияссө лэптыштөмөн видзөдліс сыланьө, кодарсянь кыліс машинаяслөн мургөмыс. «Со, сійө — төрытъя вездеходыс локтө!» — казяліс Миш, сэсся видзчысьөмөн, медым эз садьмы узысь пныс, дөддысь босьтіс кык ствола ружьесө да котөртіс туй шөрө.

Машинаяс матыстчисны өдсө чинтытөг, а сийö сулаліс туй шöрын вывлань чургөдөм пицальсö пельпомас пыкөмөн, тэрыба лыддьөдліс: «Куимсө воськов... Кыксө... Сө ветымын... Сө!..» Синъяссö кунтыртөмөн Аким Миш личкыштіс курөк вылө — грымөбтіс лыйөм, но шыыс быттьө эз и кыв. Тайö здукө өдсө лаймөдлытөг, дзик туй дорышөдз кежлөмөн, йиркөдісны-мунісны вездеходъяс. Аким Мишөс вевтис машинаясөн лэптөм лымъя кымөр. Лигышмунісны кокъяс, сийö пуксис туй шөрө.

Разаліс нин вездеходъясөн кыпөдөм лымъя кымөрыс, а Миш пыр на пукаліс туй шöрын. Сылөн юрас педзисны жугыль мөвпъяс. Мөвпъясö вөйтчөм морт эз казаяв, кызди сы син водзö тормозъясөн дзуртөмөн сувтіс автомашина. Кабинаысь петіс шофёр, тэрмасьтөг видлаліс көлесаяссö, быд көлеса зумыдакодь чужйыштіс гын сапөга кокнас, видзөдліс кузов улө, кытшовтіс машина гөгөрыс, лэптыштліс брезентсö, кодөн вевтьөма кабинаысь джуджыджыка тэчөм груз да вөлисти чолөмасис:

— Видза олан, батя!— вашъяліс шофёр. Сийö вөлі ён тушаа, джуджыджык Миш серти, том — пи вылө туйыс.— Мый сэтшөм жугыль, батя? Двухстволкаөн дуран — штрапуйтасны өд.

Миш сувтіс, ружье вылас көстыль вылө моз пыксөмөн. А варов шофёр юасис:

— Мый тэкөд лоис, батя? Садь быртөдзыд вина сысьялін али кольмин?

— Айкоыд из ю тон! Из ю! Из...— горөдіс Витька.— Мадукөс лөк йөз тотшкисны...

Но Витькалысь шуөмсö, тыдалө, эз кывны ни батыс, ни шофёр.

— Чолөм, көр видзысьяс!— шофёр перйис зепсыс сигарет пачка.— Вай тшынасям да төдмасям.

— Тэ — көин,— шофёрлы синмас видзөдөмөн скөра шуис Аким Миш.— Көин дорысь на лөкджык... Көинөс позьö вины, а тэнö оз позь! Көинныс полө меысь, а тэ некодысь он пов...

Аким Миш крута бергөдчис шофёрлань мышнас да катласьөмөн тэрмасьтөг веськөдчис дадювлань. Шофёр гөгөрвоис, мый көр видзысьөс кодкө ёна өбидитөма. Сийö шога юрнас довкйөдлөмөн пуксис кабинаө да ньөжйö, мыйыськө яндысигтыр, вөрзьөдіс машинасö.

Сентябраса зарни лун. Сөмын на воим вертолётөн Ва-шуткиноса эновтөм факторияё. Сулалім мужичөйяскөд өти керка дорын. Сэтчө овмөдчөмаёсь нин миян дорысь водздзык локтөм пастукъяс-көр видзысьяс. Найö вич-чисисны стадаяслысь матыстчөм. Видзөдам орчөн шыльквидзысь ты вылө. Сылөн берег вылын сулалёны керкаясыс. Сёрнитам. Сэки чой горулысь виччысьтөг ад-дзи фуфайкаа да пеля шапкаа мортос. Векныдик ордым кузя бауөн кайис сийö ва дорысь.

— Коди тайö?— чуймөмөн юали ме.

— Степан,— вочавидзис кодкө.— Ва кыскө.

Тайö здукө мортыс дугдис кыссыны, бергөдчис бөрвыв да збыль кутис кыскыны сысянь метр кызь сайын куйлысь көвйөн көртыштөм полиэтиленөвөй мешөк. Ваыс мешөкас солькьяссис, но эз кыссы — мешөк вомсө крепыда көртал-лөма көвнас.

— Важөн нин коктөммис?

— Комын во гөгөр нин со тадзи шогсө пыкө, йөз ді-нын олө, туйын накөд ветлө.

— Чери кыйысь-вөралысь сийö,— эскөдөмөн висьталіс олөма көр видзысь.— Абу сэтшөм-татшөм, а бурсыс-бур вөралысь. Сезоннас көкъямысдас кыньөдз кыйлывлө, тон-наясөн чери сдایتө. Олө со... Семьяыс сылөн ошкана, бур. Öні посёлокын олөны ставныс, гөтырыс и. Степан со өтнас, кольччывлө наысь.

Том пастук муніс отсавны Степанлы, а ми пырим кер-каё. Муртса пуксим пызан сайö — дзуртыштіс-воссис өдзөс. Ставөн видзөдлім пороглань — Степан пырö. Кокъ-яссө ас улас сюркнитөмөн, сийö ки мөдзьяснас мыджсис джоджө да кокниа вуджөдис ассыс тушасө порог вомөн. Куимысь-нелысь сідзи зыбнитчөмөн Степан воис пызан дорөдз. Кодкө матыстис улөс. «Колө отсыштны пуксы-нысö»,— юрын вирдыштіс мөвп, но син лапнитігкості не-кутшөм отсөгтөг, пелька, быттё жбыркнитіс, кавшасис мортыс улөс вылө да кыпыда нюмъялөмөн кутис киасьö-мөн чолөмасыны миянкөд.

Ён пельпомьяса, бурлунөн югзысь гөгрөс чужөма, тайö мортыслы вөлі нелямын көкъямыс арөс гөгөр. Сө-мын öні ме шемөсми, да сөмын öні помөдз тырвийö гө-гөрвои Степанлысь пикө воөмсö: киясыс сылы өттшөтш вөліны и кокъясөн. Чорзьөм ки пыдөсьясыс кыза вевт-тысьсөмаёсь кос гадьясөн. Рудовгөрд чуньяса ыджыд

кикаръяссыс быттё путшкөм гезйысь тыдалёны кыз сөнөд гартөдъяс.

Степан видзөдліс пызан вылө, серөктөмөн шуис:

— Мыйон нө гөститөданныд? Ноко, Лёнька, ветлы пыж дорө да вай мичаджык чиръясөс. Вашуткинскөй тыяс вылын олам-кыйсям.

Бура гөститөм да аддзысьөм лышкыда пасйөм бөрын мужикъяс узисны дыр. А меным эз узьсы, мөвпалі Степан йылысь. Коктөммөм бөрас со абу усьөма сьөлөмнас, абу лэдзчысьөма. Крепыд сьөлөма, вежөра морт. Олө со мукөдъяс моз жө и оз көнкө шоныдынын, йөз сайысь, гортсяныс некымын сө верст сайын, Полярнөй кытшайса тундраын да кыйсьө. А сәні и дзоньвидза мортыслы абу кокни.

Рытнас на Степанкөд сёрнитчим, шуим ветлыны кыйны чери. Ме муні сы ордө, орчча керкаө. Пелькиник жырийын сёйыштөм бөрын мөдөдчим ты вылө. Берегас Степанлөн лөсьөдөма пристань. Ваас тувъялөм майөгъяс вылө вольсалөма кыз пөвъяс. Найө вөліны өтвесьтын сәні жө домалөм пыжлөн дорышкөд.

— Домөдсө разь, но эн вөрзъы берег дінсьыс, сулав,— тшөктіс Степан. Босьтіс дыр вөдитчөмысь шылялөм крука бөдь да кыссис пыж бөж весьтө. Сэсся өти кинас кутчысис пыж дорышас, а мөднас, беддянас, мыджсис пыж пыдөсө да пелька чеччыштис-пуксис пыжлөн бөръя пуклөс вылас.

— Молодеч,— төдлытөг шусис менам. Эг и гораа эськө шу, но Степан кыліс да дивитөмөн видзөдліс ме вылө.

Лунтыр ветлім Вашуткинскөй тыяс да найөс өтлаөдысь висъяс вывті. Тыяспөлөнса мылькъяссө вевттысь пуяс гылөдөмаөсь нин коръяссө, рудөдөмаөсь, веж рөмсө ывла вылыс вежис нин кольквиж да гөрдоват вылө. Сэзь поводдя дырйи арся ваис и муис шензьөдөны скуп, но аслыспөлөс мичлунөн.

Тэрмасьтөг кывтам вис кузя. Ме пукала пыж нырын пицала, виччыся уткаяслысь кыпөдчөм. Степан видзчысьөмөн сынө өти лопта пельсөн, веськөдлө пыжнас. «Зэв жө сьөкыд мортыслы,— бергалө менам юрын жалитана мөвп.— А пыжас пуксигөн кө бөдь крукылыс вильснитас? Либө кокъясыс крукаясны?..» Медым вөтлыны татшөм мөвпъяссө, пыри сёрниө:

— Кывлі локтысьяслысь, тэ пө весиг көръясөс ачид видзан, а кольөм воын пө кутлытөм көрөс велөдөмыд дадь кыскавны?

— Тундра помысь вердча. Велалі и көрдор уджө,—

юрнас довкнитіс Степан, недыр олыштіс чөв, видзөдліс аслас сөнөд сойяса кияс вылас да вөлисти сёрнисө нуөдіс водзө:— Көртө кутны ыджыд кужанлун оз ков— шыбита сюръяс вылас няртала да аслань кыска пемөсөс, пөрөда кокъяс йывсьыс, дом шыркнита голяс да виччышта, кор раммас көрыс.

Висьтавлігас Степанлөн чужөм вылас ворсыштө нюм, но сэк жө синъяс сертыс позьө казявны пыдө дзебөм дойсө. Синъясыс быттьө висьталоны: «Ачыд гөгөрвоан, мужик, кутшөм сьөкыд нярталаавны тэрыб кока көрөс да велөдны сійөс кыскавны дадь. А ме тайөс вөча и нимко-дся, лыддя ыджыд вермөмөн. Абу на, сідзкө, ме нинөма морт».

Эг кө аддзысьөй Степанкөд, ме эськө эг эскы йөз сёр-нилы, мый коктөм морт ветлө пыжөн, кыйө чери, кыньяс вылө октө налькьяс да видзө көръясөс. И со, сэтшөм мортыс ме водзын— нюмъялысь, востер, збодер.

— Муывса уджыд прөстөйджык,— мыйкө дыра чөв олыштөм бөрын бара кутіс сёрнитны Степан,— ва вы-лын— сьөкыдджык. Пыжө пуксигөн да берегө чеччигөн, пыжө подвеснөй мотор сувтөдігөн да сійөс босьтігөн от-сөгтөг сьөкыд бергөдчыны. Но ковмас кө ёна, и тайөс вөчны босьтча. И вөча.

Ме казялі, Степан вөдитчө уна сикас бедьясөн, крукья-сөн, пыкөдьясөн, баклашкаясөн, көвьясөн, мешөкьясөн. Сөмын өти крука бедьнас ме дырйи сійө лунтырөн вөчис дас кымын сикас удж. Бедь вылө мыджсьөмөн пуксис пыжө да петаліс берегө, кыйсян угоддьөяс видлалігөн кыскис тывсө, вуджөдіс крукыштөмөн пыжө, вөчис и му-көдтор.

Степан лунтыр вөлі збодер, пыр шмонитіс. Тайөн, гаш-кө, сійө зілис петкөдлыны, мый и сылы свет вылас овсьө мукөдьяс ног, оз омөльджыка. Тайө кыпыдлуннас, шмо-нитөмнас сійө водзвыв өлөдіс, медым сы вылө эз видзөд-ны жальпырысь. Но йөз син сайын, өтнасөн, вермас лоны, Степан вөлі мөдджыкөн.

Дыр кад чөж ас кежын, ывла вывкөд, тундракөд олі-гөн Степан кодь йөзыс кужоны кутны юр садьсө, радейтө-ны мөвпавны ас кежас. А вөр-ваыс, сьөкыдлунъясыс велө-доны. Найө оз ылөдлыны морттө, вөчоны смелөн, быдтор сяммысьөн.

Ас береглань нин матыстчигөн Степан, аслас мөвпья-ясас вөйтчөмөн, торъя коланлунтөг видлаліс пыжын куй-лысь көтасьөм тывьяс. Довкнитіс юрнас, а сэсся арөн

мичмөдөм кольквж рёма мылькъяс вылө видзөдігмоз
гортөм, пөдөм гөлөсөн паніс сёрни:

— Арыд — сійө быттьө дзоньвидза мортлөн вежа, чук-
йөн шуда пөрысьлун... Пуяс вылысь гылалөм коръяс вын-
сьөдасны му, сетасны выль олөм...

Мөд луннас локтісны көръяса дадювъяс, да ме муні
чумө. Степан колльөдіс менө. Аслас вына кинас сійө кре-
пыда кутліс менсьым киөс. Ме, дерт, көсйыси, но сэсся
эг нин слөймыв воынысө. Көть эз удайтчы адзсысьлыны
мөдысь тайө мортыскөд, но век кежлө йиджтысьсны кык
вунөдлытөм серпас: чериөн озыр Вашуткинскөй тыяс да
сьөкыдлунъясысь повтөм морт, коді воськовтіс уна йөзөс
падмөдан мытшөд вомөн.

Пик Герасимович АРТЕЕВ чужис 1937 воын Усинскөй районса
Новикббж сиктын. Сэні и олө. Оні веськөдлө көр видзан фермаөн
«Усинскөй» совхозын. А сыөдз служитіс Сөветскөй Армияын, сэсся
уджаліс Воркутаын, шахтаса мотористөн, велөдчис Вологдаын совет-
ско-партийнөй школаын. Йөзөдліс висътъяс «Усинская новь» газетын,
«Войвыв кодзув» журналын.

АЛЕКСАНДР НЕКРАСОВ (Гамса)

* * *

Ошинь ув сад йёрын ыдждалё ар,
Чеплялё пуяслысь корьяс.
Томиник пельсылы гожёлён жар
Кольёма отнаслы торйён.
Алөйгёрд сикётшён өзйёма пу,
Көдзыдыс веськодь дзык сылы.
Көть мездорад шымырт да сылігтыр ну
Кыз мичаник ичмоньёс гортөдз.

* * *

Кор дзоридзён өвтчө веж лём,
Сэк нывьяслён меліджык нюмыс.
И лунысь-лун содтё веж рём
Зіль тувсовья шоналём муыс.
И съёлөмянь съёлөмөдз пос
Сэк тэчоны зоньяскөд нывьяс,
И весигтё дзордзалё коз,
И небзылө емалан сывйыс.

* * *

Нывбабаыд абу сёмын ань,
Абу сёмын мам, код ловнас шань.
Нывбабаыд семьяыдлөн пыкөд,
Олан мичыс и став гажыс ськөд.

Сыланкывсö сыв, эн ланьт
Миян муслун йылысь, ань.
Медым тэнад, доналён,

Сьёлём бердыд шонавлö,
Медым эзысь шыясыд
Мича прöшви кыасны.

ВЫЛЬ ВО ВОДЗВЫЛЫН

Ошинь стеклöб мича дзоридзяс
Кöдзыд ляскöма бара со.
Мый пö мөвпыштан выль во
водзвылын,
Сийöс збыльмөдас локтысь во.

Кöсья ныв-пилы: шуд мед
нюмъялас
Налён сьёлөмас лунысь-лун.
Лёксö йöзлы код пыр на
тунъялö,
Сылён пемдас мед мисьтöм дум.

Медым томъяслөн муслун
дзордзалас,
Лоас мича, кызд сыланкыв.
Сьöкыд ордымъяс кодъяс венöны,
Налы бурыс мед мыччас сыв.

Мед быд керкаö шудлун овмөдчö
Да и гажöдö олөм-сад.
Книга лист бокъяс кузя
мед сöмын
Челядь тöдисны война кад.

ГУДÖК ШЫ КОР КЫЛА

Гудök шы кор кыськö кыла,
Гажыс шымыртлö сэк лов.
Вешъяс пöрысьлунöй ылö,
Нимкодясьтөг ог на ов.

Пыр и син водзö тай сувтас
Эжва нöрыс, муса ныв,

Юргö дзоридзяса увтас —
«Мича нывъяс» сыланкыв.

Гажа нöрыс ванас кырис,
Ваыс абу важкодь сöдз.
Жаль, мый шоча гудök шыыс
Кывлö сиктын, мый кöть вöч.

КЫА

Алöй чужöмбана кыа —
Югыз шондёлөн бур ныв —
Мича асья серпас кыö,
Мыччö кымөръяслань сыв.

Бöртас сайö ыджыд бипур
Сийö öзтöма нин со.
Кызкөд вашкөдчö нин пипу:
«Луныс кыатөг оз во».

ЧИКЫШЪЯС

Чикышъяс, чикышъяс,
Зэв тэрыб лэбачьяс,
Любѳ, мый гортаныд
Воанныд ті.
Парманым мам моз жѳ
Тіянѳс лелькуйтис.
Быдѳн ѳд сылы ті
Ныв либѳ пи.
Сѳмын тай регыдик
Оанныд миянын,
Видзѳда — бара нин
Лэбанныд тась.

Бур туй да дзоньвидза,
Мусаяс, тіянлы...
Регыд и парма тшѳтш
Пасьталас пась.
Тулыснас тіянѳс
Бара ми виччысям.
Парма оз гѳльмы,
И век вичмас поз.
Выль локтысь гожѳмсѳ
Тіянлы мичмѳдны
Ме тшѳтш сэк отсала
Нюмъялігмоз.



Александр Иванович НЕКРАСОВ (Гамса) чужис 1931 воын Гам сиктын (Емдін район). Помавліс Коми государственнѳй педагогическѳй институт. Директоралѳ аслас чужан Гам сиктын, шѳр школаын. Гижѳ медсясѳ челядылы, но петкѳдчывлѳны и мукѳд визя-сера кыв-бурьяс. На лыдысь некымынѳс йѳзѳдѳма тайѳ кингаын.

НЮМ

Рита, том, ар кызь вита нывбаба ёна воис сьёлём вылө, ме сійёс пыр жө тсрйөді палатаын куйлысьясь. Нылыс вөлі сөстөм чужөма, русьд небыдик юрсныс пель-помъясөдзыс, пелькиник тушаа, рудов синъясас ворсөдчис нюм. Сылөн нюмыс вошлывлө сөмын сэк, кор нывбаба ылавліс книгаө, и сэк жө палатаын пуксьывліс чөв-лөнь. Нывбабаяс гажтөминика шыбласьлісны кыв-мөдөн, но не-код эз торк Ритаөс.

Но кор сійё шойччөм могысь моз эновтліс лыдды-сьөмсө, палата быттё ловзыліс мазі поз моз: кыптывліс сёрни, серам, теш. Сералігас Риталөн читкыртчывлісны синъясыс, кольліс сөмын векндыдик коляс, быттё сійё койис йөзыслы шоныдлун.

Век кыпид, нюмсера, сійё эз сөмын меным во сьёлём вылө, но, буракө, и палатаса мукөд нывбабаяслы. Весиг Валентина Антоновна, олөма нин морт, ар ветымына, пөттөдзыс сералөм бөрын чышкыштавліс синвасө да шу-ыштавліс: «Но и Рита! Теш и серам!» Валентина Анто-новна вунөдліс сэк асьыс шогсяна мөвпъяссө пиян йыв-сьыс. Ыджыдджык писө виччысис армиясы, а мөдыс өк-мысөд классын велөдчысь, өтнас гортас көзяитө и көзай-каалө. «Вот воас салдат гортө, а мамыд абу, со өд ку-тшөм неминуचाыд суис, больничаө веськалі»,— частө кайтліс сійё да ышлолаліс. Либө мөд пи йывсьыс: «Дзик на медводдзаысь өтнас коли, өд кольк жаритөмысь кын-дзи, некутшөм вөлөга лөсьөдны оз куж. Қызди олас-а? Деньгасө эськө коли да...» Мам сьөлөмыд тай мам сьө-лөм и эм, он тай аслад чужтөм-быдтөмъяс йывсьыд здук кежлө вунөдлы.

Меным вөлі нимкодь төдмасыны вель йөзкөд, окота-пырысь кывзылі нывбабаяслысь асланыс олөм-вылөм йы-лысь сёрнияссө. Төдтөм йёзыд тай кокниджыка сьөлөмсө восьтөны өта-мөдыслы, юксьөны шогнас и шуднас. Но,

дерт, медлюбёпырысь, кызди и став мукд нывбабаяс, кывзылі мича мыгёра да нюмсера Ритаёс. «Ёна и шуда жё, буракё, верёсыс талён»,— эг ётчюд кайтлы ме ас кежысь.— Кыпыд мортыдкд овнытё ёд и аслыд кыпыд-джык».

Ёти рытё, ужнайтём бёрын нин, нывбабаяс дасьтысисны водікежлё. И сэки кыптис энъкаяс йылысь сёрни. Быдёнлы окота лои висьтасыны.

— Ми таво ётпуксё ветлім сиктё, энъка-айка дінё став семьяён. Гёснечсё нуним быдса чемодан, ставлы козинъяс ньёбим: энъкалы и айкалы, и аянывьяслы. А найё медкоть внукуыслы ёти чача ньёбисны. Квайтд ар нин Эдиклы, да чаль чунь кодь козин эз на ньёблыны. А ёд оз гёля овны. Мый чёжём и чёжёны деньгасё,— шыасис ёшиньдорса кровать вылын куйлысь висьысь.

— А ме бара энъка йылысь лёк кыв ог вермы шуны,— шыасис мёд.— Зэв бур нывбаба. Ётлаын олам нин куим во. Дерт, мукд дырйи мыйкё и шуыштлас, ме весиг лёгасьла. Но сэсся мёвпышта да пыр и бурася: векджык ачым мыжа овла. И окыштлас, и вомалас, а век жё ме сійёс пыдди пукта. Бур пи быдтёма, шань верёсой менам. Энъка-айка менё ныв пыдди и видзёны, аслам мамбатьёй сидз эз лелькуйтлыны.

— А ме кодь энъка-айкаыд, буракё, некодлён жё нин абу,— бергёдчис нывбабаяслань Рита, чужёмыс рудёдёма, синьясыс чувсёммаёсь, скёрёсь, вомыс векыштчёма.

Ставыс чёв ланьтисны, шай-паймунисны: ёд татшёмён Ритаёс некод на эз аддзыв.

— Локтис Лёшка армияысь, гётрасим да весиг руб эз сетлыны. Став паськёмсё Лёшкалы ковмис аслыным ньёбавны. Патера пёлучитім, да бара грёш ни кёпейка, эмбурсё лёсьёдём вылё мыйта съём ковмис. А олёнысё,— нюмрёдліс Рита вом доръяссё,— карбердса посёлокын, мёс видзёны, кукань, кык порсь, ыжъяс. Машина эм, мотоцикл, мотора пыж, деньга видзан книжкаыс, кёнкё, потё. Батьыс ичётджык пиыслы шуёма: кольччан кё пёгортё — ставыс тэныд лоё: мотоцикл и машина. А миянлы нё мый? Карё мунім да, Лёшкаыс и эз нин ло пи? Али ми нин сэтшём озырёсь, мый и отсыштны оз ков? Ставсё мёд пиыслы? Таво шойччыны ветлім лунвылё, да менам мам, пенсионерка, мёдодис ветымын шайт, чукёртёма да. А сылён? Гижим письмё, мый ветлім шойччыны да денеганым ставыс быри, корим отсёг. И кызд чайтанныд? Мёдодисны?— читкыртліс Рита синъяссё.— Батьыс гижёма: этшаджык пё колё шлонъявны, денеганыд кё абу. Мед пё

миянӧ локтінныд да турун пуктыны отсалінныд, бурджык вӧлі. А мый нӧ сэсса, вобыд уджалан да нӧшта на и от-пуск дырйи мырсыны? Турун пӧ пуктыны! Асьныс нель пӧрнӧй, гозья да кык пи,— скӧра чӧвталіс чӧв-лӧняс кывъ-яссӧ Рита.

— Порсыастӧ видзӧны да ӧд, кӧнкӧ, яйнад отсалӧны жӧ?— шыассис менам.

— А мед ещӧ эськӧ и яйсӧ эз сетны?— юрсӧ дзӧрӧдӧ-мӧн бергӧдчис мелань том нывбаба.

— Мый нӧ, Рита, сэтшӧма лӧкӧдчан?— лӧня шыасис Валентина Антоновна.— Найӧ ӧд асьыныс могсӧ помӧдз жӧ вайӧдісны. Быдтісны Лӧшкатӧ, велӧдісны, специаль-ность сетісны. Ачыл жӧ шуан, кык пи пӧ налӧн, ӧд найӧс быдтыны-велӧдны жӧ колӧ...

— Сварщикад велӧдӧмыд ӧд абу институтын дыра. Ме эськӧ нинӧм эг шу, эз кӧ налӧн вӧв мыйӧн отсавны. Налӧн ставыс эм, но нинӧм сетны оз кӧсіыны, быттьӧ пиыс абу и пи!— крапӧдіс том нывбаба.

Палатаын пуксис шуштӧм чӧв-лӧнь. Кодкӧ кусӧдіс би, нывбабаяс водалісны, но дыр на бергалісны крӧватьяс вылас, эз узьсы. Кыла, Валентина Антоновна дыр на ышлоаліс. Мый йылысь мӧвпаліс тайӧ олӧма нывбаба-ыс? Гашкӧ, пиян йывсьыс, а гашкӧ, и моньяс йылысь, кодъясӧс коркӧ вайӧдасны найӧ.

Менам эз жӧ узьсы. Ме дыр на мӧвпалі Рита йылысь. Со ӧд кыз верман ылавны: вывтырыс мича да лӧсьыд, а пытшкӧсыс скӧр да колысь.

Гожся югыд войыс эз сет унмовсьны. Небыдик тӧвру пӧльыштавліс восьса ӧшиньӧд да ыркӧдіс больничаса па-латасӧ. Чӧв-лӧнь. Юрын жуӧны быдсяма мӧвпъясыс. И друг син водзӧ воис энькалӧн чужӧмыс, менам энькалӧн. Мича, но чукурӧсь нин, мугов чужӧмыс, югыдлӧз мелі синъясыс, вӧсньыдик вом доръясыс, косіник мыгӧрыс, ко-кошника тшап юрыс. Энька менам Изьва вожысь вӧлі.

Дум вылӧ уси коркӧ уна во сайын нин сійӧс ӧбидитӧ-мыс. Да кылі, кызди чужӧмӧй ыпнитіс яндзимла. Уна ва нин сійӧ кадсянныс визувтіс, челядьӧй нин быдмисны, а менсьым век на сьӧлӧмӧс нюкрӧдліс яндзимӧй. Ловъя кӧ эськӧ вӧлі энька-мамӧй, кок улӧдзыс эськӧ копыртчылі да кори прӧща. Но некодлысь нин корнысӧ. А, гашкӧ, важӧн нин сійӧ менӧ прӧститіс, бур сьӧлӧма мамӧй, а ме пыр на кырлӧдла ачымӧс? А, гашкӧ, гӧгӧрвоис сэки менӧ, да эз и лӧгасьлы.

Олім Володякӧд сӧмын на мӧд во. Верӧсӧй спортсмен, конькиӧн котралӧ. Быд рыт, удж бӧрын, вӧлі мунӧ сек-

цияё. Ме сійёс радейті и ачым вөлі радейтанаён, и некор эг вежөгтыв сійёс спорт дінё. Рытнас сылөн тренировка вылысь воигкежлө пыр мыйкё чөскыдджыкёс пуа-пөжала да виччыся сійёс телевизор дорын кысигмоз либё книга лыддигмоз. Володя воывліс секциясьыс пыр кыпыдён, босьтас вөлі менё кыкнан кинас, бергөдлыштас комната шөрын да царицаёс моз пуксьодас креслө вылө. Ачыс се-рам сорён да шмонитігмоз мыйкё пыр висьталө. Кыкнан-нымлы вөлі кыпыд татшөм рытьясас.

Но ставыс торкисис Маринка чужөм бөрын. Володя удж бөрас муртса кежалас гортө, юалас: «Аннуш, оз-ө ков мыйкё отсыштны?»— Матыстчылас кага крөвать дорө, ворсөдчыштас да котөртө секцияё. А ми колям өтнаным. Лунын кыкөнөсь Маринкакөд и рытын кыкөнөсь. Пыр частөджык и частөджык мөді думыштлывны, а мыйла Володя абу миянкөд? Меным ковмис энөвтны удж, радейтана удж, а Володялы ныв чужөм-быдтөмыс быттё бокиті мунө.

Өні Володялөн кыпыдлуныс эз нин вуджлыв меным, а пыр ёнджыка дөзмөдліс, а сэсся и скөрмөдны мөдіс. Коркө өтчыд ме эг вермы кутчысьны да бөрдөм сорөн горзі Володя вылө. Сійө первойсө шай-паймуніс, едждөдіс, а сэсся шуис жө чорыда: «Ме коньки ог энөвт». Ме бара на горзі обидала тіралысь гөлөсөн, янөді сійёс, но Володя чөв оліс.

Мөд луннас муніс секцияё... И коймөд луннас муніс... Пуксисны миян семьяын гажтөм луньяс. Ме нокси кагаён, а Володя миянысь пыр ылысмис и ылысмис. Өні рытьясын эз нин кывлы сылөн гажа серамыс да шмонитөмыс.

Сэки и гижі ме энькалы тайө лёк письмөсө. Гижі, мый Володя энөвтис миянөс, коньки вылө вежис гөтырсө да нывсө, и мыжді ставсьыс мамсө. Ме гижі, мый сійө абу кужөма воспитайтны писө, быдтөма көдзыд сьөлөма мортөс.

Коли вежон. Миян семьяын ыджыдаліс чөвлун. Сэки и воис Володялөн мамыс. Пырис, пөрччис плюшевой жакетсө, дзоридзьяса еджыд шальсө, мыччис меным кисө: «Ви-дза олан, Аннушка!» Ме киёс мыччи жө, көть и эг нюмъ-ёвт вочасө. Ме и збыльысь сэки мыжді тшөтш энькаёс миян Володякөд олөм торксьөмысь. Узис сэки энька миян ордын өти вой, стөчджыка кө шуны, эз узь, а пукаліс кух-няын пиыскөд. Мый найө сёрнитісны войбыдсө, өнөдз ог төд. Югдандорыс нин водыштліс. Асывнас чеччис да муніс аэропортө. Сёрни миян ськөд эз артмы. Мунөм водзвылас дыр новлөдліс ки вылас Маринаёс, сэсся топөдліс морөс

бердас да сетіс меным: «Эн лөгав ме вылө, Аннушка». Ме чөв олі.

Сэссия энькакөд ми эг нин аддзысьлөй. Тулыснас сійө кулі пытшкөс висьөмысь. Володя ветліс дзєбны, а ме каганад эг и вєрмы. А гожөмнас ветлім Изьва вылө став семьяөн, єна дыр бөрді энька гу вылын да кори прөща аслам письмөысь да лөгалөмысь.

А Володякөд бурасим. Спорт сійө эз энөвт. Кутіс тренируйтчыны асывводзын ачыс, секцияө ветлывліс сөмын шойччан луно. Рытъяснас вөлі миянкөд.

А энька? Колө жө, өти вой кежлө воліс Ижмаысь! А эз кө волы? Ми эськө торъялім Володякөд, Марина быдмис батытөг, эз вөв эськө Қостик, эг вөв шуда ме. Аттьө тэныд, энька-мамөй, ыджыд мывкыдсьыд да сьөлөм сетөмсьыд.

Став тайө казтылөмсьыс менам унмөй и код төдас кытчө пышійс!

Медбөрын ойбыртсьылөма жө. Садьми — мича югыд... Шондыс вылын нин. Медсестра пыртіс градусникъяс. Асылыс нинөмөн эз торъяв мукөд больничаса асывьясысь, быттьө төрыт некутшөм мисьтөм сєрни абу и вөвлөма. Унмыд тай став лөксө юрсьыд вөтлө-весалө.

Риталөн чужөмыс бара вөлі кыпид, синъясас ворсөдчис нюм. Но өні меным сылөн нюмъялөмыс эз нин кажитчы сэтшөм мичаөн да мусаөн. Да и эг нин ме любуйтчы сылөн пелькиник вөраснас. «А гашкө, Ритаыс татшөм мича нюмнас некор на эз и нюмъөвтлы аслас энька-мамыс-лы?» — төдлытөг воис меным юрө.



Елена Васильевна КОЗЛОВА чужис 1954 воын Усть-Вымскөй районса Лыаты сиктын. 1976 воын помаліс Коми пединститут. Олө Сыктывкарын, уджалө литконсультантөн писательяслөн Союзын. 1978 воын «Войвыв кодзув» журналын йөзөдіс кывбуръяс. «Нюм» — сылөн медводдза висьт.

СУС ПУЯС

Меным чужан лунö вöрысь
Батьöй вайлöма сус пу.
Со тай öшинь улын, йöрын,
Сэтшöм статя — кыв он шу!

Сус пу дыра жö мед ола,
Батьöй сийм сэки мем.
Пулöн арлыдöдз кö вола,
Верма овны кык морт нэм.

Зарни шондильсь да мулысь
Сускыс öнöдз босьтö вын.
Сылы öткодь тöv кöть тулыс,
Веськодь — муыс сыв кöть кын.

Бательы мынтыны мед уджйöз,
Йөрö садиті мöд сус.
Медым пины сетны вужйöс,
Медым рöдным нэм оз кус.



Василий Фёдорович ИСТОМИН чужис 1918 вося мартын Брыкаланск сиктын (Ижма район). Помавліс Коми государственной педагогической институт. Журналиставліс, велöдіс ас сиктса школаын коми кыв да литература. Гижасьліс войнаöдз на, печатайтчліс «Войвыв кодзув» журналын.

ПОЛЯРНОЙ КӨЧ

Диксон посёлоклөн өти джынйыс паськөдчөма татшөм жö нима дилөн лунвыв берег вылын, а мөдыс воськовтөма векныдик пролив вомөн материкö. Сэни сулалöны морской портлөн стрöйбаяс, төргөвöй базаяс, олан керкаяс, районной учрежденияс.

Ди вылын медшөр организацияыс радиометеоцентр, дженьыдика РМЦ. Татчө дугдывтөг, лун көть вой, морзянкалөн дзиньган шыяс чукөртöны саридз пасьта шыблалөм уна лыда дияс вылысь поводдя йылысь юбрьяс. Оз öд весьшөрö Арктикасö шуны поводдялөн кухнян.

РМЦ-лөн еджыд кузь керкаын, улыс судтаас, веськыди вылад медводз öдзöс весьтын öшалö табличка: «Отдел кадров».

Шонди тувсов лунö, сэтшөм кадö, кор войвыв шонди көть ньöти оз шонты, но ёна ёрö синтö, пемыд öчкитөг оз позь видзöдны, ми верöскөд пырим тайö öдзöс сайö, көни ыджыднас вöли Николай Фёдорович Богданов, век нюмъялысь гөгрöс чужöма, шөркодь арлыда морт.

— Пуксьöй, виччысьыштöй, — тшöктис сийö мянлы.

Сылөн пызан дорын пукалис томиник нывка, паськөм сертиыс сийö ёнджыка мунис зонкалань: гача, болонь курт-каа, юрас еджыд көзыра кепка.

— Ме тай шуа, Анастасия Андреевна, — шыясис Николай Фёдорович нывкаыс дорö, — Уединение вылö ыстыны ог вермы. Гөгөрво öтитор: Лескино вылö веськавны — шуд. А тэ он көсйы. Лескино вылын — мича тундра, озыр лэбач базар, чериөн тыр тыяс... А сэн? Пöшти полюс дорын, морж клык моз ваысь мыччысьöм ыджыд из, код вылын нинöм оз быдмы: ни турун сi, ни нэр дзоридз. Сэтчö оз лэбны поздысьны дзодзөгьяс, тулыс воёмсö юөртас сöмын нчöтик пуночка. Зато еджыд ошкыс сэн уна, верман сюрны сылы шамырас. Со тэныд направление Лескино вылö, и вай помалам сёрни. Лун-мөд виччысян самолөтсö да и лэбан местаö.

— Но ме косья Уединение вылө!— пöся шуис нывка.

Ме чошкөдi пельöс: öд ми чукөртчим туйö, мөдөдчим стöч Уединение вылө. Богданов тайöс казялис жö, мый лёкөдiс ми дырйи дiсö, флюгер моз öдийö бергөдчис.— Дерт, и Уединение вылын йöз олöны, оз элясьны, но ме шуи нин тэн: сэтчö метеоролог оз ков, сэн тыр штат! Мый тэ сэтчö воштiн?

— Меным сэтчö колö!— нывка бөрддзöмөн петiс кабинетысь.

Кор ми час кымын мысти прöстмим, нывка век на бөрдiс, видзöдiс öшиньö, чуньнас стеклö кузя новлөдлө, а ачыс сыркъялө. Менам жальöй петiс, матыетчи сы дорö да дзоялөс моз юрöдыс малышти:— Эн бөрд, ставыс лоас бур!

Нывка сибөдчис ме бердö, юалис:

— Тянöс кытчö ыстöны? Уединение вылө? Ой, кутшöм тi шудаöсь! Ме көть колльöда тянöс, ладнö?

— Ми ог на төдöй, кор лоас самолётыс.

— Да и ме ог төд, кор Лескино вылө лэба! Со и виччысям öтлаын.

Арктикаын мед местаöдз лэбны кык-куим час, позьö виччысьны төлысь. Ми виччысим вежон. Кыпөдчылис бушков Диксонын, и кык лун ми пукалим ывлаö петавлытöг общежитиены; воссис Диксон — тупкысьöма Челюскин мыс, а сэсся Уединение юөртöма поводдя тшыксьöм йылысь. Суткиясөн ми пукалим аэропортын, виччысян залын, көнi йöзыс жуис кодзувкоткарын моз. И век ми дорын вöли Настя, кодкөд ме весиг нывьёртаси. Нылыс шань вöлöма, кыпид лола, ичöt туша вöснаыс ме сийöс кутi шуны Тусьөн. Öтчид ме гарыштли, мыйла сэтшöма кыскö сийöс Уединение вылө, но Тусь сöмын öмидз дзоридз моз ыпнитлис. Та бөрын сэсся ме эг нин юась. Выннад он на пыр морт сьөлöмад, ачыс кө оз лэдз.

Воис и сэтшöм здук, кор ми сөвтим «Аннушкаö» уна лыда мешöкъяс да ящикъяс, пуксим самолётö. Тусь помся гöгралiс ми дорын, отсалiс кыскавны груз. Ми көсийим сыкөд пöся прöщайтчыны, но видзöдам, да некөн нин абу. «Но инö,— такөдi ме ачымöс,— пышйис, мед содтöд синва не кисьтны».

Недыр кежлö ми пуксьылим Челюскин мыс вылө, сэсся бара лэбим войвылө. Ме крепыда ойбыртли да эг и казьяв, кодакостi воим Уединение вылө. Садьми, самолёт исковтö йи полоса кузя, а сы бөрся бөжъяссö зэлөдöмөн вөтчисны понъяс, кодъяс, тыдалö, некызди эз вежөртны, кутшöм сэтшöм ыджыд лэбач пуксьö енэжысь на дорö. Виччысисны самолётсö и йöз, морт кызь сулалiсны öтчукöрын, öвтчис-

ны кияснас, нюмъялісны. А кызд нө он нюмъяв? Помасис кузь полярнөй вой, шонді эз нин саймовтчыв, век гөгралө енэжті ыргөн таз кодь ыджыд да гөрд. Кык шуда морт со мөдөдчөмаось шойччыны отпускө, найө окасьоны колльөдчысьяскөд, кутлөны кияс. Найөс вежны локтім ми.

Неылын ургис трактор, сы бөрвылө пысалөм доддьө ми петкөдім көлуйнымөс. Груз ректыны эз на заводитны, кор самолётысь мыччысис зэв кузь тушаа лётчик, а шошаөдыс сійө кутіс... Настяөс, кодлөн кокъясыс эз судзны йиөдз, лётъялісны сынөдын.

— Виктор Ильич!— шыасис лётчик полярнөй станцияса начальник дорө,— дивө тай: полярнөй көчөс аддзи ящикъяс костысь! Вевттысьсөма брезентөн да тіралө сэні. Тэ, зонка, кутшөм классыи велөдчан? Школаысь пышйин, мед приключенияс корсьны?— шыасис лётчик Настя дорө, вештыліс сылысь кепкасө, шутөвтис:— Пардон! Да өд тайө, буракө, нывка!— И лэдзис медбөрти Настяөс.

— Да ті мый ставныд менө ичөт пыдди лыддянныд?— скөрпырысь горөдіс Настя.— Ме верстьө морт, мен кызь арөс! И абу ме көч, а метеоролог Анастасия Андреевна Кристалева!

— Но тэнө сопроводиловкаас абу пасйөма, и ме көсья юавны: кызд тэ сюрин самолётас?

— М-ме...— нывка, төдчө, ёна шөйөвошис, но недыр кежлө.— Ме сөвтчыны отсалі, а чеччынысө самолётысь эг удит. Но бөр Диксонө ме ог лэб! Ме метеоролог, полярнөй курсъяс помалі, көсья уджавны тані!

— Но ме метеорологөс эг кор,— шуис Виктор Ильич.

— Да?— жугыля юалис Настя.— Но ме верма көть уборщицаөн!

— Ми асьным идрасям!

— Ме медик, медучилище помавлі. Кута тіянөс лечитны. А?

— Аттьө, но ми дзоньвидзаөсь.— Виктор Ильичлы неуна и тешкодь, и скөр босьтө: сылы некор кадсө воштыны морт вөсна, кодөс сійө ді вылө эз кор.

— Пыр самолётө да виччысь. Бөр лэбан Диксонө,— тшөктіс лётчик,— сөмын фокусьястөг!

Настя пырис самолётө, ме тайөс аддзылі, но матыстчыны, мед сёрнитыштны ськөд, эг сяммы: зонъяс ректісны самолёт, и сэтчө он сибав. Қор став вайөмторыс вөлі тэчөма доддьө, ме матыстчи самолётлань, кытысь сы кадө мыччысис лётчикыс да горөдіс начальниклы:— Қөн нө бара көчыс? Абу нин самолётас тай!

Ставөн ми кутім видзөдны ас гөгөр, но нывка эз тыдав.

Самолёт лэбзис, и бара сылөн вуджөр бөрся котралісны понъяс, а йёз трактор бөрся мёдодчисны изья берегөд керкаяслань.

А көні нө Настя?

Настя эз лысьт петны ыджыд торос сайысь. И сөмын самолёт кыпөдчөм бөрын повзис: «Мый нө ме вөчи? Мый менө водзын виччысь?» Самолётаc дзебясигөн сөмын өтик мөвпөн оліс, көть здук жежлө сюрөдчывны Уединение вылө, сөмын видзөдлыны синъясас Санялы, и ставыс сэк лоас гөгөрвоана.

И со сійө Уединение вылын, а Саняөс эз на аддзыв, и тайө зэв бур. Кытчө эськө воштысис яндзимысла, Саня кө аддзис, кор сійөс шошаөдыс петкөдісны самолётысь! Саня эз лок ёртъяссө колльөдны, сідзкө, та вылө вөлі помка. Помкаыс вермас лоны өтик — сійө уджалө! Сідзкө, час мысти сійө петас метеоплощадка вылө, сэтчө и колө мөдөдчыны Настялы. Со метеоплощадкаыс, татысянь тыдалө. Нюмъялөмөн мөдөдчис ныв тракторөн да йөзөн пискөдөм туй кузя и любөпырысь заводитіс мөвпавны Санякөд коркөя төдмасьөм йылысь.

Саняыс — москвич, некымын во нин полярнөй діяс вылын уджалө, а сэки вөлі локтөма гортас отпускө, сьөрсьыс тшөтш вайөма коймөд приступ аппендицит. Қовмис московкөй врачьяслы төждысьны сы вөсна.

Настя медучилице помалөм бөрын кык во нин уджаліс медсестраөн хирургическөй отделениеын. Сылы кажитчис уджыс, ёртъясыс, весиг висьысьясыс. И выль висьысь, дас коймөд палатаысь полярник, сьөлөм вылас воис. Том полярниклөн мугов чужөм, сьөд синъяс и читкыльөсь сьөд юрси. Пырас Настя палатаө укольяс вөчны — нель том зон гигзьөны, сойяснысө пуджөны.

— Ноко, капризъястөг! — стрөга өлөдө Настя да матыстчө өшинь дорын куйлысь Саня дорө.

— Дасьты, Санёк, сійө местатө, көн мышкуыд воштө ассьыс нимсө, — серампырысь тшөктөны орччөн куйлысьяс. Саня яндзимысла пөсялө, но кывзысьөмөн бергөдчө кымыньөн.

Висьысьяс зэв көсйөны, мед нывка көть этшаника манитчас на дорын, полярник панө сёрни Арктика йылысь, но прөст кадыс постөвөй сестралөн абу, и сёрнияс век дженьыдөсь артмөны.

Регыд казяліс Настя, мый ачыс сійө удж вылө мунап кадсө виччысьөмөн виччысьө. Водзті татшөмыс эз вөвлы.

Вежон мысти Саня паныдаліс Настяёс да сувтөдіс:

— Со и бурді ме, Настуся! Тэ вöсна та öдйöсö бурді...

Неылын тыдовтчисны обход вöчысь врачьяс: медсе-стралы татшöм здукö, дерт жö, абу кивыв зонъяскöд вавровитны. Настя повзис, кок улас джоджыс быттö пöлыньтчис.

— Настуся, мый тэкöд?!— повзöмпырысь юалис Саня, кутіс сійöс сойбордйöдыс, но нывка восьгіс нин гырысь лöз синъяссö, нюмъөвтис.— Нинöм...— и тшöктис, скöра:— Вольпасьö, öдйö!

— Телефонтö висьгав. Гортса телефонтö.

— Вольпасьö котөрөн!— зэлыд гөлөсөн корö нывка, зонмыс вельмис:

— Телефонтö висьгав, а то öні жö нюжöдча джоджас.

— Кутшöм öд сюсь, кывсьö!— вомалис сійöс Настя, а мöдыс сöмын нюмъялö да бара на корö.

— Ыкпаш,— содтö Настя, но некытчö воштысьны, висьталö асьыс телефонсö.

Рытнас, эз удит гортö воны, мам юөртис: кодкö пö помся звөнитö, тэнö юасьö.

Мамлы, коньөрлы, уна майшасьöм вичмис тайö лунсянь. Öд сійö гөгөрвотөг эз ов, мый Настя вежсис, дзик мöд мортөн лои. Но нылыс быдмис восьса сьölöма, мамысь дзебны нинöм эз кут.

— Ме радейта сійöс, мамук! Сійö сэтшöм... сэтшöм... сэсса сы кодьыс му вылас абу!

Мамыс нюмъөвтис: со и верстяммис нылыс. Батыс Настялөн, коркö уна йöзлы зэв тöдса спортсмен, а öні самбо кузя тренер, корис нывсö:— Тэ кызкö вайöдлы гортö асьыд геройтö. Тöдмасям, видзöдлам, кутшöм йöз мян доблестной полярникъясыс! Тэнö сійö көть оз öбижайт, надейтча?

— Медым эськö ме сійöс эг öбижайт-а,— серöктис нылыс.— Эг на öд вунöд тэнсьыд велөдöм приёмьястö.

Коркö гуляйтыштисны рытъя Москваöд ныла-зонма да Саня корис:

— Пыралам вай менам школьной ёрт ордö. Сійö аслас пöдругакöд да тэа-меа... маг кывзыштам. Колялөн зэв бур гижöдъяс эмöсь.

Нем думайттөг көсийсыс Настя, и сöмын кор веськаліс тыртöм патераö, падмыштіс: пöрйöдліс али мый сійöс Саня? Зон асногыс лөньюдіс:— Эн пов, Настусь. Колькалөн сменной удж. А ми пукалыштам, да? Музыка эм, танцуйтыштам.

Сёрнитігмоз ваялө Саня пызан вылө сёян-юан. Дась-тысьсёма, гашкө, да? Йөжгыльтчис быдсөн ныв.

— Настуся, миян радейтчөм вөсна!

Настя юыштіс неуна шампанскөй. Саня сылы мырдөн эз тшөкты юны, да и ачыс, шампанскөйысь кындзи, нинөм эз ю, и тайө кажитчис нывлы. Мудзтөдз йөктісны, варовітисны, сералісны, сэссия Саня гитараөн ворсігмоз сыыліс полярникъяслысь некымын сыланкыв, а бөрыннас элясьны кутіс:

— Со тадз ми олам, Настуся! Талун тан, аски мөдлаын, гортө волам во джын кежлө, и сэссия бара дзонь кык во еджыд ошъяс дінын. И некод абу орччөн сэтшөмыс, код зськө менө радейтіс. Со и тэ...— Саня дыркодь видзөдіс Настялы синъясас, бытбө мыйыськө мыжаліс нылөс,— тэ мыйла пырин татчө мекөд, а? Тэ либө йөюк, либө...

— Колльөд менө гортө, а? Менө мамө виччысьө,— корис Настя.

— Кутшөм мам? Эм сөмын ме да тэ... Настуся.— Саня, серөктігмоз, нюжөдіс киясө, а сэссия эз и төдлы, кызди нюжмуніс джоджө. Кор ас садяс воис, Настя бергөдліс нин өдзөс игансө!

— Эк тэ, полярник. Синмөн аддзыны сэссия ог көйы тэнө!

Настя та бөрын чорыда тшөктіс аслыс вунөдны зонсө. Сьөкыд өмөй вунөдны, кор ёна тайөс көсьян? Дерт, эськө, Настя вунөдіс Саня йылысь и некор сійө эськө сэссия и дум вылас эз усылы, да зонмыс бара кутіс звөнитны. Отпускын да мый сэссия сылы керны? А сэссия и кутіс кыйөдны Настяөс быдлаын: удж вылө колльөдө, горт дінөдзыс бөж моз вөтчө, некытчө он дзебсьы. Дыр эз вермы сёрнитны сыкөд Настя, и эз вермы вунөдны өбидасө, век виччысис, коркө өд дөзмас жө ачыс, эновтчас. Но водзджык дөзмис ачыс Настя, юаліс өтчыд скөра:— Тэ мый сирасин ме дөрө? Вешый син водзысь, мед эн тыдав!

— Кытчө сөмын этатшөм ичөт морт пытшкас та мында скөрлуныс төрө?— шензьө Саня.— Ладнө, ладнө, тырмас видчыны! Да, ме дурак, сэтшөм-татшөм морт, но ме тэнө радейта, и ковмас тэныд, коньөрлы, нэмтө менө татшөмөс терпитны. Ой-ой-ой!

— Мый?— чуймис Настя.

— Мый, мый? Ме тэнө верөс сайө корала. Помасис ме-нам холостяцкөй олөм-вылөм.

— Эн шогсьы, некод тэ сайө оз тэрмась.

— Петан.

— Ог пет.

— Өні он пет, бөрын петан. Сөмын виччысьнысö сьöкыд... Пет өні, он кут кайтчыны.

— Тэ вöсна? Ха-ха и нöшта куимысь ха!

Тыр-бур лад на костын сідзи и эз ло, век öта-мөдöс дэльдөм кодь сёрниясыс. Но Саня и та вылө рад, көть воддза моз чөв оз овны.

— Настуся, век öд этшаджык кад кольö менам отпуск помөдз! Быд лун, кутшөмөс ми тэкөд торйөн олам,— кыкнаннымлы воштөм лун. Вай гөтрасям!

— А водзөсө мый?— юалас Настя.

— Ме төвйыны сэні кута и төдны, мый тэ менө виччысян.

— Ыджыд тай шуд! Аддзысьлыны сөмын кык во мысти...

— Но тэ öд менө радейтан, ме төда.

— Да? Тэ, вөлөмкө, ме йылысь унджык төдан, мыетш ме ачым ас йылысь. Радейті кө, ме эськө тэкөд муні! Көть кутшөм ді вылө! Гөгөрвоан тэ тайөс, йи сьөлөма морт?

— Менам гөтыр некор оз кут төвйыны сэні, ме ог лэдз. Арктика эм Арктика, а нывбаба эм нывбаба, и сылы абу сэн места. Сідзкө, тэ менө он радейт?

— Меным верөс сайö водз на.

— Тэныд? Да тэныд нин кызь арөс!

— Тасянь и коліс заводитны сёрнисө. Қорсь, сідзкө, томиникөс, а ме дорө эн сирась.

Тадз и гожөмыс коли, öтлаын дзескыд, а торйөн гажтөм.

Öтчыд асивводз Саня звөнитіс:

— Настусь, меным лэбны колө! Телеграмма төрыт ва-йисны, мед лэби Диксонө. Уединение ді вылө муна! Ме өні такси вылын тэ дорө кежавла, колльөдан Шереметьевоөдз?

— Саня, тэ лэбан, да?— унзільпырысь на сёрнитіс Настя, и төдлытөг артмис:— А кызд нө ме?

— Виччысь, ме регыд!— радпырысь көсйысис Саня.

Таксинын нин Саня юаліс:

— Гижны кутан тшөкыда? Гиж, тэнсьыд письмөястө ме пöлучайтны кута, төвбыд самолётысь шыблалөны, а ачым тэныд гижны ог вермы.

— Оз и ков. Ме ог жө радейт письмөястө гижны.

Но Саняөс он ылөд, сійө төдө нин нывлысь сямсө да гөгөрвоө ставсө. И вочавидзө:— Позьö, сідзкө, телеграммаяс. Нöшта на бурджык. Дженьыдика: «Радейта». И кырымпас: «Тэнад Настусь».

— Ме абу тэнад, ачым аслам на.

Дзугыльмыштіс таысь Саня, шуис:

— Аттьо коть колльоднысö воин... Эн казътыв лёкөн, Настусь...

— Некедзи ог кут,— шуис ныв.

Торйодчан здук нин, а найö век зыксёны. Саня копыртчис, окыштіс Настяёс. И тайö вöлі вöтын кодъ, öд гожöмбыд Настя öтдортіс зонсö, и мöдыс инмöдчыны сы дорö полис. Повзис Настя, но тшетшйöдчыны Санякöд зэв нин этша кадыс. Мый нö сійö вöчö? Öд торйöдчыны, янсöдчыны кык во кежлö! А Саня меліа шöпкö:

— Настусь, янсöдчöм водзын коть менö окышт.

Топöдчис Настя Саня морöс бердö, здук мысти чатöртчис, синъясыс вазьöмаöсь, кияснас сывъяліс сьыліöдыс Саняёс, окыштіс öдва инмöдчылöмөн, и дзикöдз вылö бöрддзис.

— Тэ бöрдан?!— весьöпöрис Саня.— Настусь, донайö, эн бöрд... Виччысь менö. Ёна виччысь!..

Колльöдіс Настя зонмöс ылі туйö и оз тöд, мый вöчны. Кыдзи водзö овны. Сы ыджда карын, сы мында йöз пöвстын друг лои гажтöм. Öні некод нин оз звöнит водз асылын да чолöмав меліа: «Бур асыв, Настусь!» Настя весиг дöзмис Москваысь, коть таöдз медся ёна радейтіс чужан карсö. Настя омöльтчис, сöмын лöз синъясыс важ моз мичмöдісны сійöс, öзйöны некор куслытöм мöвпөн. Öтчыд мамыслы висьталіс:— Ме, буракö, решиті, мамук...

— Мый решитін?— юаліс мамыс.

— Ме вежа профессияöс, сэн медикъяс оз ковны.

— Көн сэн?— повзис мам.

— Діяс вылын. Ме ветлі Главсевморпутьö, юаси.

— Медикъяс колöны коть көн!

— Діяс вылын олöны висьтöм йöз. Больничаяс эмöсь сöмын берегвывса гырысь посёлокъясын, а Саня öд зимуйтö ді вылын. Ме көсья сы дорö. Пыри велöдчыны полярнöй курсъяс вылö. Тулыснас муна.

— Кыдз тэ сэн кутан овны? Кынман öд!— бöрддзис мамыс.

Сöмын тай сылөн, Настялөн, эз лючки артмы Уединение вылö воöмыс. Сійö эз гижлы Санялы велöдчöм йылысь. Корис начальствоöс, мед ыстісны Диксонö, а воис да эз жö думыштны вермы, мый сійöс Уединение вылö оз кутны лэдзны.

Со и дзуртыштіс лым. Да, Саня Неверов. Тош быдтöма, и ус-тошсö пужъялöма кöдзыдыс. Видзöдліс муыввса термометръяс вылö, флюгер вылö, матыстчис самописецъяса будка дорö, кайис кум тшупöда сод кузяыс, восьтіс

дзиръя ӧдзӧссӧ и копытчис самописец весьтӧ. И сэки будка сайысь петіс Настя:

— Видза олан, Саня! А со и ме!

— Настуся, збыль али мый тэ? Кытысь нӧ тэ усин?

— Тайӧ тэ усин,— сералӧ ныв,— а ме со зэв зумыда сулала кок вылын,— и Настя весиг йӧктыштіс.

Тайӧ здукӧ налань тюрӧдіс съӧд гӧна кычипи, меліа никсігтыр чеччыштіс Настялӧн нюжӧдӧм кияс вылӧ, кутіс нювны чужӧмсӧ, кепысьтӧм кияссӧ.

— Но, Шарик, тӧдмалін ассыд кӧзьяйкатӧ?— юаліс Саня.

Метеорологъяслӧн нейджыд котыр буретш вӧлі пуксьӧ пызан сайӧ пажнайтны, кор кают-компанияӧ пырис Настя, а сы бӧрысь — съӧд юрсиа, кузь тушаа Саня. Саня радпырысь юӧртіс:

— Тӧдмасьӧй, ёртъяс, ме дінӧ локтіс гӧтыр! Настуся!



Альбина Зиновьевна АНУФРИЕВА чужис 1940 воын Ухтинскӧй районса Порожскӧй сиктын. Профессия сертиыс бухгалтер-экономист. 50—60-ӧд воясын немын во уджаліс Арктикаын, полярнӧй діяс вылын. Қнигаын йӧзӧдӧм висьтыс буретш йитчӧма сэкса кадыскӧд. Ӧні А. Ануфриева олӧ Сыктывкарын.

* * *

Кор гортсянь бокин, ола тэнад нимён,
И чужём вылын югзьё мича нюм.
Од артмё кызд: кор орчён — быттьё нинём,
А торйён — сёмын тэ йылысь и дум.

Син водзё сувтё ылё кольём тулыс:
Ва ойдіс гөгөр, шөпкё льёмлён роз.
Дзик сёмын на веж паськём лои мулы,
Том ныв тэ петан, быттьё кисьмём оз.

И кылаліс став быг, мый гартчис-шуксис,
Тэ лоин меным гөтыр, сэсса мам.
Пось радейтёмным берегьясё пуксис,
И сійё өнөдз ньоти на эз ям.

* * *

Көнось өні менам важся тёдсаяс?
Оз лок паныд весиг ёти морт.
Уна йёза карын өткөн шөйта со,
Ылё коли аслам чужан горт.

Книга киоск дорын, гашкё, сулышта,
Оз-ё сёлём кызкё сәні ланьт.
Ньоба книга, гоз-мөд кыв сән шуышта,
Вузасьысьыс, төдчө, варов ань.

Меставывса мортыд төдө воысьтө,
Быттьё төдчө аслыссикас пас.
Кывьяс вылө кыв — и ми нин вочасён
Лоим кутшём төдсаяс да ас.

Сэксянь радла, восьса али пөдса нин,
Кор көть сәті прөйдитны оз сюр.
Йёзад нөшта ёна колө төдсаыд:
Мортлы морттөг некён абу бур!

ЛЪОМ

Ачым садитлі льом пусö тайöс
Керка дораным первойысь дзик,
Мися, радлунсö йöзлы мед ваяс:
Öти пуөн да мичмыштас сикт.
Сöмын кисьмömön льом тусь эг аддзыв,
Лэбач котырлы, думайта, рай.
А кор казялі, сэтшöма радлі,—
Вöлöm, челядьлы медыджыд пай.
Сэсянь тулысыс мичаджык волö.
Ворсö пуяслөн вежласьысь рöm.
И быд арö век сьöлömлы колö
Муö суйны то пелысь, то льöm.



Михаил Михайлович ХУДЯКОВ чужис 1924 воын Удорскöй рай-
онса Важгорт сиктын. Уджалис колхозын, председателялис сельпоын.
Гижавлис кывбурьяс, печатайтчис журналын, газетьясын.

* * *

| | |
|--|--|
| Чужанінёй менам Эжва йылын, Йирсьоны кён мосьяс веж луд вылын, Кёні Эжва ассьыс вынсё босьтё. Ок и гажа сэні, сё мокасьтё! | Сэні парма авья ныв кодь мича, Кодкөд некор муслунёй оз личав. Муса рөднёй сиктёй, Эжва дінёй,— Ставыс тайё менам чужанінёй. |
|--|--|

ТУРӨБ

Гартлө лымсё турөб,
Шутьлялө зэв скөрысь,
Ёна жё и дурё —
Дзевсис том и пöрысь.

Петі ывла ылө,
Босьті гылыд лыжи.
Турөб век на сьылө,
Оз тай сійөс дышөд.

Турөбыслы воча
Мөдөдчи ме сэки.
Чужөмөй көть сотчө,
Он на вензья мекөд.

Турөб ланьтіс, муніс,
Оз и скөрав ывла.
Кён нин турөб өні,
Кён нин сійө сьывлө?

ТӨВСЯ ШОНДИ

Петө төвся шонді,
Сөмын оз нин шонты,
Югыд да зэв мича.
Мыйта көть эн видзөд.
Лымсё муяс ылысь,
Оз на сійө сывды
Тулыслань көть кывтө,
Думыс көть сы йылысь.

Төвся шонді көдзыд,
Югөрсө и сетө.
Прөста ылын жөдзө,
Вөртас сайысь петө.
Но мен сійө муса,
Сытөг гажтөм олөм.
Шонтас на өд мусө,
Тулысыс, час, волас.

ЧИГАН НЫВ

Коркө важөн нин, Эжва кыр пөлөн
Сиктө локтисны чиганъяс вөлөн.

Ставныс зумышось, крепыдось, ёнёсь.
Ертөй горөдіс: «Чиганъяс, тонось!»

Вугыр шатинъяс берегө сатшкиг,
Пыр жө котөртім на дорө кашкиг.

Найө тэрмасьтөг зэвтисны вонъяс,
Орччөн өшлисны гезъяс да домъяс.

«Мудзыс сюрөма,— визьнитіс юрын,—
Туйын олөмныс, мый сәні бурыс».

Чиган нылөс сэк казяліс синмөй:
Смоль съөд юрсиыс коскөдзыс инмө.

Чай со кисьталіс, пуксьыны корис,
Сэтөр синъяснас сідзи и ёрис.

— Татшөм чөскыдсө некор эг юльв,—
Аттө висьталіг нылыслы шуи.

— Аски волөй на, гуляйтам вөлөн,
Чери кыйыштам Эжва дор пөлөн.

И ми грезд пөлөн, потшөсьяс дорті
Шуда ризөдім-котөртім гортө.

Аски асывнас уззіля сорөн,
Ме нин тюрөді чиганъяс дорө.

Со и вөр ді, а сы сайын найө,
Мыйкө на дорө ачыс и вайө.

Но нем виччысьтөг ёнтыштіс съөлөм,
Найө мунөмны водзө ю пөлөн:

Сән эз вөвны ни вөвъяс, ни вонъяс,
Сөмын чискисны уль сэрапомъяс.

ПУЯС ШУВГӨНЫ

Пуяс шувгöны, шувгöны, шувгöны,
Помся шувгöны, катласигтыр.
Гашкö, ме вылö найö нин увгöны,
Мыйла вöрас ме бергала дыр.
Гашкö, висътавны мыйкö мен кöсйöны
Медым шудаджык котöртіс нэм.
Гашкö, муслунсö ассыныс вöзйöны,
Коді важöн нин сёлöмын эм.

ЛЁШÖ

— Ме кык сыв кузьта чери кыйлі,
Да ыж кодь ыджыд кöчöс лыйлі.
И весиг кыкөн коркö чожекöд
Ми вöрын тышкасьлывлім ошкöд.—
Кöть ошйысис талз, тöдіс Лёшö,
Мый каяс вөрö кö — то вошö.

Эдуард Алексеевич ТИМУШЕВ чужис 1963 воын Керчомья сиктын (Кулөмдін район). Бать-мамыс велөдісны школаын. Батьыс гижліс лирической кывбурьяс, басняяс. Тайö книгаын сылысь йөзөдöма жö медбур гижөдьяссö. Э. Тимушев велөдчис Сыктывкарсa государственной университетын, служитис Советской Армияын. Онi — Усть-Нем сиктын директоралö Культура керкаын.

ОЛҢНЫ-ВЫЛҢНЫ ПӨЧҢС

Анна пөчлөн пөжасыс мичаа на банйис. Талун ыджыд пиыслөн, Ольöksаныслөн, усян лун. Комын нель во нин... Кызь арөсөн и пуктис юрсө немеч муө. Он тай мамыд бөрдышт пиыдлөн гу вылын. Сөмын паметь и сьөлөм некор эз вермыны миритчыны воштөмыскөд. Вуштас мөй кадыс мам сьөлөмысь дойлунсө?.. Слабог, верөсыс воліс... Но эз аддзыв Анө долыдлунсө и кокнилунсө Васьө помось. Сетчис юөм вылө. Дучкис ставсө, мый поэө и оз. Коддзас и шуө: «Васьө кулө — колон бырө». Одеколон эз быр! Регдыгя кадөн и сотис асьсө. Куим челядь дорө содтөд нывтор и удитис козьнавны. «Царство жө небеснөй и тэд, Василейөй, пөсь нянь дорас», — чөвтис Анө пернапас верөс вөсна и Ольöksан пи кузя. Пуктис кисьыс мавтөм шаньгасө ен джаджйын сулалысь мөд вина румка дорө. Тульгыліс вижөдөм байдөг борднас вый дозийө и бара чепөльтис сьөлөмсө дой.

Кутшөм востер вөлі Ольöksаныс вөравнытө. Пөтка и чери. Мыйнас эз номсөдлы. Оні со мавтчан бордтө лоө иса понйөн корсьны. Эз нин кутны важ моз кыйны-выйны. Тьртөммө жө кө нин и вөр-ваис а?

Он тай, майбыр, пөжав чериняньтө ас черисьыд. «Олөмөй дай вылөмөй! — ышлолалө Анна. — Прөститөй пөрысь выжывөс. Дас көвдум и пөжышти шаньга сорөн, да коді нө видлас? Некод челядь пиись дінын эз коль...»

Став челядьсө кок йылө сувтөдіс Анө. Валерьяныс, Ольöksан бөрсяыс, ремесленнөй помалөм бөрын ветлөдліс катер вылын. Армияөдзыс и гөтрасьліс Висер вожа ныв вылө. Та кузя Анө норасьліс: «Кыйисны тай пиөс юйывса вожа пуясыд». Кага лоөм бөрас нин и ветліс армияө. Овмөдчисны сэсся кылөдчан рейдө. Паськыда нималіс пиис вөр лэдзөмысь. «Метальтө и ордентө сетөмаөсь», — нимкодьясьліс Анө. Гөтырыс Валерьянлөн ныв бөрся ныв вайліс. «Да көть өти пи чужты!» — кевмысьліс Валерьян. «Мый көдзан, сійөс и чужтан», — вочавидзліс гөтырыс. Ачыс нин ледөн лои Валерьян: нель ныв быдтысьөны верөс сайын,

Анө нөшта пуктіс мавтөм шаньгасө тыв кодь синма тарелкаө да матыстіс ен ув пельөсса пызан вылын руалысь кисельлань. Каньыс, бөжсө вылө чургөдөмөн, зыртчис-гартчис тяпиа кокъяс бердас.

— Энлы ниртчы. Мавтышта нин коляс көлөбъяссө. Удитап, эштома уджным.

Каньыс воча кургыштөмөн нюжөдыштис «мур» сямаөс.

— Бур кө и бур... Сетышта жө...

Көлөба-шаньгаа нянь пөвсө пуктіс ыджыд пачлы воча лабич вылө.

— На, крөштышта пөсь көлөбсө йөв пытшкад, бур кө. Видлы, гашкө и дур артмис?— ачыс чегөм көлөбсьыс курчыштис жө:

— Няньыд, шондібан, век на тай нянь!

Каньыс кутіс, йөвсө лакөмөн сорөн, донъявны пөжассө.

— Код крещенной кө и локтө кылө. Миян өд и кильчөыд на игана.— Анө петіс восьтыны.

— Пыр, пыр... Сөмын гатш эн усь миян керкаө,— эг на удит джоджөс чышкыны! Асывбыд жө нин эськө өвта бөжөн, а удж висътавны нинөм. Ростө инө вөчин, Иванович? Но, кум роскыд тырмас нин меным төвбыд! Талун тай лымъялөма. Пөкрөв өд талун! Ёльөксан пилөн усян лун и. Лок, пуксьыштлы пызан саяс, шапкатө пөрччыв да.— Анө вайис водка доз лабичпомса залавкаысь, кисьтіс Ивановичлы стөкан тыр и аслыс тшөтш стопкаө.

— Часлы, черинянь на кыска пачысь, нөрөвитлы. Тэ өд война бөрсяыс — эн төдлы Ёльөксанөс менсьым. Со, фотокарточкаяс пөвстас газета снимок вылас шуйгаладорас. Медальясыс и газетыс воліс усьөм бөрас. Сувта снимок водзас да кор норася, кор ошйыся — век мем ловья!

Иванович эз нин первойысь аддзыв Ёльөксансө и сыкод орччөн стеклө сайысь кум медальсө: кымынысь нин Анө петкөдліс...

— Абу тай сотчөма чериняньой! Вунөдчылі нин эськө шөпъялігад да. Нянь зыройй дзикөдз ёсьмис сотчөмысла-а. Коркө, Иванович, вөчышт зыртосө, гашкө, ола на... Жаль тай вөльной светыс век! Лина ныв гозъя Вөркутасьыд кык төлысь матө отпускалисны. Гарышти жө зятьлы зыртө вөчны кымыныськө. Сійө дольө: «Не умею, мамаша». Куплю пө, да өні купитө. Кодкө, дерт, лавкаын нянь зыр вузалас! Сы дырйи медавны — янөдөм лоө-а!

Анө өти чериняньсө пуктіс нянь пөв вылө, мөдсө пызан шөрө.

— Но, Иванович, босьт, казъыштам Ёльөксанөс. Царство небесной, зөлөта дитяой!— пернапасасис Анө.— Вид-

лы сола тшаксö и. Ныв гозъяыд отсалісны вотны. Пестö лөсьöдісны и. Зятъыс миян ён. Юнысö быд лун юис, оз и кодзыв. Гөрдтö оз ю ни. Сёйнытö — сёйö! Абача кодь. Лина рыт и асыв пуö-пöжалö. Карөдз кайлывлö чөскыд-торъясла. Тшөгөдö öшкөс! Сиктса мужикъяс керка лэптöны, а öшкыд миян Эжва берег дорын пасьтөгыс тивкъялö. Лина водкаөн, сёянөн колльөдö, быттöкö, бур роботникöс. Мый сэсся, стрöитчөм-вöчасьöмад оз гөгөрво-а! Ачым на төлк вылас эм да! Нельсёсыс босьтлім тайö керкатö, а вит тысяча сувтліс ремонтыд! Верандаыс пö сөмын öкмыссё! Краситісны-баситісны, со тай мыйөн стенсö эжисны.

— ДВП тайö,— котшнитіс лөзөн краситөм панеляс Иванович.

— Кык во нин Линалы коли, сэсся татчö овмөдчыны көсйöны. Ме, дерт, ог нин ов сы дыратö-а. Сизим класс бöрас мунліс Лина Вөркутаад и пенсия вылö нин лэдзöны. Нелямын на и арöсыс-а. Челядыд кык ныв и эм. Перйыссьö, тыдалö. Öти нылыс Эжваад, техникум бöрад, верöс сайö петіс. Сьöктöма бөръя курсас да быть пет!

— Линаыд öд, буракö, Валерьян бöрсяыд?

— Да, сэсся Ритöыд карад! Со тай мыйөдз воис — ЦУМ водзын пирожкиөн вузасьö! Завмаг вöлі да. Юöмыд бурö оз вайöд. Мужикыс вом дорас вöлі оз босьтлы! Сервантас пыр сулаліс мича вылö винаыд, а öні нинкөмысь юасны гозъя. Куимнан кагасö босьтісны... Алимент мынтöны! Мужикыс крепитчö — кутö Ритöос. Яндзим лоöма. Суд пö регыд лоö, гашкö, сетасны челядысö?

— Сэсся Раяыд? Киевөдз тай муніс... Ас вөлөстысь эз сюр гачаыд. Войдөр мөй бокысь мужиктö корсьлім. Колян вотö ветлі видлыны, төдан öд? Лючки эськө олöны, сөмын вывті вылын-а: кутшөмкö чом кодь шлывгөдіс-катөдіс. Лип пö. Ме эг и лысьтлы ывлаас видзөдлыны, вежон олі да. Питор жö эм! Чурки-буди, Рая кодь көть! Но, Иванович, помышт, эн тай ставсö винасö ю? Оз öд быдмы, ю! Кымынөс быдті-велөді, а ростö вöчны лоö медавны. Тэ мамтö эн и эновтлы-а, дзевин и идралін! Валерьян деньга ыстö, но мый мем деньгасысь! Слабог, пенсияöй тырмө! Ритöлы на Валерьянысь гусьөн сетала. Юигад — кысь? Карад тшаква вылад оз овны! Патерасыыд мынтысьны и. Двореч кодь керка да канькөд лоö кургыны.

Анö содтөд кисьтіс Ивановичлы и аслыс:

— Ю, Иванович, чепöльт чериняньсö, дерт, эськө лавкаса чери да.

— Ме эг на жö вöйтасылы, некор! — воча шуис гөсть. — Кодкөлун көчтö вайлі-а.

— Ю, ог эськө невөлит, шуам да. Тэ өд нель челядь-над, весь он ов, уджыд пыр сиктад юр вывтыр! Ме кодь йөрмысь өтка дөваяссө на мездан и. Бур вөчан — бурөн и нималан! Гөтырыд оз ю ни. Быдтысигөн вина йылысь думыштны он эшты. Скөттө на мыйта видзанныд и. Быдлаоки колө!

— Анна тьöt, пока ог ю винатö, эн дöзмы, а менам мог тэ дорö эм. Грездад Дикоевыдлөн мамыс дзикöдз кутöма пö кынмыны. Талун выходнöй, машинаöй горт дорын, мися кайла сы динöдз и төварыш вылö вая пöрысьсö. Синва петмөн жаль, коньör.

— Тэ менсьым кө думъясöс лыддьöмыд-а? — паськыда нюмъсвтис Анö.— Ме сэтчö и панны вöли көсья сёрнисö. Вот öд кутшöмөсь пи-моньясыд? Öти мамтö чунь-гозьяыд энөвтисны! Ок-ок-ок! Гөтрасян да бабаыд ма лоö, а мамыд — ва.

Грездыс верст кык сайын и эм карö кайигөн. Нель керка шой сöмын коли сэни. Нельнан керкаас и олысьясыс — ловья шойяс. Витöд короминаыс вагонкаөн эжöма-краситöма. Пывсяна и көбрöга, ывла кухняя, штaketника йöра. Сэни и вöли ыджыднас да паськыднас Дикоев мамлөн моньыс, кодi тальччöдiс ас кок туй улас мужиксö. Оз быд ньör ки гөгöрыд песовтчы, көть и нюдз овлö. Öти мамыс Дикоевлөн олис орчча, киссьöм трубаа керка шойын и виччысис индомö мунöм. Но кодi нö босьтас индомас, кор сюра-тошка видзысьяс эмöсь? Кыкнанныс: моньыс и пиыс, муртса көть петисны пенсия вылö, а «куркульяс» моз олисны. Вый пытшкын быглясисны!

— Анна тьöt, ме инö котöрөн и шутөвтла. Юнытö эштам! Руль сайын öд шу. Юöма нин лои дай. Но да нинöм — матын тай,— Иванович шапкаасис да тэрыба петис.

— Но, кысукöй, гажаджык лоö! Ена нин öшинь дорын ветлысь-мунысьяссö кыйгим! — Анö вевттис Ивановичлысь вина стöкансö көлөбөн.— Часлы, кысук, петала кильчö помтö выль роснас öвтышта. Дждоджыд на чышкытöм и.

Анö дзим-дзурк идрасис. Көзаторсö лысьтыштіс и. Ставыс дась лои быттö. Сувтовкерліс стенса Öльöксан снимок водзö и сьölөмсянь шуис: «Вот и кылін благöслö-витöмөс, кыла-вора төварышöс сетіс...»

Недыр мысти шуркнитіс-локтіс Иванович. Сой бордйöдыс пыртіс Дикоевлысь мамсö, мөд кинас пу чемодан: көлуйторйыс, тыдалö, Öдйöлөн.

— Лок, лок, Öдötтя, нинöмөдз воштас, ловья вывсьыд сёяс «бур» пныд!

— Кынмöмысла кувны кутлі нин, но он на тай ловтö

дзисны чижовкаад. Со өд на и кутшөм водзсасьомыд, вөжжитө кө личөдан. Ме рөдө муні — небыд нямөд лои. Батьыс чорыд вөлі. Көзяинкөд куим пи пронт вылад колльөдлі. Тайө кыддза-мыйя бөр воис. Нылөй важөн кувсьыліс рочын, кар нимыс нин вуні. Некод сэссия абы. Кыдз көть эся...— бөрддзис Одя, чышкыштіс пөрччөм шальувса вөсни чышъян помнас синвасө.— Синваөй косьмис и сьөлөмөй поті: жаль на и пиөй — висьө да. Кулө кө пиөй, некод оз синтө пөдлав ни мыскав... Йөз вөлөстьө и лоө пропадыны, Анна.

— Некодөс на вылын абу видзлөмаөсь эськө, шуам да! Мамыд тай пыр челядь вөсна өнджыкасө төждысян. Кор өти шебрас улө шебралан челядьтө, сэк мамыдлы долыд, а кор разаласны, сэк өна нин лоө шогсьыны. Менам зятьясыд гөстимөй деланад бурьсь, а нинөмад воан да коді төдас? Колөкө шуас: «Паччөрө кай!»— да и ывлаө лоө петны. Пиыд на жө кө шуас: «Ывлаас пет!»— да паччөрас каян-а. Моньыд тэнад яндзимсө кок улас тальыштөма! Ныв ни пи абу да олөмыс петкөдлас тужа и нужа! Көш васө некод мыччысьыс оз ло!

— Да, да, да! Меным, пасибө, мыйкө Ленөйд нянь-сакартө ньөбө, велөда лавкасыд да, ватө пыртлө и. Сөмын ылөдчысь жө: вый вылө сета деньга — маргарин ваяс. Бытьтө, ог кө вермы и көрсө нин вунөді выйыдлысь. Шуны абу лөсьыд-а. Ме өд выя юмов чайсө и юлывла. Электроплитатө ключита — пузяс чайыд, сэссия гоз кирпич пукта кельыд плита вылас и шонавлө ныр-вомыд. А кокъясөс тубрала-гарта мыйөнсюрө и коркө сунгысьла-унмовсьла жө пуксөн. Паччөр өтарө и вөтася — эм пачыд да он ломты! Трубасө лым нуліс да и пес на колө! Индомад эз нуны ни. Бөръя кадад көдздөдіс да водка велөда Ленөйдкөд, и сійөс ичөтикаөн коттьөдла, шонтыся.

— Ленөыс пө тай рушку корсьліс да эновтөма-кольөма кагасө больничаас?— скөрысь шуис Анө.

— Да, да, да. Ме видлывла жө: мися, көч сөмын асьыс пиянсө эновтлө. А пыр и вомалас: «Тэ быдтысин да мый пөльзасө босьтін? Коді чурка приданнөйнас менө ваяс? Дас сизимөн ог кут ноксьыны рузумъясөн. Ставыс на водзын, Одьө»,— керыштас дай. А мый сылы? Талунъя лунөн и олө. Куритчынысө да юнысө кө эм и. Менсьым мыйкө нин пайкис деньгатө. Ми жуг вылын быдтысьлім-а. Со, со, со!

— Тэнад тай пиньясыд эмөсь на, Одөття,— Анө пөрчис юрсьыс чибльөгсө.— Кыз яйнад пөсявны куті юыштөм бөрад. Менам тай вот пиньясөй бырины. Кор сөяныс пра-

мойыс эз вөв — вом тыр вөлі, а өні лон бур вөлөгаыд дай пиньтөм коли.

— Да, да, да,— Одялөн вөйөм вомдорса чукуръясыс нюжавлісны топалөм-кельдөдөм чужөмбансяныс чургөдөм ёсь тшөкаөдзис.— Ме ногөн мед эськө пөрысьө усьтөдзис мортыд кулан-керан, көть челядь водзад и йөз паметяс мичаөн колян, ёнджыка и казътыласны, колөкө.

— Быд лун жө тай эськө левизор пырыд и радио пырыд велөдөны овнысө да,— ышловзис Анө.— Сөмын оз быдөн өткодя гөгөрвоны. Со тай Ивановичыд партейнөй жө, ен оз верит да мортнога олө. Пывсынытө на корис и. Асьныс көть квайтөнөсь-а. Кызд вөрад пуыд абу ставыс өткодь, сідз жө и мортыд.— Анө видзөдліс өшиньөд.— Тшыныс петө нин Иванович пывсянсьыд. Бөрти пывсям.

— Но, но, но. Öні кызкө-мыйкө бергөдчам нин шоныд керкаад.

— Юыштам вай нөшта, Öдөття. Öльөксан усьөм кузя босьтлі винатө куим доз. Гашкө, мяся, пырысьыд кодкө лоө да. Сэссия левизор видзөдыштам пывсьытөдз. Уджным уджавсьөма, майбыр, Валерьян пиөй аслыс цветнөйөс карсьыд босьтөма левизортө, а мем прөстөйсө вайис. Вежөс сайын. Öтнамтө сійөн и ылөдчывла. Рочнад велалі роч зятъяснад да гөгөрвоа өні...— Анө кисьтіс ас румкаө вина:— Босьт, Ивановичыд тай кисьтіс пайсө, юам да сөй.

Юисны. Öдьө босьтіс көлөб, курччыштіс:— Нянь дозйыд тай нин мича, кыөм кутшөмкө?

— Юысь Ритөыд вайліс пөдарок пыдди, ютөгыс на. Öні көть ачым отсышта-а. Век өд ас вир войт! Найө тай мамлысь бур кывсө оз кывзыны-а. Вунөдөны, быдтан-быдтан да...

— Да, да, да! Мыйла и быдтыссылөма? Мый пөльзасө со ме босьті? Оз жө ков вунөдны!..

— Мый сэссия вөчан? Сідз нин енмыс шуөма да, быть быдтысь, көленаысь көленаө олөмыс мозыс и муно ставыс да. Олөмөй дай вылөмөй, шондібанөй!

Варгисны-варовитісны Анө да Öдөття. Öшинь сайын еджыд визьясөн-визьясөн пуксис му вылө лым, сылы делө эз вөв кык пөрысьөдз.



Анатолий Иванович ПАЛЬШИН чужис Сыктывдин районса Зеленец сиктын (Парчег грезд) 1940 воын. Уджалис ас сиктас. Виччысьтөт кувсис 1981 воын. Журналын печатайтліс некымын висьт.

РЕГЫД ГОРТӨ ЛОКТА МЕ

Надя чойлы сиа

Видза олан, муса чой, кызди олан-вылан?
Кутшөм югыд тувсов вой, буди рытнас сылан,
Кутшөм паськыд Коми му, көні нэмсө олам,
Кызди ичөт сэтөр пу тыртіс төвса тола?

Регыд гортө локта ме, чемодан нин дасьті,
Шнич виль кизя дзирдалө дась салдатскөй паськөм.
Мед ме подвигсө эг вөч, сылы донсө төда,
Кодыр ковмас, сэки стөч, враглы плешкас лёда.

Но, а регыд служба пом, виччысь таво арнас.
Командирсянь менам эм дас квайт благодарность!
Олөм, олөм, оланйй! Тэ кө, чойө, төдан,
Кызди сотіс төдса ныв менсьым сьөлөм сьөдөдз.

Эз куж виччысьны, и мед — быдсямаыс овлө,
Сөмын морөс зептын век Сылысь фото новла.
Гортө та йылысь эг гиж, мед не дойдны мамөс,
Сьөлөм дойөс пөжны, дерт, тырмас аслам сямөй.

Видза колян, муса чой, чолөм чужан мулы,
Өні, майбыр, тшөтш и сэн ыджыдалө тулыс.
Регыд гортө локта ме, чемодан нин дасьті,
Шнич виль кизя дзирдалө дась салдатскөй паськөм.

* * *

Кор ки на ки ме тэкөд инма,
Ме кыла сьөлөм пытшкысь дой.
О, тайө гырысь сэтөр синьяс,
Оз сетны узьнысө быд вой.

Тэ — тувсов кадө льөм пу йөрын,
Кор өшйө сьлөн дзоридз роз.
Тэ быттө нывка төлысь шөрын,
Код пельпом вылын ведра гоз.

* * *

Рытлань-рытлань шонді муніс,
Вот и эштис гожся луныс.
Колис сёмын тёлысь-чойлы
Кисё сетны пемыд войлы.

Мед коть оз ло лун кодь югыд,
Сьёлём озтас мыла гудок.
Зарни томлун кытшө петас —
Медся бурыс вольной светас.

* * *

Коркё кокёс черён дойді
Ягын уджалігөн ме,
Кокёй менам вирён ойдіс,
Пожём краж кодь лои сэк.

Тэнад синъяс вёлі вазьём,
Шоныдлунён вёлі тыр,

Еджыд туся чышъян разин,
Дойдёминсё гартін пыр.

Тэныд меліа ме шуи:
«Бурдас — важсьыс лоё бур».
Сэк нин мейн мёд мөвп пуис:
«Тэысь мусаыс оз сюр!»

* * *

Уджалысь зэрुकёй, киськав
Бусёсьём чужёма му,
Шоглунёс сьёлёмысь мыскав,
Шонділань гөститны ну.

Зэр ванад синваёс ылёд,
Кокньёдышт неуна лов.

Лёз гыа Эжвалань кылёд
Медводдза ыджыд любов.

Кёш помысь, зэрुकёй, киськав
Турунвиж дөрёма пу,
Бёрдёмёс менсьым эн висьтав,
Шонділань гөститны ну.

Владимир Иванович ЛОГИНОВ чужис Кулёмдін районса Дзоль сиктын 1955 воын. Служитіс Сöветскöй Армияын. Уджалё строительён.

ПЕТИС ПЕНСИЯ ВЫЛӚ

Ӑти акта ворсантор

ВОРСЫСЬЯС:

Мария Петровна — муртса петӚма пенсия вылӚ, зэв авъя нывбаба.

Тоня — Мария ПетровналӚн ныв.

Надя — Мария ПетровналӚн монь.

Сват — пенсионер.

Митропановна — пӚрысь нывбаба, Мария ПетровналӚн пӚдруга.

Степановна — хорӚн веськӚдлысь.

Ветераньяс — хорын сьылысьяс.

ВосьӚ занавес. Мария Петровна Ӛтнас пукалӚ пызан дорың, видлалӚ пенсионной книжка да «Ветеран труда» медальлысь удостоверение.

Мария Петровна (*радлӚ*). Но вот и олі пенсия-Ӛдз, вот со и сетисны пенсионной книжка, кутасны уджавтӚг гортӚдз вайны сьӚмтӚ. Удж вылын шуисны: Мария Петровна, сэсся пӚ тэ шойччышт нин, 40 во уджалін, удж стажыд пӚ буретш 40 во. Дай вит челядьӚс пӚ быдтін да воспитайтін... Да, Ӛтнам быдтыси, зэв сьӚкыд вӚлі, лун и вой уджалі, кор тшыгӚсь, кор пӚтӚсь, верӚсӚ уси война вылын да став челядьӚс лои кок йылӚ сувтӚдны Ӛтнамлы. А Ӛні со верстяммисны да пӚткаяс моз ставныс лэбисны гортысь, коді кытчӚ. Со и Ӛтнам коли... А удж вывсянь бура колльӚдисны пенсия вылӚ, уна пӚлӚс козин сетисны и со — гӚрд книжка да медаль. Дыр пӚ да бур уджысь горисполком тӚнӚ наградитӚ «Ветеран труда» медальӚн. Тэ пӚ заслужитін и Ӛні пӚ шойччышт. Но, Ӛні, дерт нин, шойччышта, карті гуляйтышта, кинояс вылӚ, ныв да пи ордӚ ветла, тадзи и кута овны. СӚ майбыр, оз нин ков

некытчө тэрмасьны, коть и лунын водыштлы и шойччышт, и гортса уджыяс абу уна.

Пырö Мария Петровналөн св а т ы с, пенсионер жö.

С в а т. Видза олан, сваття!

Мария Петровна. Лок, лок, сватö, шойччы.

С в а т. Ме кывлі, петöмыд пö пенсия вылö.

Мария Петровна. Да, петі, кöсья шойччыштны.

С в а т. Гортад öтнадлы öд зев гажтöм. Ми гöтыркöд кыкөнöсь, и то гажтöм овлö. Да ми, веськыда кö шуны, огö гажтöма олö, гашкö, сөйöмъясыд омöльджыка лоö, но сы пыдди зато юыштам да гажöдчам-сылам: да вот беда, сыланкывъяссö огö кужö. Сваттяйд, менам гöтырöй шуö, тэ пö зев мичаа сямман съывнысö да зев пö унатор кужан съывнысö. Гашкö, миянö кутан воливлыны, тыртчöмөн кутам юыштны да сылыштны. Зев гажаа кутам пöрасö колявны.

Мария Петровна. Зев ыджыд аттьö, эськö, корöмсьыд. Но мый нö тэ, сватö, ме жö некор винасö эг юлыв, ачыд тöдан.

С в а т. Мый нö эн кö юлыв, уджалігад он вöлі вевъяв. А öні öд удж вылö оз ков мунны, сöмын юышт да юышт ми моз. Юöмнас став шогыд бырлö.

Мария Петровна (*сералö*). Но, сватö, серамöс петкöдін, сэсся нö пенсия вылö петі да юны кута... О-ог... ог... Ті нин ас костаныд гöтырыдкöд юыштöмнад гажöдчöй. Ме ог лок юанінад, энöй и виччысьöй.

С в а т. Но он кö öд, мырдөн ог жö кыскы. Ме вöлі тэн кöсьям бурöс вöчны, медым гажаджыка олін-а... Но инö, мöдысь аддзысьлытöдз. (*Петö.*)

Пырö Митропановна, Мария Петровналөн пöдругаыс.

Митропановна. Видза олан, дона пöдруга. Важөн нин эгö аддзысьлöй. Кывлі, пенсия вылö пö петöмыд. Мый нö сэсся думайтан вöчны?

Мария Петровна. Шойччыштны кöсья, шойччыштны.

Митропановна. Дерт öд сідз, но, гашкö, пöрайд öтнадлы гортад кузь да гажтöм лоö. Ме локті, мися, мем тöварыш лоан-а. Кöчпон вичкöй кутам ветлывны мекöд, енлы юрбитны. Тэнад и гөлöсыд зев мича, кутан вичкоас кырлöс вылас молитваяс лывкйöдлöмөн съывны.

Мария Петровна. Мый тэ, Митропановна, ме жö некор даже вичкоас эг пыравлыв, енлы эг веритлыв... Да и енмыс, гашкö, абу.

Митропановна. Мый нö сёрнитан, Мария Петровна, ен абу! (*Юрбитö.*)

Мария Петровна. Но инöсь, тэ, сідзкö, аслад енмыдлы öтнад ветлы да юрбит, а ме тiянкöд ог öти туйöд мун... Менам сэтчö немтор эз коль.

Митропановна. Но... он кö и эн, ог мырдөн кор. Тэ тай он пов ен ёрöмсьыд. Енмыс кö накажитас, казялан и веритны кутан. (*Юрбитигтыр петö.*)

Пырö Надя моньыс. Öти киас кутö зэв ыджыд ноп, а мöдас — ичöтджыкöс.

Надя. Видза олан, энька-мамö. Ми кывлім, пенсия вылö пö петöмыд... Да ми, гозья, ёна и радлім. Мися, вöлись мяян олöмыс воссис, мяян быттьö бордьяс быдмисны. Тэ öд сэсся лун-лун гортын лоан, вöчныыд немтор, удж вылö ми моз оз ков, майбырöй, мунны. Öдва кыски со (*пуктö нопсö да индö сы вылö*). Вайи пеласяняяс, тэныд öні немтор вöчныд да весь олiгмозыд пелыштан.

Мария Петровна. Но-о... пеласяян вайин? Мый нö... сэсся öд бөр он ну... Пелалышта инö... А сэн, мöд нопторьяс мый?

Надя. Танi... танi со вурсян вайи. Нывкалы платтьö колö вурны, пилы — дөрöм, аслым — ковта... Öні тэ гортын лун-лун кутан весь овны да ог нин мастерскöяс ну. Сэтчö öд бара вурöмсьыс сьöм ковмас, а тэ öд челядьлы рöднöй баб лоан... Дон он босьт, сідз вуран.

Мария Петровна. Но... кутшöм дон, шогмас кö, вура коркö, вайин кö, бөр он нин ну гортад.

Надя. Ещö мыйкö кöсья юавны... да...

Мария Петровна. Но юав... Мый нö?..

Надя. Мися, вед тэ öні пенсионерка, тэныд некытчö мунны ни вöчыны оз ков. Виль мича еджыд нейлон ковтатö, мися, меным он-ö сет?..

Мария Петровна. Нейлон ковтаöс? Гашкö, аслым на ковмас кытчöкö пасьтавлыны.

Надя. Кытчö нин тэ мунан? Пукав гортад, халаттö пасьтав да... Сэсся тай ньöблiн шерстянöй отрезтö костюм вылад, сет пидлы, вурöдам сылы костюм.

Мария Петровна. Но, тi нин ставсö мövпыштiнныд и артыштiнныд кызз мем овны, и мый кодлы сетны...

А ме ещѳ эг на мѳвпышт, ни артышт. Олыштам да видзѳдлам. (*Надя мунѳ.*)

Пырѳ Тоня.

Тоня. Видза олан, мамѳ! (*Кутыштлѳ мамсѳ.*) Но кызд сѳсся, удж вывсянныд бура колльѳдисны пенсия вылад?

Мария Петровна. Бура, бура, дона нылѳй, гѳснечьяс сетисны и «Ветеран труда» медаль. Бура уджалѳмысь пѳ. Да... медальясуд эськѳ эмѳсь нин 2—3 да, сідзи куйлѳны.

Тоня. Ме со тожѳ вайи тѳныд гѳснечсѳ, сумкаас со сѳянторьяс, (*перѳйѳ сумкасьыс*), а тан со шерстянѳй чышьян нѳби, новлы на здорѳвье. А тайѳ нѳ мый? (*Индѳ ыджыд ноп вылѳ.*)

Мария Петровна. А тайѳ Надя моньѳ тай вайис. Тѳ пѳ ѳні лун-лун кутан весь овны да миянлы пѳ кутан пеласьяны.

Тоня. Пеласьян вайис?! Вот тайѳ да-а... Ачыс нѳ мый кутас вѳчны.

Мария Петровна. Ми пѳ киноѳ да театрѳ кутам ветлыны, дай костюм дѳраѳс корѳ. И нейлон ковтаѳс менсьым корѳ.

Тоня. Но и Надя... мед асьныс нѳбасны. Мама, эн примит тѳ некутшѳм удж, асьныс мед пеласьясны. Да нѳшта ковта да костюм дѳра ковмѳма. Тѳ, мама, немтор некодлы эн сет, а ачyd новлы, ветлы кино вылѳ, театрѳ, быд лун вѳччы медбур паськѳмьяснад да шойччы. Тѳ заслужитін сійѳс, 40 во, буракѳ, лои уджалѳмыд?

Мария Петровна. Да сідз, донаѳй, 40 во.

Тоня. Мама, эм ветераньяслѳн хор карын. Зѳв гажая олѳны, петкѳдлѳны концертьяс. Менам бур пѳдруга эм, сійѳ веськѳдлѳ хорнас, ме сѳрнитла ськѳд, мед босьтасны сѳтчѳ тѳнѳ. И кутан сѳтчѳ ветлыны. гѳлѳсыд эм. сьывны кужан, бура пасьтасьѳмѳн мун да накѳд гажѳдчы. Но, мама, ме тѳрмасы, муна... Шойччы, некутшѳм уджьяс эн босьт. (*Тоня петѳ.*)

Мария Петровна. Со ѳд, аслад нылыд жѳ мыйкѳ жалитыштас-а, да и гѳснечтѳ ваяс, а моньыд удж вайѳ, а гѳснечыс пыр вунѳ вайнысѳ.

Пырѳ Степановна, хорѳн веськѳдлысь.

Степановна. Бур лун тѳянлы, видза олад! Мария Петровнаѳн, буракѳ, Тѳянѳс шуѳны.

Мария Петровна. Сідз, сідз, локтö шойчö, пук-сьöй улöс вылас. (*Сетö улöс.*)

Степановна. Тi Тонялөн мам лоанныд? Бур да тёлкөвöй ныв сийö Тiян. Менö нылыд мөдöдiс Тiян дорö.

Мария Петровна. Но и Тоня, кöсйис öд, ме пö сёрнитла... Сідзкö, Тi лоанныд ветеранъяслөн хорсьыс юр-нуöдысьыс. Кызди Тiянöс шуöны?

Степановна. Да ме... Менö шуöны прöстö Степановнаөн. Ме локтi Тiянöс корны миян хорö. Миян кызь мортъыс унджык хорын, ветеранъяс. Гажаа коллялам прöст кад, нуöдам репетицияяс, велöдам выль сылан-кывъяс. А сэсся выступайтам, петкөдлам концертъяс, кытчö корасны, а уналаö корöны, некытчö ог тырмö. Тоня нылыд шуö, Тi пö зэв жö радейтанныд сывны.

Мария Петровна. Да-а... радейта сывнытö, сийөн и ассьым сьöкыд олөмöс кокньöдлi. Но зэв ыджыд аттö Тiянлы корөм вылад. Ог öткажитчы, локта инö.

Степановна. Миян ветеранъяслөн асланыс форма. Сьöд сарафан да еджыд ковта, и медальяс — эмöсь кö?

Мария Петровна. Эм кык-куим, да со öнi нöшта сетiсны «Ветеран труда», пенсия вылö петiгөн.

Степановна. Но вот и бур. Сарафанад öшлöй медальястö и локтöй талун жö хорö. Ми кутам виччысьны.

Мария Петровна. Локта, локта. Зэв ыджыд аттö Тiянлы, Степановна, корөмсьыд. Талун жö и локта. (*Степановна петö.*)

Занавес.

Недыр мысти вöссьö занавес, сцена вылын сулалöны хорын сылысь-яс, ставныс найö сьöд сарафанабсь, медальясабсь, еджыд ковтаабсь. Кöсйöны заводитны сывны. Степановна найö водзвылын. Пырö Мария Петровна. Сьöд сарафана, медальяса, еджыд нейлон ковтаа.

Мария Петровна. Видза оланнды!

Степановна. О-о, локтöй, локтöй, Мария Петровна (*йöзлань.*) Миян хорö локтiс содтöд ёрт. (*Мария Петровналы.*) Сувтöй миян радö.

Мария Петровна сувтö йöз дорö. Хор заводитö сывны.

ПОМ.



Зоя Ивановна РОГОВА чужліс 1918 вося март 2 лунё Сыктыв-
дін районса Слудка (Придаш) сиктын голь крестьянин семьяын. Ба-
тыс вöлі гражданскöй войнаса инвалид, мамыс кувсис томön. Уна
чо-вока семьяын быдмигас велöдчыны вöлі сьökыд, но Зоя Ивановна
велöдчис учительницаöдз. Велöдіс аслас районса начальнöй школа-
ясын, уджаліс библиотекаясын, клубса завсн. Öні пенсия вылын, олö
Вильгортын. «Войвыв кодзув» журналын йöзöдліс унакодъ висът.
Тшökыда выступайтлö Сыктывкарса ветеранъяс хоркöд öтвылысь,
сылö, йöктö, лыддьö кывбуръяс.

СЭКИ ВОЛАС

Зэрбй, зэрбй, эн вай зэр,
Талун рытыс мича колө.
Пет вай, шондi, югзёд олом,
Вежлы мулысь шуштөм сер,

Лысва видзяс вылысь босьт,
Гыөн ызгись юсө ланьтөд —
Мөдлапöлын олысь анькөд
Аддзысьлытөг мен оз позь.

Кыскө менө ю сай сикт,
Вемöсын и вöтын кыскö...
Луныс воысь дьрджык кыссьö —
Мунны некытчö он письт.

Зэрбй, зэрбй, вай жö лөнь,
Талун рытыс мича колө —
Сьöлөмшөрбй сэки волас,
Кык туй өтласьöны көн.

ЫВЛАВЫВСА ВУДЖÖР

Выль керка вылө, кодi карын
кыптö,
Рыт-асыв ветлиг-муниг дзорга пыр:
«Вот эськö тась кö вичмас
öти жыр,
Дзик öти сöмын, ог нин кор ме
кыктö».

Пöсь чолөм ыста сэнi ноксысь
йöзлы,
Вын-эбöс сиа, содтöд тэрыблун,
Сэк, кодыр чайтсьö, уджныс
озджык мун,
Кор судта лыдыс содö быттö
ньöжйö.

Кад воас — стрöйба вевт улöдзыс
пырас,
И öшинь увсьыс вешъяс мудзöм
кран.
А мыйөн ловзяс сьлөн чужöмбан,
Да пытшкыс сэсся шуда йöзөн
тырас,

Стрöительяскөд выль местаö
«вуджа»
И бара эска: «Танi лоас горт —
Öд абу жö дзик сэтшөм ковтöм
морт.
Мед овны, кызди ывлавывса
вуджөр».

ПЫЖ

Көть эськө шогмытөмөдз рыжмис,
Но эз на эскыссы тай пыжлы,
Мый сійөс ләптисны зэв вылө,
Кысь ваыс некор нин оз кылөд.

Кузь төвбыд кайтис эшкын улас:
«Вот регыд, регыд воас тулыс,
Көзяин тэрмасьөмөн локтас,
Пось сирён мавтас воймөм
бокьяс,

И төвзям сыкөд Эжва шөрө,
Ю веркөс медым гыөн вөрө,
Мед ваыс петөма кө кырйысь,
Ми мөдам катны сылыгтырйи.

И кыкнанным ми ёнысь-ёнёсь,
Оз косьмыв мышгяс гождөм
помөдз:
Ог олөй лун ми чери кыйтөг,
Тшак-вотөс вөрысь ваям
мыйта...»
Кад ассыс уджсө бура төдө —
Йи кывтліс-чегьясьліс пөв-мөдысь,
А важмөм пыжыс, кыз и мөйму,
(Морт сійөс лэдзны век оз
слөймы)

Пыр өтмоз куйлө места вылас..
Но лымйыс бара мыйөн сылас,
Пыж миян радлө, кыз и войдөр,
Да чайтө, талун-аски ойдас.

ПИСЬМӨ

Зарний, донай, чолөм!
Надзмисны өдьясыс волөн,
Ньөжмыдөсь лоины лунгяс,
Йөз муө мыйөн тэ мунін.

Позьө кө мойдын моз вөлі,
Медтэрыб вөв вылас сөлі,
Төв ныр моз тэ дінө лэбзи,
Лов шыад гусьөник дзесби,

Некор мед ылөдчысь войтыр
Дзугны эз вермыны, дойдны.

Мусаөй, артмас кө сідзи:
Омөльсыс ог сяммы видзны,

Любө кө лоас мөд шонді,
Вөтгясад волены понда.
Петкөдча, кыв ни джын шутөг,
Пармакөд, ас чужан мукөд.

Дум вылад уськөда Эжва,
Сыктывлань өтвылысь кежлам,
Веськавлам, вотлім көн сэтөр..
Садьман да, синвайд петөм.

ПОЖӨМ

Сись кодь пожөмыс парма нөрысын
Вежсө петкөдліс пипу вөрыслысь
Аслас джуджданас, топыд сьөвмөснас..
Кызьяс, козпнян подьяс сөвмисны.

«Коркӧ верстямман ӧмӧй тадзнадтӧ?
Кыптӧм мянлысь лапнас надзмӧдӧ,
Оз сет апыштны пӧттӧдз сынӧдсӧ,
Ньӧжйӧ чукӧрмӧ-содӧ вын-эбӧс...»—
Понӧль йылӧмыс таdzi дольлісны.
Сӧмын регыд тай восьсӧн колісны,
Ыджыд бушколыс ӧти пӧраӧ
Кодыр пожӧмӧс швачкис-пӧрӧдіс.
Ӧні быдторйыс налы вичмывлӧ:
Лымйыс тӧвъяснас муӧдз личкывлӧ,
Зэрыс мӧрчывлӧ лы-сьӧм пытшкӧдзныс,
Кӧдзыд вой тӧлыс сотӧ-бытшйӧдлӧ;
Шонді чишкалӧ, воас гожӧм кӧ...
Сьӧкыд олӧмыс вына пожӧмтӧг.

МИЧА НЫВ

Видзӧдан да, воысь-во
Вежсьӧ карлӧн серпас.
Миян улич вылын со
Лэптӧны выль керка.

Медся вылас ӧти морт
Туткӧдчӧма ур моз,
Плитаяссӧ воча дор
Лэчыд биӧн вурлӧ.

Лунтыр ноксьӧ, музз оз тӧд,
Петас быдсӧн вежыд.
«Тӧдмасы час дядьскӧд»,—
Стрӧйба динӧ кежи.

— Здук кежлӧ кӧть энвотчыв,
Куритчам лок!— горза.
Шлемсӧ пӧрчис... Мича ныв
Вӧлӧм вурсьысь мортыд.

Анатолий Николаевич РАКИН чужис 1949 воын Кулӧмдин районса Дереванӧй сиктын. Шӧр школа помалӧм бӧрын велӧдчис Коми государственнӧй пединститутлӧн историко-филологическӧй факультетын, а сӧсыя Москваын языкознание институтбердса аспирантураын. Нималана учӧнӧй В. И. Лыткин (Илля Вась) юрнуӧдӧм улын гижис кандидатскӧй диссертация. Ӧні уджалӧ Наукаея академия Коми филиаллӧн кыв, литература да история институтын научнӧй сотрудиӧн.

Медводдза кывбур петалис 1968 воын.

ТЬӨЗӨЯС

Төдіс кө эськө, мый буретш тадзи лоө, Петыр Миш эз жө пуксы автобусас. А петіс эськө туй вылө. Чизыр төвсьыс читкырасигтыр, гын көмнас воча кучкалігтыр, видзөдіс эськө карсянь өдөбөн петысь машинаяс вылө. Көйгис сэтчөдз, кытчөдз бур сьөлөма морт эз босыт сійөс. Лэпталіс быд матыстчысь машиналы нигөн кепыся киясө. Оз тай этша и налөн совхозсянь карөдз журъявны. Изөймыны оз на лэдзны мертөс. Но вокыслөн пыс асывнас нин ветліс билет босытны. Öні тайө кабалаторсө йигрөдлігтыр и пукаліс автобус пытшкын да каитчис. Водзті небыдөн кажитчысь пуклөсыс öні лон зурыд. Быдтор мешайтіс сылы: пальтоыс быттьө дзескыдджык, суседыс паськөдчөмөн жмутвидзө... Сьөлөм вылас вөлі деливө. Сійө видзөдіс йизыштөм öшинь стеклө пыр туй бокөд гөнечөн төвзысь бадь ньөрьяс вылө.

Син водзас вайөдіс, кызди вокзалын пуксис автобусө. Чургөдөм билетсө видзөдліс шөр арлыда нывбаба. Лэдзалис сөмын билетаясөс. Но автобус дорын йөжгылясисны нөшта некымын морт. Көдзыдыс эз лэдз найөс сулавны места вылас. Кынымсыяс, билеттөмьяс надеяөн дзөргисны лэдзалысь вылө. Öд медбөрьяысь мунө налөн вожө талун автобусыс...

— Но, Миша, пөдлав өдзөстө да мөдөдчы,— йөзөс лэдзалысь шунс шофёрлы. А пукалысьяслы синс бур туй. Прөст пуклөс вөлі на. Автобусө сөлөмаяс думнас дивитісны лэдзалысьөс. Нывбаба, дерт жө, гөгөрвоис тайөс. Эз өд öти автобус лунтырнад колльөд. Сы вөсна и шунс өдзөс дорын көйгысьяслы:

— Видөны өд. Быд автобусө кө кута тырыс лэдзавны, местатөг да билеттөг, оз ошкыны,— быттьө дорйысьыштіс сійө.

Нывбаба мунөм бөрын шофёр эз дзик пыр вөрзьөдчы. Мөжгыштіс, а сэсся гурйыв восьтіс водз өдзөссө.

— Пырөй, коді төрас,— кыпыда шунс сійө.— Тайө виль уджалысь на. Оз гөгөрво мянлысь олөмсө...

Петыр Миш любӧпырысь видзӧдліс сьлӧн паськыдінник чужӧм вылас. Эз бара повзы видӧмысь, кызди эсійӧ нывбабаыс. Эз энот пикӧ воӧм йӧзӧс.

Миш пукаліс медводдза пуклӧс вылын, шофӧрсянь дзик матын. Шофӧр видзӧдліс пуклӧсьяс костӧ сувталӧм войтыр вылӧ да вӧрзӧдчис. Кар кузя мунігӧн чӧвтліс гозмӧд кыв. Думсьыс шмонитіс. Кӧть нинӧм сэтшӧм серам петкӧдланасӧ эз висьтав, автобусын мунысьяс кодсюрӧ серӧктыштісны. Медсясӧ сулалысьяс. Колӧкӧ, сы ради, медым угӧдитыштны, колӧкӧ, нимкодъысла, мый найӧ автобусынӧсь, мунӧны. Вашмунліс и Петыр Миш. Сьӧлӧмсӧ сылысь выя бордӧн мавтісны, окота пыр нюмъявны. И мыйкӧ зэв телепит лои варовитыштны татшӧм бур сьӧлӧма мортыскӧд. Кӧть гозмӧд кывіӧн шыбитчыны. Висьтавны мыйкӧ.

— Тэ нӧ, пиук, гӧтыра абу?— мыйлакӧ тайӧс медводз юаліс Петыр Миш.

— Гӧтыра. Челядь эм и,— эз быттьӧ окотапырысь шыась мӧдыс. Дерт, абу кивыв варовитны кар кузя мунігӧн. Сэсся век жӧ содтіс:— Ӧти сӧмын... Нывка.

Тайӧ и вӧлі став сёрниыс. Кысь сэсся варовитан, кор мӧдтор юалӧм вылӧ мортыд катовтліс юрнас гижӧдлань, кӧні шыпасъясыс висьталісны, мый мунігӧн шофӧркӧд оз позь тшӧкӧлдывайтны.

Петыр Миш йӧжгыльтчис пуклӧс вылас. Сійӧс лӧсьыдысла шымыртісны казтьылӧмъяс.

— Сӧ трасичаыд! Сетісны кутшӧмкӧ тарантас!— Петыр Мишлысь мӧвпьяссӧ торкис шофӧрлӧн скӧрысь шуӧмыс.

Автобус сӧмын петӧма карысь. И, вӧлӧмкӧ, неминуча суӧма. Дудӧма моторыс. Эрнитлас жӧ эськӧ да пыр и тшӧкнитӧ. Ставныс: и сулалысьяс, и пукалысьяс надеяӧн видзӧдісны шофӧрлӧн кияс бӧрся. Быдӧнлӧн кынмыліс сьӧлӧмыс, кор мотор эрмунліс.

— Ставыс!— лӧкысь ышловзис шофӧр. Видзӧдліс гӧгӧрбок, а сэсся содтіс:— Чеччӧй, воим, тыдалӧ.

— Кызди воим?— повзӧм гӧлӧсӧн шыасис нопъя пӧч.— Пиук, колӧкӧ, нӧшта видлан. Воам чурки-будиӧн гортӧдз!..

— Тэныд лӧсьыд. Гортад воан да паччӧр вылад ляскысян. Меным бӧр колӧ локны.

Эз окотапырысь, йӧз петісны чизыр ывла вылӧ.

— Эн тэрмасьӧй бӧр карлань тюрны,— сьӧлӧм сетіс шофӧр.— Ме час нула тайӧ тарантассӧ. Слесарьяс кӧ эз

на удитны гортаныс мунны, кодкӧ вӧчас. Шы сертиыс быттьӧ абу ыджыд жугалӧмыс.

Трачкӧдчигтырйи автобус вӧрзис, дзирликтис карлань. Петыр Миш, кодӧ сяммис нин, кӧть кык кывйӧн да, сёрнитны шофӧркӧд, ветлӧдліс йӧз пӧвстӧд да ышӧдіс найӧс.

— Воас. Эн шогсьӧй. Тьӧзӧыд менам сэтшӧм. Сійӧ мездас. Гӧтыра и челядя сійӧ. Дельнӧй морт.

Автобус воис час джын мысти. Сылӧн руль сайын дӧвля пукаліс Миш нима шофӧрыд.

— Сӧлӧй,— шуыштис сійӧ.

Радпырысь, йӧткасигтыр йӧз пырисны автобусӧ. Весиг воддза серти лои и пукавны, и сулавны личыдджык. Петыр Миш жмутнитчис небыд пуклӧсӧ. Юрсӧ тшӧгӧля лэптӧмӧн видзӧдіс орчӧн пукалысьяс да сулалысьяс вылӧ: кызди пӧ ме шуи, сідзи и лои.

Мӧдісны. Недыр тӧвзӧм бӧрын автобус сувтіс. Мишлӧн весиг лолыс сувтіс, гашкӧ, бара мыйкӧ моторыскӧд. Дӧра сайсянь юрсӧ мыччис шофӧр.

— Кодӧ билеттӧм, матыстчӧй,— ставлы кывмӧн юӧртіс сійӧ.

Сулалысьяс кутісны шпорӧдчыны да зильӧдчыны сьӧмӧн. Шофӧр лыддытӧг дзумйӧдліс найӧс зептас.

— Ставыс?— синнас кытшовтіс сійӧ сулалысьясӧс.— Ӧні вай нӧшта ӧти шайтӧн ставныд содтысьӧй.

— Мыйла?— ырмунісны кодсюрӧ.

— Ме абу сэтшӧм озыр, медым мотор видзӧдлӧмысь слесарьяслы ассьым сьӧм сетны. Эг на удит озырмынысӧ.

— Налы ӧд сьӧмыс сідз воӧ,— кыліс гӧлӧс.

— А тэ видлы найӧс удж бӧрас кольӧдны! Кодӧ ӧні дон босьттӧг жель бергӧдас? Тэ он и ме ог. Ковмис куимнанныслы морт ӧти еджыд доз вылӧ сетны. И то кевмысьӧмӧн. Мися, йӧз виччысьӧны. А ті..

— Вай дугды сӧрнытӧ. Ас мортлы отсыштӧмысь ӧд сьӧм эз жӧ корны?..— кыліс шензяна гӧлӧс.

— А найӧ абу тӧдсаяс ни абу другьяс меным! Понял!— ярскӧба орӧдіс сійӧс шофӧр.— Кӧсьянный кӧ мунны, а то и..— бӧр кывсӧ шуӧм пыдди кок улас сьӧлыштис шофӧр.

Пока йӧз донъясисны, Петыр Мишӧс шымыртіс шензӧм. Сьӧм радиыс, дерт, босьтіс йӧзсӧ и вокзал дорас. Тайӧ мӧвпьясыс жуньыммӧдісны морттӧ. А сӧсся вежӧрас чепӧсйис, мый сійӧ став сьӧлӧмсянныс ӧнтай ошкис том шофӧрӧс ськӧд ӧтлаын мунысьяслы. Чайтсис, мый ӧткымынъяс весиг кӧритана видзӧдӧны сы вылӧ. «Воис пӧ

ёртыд. Сё пасибö. Нуö тай мянöс кык дон кульыш-тöмөн».

— Норасьны колö тэ вылö,— мый думайтис, сийöс и шуис Петыр Миш.

— Норась!— бара орöдис шофёр.— Тэ кодьясыс и олöмсö дзугöны. Ми пö и эмöсь, синва кодь сöдз олöма-öсь. А гудйыштан...

— Сетам, сетам, гортöдз сöмын öдийöджык тюрöд,— торкисны Мишлысь ярмöмсö öткымын гөлöсьяс.

— Веляммисны,— аслыс шуис олöма мужичöй да пырис зептас деньгала.

— Ме ас пайысь ог сет,— дженьыда шуис Миш.

— Эн,— эз скөрмы шофёр.— Тэ кодьясыс дармövöй вылас и олöны.

Тайö сотыштис Мишöс. Бытьö донöдöм из нылыштитис.

— Восьт öдзöстö!— корис сийö.

— Ыркöдчыны көсьян?— китш-китш серöктис шофёр.

— Верман мунны,— воськовтитис öдзöслань Миш.

— Михайлö, эн дур,— киöдыс кутыштитис ас сиктса ныв-баба.

— Мый нö ме кута этийököд...

— Вой улö вөлökö эн кольччы. Шуис тай, оз ков тэ-сянь сьöмыд.

— Абу сьöмын делöйс,— пуис Миш, но петны да кольччыны туй шөрö эз жö вермы, кадыс абу шляйччынысö, гортас и удж вылын виччысьöны. Автобус вөрзис водзö.

Зэлöдчöмөн пукалитис Петыр Миш.

Гортас воём да нурьясьыштöм бöрын, көть эз на вöv сёр, сийö чöла водис. Көсийис унмовсьöдчыны, вунöдны туй вылын лöмасö, но унмовсьны эз сюр, öдзöсас гольöдчисны, пырис тöдса, орчча сиктысь шофёр.

— Бара мог суис, Миш дядь, мездан он?— шыасис сийö.

— Бензин колö?— юалис мöдыс, көть эськö тöдис, мый шофёрьясыд сы дорö буретш тайö могөн и пыралöны.

— Бензин. Эн дивит ёнасö, Миш дядь. Дöзмöдчам тай со.

— Нинöм,— лөньöдис орччөн восьлалысь мужичöйöс Петыр Миш, совхоз отделениеса заправитчысь.— Он öд тані узьмöдчы. Юкмöс ванад машинаыд оз мун.

Будкалань матыстчöм бöрын Петыр Миш сувтовкерыштитис. Видзöдлитис мужичöй вылö:

— Көнi нö машинаыд?

— Отпускала ме. Карö со чой дорö автобусөн петі. Бензиныс быран выйын. Со и ме, тöдысь морт, ветлі тэла.

Тайо вөлі буретш сийо автобусыс, код вылын Петыр Миш локтис гортас. Код тодас, мый эськө сийо вөчис, вөлі кө өні отнас шофёрыс. Гашкө, бөр гортас бергөдчис. Но автобусыс йөз тыра.

Шофёр эз төд сийос. Кысь нө? Мужичөй пасьталөма уджалан паськөм, шапка пельяссө лэдзалөма. Да и биыс эз вөв торъя югид. Заправитчөм бөрын шофёр мыччис сылы талон чукөр. Петыр Миш эскис йөзлы, торйон нин шофёръяслы. Кымын во уджаліс, но некод на эз сетлы талонъяссө колана мындаысь этшаджык. Бөрья кадсө сийо лыддытөг суйліс найос зептас. Прөстмөм бөрын лыддяс. Көть тайо шофёрыс сылы лон мустөм, но вөчис тадзи жө. Первойсө сийо эз көсий сёрни панны. Эз кө төд и мед, но пытшкөсса гөлөс быттьө йөткыштіс вомсө восьтыны.

— А тэ шуан вөлі, мый некод сьөмтөг оз мезды,— шыасис сийо автобуслань воськовтысь шофёр дорө.

— Тайо тэ?— недыр видзөдыштөм бөрын шензыштіс мөдыс, а сэсса дөвөля шпыньмуніс.— А ме прав лон. Тэ кодьыс сөмын йөз син водзас... Ачыд со куима курыштін!

Петыр Миш шай-паймунөмөн кыскис талон чукөрсө. На пөвстын вөлі куим шайта.

— А тэ өнтай дыдгин, мыйла ме мунысьяслысь сьөм кори! Туй вылад быдсямаыс овлө. Со и тэнө ковмис мавтыштны.

Мишлы кыкысь кымын төдтөм шофёръяс зілісны жө суйны киас сьөм, унтө пальөдөмысь пө, но найо веськыда мыччисны. Босьтан ли он, тэнад делө. А тайо со талонъяс пөвстө пуктөма. Быттьө зэв надеяөн, мый сийо сёр рыт воис заправитчыны сөмын сьөм ради. Тайо бара пузьөдіс Мишлысь сьөлөмсө.

— Вай өдийджык сөв! А то грек суас менө!— муртса шуис сийо. Дзеваса мавтассө көсийс суйны зептас шофёрлы, но мөдыс пескыльтчыштіс и куим шайта мыніс кысыс. Эз и во лым вылөдзыс, төлыс нуис толаяслань.

— Мыйсяма ті йөз?— гөлөс сетіс шофёр.— Паныдасьлан ті кодьыскөд да быттьө желлясьлан, ставыс мустөм лолө! Фу!..

А сэсса пырис кабинаас, крапкис өдзөссө, автобус повзөмөн быттьө нетшыштчис пышйыны.

ЫТВА ДЫРҢИ

Сійос вит во нин абу аддзылөмаоьс Вөрүб сиктын. И кор медводдзаысь воис клубб, ставон, коді гусьон, а коді явб, видзодісны медводз сы вылб.

Нимтісны зонмбс Наста Мишон. Фуфайкаа, векныдик гача, сійб пырис йбктысьяс костбд пыдї пуклбсьяслань. Косньбд, шырбм юра, сійб кызкб быттьб йизьбдыштіс йбктан гажсб. И ставон, коді тбдліс Мишбс водзті, коді кывліс сы йылысь, дерт, думыштісны, мый вбчис вит во сайын тайб зонмыс.

Нина татчбс сиктб локтіс во сайын, но тайб лобмторнас удитісны жб нин тбдмбдны пбдругаясыс. Наста Мишбс гусясьбмысь тшапнитбмабсь, магазин петкбдбма.

А сэки, вит во саяс, йбз бна и дивуйтчисны. «Со бд бтка пийд кызди веляммбма»,— шензисны бтияс. «Менам тай нбль пи да ныв чурки-буди бура бытбма лои-а.— Быд сёрниб зіліс сюйсьыны Васька Иван, ветымын сайб арбса мужичбй.— Ставныс портпельбн ветлбны». Вбліны и жалитысьяс: «Со бд, мырсян-мырсян бтка нывбабаыд, кбмбдан-пасьтбдан, а сійб пасибб пыдди вольпасьбдз мамтб водтбдїс».

Да, медся бна вичмис тайб лбкторйыс Насталы. Сідз нин вошбм дзоньвидзалуна, а сэки дзикбдз лигышмуніс мам. Нёрпаліс аслас керкаын, весиг суд вылас эз вермы воыны омбльтчбмысла. Сетісны Мишлы вит во. Суд вылас жб тыдовтчис, мый дас сизим арбса зон абу вблбма бтнас.

Оліс сиктын Прокор Микулай, ар комын вита мужичбй. Кузь кияс вбснаыс водзті нин пукавлбма. Сідзсб татчбс, а бокин, мбд районын, уджавлбма. Сійб и ышбдбма зонмбс.

Вель дыр нёрпалбм ббрын Наста век жб чеччис. Но эз нин аддзывны сэсся сылысь ни долыд чужбм, ни эз кывлыны серам. Праздникьяс да свадьбаяс дырґи вошліс пызан саяд, быттьб абу и татбн.

Со мый вблбма Вөрүб сиктын вит во сайын.

А бні кадыс дзикбдз нин катовтчис гажа тулыслань. Сярмунісны веж корьясбн кызьяс. Клубын гаж помасьбм ббрын паськыд ваыс кыскис том войтырбс ас дорас. Кыр йылб чуркаяс вылб тувьялбм пбвьясыс сярвидзисны кузя. Тані шбрипбв вошбмабсь и томьяс, и олбмаяс. Ббрьясыс пукалбны, гашкб, казътылбны том дырсб, кодбс тувсовья тбрыб ваыс моз жб нуисны воясыс. Бтки-

мын ањяс петѳмаѳсь лючки сы могысь, медым тѳдмавны, кодї кодкѳд кутчысьлѳ да окасьѳ.

Ниналы виччысьны некодѳс. Эз на некод во сылы сьѳлѳм вылас татчѳс сиктса зонњяс пѳвстысь. Унджыкыс тшапѳсь, кузь юрси новлѳны. Кѳть пѳ тай эськѳ ѳнї мода, но нывлы эз кажитчыны татшѳмњасыд.

— Вывтї жѳ нин тэ чиг,— дивитїсны Нинаѳс нывњяс.

— Мый нин сэссия вѳчан, абу менлы кодьыс да.

— Со тайѳ бѳкѳвѳй воѳма, ветлѳм-мунлѳм морт.— Нинаѳс тувкнитѳм бѳрын кильснитїс ѳти ныв да индїс Наста Миш вылѳ.

— Мун сэтысь!— ѳвтчыштїс Нина.— Ачюд, колѳкѳ, сыкѳд ветлѳдлы.

А Наста Миш локтїс нин талун клубѳ нѳльѳд рыт. И колѳ шуны, тайѳ каднас Нина некымынысь паныд веськавлїс сылы и быдысь весиг кѳдзыд лолїс нывлы. ѳд дзескыдїнысь петѳм морт паныдасис, а татшѳмњасыдлѳн, код тѳдас, мый дум вылас. Миш ѳнасѳ эз петкѳдлы асьсѳ, пукњяс пельѳсѳ, юрсѳ ѳшѳдас. Видзѳдлас йѳктысьњяс вылѳрысь ва рѳма синњяснас. Сы дорѳ ѳнасѳ эз жѳ сибѳдчыны. Сѳмын гоз-мѳд том зон, кодњяслѳн сиктын вѳлї медањ кузь юрси да гора сѳткѳм, кодњясѳс сельсѳветын нин гижѳмаѳсь торњя кабала вылѳ, зїлісны пуксьыны Миш дорѳ матѳджык. Юасьны дзескыдїнас олѳм йылысь, мый сэні висьтавлѳны бисѳ и васѳ мунѳм йѳз. Но Миш накѳд ѳнасѳ эз зїль тшѳкѳлдывайтны. Чѳвтыштас гоз-мѳд кыв и бѳр ланьтѳдчас.

Витѳд рытнас Миш дырджык кыйкїѳдлїс-видзѳдїс йѳктысьњяс бѳрся. Гаж шѳрас моз сувтїс да веськѳдчис сїѳ ныв чукѳрлань, кѳнї сулалїс Нина.

— Позьѳ?— буретш сы весьтѳ сувтїс зон да шыасис пытшкѳссяњ петысь кыз гѳлѳсѳн.

— Ме тайѳс ог йѳкты,— медводздаѳн юрас усьѳм дорїысянторсѳ шуис Нина, кѳть эськѳ повзьыштїскодь. Колѳкѳ, мыйкѳ вѳчас петтѳмсьыс. Зонлѳн синњясас вуджѳртлїс аслыспѳлѳс жугыльлун. Нинѳм шутѳг крута бергѳдчис сїѳ да веськѳдчис ѳдзѳслань.

Тайѳ рытнас Нинаѳс гортѳдзыс колльѳдїсны пѳдругањыс. Полїсны, медым Миш эз виччысь сїѳс кѳнкѳ пемыдїнын. Но некодкѳд эз паныдасьны.

А Нинаыс сиктын, позьѳ шуны, тѳдчана морт. Веськѳдлѳ му косьтысьњяслѳн уджѳн, кодњяс Тима нїурысь видз кѳсїѳны вѳчны. Сїѳ лунњясас ковмис Ниналы орчча ыджыдджык сиктѳ, кѳнї вѳлї налѳн контораыс, тувсов уджњяс йылысь тѳлкуйтны лѳччывны и тшѳтш корны дре-

наж сюян комбайнлы колана частьяс. Рёспута. Пода ни вёла туй абу — юяс ётилаті вёрёдзяс ойдёма. Сёмын пыжён верман воёдчыны. Но ёд лэччодны некодлы, асланыс пыж ни мотор абу. Вёськөдчис доручастокө, көні ыджыдыс пыдди буретш сійө Васька Иваныс вёлі, коді тай ошйысис Мишөс пуксьөдан воө, мый сылөн быдтасьясыс портпельён ветлөдлөны. Мортыс тайө Ниналы эз кажитчыв, пыр быттьө лөсьөдчёма кызкө крукыштны. Но талун Нина дась вёлі кывзыны быдтор, медым сёмын сетіс мотора пыжсө, коді вёлі налөн. Қорысыс абу нин өтнас вөлёма сійө.

— Но, мыйөкө көть велөдісны эз сәні?— вомкөтшнас нюмъялігтыр юасис Васька Иван воча пукалысь Мишлысь.— Қолөкө, бара пыран. Оні тайө магазиныс нөшта озыр. Эм бара, майбыр, мый петкөдны.

Мөдыс пукаліс ланьтөдчөмөн. Сёмын синьясыс жугыльмисны буретш сәксә рьтас моз, кор Нина эз пет сыкөд йөктыны. Черлыясыс вөрисны, быттьө някляліс косйя. А мөдыс быттьө эз казав тайөс.

— Оні, Мишө, милицияыд пыр жө тэ ордө локтас. Оз кут ёна туясыны, петкөдасны кө лавкатө...— А сәсся быттьө нинөм абу и вөвлөма, шыасис Нина дорө:— А тэ, рочакань, мыйла бара мелань кывтін? Некедзи жө, тыдалө, тиянлы Васька Ивантөгыд. Пикө воанныд, да пыр ме дорө.

— Быть колө лэччывны контораөдз, Иван дядь,— кеваемысяна шуис ныв.

— Абу менам некод пыжнас тәнө гурийөдлыны!— өвтыштіс кинас Иван. А сәсся бара на нюмдіс вомкөтшнас.— Со тай Миш удж вылө вөзйысьө. Лэччөдас кө, босьта. Да өд тэ ачид такөд он лысьт петнысө?

— Абу өд ош, мыйла ог лысьт,— мужичөйлы дөсадитөм вылө моз артмис нывлөн. Здук мысти, дерт, лолыс тупкысьліс, но бөр косны эз көсйя та вөсна жө.

— Но ладнө инө, Миш, лыдды, мый тэ менам вёськөдлөм улын уджалан. Босьт пыж, мотор да, кыз шуласны,— бур туй. Сёмын мед нывсө эз ло өбидитөма.

— Да, дугдөй морт вылас тешитчынысө, Иван дядь!— ыпмуніс Нина.

— Но, но. Эн пузыы. Ме өд тәнө жө, асьтө, жалита. Татшөмьяссянныд буртө эн виччысь. Төдлі ме. Эг өти во татшөмьяс пөвстад вөрпунктын уджав.

Сёмын пыжө пуксьөм бөрын нин Миш пинь пырыс, аслыс моз, сөдзөдіс:

— Мамөй жаль, а то ныр-вомас пызйышті эськө да. Нина немтор эз шу вочасө,

Кыз горөн жургис пыж мотор. Веж гыяс швачкөдісны набой бокас. Ва войтьяс резісны зонлөн чужөмө, сяркөдчисны мунөмыслы мышкөн пукалысь Ниналөн плащө. И тайө нөшта на шуштөммөдіс нылөс. Кыз шуласны: полөм абу, а сьөлөм кын. «Код төдас, мый йылысь сійө думайтө?—везьялісны юрас мөвпьяс.—Йөктыны петтөмсьыд кө ёна дөзмис, то...» Сійө весиг ачыс эз төд, мый вермис вөчны тайө мортыс.

Друг налөн видзөдласьясныс сутш кежлө вочаасьлісны. Зон чужөм тырнас нюмдіс. Вашмунөмыс петіс быттө морөс пытшяньныс. Нюмъяліс эз сөмын вомнас, но и синнас, быд чукурөн. Тадзитө лөк йөз некыдзи оз вермыны нюмъявны, көть кызди оз зільны. Таысь Ниналы другөн лөсьыд лои. Ёнтая мөвпьяссө быттө роскөн чышкыштісны. Но сөмын джодж шөрөдыс, пельөсьясас колины на.

— Полан?—век на нюмъяліс Миш.

— Шуи тай өнтайнад, мый ог ошкөд пет.

— Век жө полан, аддза өд.

А сэсся нинөм эз шу. Эз кут такөдны, мый сійө бур, и оз ков повны. Ланьтіс и ставыс. Тадзи прөйдитісны пыжөн юлысь гоз-мөд чукуль. Ёні нин ланьтөмөн эз ло лөсьыд пукавны аслыс нывлы.

— Мый нө локтөмсянь тшөтш удж вылө медасин?—юаліс Нина.

— Мамөлөн совхоз пенсия вылад кыкнад ёна он паськөдчы,—око тапырысь вочавидзис Миш.

— Ме кывлі, мый тіянлы пукалігад уджалөмсьыд мынтөны жө. Петігад сетөны.

— Сетөны эськө да,—мыйлакө гөрдөдыштіс зон.

Миш вөляысь веськөдліс пыжөн. Ваыс паськыд, оз ков повны лыа көсаө зутшкысьөмысь. Сійө синсө читкыраліс чужөмас ем йыв моз сатшкысьысь көдзыд ва чирьясысь да кадысь кадө кыйкнитліс ныв вылө. Мугов чужөма. Тувсов шондіыс эз на ёна мыччась, а слөймөма нин гожьявны. Первой нырас Мишлы окота вөлі висьтасыны, кытчө воши сьөмыс, но пыр өлөдіс асьсө.

Өд нылыс мыйкө не сідз вермас гөгөрвоны. Мишлы эз вөв окота, медым ныв бара кутіс көдзыда видзөдны сы вылө. Өд со өти морт на пөшти, мамсьыс өтдор, локтөм бөрас босьтчыліс сійөс дорйыштны.

Зонасьыс сійө луннас найө петісны кыкөн. Мөдыскөд, ар комын кыка мужичөйкөд, олісны орчча баракын. Сідзсө паныдасьлывлісны, но матыссаөн эз вөвны. Да и некодкөд Миш сәні эз ёртась. Первойсяньныс сьөлөм курд

мõныс гажтõмтчис чужан сиктсьыс, мамсьыс. Сõмын мый вынсьыс уджалõмõн пальõдис шогсõ.

— Но, ёртõй, апав вõльнõй сынõдсõ,— тапнитис Мишлы пельпомас ськõд петысьыд.— Ёнисянь ми лэбач кодбõсь.

— Ёдйõджык нин эськõ лэбовтны гортõдз!— нимкодясис тшõтш Миш.

— Удитан...— велõдис мõдыс.— Медводз колõ прыснитны вõльнõй олõмнымõс. А кызди тэ мõвпалан?

— Абу эськõ окота да, абу велалõма ме.

— Но, давай, кутшõм нõ тэ мужик! Абу лõсьыд кызкõ татõг. Век на тадзи вõчлисны.

Сьõмсõ налы сетисны вель уна. Пырисны лавкаõ, босьтисны медся дона коньяксõ. Юисны кутшõмкõ пельõсын. Миш и водзтисõ эз радейт курыдторнад балуйтны, а õи дзикõдз кок сõнсõ винаыд ордис.

Палялис вокзалын. Ёртыс эз нин вõв.

— Кызди ме татчõ веськалi?— юасьõ.

— Вайõдис тай кутшõмкõ дядьõ,— зывõка вочавидзис олõма тьõtка.

Зон мулыш-малыш вõчис зепъяссõ. Сьõмыс эз вõв.

Бур, мый кабала вõли, код серти сьõм босьттõг билет сетисны. Тшыг нисьõ пõt воõдчис аслас сиктõдзсыс... И кызд нõ та йылысь висьталан нывлы. А сидзсõ варовитисны на õттор-мõдтор йылысь. Гылыда серõктывлисны и быдõн.

Найõ петисны ю вылõ рытгорув нин, ва туй джынсõ мунõм бõрын рõмдис. И колõ жõ! Сийõ места дорõдыс, кытчõ кольõм во запань лõсьõдлисны, кодкõ трос везгõдõма. Пыж кыптыштлис, а сэсся, бокыв пõригмоз, дзумгысис ваõ. Усигмозыс Ниналõн кныс швачнитчис пыж дорышõ.

— О-ой!— повзьõмысла и дойысла горõдис ныв, вошлис ва улõ, сэсся бõр бырснитис, кутю моз швачõдчõ кияснас.

Миш первойсõ шашаритчылис тросõ, но кор казялис матõ воõм нылõс, уськõдчис варччыны сылань, вõtõдис.

— Кутчысь ме динõ!— горõдис Миш.— Васõ эн апав.— И мый вермõмсьыс кутис уйны неылын берегань. Бур, мый ичõt дырсянь велавлис бура варччыны.

Кыкõннад õдва и воõдчисны нильõг няйтõн эжсьõм бадьяс дорõ. А Нина эз и вермы кок йылас сувтны, муздõма и повзьõма-шõйõвошõма.

— Ноко, чеччы!— горõдис весиг Миш.

— Ог өд вермы... эбөс быри,— нывлөн пиньясыс зят-какылісны.

— Чеччы, мися, изойман өд.

Кызмырдысьбөн, зон отсөгөн, Нина сувтіс жө кызкө кок йылас. Ой көдзыд! Ва паськөмыс лясөма яй берданыс.

— Өні котөртам, сэки сөмын шоньдджык лоө,— Миш босьтіс нылөс киөдыс да пондіс кыскыны бөрсяньыс. Вильски-вальски няйт прөйдитөм бөрын кольөм вося турун вывтіыс лои кокныдджык. Сьөлөм потө гөнитөмысла. Да и көдзыдыс песовтө тушатө.

— Энлы, сулышт,— кашкигтыр киргыштіс зон. Мортыд весиг казялөма, мый пыжсө ляскөма берегө. Лэччыліс юлань да көрталіс пуө пыжсө.

— А то эсію лёк вомаыс кутас шуны, мый нарошнө вөйті.

Туйыс кажитчис помтөмөн. Но коркө тыдовтчисны жө сиктлөн биясыс. Пырисны медводдза керкаас. Асывнас Нина эз чеччы. Доналөма. Нуисны больничаө.

— Тэ мый могысь татчө вөлі локтан?— юаліс зон больничалань нуигөн.

— Да аслам делөясөн. Но медся нин колө дренаж сюян комбайнлы частьяс.

— Колөкө, ме катөда?— корана моз шуис Миш.

Рытладорыс больничаө локтісны кыкөн — Мишкөд вөлі меллиораторьяслөн конторасянь мөдөдөм морт.

— Сетім нин эськө да, но век жө локті видзөдлыны. Кыдз нө некутшөм документтөм мортлы эскан?

— Ме талун ката. Пыжыдла ветлі. Ставыс бур. Частьястө катөда,— шуаліс куйлысь нывлы зон да меліа, жалитөмпырысь видзөдіс сы вылө.— Тэ өдйөджык бурд. А то лёк троскыс орөдіс сёрнинымөс.

— Кута зільны,— вазисны синьясыс нывлөн.

Кык вежон коли тайө кадсяньыс. Нина неуна бурдыштіс. Өні эз нин ёна пөсьөд сійөс, эз шыбитлы көдзыдө. Но гортас лэдзны эз на и мөвпавны. Ок, и кузьось жө вөліны луньясыс! Весиг лыддысьбөмөн сьөкыд каттыны найөс.

— Нина, тэ дорө локтісны,— юөртісны сылы вөскресенньөө.

Ныв шай-паймуніс. Сійө некодөс торьясө эз виччысь. Уджывса контораысь гоз-мөдысь волісны, но өд талун шойччан лун.

— Чолөм, Нина,— өдва кывмөн шуыштіс паныд чеччысь зон. Тайө вөлі Наста Миш. Сійө вөлі выль пинжа-

ка, дженьыд юрсиыс, кодї кык чунь судта нин слөймөма быдмыны, бура муніс сылы.

— Бур лун, Миш,— кисө мыччис ныв. Зонлөн вөліны косньод, но топыд чуньяс.— Васька Иваныд мыйлакө мөдөдіс?

— Эз. Ачым аслам окота серти локті. Тэнө видлыны. Да, дзикөдз вунөді. Гөснечтор вайи.

Сійө тэрыба кыскаліс сумкасыыс кампетъяс, лавкаысь ньөбөм компот да мукөд вөлөга.

— Мый тэ, оз ков. Менам өд ставыс эм,— яндысышыс тис Нина.

Миш дугдыліс кыскавнысө. Лэптыліс синъяссө ныв вылө.

— Нинөм, өтлаын куйлысыясыдлы сетыштан.

Орччөн моз пукалігөн найө варовитісны өттор-мөдтор йылысь. Миш то ловзылас, то бөр куслас. Яндысьө.

— Воддза шойччан луннас нин көсйылі туйө петны, но эг лысьт. Талун со вои. Төда, мый сиктсаянь некод эз на волы. А өд өтнадлы гажтөм, ас серти төда.

— Васька Иваныд эз вид?

— Зыньгис, мыйла пыжыс гирсыясьөма.

— Төдан, Миш, а тэ вай вудж мян участокө. Первой рабочөйөн. Бөрас, көсян кө, позяс велөдчыны ветлыны.

— Кыдзкө абу лөсьыд. Васька Иван кутас зыньгыны, мый пышйи сьөкыд уджысь.

— Миян өд абу жө кокныд.

— Но мед. Ачыд өд төдан сійөс. Нинөм абусыс гез кыас.

— Тэ сы вылө эн ёнасө мыйкөкерт. Көть мый оз шу... Но?— ныв шоныда видзөдліс Миш вылө.

— Но!— вөрзём гөлөсөн воча шуис Миш.

Миш муніс, а ныв, өшинь дорын сулалігөн, дыр видзөдіс, кыдзи тэрмасьтөг зон воис потшөс дорөдз. И пыр виччысис — сувтлас, бергөдчылас, видзөдлас өшиняс... Сійө видзөдіс сы вылө и зэв ёна виччысис тайөс.

ПЫРЕЙ ВАРУК

Василий Петрович Вавилов, райфинотделса выльөн пунктөм заведующөй, думыштіс кытшовтны районсө. Рыт-нас воис сиктө, кодї кынмис төвся көдзыд ру пиын. Көть думсыыс ньөжмөдіс часі стрелкасө, сійө нерсигмоз чеччыштіс квайт час дорті. Оні сельсөветад некодөс нин он су.

Машинаысь чеччөм бөрын пыр жө мөвпыштис юасыны узянин. Ветлөм-мунөм мортыд, таөдз Василий Петрович уджавлис мөд районса татшөм жө отделын, йөз сиктад эз шөйөвош. Оз виччысь, кор сийөс чукөстасны. Ачыс вөз-йыяс. Узны вөзйысысь вылад сиктсаяс оз чуймыны, көдзыд ывлаө оз йөткыштны. Та вылө лачаөн сийө юалис медводдза паныдасысьлысь кызди позьө кыпид гөлөсөн:

— Көни нө тиян вой улө веськалысь пикө воөм йөзыс узьлөны?

Шалльө төбыштчөм нывбаба сувтовкерыштіс.

— Нэмсө тай вөлі Пырейясын войсө коллялөны-а.

— Пырейыд өд өні лым улын,— шмонитігмоз шуис Василий Петрович.

— Со өд, вирад нин пырөма тайө нимыс. Но эн на мөй волөй татчө?

— Эг, медводдзаысь, и то вой улө мойвийис.

— Сідзкө, Пиля Емель Варукин. Лок нуөда. Ме сылөн керка дорті жө муна-а.

Гоз-мөд керка кост вуджөм бөрын тьөтыд индіс косялөм стына ичөтик керка вылө. Төдчө, оз нин өти дас во төвйы сийө. Ошиньыс бна.

— Видза оланнды,— пыригмоз, руалөм өчкисө чуньяснас чышкигтыр, съодас шуис мужичөй.

— Шөйччы-шонтысь, сөйны эн кор,— кыліс паччөр вывсынь нывбаба гөлөс.— Да тэ эн шөйөвош, пыр, пыр. Пөрччысь, видзөдлам, колөкө и, чайөн на юктөдам. Карактерыд кө глянитчас.

Татшөм паныдалөмыд збыльысь падмөдыштіс Василий Петровичөс. Но пөрччысис, пысалис синмас косөдөм өчкисө. Югдіс. Гөбөч вывсынь джоджө лэччис ар сизимдаса пөч. Пырей нимыс лөсяліс сылы, косньөд туша-рожаа. Татшөм устава пөрысь йөзыд визув кокаөсь на. Сідзи и эм. Тэрыба воськовтіс гын сапөга кокъяснас жыр шөрөдз. А синъясыс! Василий Петрович гежөда аддзыліс татшөм видзөдлассө. Сэтөр рөма синъясыс вөліны пыдөстөм, съөд ваа юкмөс кодьөсь. Сявкйис мывкыдлунөн. Бытьтө тайө юкмөсас чөжсьөма сылөн кузь нэмын став казавлөмторьясыс, гумовтчөма став аддзылөмторйыс.

Недыр мысти найө важ төдсаяс моз варовитісны нин чай стөкан сайын.

— Водзті быдөн мянө узьмөдчылісны. Ыджыд көть ичөт портпеля. Оні тай выль мода босьтісны. Локтөны сельсөветө, сэтысь небыд вольпась да выльөн пелалөм эжөда эшкын корөны. Совхоз отделениеө мыччыясны —

сідз жö. Тэ тай со кызкö ме дорö веськöдчин. Омöльясыс сой полöдыд вайисны?

— Эг су ме сельсöветсö.

— И бур. А то бара öтнамлы рыт колляв. Тэкöд га-
жаджык.

Сійö збыльсы, буракö, вöлі орöма сёрнисыс. Варов жö морт. Заводитіс эмсö и абусö висьтавны да помыс абу. Пöсь ваысь банійом чужöма Варук пызійис-висьтавліс ку-
тшöмкö Кöсьта Митрей йылысь.

— Сё морö морт сійö вöлі,— Варук сёрнитігмоз чöвт-
ліс сюсь синъяссö мужичöйлань.— Эз быд гачалөн вöв
сылөн кодь выныд. Вот, помнита, öтчыд дзикöдз Гурей
Парасьлөн öшкыс сиктнымöс пикö воштіс. Скөр, дзик
Парась мозыс жö бугжылясьö. Йöзыс челядьöс весиг улич
вылö эз кутны лэдзны.

А празник дырйид миян сиктын гажа вöлі. Му-
жикъяс кодöсь туплясьöны. Вöччөм, банійом нывбабаяс.
«Во саду ли» ливкйöдлöны.

Друг ставөн сюв-сявмунісны. Сöмын Öндрей Васьлөн
чепöлышыс бус пиын ворсан коли. Сьöкыд пеля, дзик
Павел Аврам кодь. А Гурей Парасьлөн нимкодьторйис,
тыпу, медым мутняс сылысь адын кыз яйсö чепляласны,
шердын пасьта вомсьыс быг лэччö. Паськыд сюрсö улö
лэдзöмөн уськöдчис детинкалань. Көть тэ мый вöч. Эз
вермы Кöсьта Митрейыд видзöдны. Уськöдчис сюра гун-
дырлы воча, да-а... Кызди тай лэптыштöмөн шняпкис öш-
тö му бердас. Бура дыр кыз зобйис тірис. Видзöда да,
öдва поигтыны кутіс. Син аканьыс кучикасис. Кымынкö
аттьö Митрейлы вичмис.

Дыр на эськö гырдемö синъяссö сы вылö чашйöдліс-
ны. Но бөрöзда бокысь кыліс «ой!». Ставөн сэтчö уськöд-
чисны. Видзöдам — Öпрöсь Гриш гатшөн туплясьö. Та-
мыш синсö чомрöдлö. И кадысь кадö ойгö.

А Гриш гöтыр вурзалөмөн сы дорö уськöдчис. Лёзь
ёрсна, няйт чужöмсö тшай юан платтьö бердас топöдіс.

— Коньөрöй дай, Гришукöй. Изведитіс тайö тэнö
öшкыд.

Гришлы мый, пыр öтарö «ой» да «ой».

Коркö и пельшөр воис. Голя помöдзыс вотöдз удитöма
тöкаритны. Уськöдчис Гришлысь ки-кок видлавыны. Сэки
Гришыд, тамыш синма лешак, и авöстіс: «Ой, да ты, ка-
линушка!»

Вөлөмкö, трустыд кывъяссö сыланкывйыдысь вунö-
дöма. Да. Вöлі татшöмыс. Олөмыд ваö оз вöй.

Василий Петрович вак-вакөн сералис пöчлөн висьталөм

вылө. Мөдыс, тыдалө, дзикөдз өддзис. Ёна нин сёр рыт воис. Серам сорнад эз и төдлыны кадтө. Вольсасыны колө, а Варуклөн ланьтөм абу. Василий Петровичлы дум вылас усн коркө важөнкодь лыддьөм висьт. Кыззи өти морт тадзи жө узымөдчөма мужичөй дорө. Сийө аслас сёрниөн дзикөдз пөгиб воштөма. Войнас садьмөдөмөн варовитөдө. Татшөм варов пөчюд вермас жө войбыд узытөг пукөдны»,— мөвпыштис Василий Петрович. Но Варук быттьө кылөма сылысь мөвпьяссө.

— Дас өти час нин тай. Со өд кыкөннад кыззи кадыд лэбзис. Вай инөсь водамөй.

Сийө вольсалис гөстэлы паськыд крөвать вылө, ачыс кайис паччөрө. Мужичөй виччысис, мый Варук кутас сэсянь бызгыны, но мөдыс ланьтөдчөма. Недыр чөв олыштөм бөрын век жө кыв лэдзис:

— Тэ эн дөзмы менам больгөм вылө.

— Нинөм, нинөм.

— Жальөсь ті, йөзын узылысьяс, меным. Гортныд дум вылад.

Сы йылысь думайтигөн рытыд ок кузь. Со и нинөм абусө сөра, медем сайкалнныд думьяссыныд. Но узы. Олөмыд ваө оз вөй.

А сэся ланьтис. Асывнас пөч куньканьөн чеччөма. Эз тай кывлы мужичөй чугуньясөн клонгөм, пескөн вөдитчөм. Но садьмис да, керка пытшкын вөлі шоныд, пач ваймөма. Көзаяка пөсь няньөн чөсмөдліс, челядыслы гөснеч вылө вөзйис. Сідзи и торйөдчисны.

Уджалигас, быдсямапөлөс сёрниясөн, паныдасьлігьясөн Василий Петрович эз вермы вунөдны тайө пөчсө. И кор гожся страда дырйи сийөс райкомсянь мөдөдісны буретш тайө сиктас уполномоченнөйөн, сылы окота вөлі паныдасьлыны ськөд. Варук вөлі горт дорас. Ошинь увсө ичөтик косаөн ытшкө. Кыкысь кымын эськө сапнитас нин да сөмын. Сэся веськөдчас, бура дыр сулалас.

— Баляясөс видзан?— юалис чөлөмасьөм бөрын мужичөй.

— Кысь нин меным. Ог. Но турунсө өд ытшкытөг он коль. Бөрас суседкалы сета.

— Мед, сідзкө, сийө ачыс томджык морт ытшкө.

— Сідз эськө да. Но страда өд. Кызкө аслым на окота. Со и ытшка кыззи сямма, важсө казытыла. Олөмыд ваө оз вөй. А тэ кытчө туйсө кутан?

— Тян сиктөдз вои. Сельсөветлань өні веськөдча.

— Узынытө өд локтан жө?— Варук видзөдліс сы вылө, быттьө казытыштис ассыс коркөя висьталөмсө.

— Лэччыны косья талун.

— Он кё вермы, то керкасё тодан. Ог ло ли мый —
ёдзёсыс карнана. Эн яндысь, пыр.

Василий Петрович ылөдліс. Сійё эз думайт талун весь-
көдчыны гортланьыс. Вежон чөж ковмас овны. Райком-
сянь индїсны, мый уполномоченнойяс мед век дасьёсь вө-
ліны висьтавны страда мунём йылысь. Кытысь тэнё найё
аддзасны юасьнысё? Сөмын сельсөветысь либё отделение
контораясь. Сы вөсна сійё көсийс узьмөдчыны сельсөветө.
Друг да звөнитласны, индөд сетасны.

Рытөдзыс Василий Петрович удитіс төдмасьны став
делөяснас. Сюрины кутшөмсюрө долыд и жугыль лыд-
пасьяс, кодьясөн позяс төдмөдны. Ветлөдлөмсьыс му-
дзыштөмөн воис сійё сельсөветө. Сэтчөс уборщица лөсьө-
діс сылы торья жырйө вольпась. Ачыс босьтчис идрась-
ны. Мужичөй недыр пукыштіс өшинь дорын. Видзөдіс
гожся ывла ылө. А сэсся кыв лэдзис:

— Мыйла тиян Варуксө пырейөн шуөны?

— Кытысь нө сійөс төданныд?

— Төвнас удайтчыліс узьны сы ордын. Зэв варов пөч.

— Варовнад тө варов, но оз таысь ыдждөдлыны пы-
рейнад. Оз кажитчы кодсюрөлы сылөн кывворыс. Сэтшөм
нин морт сійө. Век быдлаө суйсьыны зильө. Велөдны көс-
йө. Мукөдыс дөзмөны таысь. Мыжмөм мортлы сы шөрө
бурджык не веськавны. Сідз смекайтас! Но оз жө быдө-
нөс веськыда тешит, дорын узьлыны велөд. Кутчысяс кө
кодкө бердө, оз лэччысь, ляксяс.

Уборщица, ар нелямына нывбаба, ланьтыштіс, тыда-
лө, көсийс уськөдны дум вылас Пырей Варук олөмысь
серпас, коді эськө стөчджыка подулаліс сылысь шуөмсө.
Сэсся нюммуніс да водзө нуөдіс панөм сёрнисө:

— А менө нө кызди өтчыд чуйдіс уджөс вежны. Водз-
ті ме тані парикмахералі. Велөдны мөдөдлісны и быдөн.
Удачатөгыд көть нэмтө велөдчы. Шыра вөлі мужичөй-
ясөс. Вель дыр гөграла, медым бура артмис. Эштөм бөрас
найө рөмпөштан водзын сюсьяласны. Гөгөрвоа, мый оз
кажитчы. Сьөлөмтө забеднөыс чепльөдлө, а век уджала.
Паныд воим өтчыд Варук тьөткөд. Оттор-мөдтор йылысь
варовитам. Сэсся сійө кутіс Петыр Мишөс казьтывны.
Вөлі миян сэтшөм мортыс. Война вылысь кок пөлөн бер-
гөдчис.

— Фронт вивсьыд воөм бөрын сійөс Ыбө велөдчыны
мөдөдлөмаөсь,— висьталө Варук тьөт.— Сэні инвалидъ-
ясөс велөдлісны тшөтіөн гольскыны, снимайтчыны, гудө-
көн ворсны. Мишыдлы окота лоас гудөкасьны велөдчыны.

Няръялө-ворсө. Аслыс зэв кажитчө кизьсө личкавны. Но тӧлысьӧн «Козйӧ-козйӧбысь» ӧприч нинӧмӧ оз вела. Велӧдысьд и шуӧма, мый вай пӧ мӧдторйӧ велӧдчы. Таӧн тэнад кынӧмпӧт оз шед.

Сэсся мыйсюрӧ йылысь сёрнитӧм бӧрын торйӧдчим. Рытнас казтышти Петыр Миш йылысь висьталӧмсӧ да юрӧ быттьӧ нӧшкӧн вартисны. Ӧд тайӧ Варук тьӧтыд менӧ велӧдис. Эз веськыда шу, медым не дӧзмӧдны, но гӧгӧрвоана. Сы бӧрын регыд мысти шыбиті юр шыран уджтӧ. Бӧрас нин кывлі, мый менам шырӧм бӧрын мужикъяс ӧта-мӧдныслысь вӧлӧм лӧсьӧдышталӧны.

Нывбабалӧн висьталӧмыс садьмӧдис Василий Петрович юрын тӧвся волігас Варуккӧд сёрниысь ӧти юкӧн. Сӧ морӧ морт. Быттьӧ тӧдӧма. Сэки сійӧ юалис:

— Тэ чурки-буди абу йӧзӧс ызьӧдысь-ышӧдысь? Мӧслысьтысьяс мян кольчӧны. Гашкӧ, найӧс тормошитны воин?

— Абу.

— Миянӧ найӧ тшӧкыда волӧны. Торйӧн нин гожӧмнас. Мӧйму ӧти мужичӧй турун пуктыны ызьӧдны воліс. Ветлӧдлӧ сикт кузя, мышкуыс сельпо пыж пасьта. Быттьӧ сійӧ и мортыс. Сиктсаясыдлы тайӧ синмас жель кодь. Егорей вӧв кодь мужичӧйылӧн страдна кадад довъялӧмыд. Сӧмын дӧзмӧдӧ. Кольӧм гожӧм мӧд воліс. Менам керкаын узьліс. Вина юис. Код юрнас меысь варов, кыв оз лэдз сетны. Мися, мый нӧ кӧть йӧз дорас он петав. Ме пӧ пропсоюзӧн веськӧдла. Мыччысян на дорӧ да юмов вылӧ гутъяс моз пуксясны. Ӧти путӧвка корӧ, мӧдлы премия мыччы, коймӧдлы нӧшта мыйкӧ оз тырмы...

Василий Петровичӧс ӧдӧлитисны думъяс. Син водзас сувтӧдис Пырей Варукӧс, код быттьӧ аддзӧ сылысь лунся ветлӧдлӧмсӧ. Аддзӧ да нюмъялӧ. Мый тэ талун вӧчин? Но босьтін гоз-мӧд лыдпас. Отделениеын та дырйи тэ вылӧ ӧвад вылӧ моз видзӧдисны. Довъялӧ пӧ. Мый сыысь, кос лыдпасъыд? Но звӧнитласны, висьталан. Та могысь ӧмӧй тэно ыстисны? Колӧ аскисянь жӧ петны видз вылӧ. Йӧзкӧд тшӧтш страдуйтны. Чӧвтӧмыд эз на вун, ытшкыны на кужа и. Йӧзлӧн тэ дорӧ матыстчӧмыс мӧд лӧӧ. И лыдпасъяссӧ аслад ньылӧмӧн артмӧдан.

Тайӧ думъяссыс сійӧ небзьыштис. Окота лон аддзӧдлыны Пырей Варукӧс. Зэв окота.

— Игнав ӧдзӧстӧ,— вольпась идралӧм бӧрын шуис уборщицалы.

— Мый нӧ лоинныд? Мыйкӧ неладнӧ лон менам шуӧмыс?

— Ставыс ладнӧ,— нюмнас такӧдіс мужичӧй.— Варук тьӧт дорӧ муна узьны. Вонйын. Эм пӧ.

Сійӧ шавксӧдіс туй кузя. Ыджыда восьлаліс да мӧвпаліс. Век жӧ бур, кор эм мян костын Варук кодъ йӧзыд. Найӧ оз ӧшйыны морт дорӧ, а пыткас пырӧны. Варук ас ногыс шмонитӧмӧн, кытшлӧдлӧмӧн дивитӧ лӧксӧ. А тайӧ сямлун, мортлӧн ыджыд сямлун. Со и шуӧ сійӧ, мый олӧмыд ваӧ оз вӧй. Тайӧ коді на кызди оліс. Мукӧдыс куласны да дзуммунасны быттӧ ваӧ. Лун-мӧд казътыштасны сиктын. Сэсся быттӧ абу вӧвлӧма. А Варуклӧн олӧмыд ва веркӧсӧд кывтас и кулӧм бӧрас. Тайӧ нин шуд, ыджыд шуд, кор тэнад олӧмыд кулӧм бӧрад йӧзсӧ мыйӧкӧ велӧдӧ.

Со нин и Пырей Варук. Век на ӧшинь улас чуши-касьӧ.

— Эз ӧмӧй машинаыд сюр?

— Эз.

— Но пыр, сідзкӧ, тшай пузьӧдам,— пӧч видзӧдіс сы вылӧ ставсӧ гӧгӧрвоана синъясӧн.

Найӧ пуксисны тшай стӧканъяс сайӧ. Василий Петрович сатшкысис кызди позьӧ лӧсьыдджыка. Виччысис Варуклысь сёрни панӧм.

ВАСЬКА ПЕТЫР ДУГДИС ЮНЫ

Васька Петыр гозъя мыйкӧ бара нин юкӧны.

— Сетчис жӧ тэныд тайӧ уджыс,— гӧтырыс дузъяліг-тыр вайис пачводз дорысь руалысь шыд тасьті да вештыштіс пызан помын пукалысь верӧсыслы.— Мӧс нёнъ нюжйӧдлӧ, лысьтысьысь. Муж-жик!

Первоисӧ гӧтырыслӧн радысла вомыс эз пӧдласьлы, кор верӧсыс юӧмысь дугдіс. Тӧлысь кык на эз эскы, гусьӧн моз исыштны вӧлі кыйӧдӧ.

— Ог тӧд, ог тӧд, вермас-ӧ дзикӧдзсӧ дугдыны,— йӧз юасьӧмъяс вылӧ ышловзъыліс сійӧ.

Колины тӧлысьяс. Петыр вуджис мӧд удж вылӧ, Аннаыс вочасӧн вежсьыны кутіс.

Петыр мукӧд дырйиыс ас кежас ёна мӧвпалӧ пӧлыслӧн олан сям йылысь. Да и став нывбабаяс йывсьыс. Мыйсяма йӧз найӧ? Чужліс эз бара сэтшӧм мужичӧй, коді эськӧ быдторйын честьӧ уси налы? Ӧдвакӧ. Сійӧ тай ас

да матігөгөрса сиктъясысь некодос дум вылас усъкөдны оз вермы-а. Оти гозъяос ас сиктсысь думайтө вөлі бура олысьясөн. Тшөкыда кутчысьбөмөн мунөны. Нарошиө юалис накөд орчбөн олысьлысь.

— Тэнад сусед гозъяыд чурки-буди өтсөгласөн олоны?

— Өтсөгласөн,— вомсө көрліс модыс.— Мукөд дырйиыс весиг пызан ветьокыс торъя.

Со и сылөн Аннаыс. Вина юигас Петырөс ад горшөн ыдждөдліс, мед лёк кывъяснас нимтіс. Өні, кор оз ю, мыйла нин паныд мунны? Абу на и кокни винасьыд энотчыны. Төлысь куим юрыс бергөдчис. Вина гагйыс бурөн эз лэдзчысь. Сэсся быттьө выльысь чужис. Кокни лои. Вывті на и лөсьыд татшөм оломыс — юрыд оз клэнгы, семья пышкад ставыс лада. Гөтырыс бурмыштіс, и челядьыс матыстчөны. Тайө ставыс и кутіс морттө.

— Талун со Колюкным локтіс,— водзө пессьө Анна.— Мамук пө, мед батьөй бара юны босьтчас. Сэк пө менө нинөмөн эз нимтыны. Өні мөс нень Коляөн эльтөны.

— Тырмас!— көдзыда артмис Петырлөн.

Сійө пелька сувтіс. Чишкалөм меж юр кодь кабырсө тэрыба суйис зептас, быттьө вомдзалөмысь саймовтіс.

— Тэ думысь, меным бара юны босьтчыны?!— скөрмис сійө.

— Да ме ог тшөкты юны, ог,— такөдіс пөлыс.— Ачыл мөвпышт. Верстьө мужик, а мөсьясөс лысьтан. Этша сиктас нывбабаыс? А питө эльтөны.

Петыр эз кут водзө көртасыны тайө сёрниас, петіс улич вылө. Тувсов лун. Сиктыс паччөр вылын кань моз нюжөдчөма шонді водзө. Пөжө ассыс кузь төлын кымөм мышсө. Лунъясыс паськыджыка восьтісны синъяссө, унджык аддзылөны. Гажа кад... Во сизим нин, буракө, Васька Петыр прамөй ногөн эз аддзыв тайө мичлунсө. И өні шензис, быттьө пывсьөм бөрын морт, коді тай дивуйтчө, кытчө воши сылөн мудзыс.

Петыр мөдөдчис отделениеса контораө. Управляющөй суседыскөд велөдөма, мед пө мыччысьлас сы дорө. Петыр и ачыс көсйис пыравны сы дінө — талун сылөн шойччан лун, көсйис мөскыслы турунла ветлыны, өти сайын вөв корны.

Управляющөй, ёсиник ныръяса, майөг кодь кос морт, воча чеччис да юмола нюмдіс:

— Чолөм, Петыр, чолөм! Важөн нин тайө жыръяс эн кежав.

— Қортөгыл тай ог воы. А могыс гежөда сулө.

— Тэ талун шойччан?

— Кутшөм шойчөм ас овмөсад...— заводитліс воодны сёрнисө вөв корөмөдз Петыр, но мөдыс торкис.

— Шойччы, шойччы. Но менам мог тэ дорө суис. Рытладорыс сельпопы пес вайны со көсйим. Ачыд төдан, өтамөдлы отсасьтөг некыдзи. Колө отсавны йөзыслы. Со и көсья корны, медым отсыштін сөвтны да ректынысө.

Но тани Петыр смекнитіс, мыйла управляющөйыс тадзи төждысьө сельпо вөснаыс: неважөн сэтысь судзөдөма зэв ыджыд ковөр. Тайөс казгыштөмысь Петырлөн горзгыштис лов вылас и шуис:

— Ог эшты ме. Гортын уджыс юр вывтыр, турун вайны вөв вөлі көсья корлыны.

— Абу вөлыс, абу. Ставныс уджалөны,— дөзмөмөн видзөдліс сы вылө управляющөй. Быттьө шуалис: менө пө йөртан и ме тэнө йөрта.— Кайлы бөрти пескысла. Мөдысь вөвтө сета. И удждон сельпоыд мынтас. Ме ассиянь кык шойччан лун содта.

— Мыйысь нө татшөм лышкыдлуныс?— юалис Петыр.

— Öні тэ он ю, кадыд дона...— наяна шуис управляющөй.

— Мый ті менө өтарө гогналанныд ютөмнас!— ызмуніс Петыр.

— Водзті, мися, тадзисө эн куражитчыв да... Сідзкө, он мун пескысла?..

— Ог. Менам шойччан лун талун.— И Петыр скөрысь петіс контораысь. А сьөлөмыс аслас пузьөма.

«Сідзкө, горшад тасаси ютөгыс. Рад эськө вөлін, важ моз кө юи? Кутшөм өд сюсь, мед ме тэнад ковөр вөсна сьөд войөдз тільси. Кык шойччан лун пө козьнала. Вот пеж лолыд...»

Өтчыд тадзи жө, төдлытөг, кывліс гөтырыслысь суседкаыскөд сёрни. Чуланас вөлі пукалө. Буракө, дұмайтісны, мый абу гортас.

— Петырыд юнытө дугдіс да лөсьыд овнытө лои?— юалис гөстя.

— Лөсьыднадтө лөсьыд. Но мөдарсянь кө видзөдлыны, дышджык лои. Водзті, юигас, сулея юрсө кө вөлі петкөдлан, мусө и васө бергөдас. Көтөрөн вөчө. А öні — оз!..

— Сідзкө, мед бара юны босьгчас,— шмонитыштис суседка.

— Ен мед видзас... Ачым нин мыйсьюрө вөча, а оз жө мед тшыксьы...

— Сідзи и эм,— водзө нуөдіс суседкаыс.— Водзті быдөнлы тшупсьыны вөлі мунө, төдө юктөдөмтө да. Öні со зэв нин матысса йөзлы петалас. Вина оз ю и сьөмтө оз

босьт. Весиг корнысö тадзитö абу лöсьыд. Прöстö уджö-
дöм кодь лоö да.

Сидзсö, Петырлөн гöтырыс абу кулитана, мед көть та-
лун асывнас турбор мунисны. Вöлі кө кулитана, то важөн
нин эновтис бөрöзда бокин сургысь мужиктö. А сийö эз,
броткылас, а унаысь на сьölöм сетас.

Восьлалö Петыр да казьтылö восайся кольöмторсö...

— Васька Петыр вина юöмысь дугдöма,— шöйтис во
сайын Пугдым сиктöд юөр.

— Вай ланьт,— öлöдис юөр вайысьöс кодкö.

— Збыль öд, сё збыль.

— Порсьлы кө нигөн петас и...

— Код нö кутас сэсся йöз серам туяс овны?

Вина юöмысь дугдöм бöрас сийö казялис, мый дзикöдз
лэдзчысьлöм мортыдлы сиктад унаөн нин оз эскыны. Сы
вöсна управляющöй строительнöй бригадаö босьтигөн, көть
эськö юсьытöдзсы Петыр уджавлис сэни жö, дыр чегьясис.
Кутшöм пö надея, мый лун-мöд мысти бара оз юсы.

Строительнöй бригадаад сылы радсь лоины. Öд ун-
джыкыскöд водзти мыйта кер пом тильлисны-лэптылисны,
мыйта пельöс тшуплисны. А öни Петыр вина юысьяс вылад
синнас видзöдны оз вермы. Гашкö, зывök, гашкö, полö,
мый бара кыскас. Сöмын и муркöдчö-уджалö.

— Петыр, лок виртö вежышт,— удждон сеталан лунö
паськöдчисны вина юны да горöдисны сылы ёртъясыс.

— Ог көсийс,— Петыр мый вынсьыс сапкис черсö керйö.
Бергöдчис налы мышкөн, мед не аддзыны.

— Эн ыръянит. Лок,— корисны водзö.

Но сийö эз шыась, тшупсис. Кор пажын бöрын управ-
ляющöй воис татчö, Петыр öтнас муркöдчис керйөн.

— Көнбсь нö мукöдыс?

— Кытчökö тай мунисны,— ылöсас шуис Петыр.

— Но-о,— шпыньмунис мöдыс.

Мöд луннас мужичöйяс топöдисны морттö.

— Тэ кө он ю, то көть гортад мун, мед нин некод тани
эз бергав. Управыд миянлы синмö тойлö. Öти прамöй
морт пö лои тиян пövстын.

— Ог тай мешайт тиянлы. Юöй пöтмөнныд.

— Порсьлы нигөн чепöсийс,— шуыштис кодкö.

— Н-но-о!— ырсмунис сылань Петыр.

Татшöм зычитöмыс лон и водзö. Петыр быттö гулюяс
пиын ракаён лон.

Тöлысь кык уджалис. Мужичöйяс бара на сы вылö
дузьялöны. Тэныд пö лöсьыд, он вись да. Лунъясөн оз сёр-
нитны.

— Вай меным мѳд удж,— корис сійѳ управляющѳй-
лысь.— Накѳд ог вермы. Либѳ бара юся, либѳ косьѳ воам.

— Мужикъяс пѳвстад эз кут уджавсьыны,— чепѳльтіс
кывнас мѳдыс.— Сідзкѳ, бабаяс дорѳ мун. Мѳс лысьтыны.
На пѳвстын юысьыд гежѳдджык.

— И муна!— лѳк шмоньсьыс скѳрысла артмис Петыр-
лѳн.— Кѳть ѳні муна.

— Збыль ѳмѳй?— чуймис веськѳдлысь.

Воис Петыр скѳт картаѳ рытладорыс. Веськѳдчисны
управляющѳйкѳд. Картаас нырас чамгис куйѳд дук. А гын
сапѳга кокыс пыр жѳ кѳтасис.

— Со тайѳ мѳсьяссѳ кутан видзны Дунякѳд... Дуня?
Кѳні тѳ?

Мѳсьяс сайысь мыччысис Дуня.

— Вайи тѳныд велѳдчысьѳс,— шунис управляющѳй.

Ачыс тайкѳ поткѳдас картасѳ серамѳн.

— Этайѳ-ѳс?— тшѳтш пыльсмуніс Дуня.— Дыр-ѳ кеж-
лѳ нѳ?

— Кытчѳдз ачыс оз вела.

— Да ѳд тайѳ вѳрасѳ орѳдас. Видзѳд, кутшѳмѳсь чунь-
ясыс!

Блѳ нин колис скѳтнѳй дворын медводдза луныс. Быд-
сямаыс вѳвлі! И бабаяс тшетшкылісны, сиктад шмонит-
лісны.

Но йѳз серам вылад Петыр ѳнасѳ эз видзѳд. Дуня ве-
лѳдіс лысьтысьны аппаратѳн. Эз, дерт, ставыс первойсянь-
ыс лючки-ладнѳ артмы. Нывбабаяс кѳть кывнад крукыш-
тасны, но век отсавлісны. Сѳссия кутіс лысьтысьны ас ке-
жысь.

ѳтчыд гожѳмнас Дунякѳд веськавлісны мунны рытья
лысьтысьѳм вылѳ. Пастук вайѳдѳ вѳлі стадасѳ картаяс-
лань. Водзас мурзігытырйи муніс сьѳд сера ѳш. Муас юрсѳ
лѳдзлас, дѳллыс резѳ. Лѳкысь ымзігытыр веськѳдчис лысь-
тысьысьяслань. Пастук эськѳ кѳсйис жѳ ѳлѳдны, но кысь
нин. Петыр эз сѳтшѳма ас вѳснаыс, кызди Дуня вѳсна
повзис. Удитіс горѳдны:

— Дуня, котѳрт!— Ачыс ньѳжйѳник бѳрынтьчис. Син-
нас корис, мыйѳн мѳрччанаджыка лѳсышты ѳшлы. Со
нин матын гырді синма ѳшкыд. Кыськѳ тай вѳлѳма пельк-
луныс Петырлѳн. Крута чеччыштіс первой бокыв, а сѳссия
выныштѳмѳн шашаритчис ѳшлы нырѳ пысалѳм кольчаѳ.
Лѳкысь нетшыштіс кольчасѳ увлань. ѳш летіс юрнас, но
ѳна доймѳмысла регыд ѳвсис. Кольчаѳдыс и вайѳдіс кар-
таѳдзыс Петыр, домаліс.

«А көні нө Дуняыс?»— вирдыштіс мөвп, петіс да мөдіс чуксасыны.

— Тані ме!— кыліс амбар увсянь нывбабалөн гөлөсыс.

Петыр матыстчис. Дуня повзьём синъясөн видзөдіс сы вылө.

— А өшкыд нө көні? Эз дойд тэнө?

— Картаын нин. Кыдзи нө тэ татчө пырин?

— Ог и төд, кызди тювкнитсьөма...

Нывбаба водзө суйис юрсө, но пельпомыс пыкис. Ковмис Петырлы ывласяньыс мусө вештавны. Повзьём йывсьыд төрөма, а сайкалөм бөрад петны оз вермы. Ёна бөрас сералисны сиктын. А Петыр лоис дояркаяслөн медся пыди пуктана мортөн.

Восьлалө өні Петыр гортланьыс, шоньдпырысь казътылө тайөс. Видзөдө — сійө жө Дуняыс паньд локтө.

— А ме тэнө корся,— шуис тырөм лов шы пырыс Дуня.— Гортад волі и... Биыс мыйкө картаад дурө. Лысьтысьны ог вермөй прамөй ногөн.

— Монтёрыс нө?— нюмыртчыліс Петыр.

— Сійөс корсигкості луныс кольө, тэ медся өдийө вөчан...

— Мунам инөсь...— Петырлы нөшта на шоньдджык лои сьөлөм вылас.



Алексей Вячеславович ПОПОВ чужис 1950 воын, июль 25 лунө Висер вожса Ыджыдвидз (Большелуг) сиктын, Сторожевскөй среднёй школа помалөм бөрын уджаліс рабочөйөн СССР-лы 50 во нима совхозын. Армия бөрын уджавліс Көрткерөсскөй районса «Звезда» газет редакцияын, «Чушканзі» журнал да «Югьд туй» газет редакциясын. Ёні веськөдлө Усть-Вымскөй районса «Вперёд» газетын письмө отделөн. Уджысь ордчывтөг помаліс Сыктывкарса государственнөй университетльсь историческөй отделение. Медводдза висьт «Армияө ветлан арлыд» йөзөдліс «Войвыв кодзув» журналын 1971 воын.

КОМИ СЫЛАНҚЫВ

Пожѡма ягъясн,
 Вежѡдысь расъясн
 Каръясын, сиктъясн
 Вотѡс моз тыр,
 Тракторлѡн жургѡмын,
 Тѡлыслѡн шувгѡмын
 Комились сыланкыв кыла ме
 пыр.

Шорыслѡн тѡльгѡмыс,
 Лѡбачлѡн дзольгѡмыс
 Нюмъѡвтѡм му вылысь
 Некор оз быр.

Шондѡлѡн лѡччѡмыс,
 Сьѡлѡмлѡн чеччѡмыс
 Комиѡн сьылѡны ме пытшкын
 пыр.

Му вылас радуйтча,
 Ола да радейтча,
 Шудыс мед свет вывсьыс
 Некор эз быр.
 Ката и кылѡдча,
 Кывйѡн ог ылѡдчы.
 Чужанѡн, Коми му
 Сьыла тѡд пыр.

МУНИН МѡДКѡД Тѡ

Мунѡн мѡдкѡд тѡ. Талунъя рытѡ
 Ѧгнам коли ме. Сулала тшем.
 Дзѡбис тѡянлысь шѡпкѡдчѡм шытѡ
 Ва дор бадъ пѡвстѡ пышкыртчѡм
 льѡм.

Мыйла олѡмас овлывлѡ тадзи,
 Ѧти со радейтчѡ, мѡдыс нин оз?

Мыйлакѡ сѡмын некор он аддзы,
 Медым киссьѡ нин сѡвмытѡм роз...

Сѡтшѡм сап пемыд талунъя
 войыс,
 Синъяс тупкѡмѡн водзѡ кѡть мун.
 Сѡмын сьѡлѡмын чужтысьѡм
 дойыс
 Пыр на виччысьѡ шондѡ лун.

* * *

Кѡть и вом дорыд гѡрд, но
 кѡдзыд,
 Быттѡ кынмалѡм турипув.

Вай кѡть мыйтакѡ шоныдсѡ
 сѡдзѡд,
 Эз кѡ дзикѡдз на муслуныд кув.

Шуан, колльөдін мөдөс метөг.
Воддза муслунтө ме выв эн видз.
Но, а ме пыр на гажтөмчи тэтөг.
Быд лун казътывлі тэнсыд мич.
Сэк өд эскөдін: «Виччысыны кута,
Мыйыс сэссия көть мекөд оз ло...»
Вөлі сэки ме ставсыс шуда.

Служба кадййлөн колис кык вө.
Чышъян помъястө дугды гартны,
Лэптыв бөръяысь синъяслысь
мич.
Пөся окыштчөм миян эз артмы,
Сідзкө, мөдлы нин сійөс видз.

КЫДЗ ПУ

Көні нывъяс берег пөлөн
Катшасинъяс өктөны,
Сэні кызъяс кутчысьөмөн
Гажөдчөны-йөктөны.

Сөмын өти кызд оз йөкты,
Кыр дорышас сувтөма.

Сійө зонмөс талун тшөктө
Пыжө босьтны — мусмөма.

Сэтшөм окота кызд пулы,
Зонлысь пыжсө вөтөдны
Да өд полө мича пуыс
Сарапансө көтөдны.

МУСЛУН

Ю дор пөлөн нывка муніс,
Рытыс вөлі мича.
Гудөкасьөм быдсөн вуніс.
Сьөлөм дой оз личав.
Көса вылас льөм пу дзоридз,
Тувсов енэж синмас.

Матыстчывны кө сы дорөдз,
Чукөстны кө нимнас.
Сөмын сёрни панны ськөд,
Сьөлөм мыйкө полө.
Муслунсө кор мортыс кылө,
Мый и вөчны колө?

* * *

Мича эськө лежнөг дзоридз,
Сөмын чуткө китө.
Волі тэнад өшинь дорөдз,
Но эн өзтыв битө.

Киссьөм ягөдтө он өкты,
Кусөм би оз өзйы.
Мырдөн радейтны он тшөкты,
Мөдыд оз кө көсйы.

КОМСОМОЛЬСКОЙ БИЛЕТ

Вына лайнер корсис ассыс портсё.
Лёня шойчис вугралысь салон.
Лыйём шыён шызьёдіс, кор бортсё,
Места вывсьыс чеччыштём скёр зон.
Самолётлысь курссё тшөктіс вежны
Вөрөг кыин кутём пистолет.
Ёртьяс вылын тешитчыны пежлы
Стюардесса Надя сэк эз сет.
Ставнас налы ассыс шудсё юкис,
Мустём олём помёдзыс эз тэч.
Комсомольской съёлём нывлён кутіс
Экипажлы метитём свинеч.
Кодзув чутён снэж вылө колин.
И выль рейсё талуон он нин пет.
Сёмын дона казътывлантор коли —
Кумач вирнад гөрдөдём билет.



Михаил Юрьевич ЛОГИНОВ чужліс Кулёмдін районса Улыс Воч сиктын 1954 воын. Помалис 1975 воын Коми республиканской культурно-просветительной училище. Уджавліс Помёсдінын культура керкаын. Сэсса веськөдліс сэні жö народной театрöн. Оні уджалö Сыктывкарса ЛПК-ын.

ГИМНАСТЁРКА

*Батьлы, коми журналист Д. С. Горчаков-
лы, кодi усис 1941 воын Ленинград дорйи-
гöн*

Шкапын öнöдз видза
Батьлысь гимнастёрка,
Финскöй вылысь гортö
Мыйöн воліс коркö.
Гöрд рöма петлицасö
Доралöма съöдöн,
Да эмаля кубикъяс
Сярвидзöны сэтöн.
Дас лун батыöй шойччис
Ранитчылöм бöрас —
Сэки вöлі меным
Медся долыд пöра.
Школаысь сэк гортö
Локта вöлі скачöн,
Война йылысь кывзыштны
Медым эськö батылысь.
Фронтвиккöд сёрнитны
Волывлісны гортö
Удж вывсыныыс баты дінö
Журналистыяс-ёртыяс.
Öдйö, öдйö колисны
Менам шуда лунъяс —

Война вылö батыöлы
Бара ковмис мунны...
— Казьтылантор пиыдлы
Коль кöть, — мамыö долис.
Вывсыс гимнастёркасö
Баты сэк меным колис.
Шуд да мездлун дорйыны
Врагысь вöлі колö —
Уна сюрс морт жалиттöг
Сетіс ассыс олөм!
Ленинград каргөгöрса
Вөр-ва, муяс, висьталöй!
Кöні батыөн медбөръяысь
Вирсö лои кисьтöма?..
Сöмын муяс, вөр-ваыс
Воча кыв оз сетны,
Быттö гусаторйöс моз
Тайöс колö дзебны...
Öнöдз видза батыöлысь
Дона гимнастёрка.
Политруклөн формаыс
Татшöм вöвлі коркö.

Геннадий (Гений) Дмитриевич ГОРЧАКОВ чужис 1927 воын Ви-
зинын. Помавліс 1947 воын театральнöй студия Коми драмтеатр бер-
дын. Уджалис Объячевоын, профессиональнöй театрын, сэсся веськöд-
ліс сэні жö народнöй театрöн, Эжваса бумажникъяс культура керкаöн.
Г. Горчаков — челядьлы пьесаяслөн автор. «Йитчы-клеитчы» пьеса
серти Коми республиканскöй драмтеатр сувтöдліс спектакль. Книгаын
йöзöдöм кывбурыс — усьлөм журналист-батыыслы сіөм кыв.

ПАРОДИЯС

ТӨДТӨМ ГОРТ

*«Пывсьөм бөрас нин гөгөрвои,
Мый ме бара на гортө вои».*

(А. Ванеев. «Гортса пывсян».)

Сиктыс төдтөм. А быттьө и төдса...
Кытысь аддзылі татшөмсө мөдсө?
Тайө уличті быттьө нин мунлі,
Сөмын быдлаын вөвлан, дай вунлө.
Коді паныд оз лок: «Альберт, чолөм!»
Менө төдөны, сысы мен долыд.
Сідзкө, прөстө ог шусы поэтөн —
Төдлөм понйыс кө лапсө мен сетө.
Паныд мужик со, кias — кык корөсь,
Менө пывсьыны аскөдыс корө.
Пырны али не пырны — ог артась,
Кывлі, пывсигөн бурджык стих артмас.
Жарыс пельясөс чишкаліс — сотіс,
Но, а мужикыд ещө на содтіс...
Пывсьөм бөрас нин гөгөрвои,
Мый ме бара на гортө вои.

ӨНІЯ СИКТЫН

*«Быттьө талун трактор «Беларусь»
Жургөм пидди сыланкывьяс сьылө,
Быттьөкө оз мөс, а дзодзөг-юсь
Иирсьынысө лэччө лапта вылө».*

(А. Ванеев. «Сиктса ныв».)

Ыджыд оськов водзө вөчис сикт!
Дивуйтчан, кор видзөдлам сы вылө:
Трактор жургөм оз кыв ньөти дзик,
Сыланкывьяс талун сійө сьылө.

Лэччө дзодзөг-юсь, оз мёс да вёв,
Йирсьынысё ласта вылө өні.
Сиктса войтыр юё лэбач йёв.
Татшөм дивё сэсся аддзан көні?!

Уна дивё сиктын нёшта эм.
Висьталіс мем пызан сайын шурин,
Быттьөкө и пуксьывлө нин сэн
Пуяс вылө кузь кокъяса тури.

МУСЛУН КОС ПОВОДДЯ ДЫРИИ

*«А медым эськө ёна зэрис
И петалис көть сэсся шерыс,
Ме сайёдышти эськө тэнё,
Тэ топёдыштин эськө менё.
Сэк шудабсь, ме чайта, долім!»*

(В. Лодыгин)

Кор аддзи — гөгөрвои пыр жё;
Ме пытшкын муслун би моз ырзьё.
И сэки тэнад съёлөм сідз жё
Эз көдзыд руөн мелань видзёд.
И сывьясьны нин коліс,
Да матё матыстчыны полім:
Өд поводдяыс вёлі кос,
И биён ышмавны эз позь.

ТӨДТӨМ СЁРНИ

*«Мыйкө тэд висьтала кузя.
Мый йылысь, ачым ог төд».*

(В. Лодыгин)

Өні поэтөн ме шуся
Кывьястө прөстө ог лөд.
Мыйкө тэд висьтала кузя,
Мый йылысь, ачым ог төд.

Гижә поэма и кывбур.
Та вылө эм ыджыд өд.

Сэтшөма пелсөдла кывтө,
Мый йылысь сёрни — он төд.

Кодлыкө дивё кодь овлө,
Йёзөдла гижөдъяс кор.
Гижлыны сідз, вокъяс, ковлө,
Ачыд мен эн гөгөрво.

Лыддяс-ö кодкö? Мен öткодь,
Но шус мен öти морт:

— Мый йылысь больган, он
тöд кö,
Ас пытшкын кут больгантор.

ЮКСЬОМ

«Юкла пыр, мый эм, шöри»...
«Иирмөгсö кодлы юка ме»...

(С. Попов)

Юкла пыр, мый эм, шöри.
(Мöд ног вöчны кö — грек)
Коді пыралас, сьöрас
Кыскö джын — мыйкö век.

Таысь керкаын менам
Дзоньсö нинöм эн корсь.
Эмбур тупкö джын-стена,
Öдзöс пырны оз сор.

Джын-джодж вылын — джын
пызан,
А сы дорын — джын стул.

Ставыс тані — джын кыза:
Мед кöть часі, кöть тув.

Нинöм йöзысь ог сайöд,
Юкла шöриön дзик.
Он кö веритöй, тайöс
Тіян висьталас сикт.

Тэ кö пыралан, другöй,
Он, дерт, кушöн жö кос.
Иирмөг вай тэкöд юкам,
А то висьöдчö кос.

ШУДА ОЛÖМ

*...«Кутшöм эм, а гöтыр эм
Енэж улас менам»...*
*...«А ме, чайта, шуа на
Коркö тайöс шудöн».*

(Г. Юшков)

Абу нывбаба, а чöрт
Гöтыр меным сюрис.
Сыысь олёмöй, ог сөр,
Лоис сирысь курыд.

Сöмын гöтрасим кö — сёр
Корсьны бөрö кежд, кöть
и нэм чöжыд оз ор
Гöтыр вылö вежыд.

Зыкын коляс лун и вой,
Но оз сетны некод
Ог тöд: светас эм-ö вот
Көнкö олысь мё кодь.

Мукöд дырйи думайтла:
Гашкö, сетны судö?
Но ме, чайта, шуа на
Коркö тайöс шудöн.

КӨЧ КОДЬ СТИХ

...«Көч бөж кузьта гожомой»,
...«Көч пель пасьта лым».

(А. Мишарина)

Көч бөж кузьта гожомой
Пышйис, быттьо вөт.
Көч кокъясыс чождьсь зэв.
Нинөмөн он вөт.

Регыд локтас мянө
Көч кодь еджыд төв.

Көч пель пасьта лым чирйөн
Кутас өвтны төв.

Көч кодь шоныд пасьясөн
Тупкысянныд ті.
Ковмас гижны тулысөдз
Көч кодь еджыд стих.

ПЫЖ ДА ОЛӨМ

*«Морт олөм ю быть вуджны колө,
Көть дзонь, көть розьбось менам пыж».
«Ме пыжөс бөрийны эг кужлы,
И пелыс корсьны сям эз вөв».*

(В. Власов. «Олөм».)

Мый олөм — ю, ме томсянь эска,
И сийөс вуджны колө пыж.
Но мыйла менө оз ну весьтас,
Эн корсьой таысь менсьым мыж.

Ме пыжөс бөрийны эг кужлы,
И пелыс корсьны сям эз вөв

Но олан ю быть колө вуджны,
А сийөс подөн сідз он кев.

Көть розьбось сюрөма мем пыжыс,
Ме талы весиг радла на.
Өд куга вуджны кымын дыша,
Ме сымын унджык коя ва.

ЖАР ЛУНӨ

*«Став карыс — ваын.
Некодөс он кый.
Көть донъяв бөр и водз кар пасьталаыс.
Ю вылө видзөдла и эска сэки,
Мый
Став ловъя лолыс петавлөма ваысь».*

(В. Тимин. «Жар лунө».)

Кор велөдчылі,
Вөлі том и йөй.
Мый ваысь петім — некор ме эг
эскыв.

Ме думайті,
Мый медводз вөлі сөй,
А мөд ног шуөм — сөмын
пиньяс кеслөм.

И думайтi ме
Эськө тадзи дыр,
Эг волю кӧ ме ӧтчюд
Сыктывкарӧ.
Эг аддзы сэтысь
Весиг ичӧт шыр,
Став карыс — куш,
Кӧть гӧгнит сэтi шарӧн.

Ю вылӧ видзӧдлi
И эски сӧки,
Мый
Став ловъя лолыс петавлӧма
ваысь.
И ӧнi менӧ
Удж вылысь он кый.
Ме — ваысь петӧм,
Бульдыкася ваын.

ЮКМӦС, КРАН ДА МУСЛУН

*«Ваыс киссьӧ, булькйӧ-пессьӧ кранын,
Юкмӧсдорса томлун казътӧ мен».*

(Ю. Васютов. «Ӧшалӧ музейлӧн стенин карнан».)

Ола карын. Васӧ босьта кранысь,
Юкмӧс дорӧ лӧччывны оз ков.
Козьналі музейлӧн стенин карнан.
Ӧнi, майбыр, сӧмын сьыв да ов.

Ваыс киссьӧ, лун кӧть вой — оз дугдыв.
Юкмӧсдорса томлун казътӧ мен.
Вӧлі сӧмын тӧкӧтьӧ на югдӧ,
Юкмӧс корас — паныдасям сэн.

Ерта-ӧртлы кыв ни джын ог шулӧй,
Сӧмын гӧрдӧдыштас чужӧмбан...
Ӧнi краньяс дорын зырта улӧс,
Но оз гӧрддзасьыв любовыд тан.



Петр Феликсович БУШЕНЕВ чужліс 1956 вося июль 12 лунӧ Удорскӧй районса Мучкас сиктын. 1962 воын семьяныс вуджис Ыджыд Яг посёлкӧ. Сэни и П. Бушенев помаліс 8 класс. Сэсса велӧдчис Косланса шӧр школаын. Помалӧм бӧрас уджаліс слесарӧн Косланскӧй лесопунктын. 1974 воын пырис велӧдчыны Коми государственнӧй педагогическӧй институтӧ, кодӧс помалӧм бӧрын уджалӧ Косланын, шӧр школаын. Велӧдӧ физика да астрономия.

Медводдза кывбур йӧзӧдіс «Войвыв кодзув» журналын 1977 воын на. Книгаӧ пыртӧма сылысь пародияс, кодьясӧс вӧлі йӧзӧдлӧма «Войвыв кодзув» да «Чушканзи» журналъясын, газетьясын,

Тайӧ книгасӧ артмӧдысь авторьяс

| | | | |
|-----------------------------|-----|--------------------------------------|-----|
| Александр Лужиков | 3 | Александр Некрасов (Гамса) | 182 |
| Евгений Уляшев | 9 | Елена Козлова | 186 |
| Михаил Елькин | 57 | Василий Истомина | 191 |
| Ергений Козлов | 62 | Альбина Ануфриева | 192 |
| Рячеслав Бабин | 66 | Михаил Худяков | 201 |
| Александр Улянов | 69 | Эдуард Тимушев | 203 |
| Алексей Тимушев | 89 | Анатолий Пальшин | 206 |
| Вячеслав Шевелев | 97 | Владимир Логинов | 213 |
| Анатолий Изъюров | 99 | Зоя Рогова | 215 |
| Егор Потапов | 107 | Анатолий Ракин | 221 |
| Николай Никулин | 113 | Алексей Попов | 224 |
| Алексей Филиппов | 148 | Михаил Логинов | 247 |
| Семен Кынев | 160 | Геннадий Горчаков | 250 |
| Пик Артеев | 172 | Гетр Бушенев | 251 |

Коллектив авторов

ГУЛ ПАРМЫ

Литературно-художественный сборник


На коми языке

Редактор-составитель **В. А. Попов**. Художественный редактор **В. Б. Осипов**.
Технический редактор **А. Н. Вишнева**. Корректоры **М. М. Дейнега**, **В. М. Ви-
тяева**.

ИБ № 748

Сдано в набор 17.09.84. Подписано к печати 26.11.84. Ц00135. Формат 84×108^{1/32}.
Бумага тип. № 2. Литературная гарнитура. Высокая печать. Усл. печ. л. 13,44;
усл. кр.-отт. 13,86; уч.-изд. л. 14,86. Тираж 2000. Заказ № 5350. Цена 1 руб. 30 коп.
Коми книжное издательство, 167610, Сыктывкар, ул. Карла Маркса, д. 229,
Дом печати.

Республиканская типография Государственного комитета Коми АССР по делам
издательств, полиграфии и книжной торговли. 167610. Сыктывкар,
ул. Первомайская, 70.



1 р. 30 к.

Коми книжное издательство 1984